

Quo libro maxime per os istos sit admodum te quid

0.6
V.I.8.

Universitäts-Bibliothek Wien
II
261067
INCUNABEL

Aus
der Bibliothek der k. k.
Theresianischen Akademie
in Wien
angekauft am 17. Februar 1899.

(Erlass des Curatoriums * * * * *)
* * * * * ddo. 31. Jänner 1899.)

E. S.

*Yonny /ix p'ctoy
x autitt xoy plus*

Die sequenzen von der heiligen Trinalitat die man all Quintag singt die die lest oft mit andacht So wirt u flig an sel vns an leb. . .

Es sey die heilig Trinalitat vns die gottait gleiche ere Der vater vnd der sun vnd der heilig geist drey sind der namen all in einem wesen Got geperev got geperev In in pader der heilig geist gefellen in der gottait Jedoch sind mit drey got ist also ist der here der sun vnd auch der heilig geist Die eigensthaft ist in der persom vnd die amkait in den wesen Die almochtigkait ist gleich vnd gewaltigkait zue ere gleich vber alle ding Der die stern vnd das mer ist haltunt gleich vnd alles das gepaen ist Den so fruchtent die nydristen abgeimt vnd vae dem expidient die nydristen hellen Nun all steyrb vnd all zungen bechernt den mit amen gleichen lob Den so lobt die sun vnd der man vnd die vuerdigkait an pett die englistige sthar vnd zueer mit amee haechen stimb alle singer wie die graegelten gefang Eya vnd eya min mitem andee subilee wie dem heeren in dem obersten trostleiden tean mit lob vnd in der hochend Verchaffte Trinaligkait G anpetliche amigkait Durich dich sey wie pesthaffen du warhaffte ewigkait Durich dich sey wie celost du aller hochster lieb Alles veltig put wie geruech zu pesthaffme ich haubettig celos vnd raing vns Dich an pet wie almochtigen dieer wie dieel sey lob vnd glori durich die vrentleig velt der velt amen tipfen Dich got den vater vngepaen dich got den sun am gepaeren dich ster heiligen geist dich heilige vnd vngetaulce Trinaligkait mit ganz hertzen vnd mind veruegen vnd loben vnd wolffprechen wie diee in rigkait **Verseel** Sagen wie lob dem vatter vnd dem sun vnd dem heilige st loben wie in vnd eeheren in In ewigkait **Colecten** Colecten

Seer eehe mein gepet vnd wiey rufft thom zu dieer wie putten Almochtiger ewiger got der geben hat seinen dieneren in der erghantnuß des waen glauben die ere der ewigen Trinaligkait zu erghemen vnd in der mochtigkait seiner maegstat an zu putten die amigkait putt wie das du vns verleichst das wie in der thrafft des waen glauben wech zu aller zeit vae aller widerwertigkait bestgerembt Durich den der da komund ist zu richten lempfig vnd tad vnd die velt durich das ferre amee

+AM47030840X

[Handwritten notes in a cursive script, likely a personal prayer or reflection.]

II
 261067
 Incunabel

In diesem buch findet der andechtig mensch ein gar nut: per-
 liche materi: die ym wol dienet zu dem hail seiner sele. Wann
 da ist begriffen ein lobliche andechtige vnd kunstreiche erkler-
 ung der zwölff artickel des cristenlichen glaubens mit schönen
 fragen vnd leren. als der fleissig leser wol erkunden mag.

<p>Abtgötere: von wann- en sie entspring. in dem ersten artickel X</p> <p>Abtgötere: der tüfel. da selbst.</p> <p>Abtgötere: d gestirn. da selbst</p> <p>Abtgötere: d elemēt da selbst</p> <p>Abtgötere: d pildnuß. erst Y</p> <p>Abtgötere: der wort. da selbst</p> <p>Ablaf wirt aufgeben x. B</p> <p>Ablaf fiertzig tag. da selbst</p> <p>Ablas ob einer d̄ andern ver- dien. dauon such in dem x. C</p> <p>Ablaf ob er helff die in d̄ seg- feur. dauon such in dem x. C</p> <p>Abrahams schoß iiij. D</p> <p>Abstig zu den hellen v. A</p> <p>Abstiegung wann die gesche- hen sei. dauon such in d̄ v. E</p> <p>Adam ist erschaffen worden auffhalb des paradif j. E</p> <p>Adam ob d̄ nit gesünt het j. E</p> <p>Adam ward entschlaffen in gnaden. da selbst.</p> <p>Adam fiel in die sünd j. S</p> <p>Almechtigk̄eit ist einig j. B</p> <p>Almechtigk̄eit gottes j. S</p> <p>Almechtigk̄eit erforderet dreü ding. das such auch da selbst.</p> <p>Almechtigk̄eit sündet nit j. H</p>	<p>Almechtigk̄eit werdent etliche werck zugelegt j. H vnd J</p> <p>Almechtig ob sie gott der sun sei. dauon such in dem j. K</p> <p>Almechtigk̄eit wirt gott dem vatter zu gelegt. da selbst</p> <p>Almechtigk̄eit wider sprech- ent die ketzer. in dem j. L</p> <p>Amen was dz bedeut. am end</p> <p>Artickel des glaubens in der vorred L</p> <p>Artickel des glaubens der sind zwölff. in der vorred M</p> <p>Artickel setzent etlich fiertze- hen. das such in der vorred P</p> <p>Artickel was die inhaltent P</p> <p>Artickel von d̄ gotheit da selb</p> <p>Artickel von d̄ menscheit cristi des herren in der vorred Q</p> <p>Artickel d̄ erst woz er in helt. j. A</p> <p>Artznei der sünd x. S</p> <p>Egrebnuß vnser s her- ren ihesu cristi iiij. O</p> <p>Begrebnuß geschach vō dreierlei sach wege iiij. O</p> <p>Behendigk̄eit des glorifiziert- en leichnams. in dem xij. X</p> <p>Bewegung zu sünden x. E</p> <p>Bildung cristi wie man die</p>
--	---



ren soll. das süch in de viij S
Bildung ist auff gesetzt von
dreierlei sach wegen. da selbst
Bildung gotes fater s daselb
Bitten soll wir maria viij. H
Biten die heiligen. in dem x D
Betten wem das zu hilff kum
darnon so süch in dem v. C
Bet sind mengerlei viij. F S
Böses ist mer wenn güts j D
Featur ist von got er-
schaffen j. N vnd O
Creat ist dreierlei j. O
Creatur ist bresthafft j. T
Creutz christi des herren ob
wir das sollen anbeten j. H
Ndecrist wirt betriegē
die menschen vij. A
Endecrist zaichen wer-
dent lügenhafftig vij. B
Endecrist wenn der geboren
soll werden. süch in dem vij. E
Endecrist wem der predigen
werd. darnon süch da selbst
Endecrist wirt habē grossen
gewalt. dauon lif daselbst
Endecrist tod w3 werd nach-
volgen. das süch in dem vij. F
Engel hat got erschaffen j O
Engel sind das gestirn des hi-
mels. das süch in dem vij. J
Engelische erkantnuß die ist
zweierlei. süch in dem vij. M
Engel ob die erkennen alle
ding. dauon süch in dem vij. N

Entpfangen von dem heilige
geist. süch in dem iij. B vnd C
Erbünt wy dy geschēke j S
Erbietung des tufels viij. J
Erbietung götlicher er viij. K
Ere erbietung der leit xij. J
Ere abschneidung xij. K
Ergierigkeit ist sünd xij. N
Erkantnuß xpi fünferlei iij. c
Erkätnuß d wassagüg viij. s
Erstanden von dem tod v. L
Ertznei folgt nach de sal ij. A
Eua die ward betrogen j. S
Ewiges leben. in dem xij. A
Ewigs lebē w3 dz inhelt. ibid
Ewigs lebē wer es gert xij. A
Al des menschen j. Q
Fegfeür das peyniget
die sele. in dem v. ar. B
Fegfeür prent nit gleich die
selen. süch in dem. v. artickel C
Fegfeür glaubē etlich nit v. J
Feind soll man grüssen xij. Q
Fleisch zeitlicher ding xij. S
Flüchen ob das alleweg böß
sei. darnon süch in dem xij. L
Forht ob die totsünt sei xij. M
Fragen von der abfarung zu
der helle. süch in dem v. E
Freud d ewigkeit vj. K vñ L
Frucht des geists in de xij. Z
Fürsar de iugste gericht vij. h
Aben der selen xij. T
Hab des glorifizierten
leibs süch in dem xij. V

Gabe des heilige geists xij. Z
Gaiſt iſt zweierlei viij. B. C
Gaiſt kumpt von dem vatter
vnd von dem ſun viij. D E
Gebott iſt zweierlei j. Q
Geborn aus maria iij. D E F
Gemainſchafft 8 heilige x. A
Gemainſchafft der heiligen zu
erwerben x. B
Gerechtigkeit xij. H
Glaub wirt gehindert durch
neün verſach in der vorred A
Glaub iſt wunderberlich ge
feſtnet in der vorred D
Gelaub was der ſei. vorred L
Glaub iſt genant ſymbolū M
Glaub des leichnam criſti N
Glaubes ſind dreierlei verſam
lung in der vorred Z
Glaub got in got j. C
Gelaub in ihesum ſein inge
bornen ſun ij. A
Glaub in heiligen geiſt viij. A
Gnad hindert die ſund. vor. A
Gnad iſt dreyſaltig viij. M
Gnad die genē macht viij. O
Göttlich einig weſen j. A
Got der ſicht alle ding j. D
Gotes erkantnuß iſt vollkom
men in dem erſten artickel D
Got gemainet ſich j. E
Got iſt genant ein vater j. F
Gotes wolgefalner will j. M
Gottes würckung iſt ſechser
lei. daruon ſuch in dem j. Z

Elig geiſt wirt ange
betet in dem j. F
Heiligen geiſtes ſend
ung in dem viij. K L M
Heilig geiſtz würckung viij. M
Heilige geiſts offenbarung P
Heilig criſtenlich kirch ix. A
Heilig ſol wir anruffen x. D
Heiligen ob die hören vnſer
gebet in dem x. E
Himmel wie dy geteilt ſint j. O
Himmel ſind zehen vi. F
Himmelſch geſtern ſind engel.
daruon ſuch in dem vi. J
Himmelſche freud vi. K L
Hauptſünd wanon die iren
namen hab x. D
Hoffnüg iſt ein tugent xij. O
Hoffart pringt irung. vor. B
Höll iſt durch xpx erſtört v. A
Höll premet mit gleich die ſe
len in dem v. C
Hell der altuätter v. D
Helliſch rigel woz die ſind v. F
Helliſch pen iſt ewig v. G
Iheſus bedēit götliche
natur in dem ij. B
Iheſus hat mēgerlei
namen in dem ij. C
Iheſus iſt dz ewig wort ij. D
Iheſus iſt ein einiger ſun ij. H
Iheſus iſt vnſer herr. da ſelbſt
Iheſus ein ſüſſer nā. da ſelbſt
Jungfrawſchafft was die
ſei. vñ vil vō iunckfraue xij. D

^{articulo}
p. indulgentie. x. B. ſtute maria

Etzerei kumpt aus der
 hoffart. in 8 vorred B
 Ketzerei die kumpt vō
 zweien sachen. in der vorred f
 Ketzere wider sprechent gotes
 allmechtigkait j. L
 Ketzerei von dē leide ihu iij. K
 Ketzerei Pelagii v. H
 Kindlin der vnschuld vij. Z
 Klügheit ist ein tugent xij. M
 Kristenlich kirlich ist ein cre-
 atur. in dem ix. A
 Kristenlich kirch anfang ix. B
 Kristenlicher kirchen gemein-
 schafft. in dem ix. D
 Kristenlicher kirchen stetig-
 keit. süch in dem ix. E
 Kron vnsers herren iij. B
 Krönlin der martreer xij. X
 Krönlin ob dz in xpo sei xij. V
 Krönlin ob das in den engeln
 sei. das süch auch da selbst.
 Krönlin. ob das Marie gege-
 ben sei. das ist auch da selbst
 Krönlin 8 predicanten. ibide
 Kunst lernen on rechte maß.
 das süch in der vorred G
 Ernen das hail der sel
 das süch in 8 vorred g
 Lernen sich selbs ken-
 nen. das findest auch da selbst
 Lernen got erkennen. da selbst
 Lernen mit fleis. vorred H
 Lernen vmb ein güet end J
 Leib des menschen j. P

Leib cristi begeben iij. O
 Leib der erstanden ist v. N
 Leiden vnsers herren iij. A B
 Leiden cristi ist ein gemain lei-
 den. in dem iij. D
 Leiden cristi was ein scharpf
 leiden. das stat auch da selbst
 Leiden cristi was ein pittre lei-
 den. in dem iij. D
 Leiden vnd wollust was in 8
 sel cristi. in dem iij. E
 Leiden cristi was ein versch-
 mecht leiden. in dem iij. G
 Leiden vnd vorleiden ist zwei-
 erlei. in dem iij. H
 Leide cristi wescht vnsere sünd
 süch in dem iij. M vnd N
 Lieb der drifaltigkeit ij. G
 Lieb ist ein tugent xij. P
 Lieb wirt gemindert. daselbt
 Lieb wirt widerpracht. ibide
 Lieb sol wir nit haben den tū-
 fel. das findest auch da selbst
 Lieb der feind. auch daselbst
 Lieb freundes vnd feindes we-
 liche forderlicher sei xij. Q
 Lieb wie die ordnet sei xij. Q
 Lieb wie die müg erkent wer-
 den. in dem viij. T
 Lieb haben vatter vnd müt-
 ter. in dem xij. Z
 Lieb habē den geistlichen va-
 ter. das findest auch da selbst
 Lieb w3 werck sie hab xij. Z
 Lon ist drifaltig xij. S

Amore caritatis

Lon d zufallent ist in dē xii. X
Aria ist ein süßer nam
dauon süch in dē iij. F
Maria ist allweg iunck
fraw beliben. in dem iii. F S
Maria ob dy freud het zu der
zeit des leidens cristi in dē iiii. F
Maria ob die sei gewesen ein
martlerin in dem xii. arti. Y
Martex vnser herren iiii. A
Martex was sein eigenschaft
sei. daruon süch in dem xii. Y
Maß in Kunst. in d vorred S
Menschlich vstentnuß vorr. E
Mensch vō got erschaffē i P
Menschlich sele ist erschaffen
aus nicht. das süch da selbst
Menschlich leib ist gemacht
aus laym. in dem ersten P
Menschlich natur hat got be
gabet. in dem ersten P vñ Q
Menschwerdung cristi iii. A
Mensch wirt in fier weis iii H
Mensch erken sich selb xii N
ffenbarung geschicht
in fierlei weis viii D
Opffer haltet inn fier
ding. dauon süch in dem iiii J
Ordnung in Kunst. vorred S
Origenis ketzer ei in dem v S
Oug des menschen ist dreier
lei. daruon süch in dem i. Q
Echtfertigung des sün
ders. in dem v. M
Zechts maß ist fünfer

lei. daruon süch in dem vii. M
Zecht gottes erforderet zwei
erlei ding. in dem vii. P
Zecht gotes ob das geschech
bey tag. süch in dem vii. T
Zecht gottes ob das muntz
lich geschech daselbst
Zichtē lebend vñ toten vii A
Zichtē wend herz wert vii L
Zichten wirt cristus in mens
schlicher gestalt vii M vñ N
Zigel der hellen was die be
deütent. das süch in dem v. F
Zingfertigkeit des glorifizir
ten leibs. in dem xii. artickel X
Elligkeit ist zweierlei.
daruon süch im xii S
Selligkeit was die sei
an ir selbs. süch auch da selbs
Seligkeit der heiligen xii. Y
Sehen gesichten viii. ar. Q
Sel ist aus nicht erschaffen.
daruon süch in dem i. P
Sel wañ sie erschaffen wert
Sel cristi vnd ir gnad iii. D
Sel xpi hat freud vnd leiden
daruon süch in dem iiii. E
Sel cristi hat geliden iiii. E
Sel cristi gefaren zu den hel
len daruon süch in dem v. A
Sel stirbt nit mit dem leib. da
uon süch in dem. v. artickel T
Sitzen zu der gerechten gots
tes. süch in dē vi. N O vnd P
Spot ob dz todsünd sei xij O

Stern fallen von himel vij. F
 Stamm der trumeten vij. K
 Sterck was die sei xij. M
 Sterck hat vnder ir vier tug-
 ent. das süch in dem xij. N
 Subtilheit des klarifizierten
 leibes. das süch in dem xij. X
 Sünd hindert verstentnuß. in
 der vorred A
 Sünder sol sprechen den glau-
 ben. das süch in dem j. C
 Sünd wirt nit vergeben
 außserhalb der kirchen x. G
 Sünden artzney da selbst
 Sünd wie die vergebē werd
 daruon süch in dem. x. H vñ J
 Sünd teglich ald teglich. in
 dem x. K vnd L vnd S
 Sünd wie dy groß geheissen
 werd. das süch in dem x. N
 Sünd ist ein vsach einer an-
 dern sünd. süch in dem x. T
 Sünd in heiligen geist x. Y
 Thomas hat die wun-
 den xpi angriffen v O
 Tüfel hat zwü hend.
 daruon süch in dem iiii. M
 Tüfel ob der erkenn künstige
 ding. dauon süch in de viii. S
 Tod cristi wie der geschehen
 sei. daruon süch in dem iiii. G
 Todsünd hat ettliche aigen-
 schafft. dauon süch in de v. C
 Toten wie de geholffen wer-
 de. daruon süch in dem x. F

Tauff ist ainig. in dem ix. C
 Torheit dy geschicht in zwen
 weg. dauon süch in dem xij. F
 Traum ob der ettwas offensa-
 bar. dauon süch in de viii. Z
 Trifaltikeit wirt gelobt ij. G
 Tugent was die sei xij. B
 Tugent ist zweierlei. daselbst
 Tugent war inn die begriff-
 en sei. das süch in dem xij. C
 Tugent der sitten. da selbst
 Ater ist got genät j. F
 Vat ist almechtig j. G
 Verstentnuß des men-
 schen. das süch in d vorred E
 Welt hat got erschaffen. j. T
 Welt wirt etnüwert vij. J
 Will gottes j. M
 Würckung gottes ist sechser-
 lei. daruon süch in dem j. Z
 Weisheit die wirt zu geig-
 net gott dem sun. j. K
 Weisheit was die sei xij. D
 Weisheit ist zweierlei xij. E
 Wort ist dreierlei ij. D vñ E
 Vffart vnser herren vj. A
 Vffart wann die geschehen
 sei. daruon süch in dem vj. B
 Vffart von wannen die ge-
 schehen sei. da selbst
 Vffart wie die geschehen sei.
 daruon soltu süchen im vj. C
 Vffart cristi des herren was
 die nutz bring vj. D
 Vffart wahin die geschehen

Item. vnder
 ander trinitz ilud

sei. das süch in dem vij. F
 Vffart christi des herren ob
 dy langsam geschehe sei vij. G
 Vrstend vnser herren v. L
 Vrstend cristi des herren die
 ist not gewesen. in dem v. M
 Vrstend cristi des herren die
 ist bewärt worden v. P
 Vrstend ist etwen nit gerecht
 daruon süch in dem v. Q
 Vrstend was die geistlich be
 deut. da selbst
 Vrstend cristi des herren ver
 damnet irrsal v. S
 Vrstend gelaubent etlich nit
 daruon süch in dem v. T
 Vrstend der menschen vij. K
 Vrstend des leibs xj. A
 Vrstend aller mensche daselb
 Vrstend die geschicht wun
 derlich. süch in dem xi. C
 Vrstend ob die geschlech bey
 nacht. das süch auch da selbst
 Vrstend enoch vn helie xj. E
 Vrstend ob die gentzlich ge
 schein. das süch in dem xj. F
 Vrstend in was alter die ge
 schein. das süch in dem xj. J
 Vrstend ob die geschlech in
 mannlicher gestalt. da selbst
 Vrtail wa dz geschlech vij. L
 ps ist kein creatur j. J
 xpo wirt zu geaignet
 weisheit. in dem j. K
 xps offenbart menschlich na

tur. das süch in dem ij. B
 xps ist gesalbet mit gnade. da
 xps d mensch wirt anbet ij. B
 xps ei haubt d glaubige ij. C
 xps ob d verdient hab iij. D
 xps ist ein person iij. H
 xps ist warer mensch. da selb
 xpi erkät nuf sunfferlei iij. C
 xps was er an sich genomen
 hab. das süch in dem iij. D
 xps ist begrabe worde iij. O
 xps ist erstäden vō toten v. L
 xps hat behalten die minnen
 zeichen. das süch in dem v. O
 xpi wonüg nach d vrsend. v
 xps bischof artzt richter x. G
 xps ob er dz krönli hab xij. V
 Erung in dem gelaub
 en in der vorred A
 Vrung kumpt von d
 hoffart in der vorred B
 Vrung die kumpt von vn
 weisen in der vorred C
 Vrsal ist mengerlei j. VXY
 Aiche des anticrist vij. B
 Zeichen die war send
 erkennen. in dem vij. C
 Zeichen der bösen verhenget
 gott. das süch in dem vij. D
 Zeichen vor dem iungsten
 tag. das süch in dem vij. F G
 Zuchtkeit ist ein tuget xij. O
 Zwölf sind artickel des criste
 liche glauben. in d vorred M
 Züge iungste gerichts vij. O



A Liebhaber des heiligen glaubens sind wachen in euwerm gebet das ir in den nottürffigen sachen des glaubens mit der hilff gottes durchleuchtet werdent. **V**nd den anefang artickel vnd inhaltung durchfragen. do mit ir die einfeltigen vnd schlechten müget vnderweisen vnd leren wie sy den schedlichen ir

sall künden entweichen. Als sant Augustin spricht in dem ersten buch de trini. c. vij. Niemand irret nach seinem verderben. der arbeit sam fragt was der glaub sei. der mensch mag nichts fruchtbars erfinden. wann laider vil falscher Ketzzer auffstond oder zu dem minsten die do irrent in dem artickel des glaubens von etlichen vnkünstreichen. oder die eins bösen lebens sind. vnd also vil falscheit wider den glauben tünd. **D**es wir ein vrskund haben an vil landen der welt vnd in vil gegenten wider den glauben so die falschen Ketzzer gebrediget vnd gedicht habent das man den selben müg engegen kummen mit besunder heilsammer lere do mit das verderben der sele vertriben werde. hab ich aus tieffer warhafftiger lere der heiligen geschriffte vnd maniger kunst vnd weisheit zu einander geklaubet was zu den artickel des heiligen glaubē not ist. den vns die heiligen zwelff boten zu einander gesetzt habent. vnd das gott zu lob vnd zu hail vnser sele.

It der hilff des allmechtigen gottes setz ich von ersten etliche ding ee das d anfang der artickel gesatzet wirt

A Von anfangs merck etlich vrsach wie man in dem glauben irr. **Z**um andern wie man süchen soll die kunst do mit der mensch sein verstendigkeit gerecht mach. **Z**um dritten merck die sunderheit etlicher namen vnd die zal des glauben vnd artickeln. **A**nfangs merck. ix. sach warumb man irret in dem glauben. am ersten von vnbeheblichkeit der verstentnuß vnd das geschicht durch die sünd. wann die sünd wöret das der einfluß götlichs liechts mit eingat. recht als ob etwer mit der hand die augen verhielt. oder das fenster zuschluß do mit

Das liecht der sunnen seine augen nit erleuchtende. Also vil die mit d vnreinigkeit irs bösen wercks vō yn treibent das liecht der verstendigkeit. als Job spricht an dem. xliij. Sie werdent widerspenig dem liecht. vnd also macht die sünd ein verhaltung d verstendigkeit. als Isaias spricht. Die sünd vñ eüwer missetat haben gemacht ein teilung zwischen got vnd eüwer. Die ander vsach ist ein abkerung der verstentlichkeit von den dingen die zū gelauben sind vnd das zükeren zū dem irsal. als etlich die habent gedicht vnd fabel so lieb das sie die warheit nit wöllen hören. dauon Proouerbiorū geschriben stat. Der toz nimbt nit auff die wort des weisen. er sag ym dann seines herzen gefallen. Recht als der mensch nit sicht was hinder ym ist weil er sich daruon wemnt. Also verstat nit die verstendigkeit das dauon sie sich kert. Die drit vsach ist das vnoordenlich begereu do mit der mensch getzogen wirt zū den dingen die wider den glauben sind. vñ das geschicht etwen aus lieb. etwen aus forcht. etwen aus hoffnung. etwen von neids wegen. Also wann aus lieb forcht oder von hoffnung wegen einer gelo bet wirt der wider den glauben redet vnd etwen der recht glaub verlassen von hafneid oder gunst wegen das der die vn warheit lernt oder redet do mit der glaub also veracht wirt. so wirt dann von leidens oder vngeordeneter begir wegen das etwer von dem glauben lat. od das er sich nit neigt zū der warheit des glaubens. **B** Die vierd vsach ist die hoffart do mit sich d mensch vbernimbt in mainüg er verstand alle ding mit seiner verstendigkeit vñ müg mit seiner natürlichen kunst verston vnd begreiffen vñ do mit will er verston ee das er glaub. vnd doch sant Augustin vber Johannem spricht das d glaub sei ein tar oder port d verstendigkeit. als Isaias spricht Ist das ir nit glaubt so verston ir nicht. vnd sant Augustin der redet von ym selber in dē büch der beicht. Allein forcht das ist die hoffart die schied das von mir do mit die geschwulst meines angesichts zūschlos meine augen. vnd stat geschriben xliij. q. j. als d zwelffbot spricht ein yeglicher ketzet vppig. wann die hoffart macht ein ketzet vnd nit die vnkunst vnd dauon

wann etwer irret bei dem das zeglauken ist so soll man sehen ob er irre aus einfalt do mit er verfürte werde oder austrageheit seiner hoffart vnd mit der schätzung seiner eigen sinne. ist er von ein andern verfürte so sol er das widerrüffen mit vnderweisung vnd straffung. ist er ein verfürer vnd will nit abtreten so sol man yn verbrennen oder aufreüten mit dem schwert. oder sunst verderben. **Die fünfft sach** ist die hübscheit der glaubenden ding vñ die grobheit oder peürisheit der verstantnuß recht als einer d ein trübs gesicht hat nit gesehen mag ein har das doch von den andern erschen wirt. also die vnglaubigen vñ vngelerten mügent nit begreiffen was des glauben ist. vñ das geschicht von d höße wegen d ding die zeglauen sind. vnd von finstere wegen d verständigheit. vnd wer dent doch darumb nit beschönt wann das pillich ist was die vernunfft nit begreiffen mag das sol mit dem glauben gehalten werden. vnd das beweist sanctus **Thomas** in libro contra gentiles an dem. v. vñ setzt drei vsach vō ersten wann den gläubigen werdent grössere güte versprochen wann sie habent oder sehent in der gegenwürdigkeit. vnd dauon das das gemüt hößer gefürt wurd mit den begeren wann die vernunfft in der gegenwertigkeit begreiffen möcht. vnd darumb so ist über des menschen sin etwas not zeglaube. **Die ander sach** das wir do mit zu der erkantnuß gotes kummen. dann so erkenn wir got für war wann wir glauben das er ist über das das dem menschen möglich ist zu bedencken vō got vñ das geschicht vil durch die ding die dem menschen für gelegt werden zeglauen vnd der vernunfft verborgen. **Die drit sach**. wann durch das des menschen torheit getrückt wirt die ein müter ist des irrsals. es sind etlich die sich ir kunst als ser vbernement das sie meinen sie verstend die natur aller ding vñ mügent nit geliegen vnd vermeinent als war sein was sie war bedunckt vnd herwiderumb als falsch was sich nit war erzeigt vnd do mit des menschen gemüt vō solicher torheit erkückt wurd vñ kām zu mesziger frag der warheit ist gar not gewesen das dem menschen etwas götlichs fürgelegt wurd das gantz sein verständigheit

übergienß. vnd auch ob er verstündt das er hēlt. vil besser ist er
gelaub dann das er vil lieplicher ding wiß. als der heidnisch
meister spricht i libro. xj. de animalibus. wie wol das lützel ist
das wir von den obersten substantzen haben zū begreiffen. so
ist doch das selb klein ding mer geliebt vnd weger wann alle
erkantnuß der vndersten substantzen. vnd des gleichen spricht
er in dem büch de celo et mundo. ¶ Die sechst säch ist die
vnwissenheit d̄ ding die zēglaubē sind wann wer von den leip
lichen dingen nit will auffstōn wie mag der kummen zū dem
geistlichen. gar vergebens vmbseint das liecht die verschloß
sen vnd plinden augen vnd also begreiffet nit der fleischlich men
sch was got ist. Spricht sant Pauls ad Corinth. am. ij. Was
got ist das erkent nieman wenn d̄ geist gottes. Nun hat vns
got das verkündt durch seinen geist wann der allmechtig herr
verkündet nit den vngeordneten noch den vnfleisigen was der
geist ist. vnd auch den die sich nit nehend zū geistlichen ding
en sunder herd an ferrend. Die sibent säch ist das nachfragen
der beharrung. wann es sind etlich die iren glauben nymmer
darzū geben es sei dan bewerung do. aber solich sichtig bewer
ung mügent gemeinlichen offt nit do sein bey den artickel des
glaubens dauon weil die artickel sind über des menschen sinn
vnd hierumb mügen noch wölle sie nit glauben vnd gedencē
en nit des spruchs sancti Gregorij in d̄ omelei do er spricht. der
gelaub hat keinen lon nicht do des menschen vernunfft ein er
farung hat. als geschriben stat in actibus apostolorū. Unser
glauben der ist nit als vil zūgnuß vnd mit starcken zeichen be
stetiget die nit anders denn mit der krafft gottes habent gese
hen mügen. vnd ob wir aus dem glauben würden betrogen so
möcht wir sprechen. herr got du hast vns betrogen. als Zich
ardus spricht in li. j. de sancta trini. ¶ Das als vil wun
derliche ding geschē sind durch des glaubens festigung wil
len. gedencē was vbernatürlich ist geschēhen in der erkückung
der toten. in erleuchtung d̄ plinden. vnd mit erledigung der be
fessen von dem bösen geist. vnd mit manigerlei gesuntheit der
francken. auch mit wunderlicher verwandlung der kōpel vñ

2408 no 63 metub

mit dem verkeren der menschen gemüt vnd wie die schlechten
 peürischen menschen götlicher kunst vñ togenheit erfüllt worz
 de sind das sie als geleert gespräch vñ so kün wurden hiedurch
 sie der fraisamen dröwung der wütrich nichts achtenden nun
 das allein ye mer würde des glaubigen folck's . vnd nit allein
 aus dem geschlecht der einfeltigē sunder auch etlich aller weis
 festen der welt die zu der zeit der achtung auch bekert wurden
 als in manigerlei legend d̄ lieben heiligē geschriben stat. nach
 dem spruch sancti Thome. j. c. contra gentiles. Das ist nit ein
 einfeltigkeit das man dem nach hengeret was des glaubens ist .
 vnd des menschen vernunfft übertrifft. wann die brauchung
 der vernunfft auch nit ist wider die warheit des glaubens. ¶
 Die acht sach ist die maß d̄ vnwissenheit vnd das begreifen
 des menschen bestendigkeit . Vnd darumb wöllend etlich nit
 das was ir verstantnuß nit begreifen mag. aber die selben ir
 rend . wann got der herr d̄ hat des menschen verstantigkeit ein
 zil vnd ein gleichen gesatzt was oder wie vil do mit sie der na
 türliche vernunfft nit begreifen mügē das hat ym got behal
 ten wöllen in seiner togenheit vnd was oder wann er das hat
 wöllen offenbar machen vnd kund tün das vermag er alles
 wol. vnd mag auch des mēschen verstantigkeit begriffenlich
 machen wann er will als geschriben stat ad Ephesios an dem
 iij. Eine yeglichen hat got geteilt die maß des glaubens. Die
 neünd sach ist die versaumnus das die hiff gotes nit gesücht
 wirt zu dem rechten glauben. wann der glaub ist ein gab von
 got. vnd darumb ist den glauben von ym zebiten. als geschri
 ben stat Mathei an dem. vij. Herz ich glaub hilff meiner unge
 laublichkeit. j. Johānis. ij. Er hat vns den sin geben das wir er
 kennen den waren got. vnd daruon so ist das gar gerecht vñ
 ein götlichs gericht das dem die hilff gottes nit züstaten kom
 der ir nit sücht . vnd ist auch pillich das den selben das liecht
 der götlichen gnaden ir hertz nit bescheine. hie durch sie von d̄
 gnad erleücht würde die seiner gnadē nit acht habent noch d̄
 nit auff tüt. vñ also besund in diser neünde sach vermerck das
 oft geschicht das ein mensch in dem glauben irret vñ das ge

schicht zwifaltiglich. eintweder in der gantzen gemein so wirt
geirret bei dem glauben wann man nit geloubt das der glaub
war sei den die heilig kirch helt vñ das ist dan so etwer dasselb
dratzlich nit geloubt vñ ist vnglaubig vñ geloubt wider den
glauben vnd die selb dratzlichkeit macht einen menschen zu ei
nem ketzer vñ nit ein schlechte irrung. Aber in d sunderheit ge
schicht das so etwen einē artickel des glaubens nit henget od
etwas wider den dratzlich oder torlich helt. on zweifel der selb
irrsal wirt für ein ketzer ei geurteilet. ¶ Das soltu mercken
das zu d vrsach d ketzer ei zwei ding kumment. Eins ist d irrs
sal der vernunft vñ ist ein anfang d ketzer ei. Das and ist die
dratzheit des willen vñ ist ein verbringung d ketzer ei. als sant
Thomas spricht über das. iiii. büch sen. di. xliij. Aus d kumbt
wer miß glaubt wider ein artickel des glaubens vñ berait sich
nit nach zekommen d ler der heilige kirchen noch fleist sich nit
d ersten vnbetriegeliche warheit. nach d als geoffenbart ist
vñ der heiligen geschrit d selb hat nit die wat des geformirten
glauben. auch wed den vngesformirten wan der nit eigentlich
geloubt ein andern artickel des glaubens. vñ des gibt vns sant
Thomas ein vrsach. secunda secunde. q. v. ar. iiii. Wann recht
als die totsünd ist widerwertig d glaubē. wann die lieb belei
bet nit in d menschen nach einer totsünd. vñ darumb so belei
bet auch nit d glaub nach d gewonlichkeit nach d so der men
sch mißgeloubt von einē artickel des glaubens. aus d kumbt
für das kein ketzer hat den glaubē etwen ein artickel des glau
bens wann d glaubē mag kein falscheit nit vnderwesen. das
bewert Bonaventura supra in senten. di. xxiiij. Das ist allein
der glaub hie in disem iamertal das gesicht oder gesehen wirt.
dort im vatterland on falscheit. vñ darumb so mag sich auch
nichts einmischen hie d glaubē keiner falscheit wirt nit eigent
lich geloubt. recht als man nit waist eigentlich das falschs.

On soltu wissen von d andern der ersten aus teilung
darinn der mensch lernen soll wie er seinen sin gerecht
mach. ¶ Wann es gar schedlich ist einē der die
kunst lernet vnd in der lernung die maß vnderwegen lat. Als

sant Pauls spricht Corinth. an dem .viii. Qui se putat aliquid
 scire. Wer sich meint etwas künden vñ kan des nit wie muß er
 das wissen. Nun es sei das werck d lernung mit gerechter vn
 derscheid gelet net wer die maß vnderwegē lat der waist auch
 nichts. Spricht sant Bernhart vber Cantica canticorū sermo
 ne. xxxvij. Das du wiffest mit was ordnung mit was fleiß vñ
 mit was end ein yeglich ding muß beschehen. so lerne mit was
 ordnung also was zeitiger vnd nechender not sei zū dem heil.
 vñ des nimb ein exempel. Die demütigkeit ist mer nōter denn d
 kunst. wann on die kunst d hantwerck on die selbigē mag der
 mensch heilwertig werden aber nit on die diemütigkeit. vñ do
 von sol man von ersten dy diemütigkeit begern vñ darnach d
 kunst oder ee du das zeitlich gūt gewinnest wañ die kunst on
 die demütigkeit zū let. j. Corinth. viij. Das ist ein grosser vmb
 gang der von ersten will aller ding innen werden ee das er be
 gert zekommen zū dē herren aller ding. als David spricht. In
 dē vmbgang gond die bösen. vñ darūm so ist vor allē nutz ze
 wissen von d lernung was d mensch selb sei. vñ was gott sei.
 wañ aus sein selb erkantnuß kumbt d mensch zū diemütigkeit
 vnd zū forcht gottes die ein anfang ist d weisheit. vñ aus der
 kuntschaft gotz kumbt dan die lieb gotes. aber aus seiner vn
 wissenheit kumbt die hoffart. vñ aus d vnwissenheit kumbt die
 vertzagnuß. als der selig sant Bernhart spricht super cantica
 canticorū ser. xxxviij. Fürwar die kunst do mit sich der mensch
 selbs wol erkent on alle schmaichung wol durch sücht die ist
 ein edele kunst wo sich d mensch fürsich selbs stellet vñ schetzt
 sich für den aller vndersten. als gesprochen wirt. setz dich an dy
 niederste stat so wirt dir die ere gegebē. wañ auff die kunst der
 diemütigkeit wirt gebawen das gebeu das nit zerbricht fund
 krefftiglich bestat. **H** Zū dem andern mal sol man spricht
 Bernhardus vbi supra. mit was fleiß d lerner soll lernen vnd
 das soll wir vns fleissen das inhitziglichen an vns schmucken
 das do gechling zūfūrt vñ antzūnt zū d liebe gotz vñ daruon
 wer sich fleist d kuntschaft gotz d wirt getzogen in die liebe
 gotz vñ auch was gerecht ist dauon Deutro. geschribē stat.

¶ Zedlich soltu volbringen was gerecht ist. vnd also fleiß dich
das du durch gots willen den dürffigen gebest das geistlich
vnd leiplich almüsen das gebirt vnd nert die lieb. vnd dar zu
das lauter gepet entzündet auch inbrünstiglichen zu der liebe
gottes. vnd dar von so hat ir die welt die maß der kunst die ei
nen starcklich fürdert zu götlicher liebe. wann das studiren d
letzgen ist gut die do lernen zeshüch die liebe gottes. doch bes
ser ist d fleis des andechtigē gepet die er wirfft in die beschaw
ung götlicher lieb. vnd das studiren ist das aller best schlecht
lich zereden d nun die liebe gots besessen hat. vñ spricht schle
chtlich zeredē. wenn von d gedult wegen des nechste ist auff
zehören von der beschawung vnd douon ist das fleissiglicher
zū begreifen was gechling zu der liebe gotes für. vnd zu dem
begreifen dē höchsten gut. ¶ Zu dē dritten mal sol man
sehen mit was end wann die kunst aus einem guten end die
würckt guts vñ ein böß end wirt gericht das böß. vñ daruñ
was sich zu dem besten end schickt das ist das best. als Bern
hardus spricht in sermone. xxxvij. cantica canticozū. mit was
end das ist das nit geschech durch etlicher eren willen noch
durch hübscheit willen noch durch rümf willen nicks solichs
pawest zūgefallen deinē nechsten. wañ etlich sind die do wöl
len künden. Nun von des ends wegen vnd ist ein schönē hübs
cheit etlich daruñ das sie wissent werden vñ das ist ei schönē
de eitelkeit. etlich das sie ir kunst verkauffen vnd das ist ein
schönē der gewin. vnd etlich das sie do mit bawen vnd das ist
in lieb. die letzten zwei sind on allen widerdrief d kunst. vñ dy
andern all sollen das hören wer das gut waist vnd nit tüt der
hat des sund. recht als er durch ein gleichnuß sprech. wer die
speiß nimbt vñ verdeüwet ir nit das kumbt ym zeschaden. als
mer sant Bernhart spricht. Ich verfiel mich wie ich die ge
lerten straffent sei. vnd wöl weren das studiren der kunst das
tū ich nit als ich nit west das die geleertē grossen nutz d kirchē
bringen oder vertreibent das wider sy sind vnd vnderweisent
die einfeltigen. aber das ich gelesen hab darumb das du die
kunst verworffen hast verwürff ich dich das du mir nicks sei

est als ein priester hab ich das gesprochen. vnd der weisag Daniel spricht. Die do gelet sind die bränt als der schein des firmaments vnd die ir vil lerent zu der gerechtigkeit scheint als die stern in der ewigen ewigkeit. vnd spricht ferrer sant Bernhart in sermone. xxxviij. vbi supra. Ich sprich das die Kunst d' geschriff mit sei zu verfaumen die do zieret die sele vnd leren vnd tüen auch do mit sie die andern leren. aber das zimbt vnd ist not das die erkantnuß gots vnd sein selbs vorgang. K Vnd dauon soltu wissen das in der heiligen schriff drifaltige erkantnuß gottes geoffenbart wirt. das ist die vernunfft die andechtigkeit vñ die glorifizirung. Die erst bekantnuß wirt besücht durch die vernunfft vnd aus der creatur dauon das dy creatur ist grosser macht vnd kostberliche scheint vnd bringt grossen lust. michelmer ir schöpffer der sie beschaffen hat ist gewaltiger schöner vnd lustiger über alle seine geschöpfft die er beschaffen hat. als sant Pauls spricht ad Romanos. ij. Die vn sichtigkeit gottes wirt verstanden bei der creatur der welt die er beschaffen hat. wann die philosophi hond got erkant aus dem zeichen der vernunfft. aber sie habent yn mit glorifizeret als gott. Die ander erkantnuß von gott die ist andacht dardurch der mensch von gott etwas erkent do mit er andechtig vnd liebhaftig wirt vnd das ist ein Kunst der heiligen. dauon Jeremias spricht an dem. ix. Der weis soll sich nit fröwen seiner weisheit. noch der starck seiner sterck. noch der reich seiner reichthum. aber in de sol er sich fröwen d' do waist das er mich erkent des mag er sich gefröwe. vñ Johan. spricht am. v. Wir wissen das gotz sun ist kumen vñ hat gegeben den sin das wir yn erkenē das er d' war got ist vñ dauō so ist on dy Kunst kein hail. als d' weis spricht Sap. xiiij. Eitel sind alle mēschen in dē nit ist die Kunst gots. vñ Prouer. am. ij. Wa die Kunst d' sel nit ist do ist auch kein güt nit. die selb gottes Kunst ist ein liecht d' sele vñ leret den menschē wie er in dem andern lebē soll. wañ in dem liecht der Kunst ist dem menschen widertzemlich das vbet. vnd mainet das er lernet auch das güt zethun das er mit einem bessern gekrōnet werde. Die gelust vnd begirlichkeit diser

Das ist die Kunst der heiligen. dauon Jeremias spricht an dem. ix. Der weis soll sich nit fröwen seiner weisheit. noch der starck seiner sterck. noch der reich seiner reichthum. aber in de sol er sich fröwen d' do waist das er mich erkent des mag er sich gefröwe. vñ Johan. spricht am. v. Wir wissen das gotz sun ist kumen vñ hat gegeben den sin das wir yn erkenē das er d' war got ist vñ dauō so ist on dy Kunst kein hail. als d' weis spricht Sap. xiiij. Eitel sind alle mēschen in dē nit ist die Kunst gots. vñ Prouer. am. ij. Wa die Kunst d' sel nit ist do ist auch kein güt nit. die selb gottes Kunst ist ein liecht d' sele vñ leret den menschē wie er in dem andern lebē soll. wañ in dem liecht der Kunst ist dem menschen widertzemlich das vbet. vnd mainet das er lernet auch das güt zethun das er mit einem bessern gekrōnet werde. Die gelust vnd begirlichkeit diser

welt schetzt sie als ein schöndigkeit. vnd lernet zu begern mit gantzem hertzen die himilischeit. das ist die kunst der heiligen als vor gesagt ist. hie durch sind die heiligen erleucht das sie wissen zu beschawen den vnflätigen vnd den heiligen zwische den guten vnd den bösen. vñ haben die bescheidenheit zwische dem was zetun oder zelassen sei das sie wissen was got zu aller zeit genē ist. also ist die kunst gottes lernen zetun vñ lassen. Aber die kunst d menschen lerent zetun vñ zetronen aufwen dige ding. vñ darumb so ist die kunst gottes nütz vñ fruchtber als geschribē stat Prouer. iij. Selig ist d mensch dem die weißheit züfleust vnd findet die kunst der klügheit. besser ist der selb handel wann aller gewerb vber gold vnd silber. vnd ir frucht ist kostlicher wann alle werck mügent sein. vñ alles das man mag begern das mag d nit ebē gleich wegen oder werckē. Die drit erkantnuß von got heisset die glorifizierung. vnd die wirt dort sein in den himeln. von der geschriben stat Ysaie an dem xxvj. der mag fürbaß nit leren seinen nechsten noch vnderweisen seinen brüder das er sprech. Nun erkenn deinen got wann sie mich all erkennen werden von dem mindern vntz auff den merern spricht der herr. wann do selbs wirt yn meniglich in aller clarheit sehen. als in dē letzten artickel des glauben begriffen wirt. vnd in dē selben klaren gesicht wirt sein das ewig leben. als der heiland spricht Johan. an dem. xvij. Das ist das ewig leben das sie dich waren gott erkennen vnd ihesum cristum den du gesant hast.

Als drit der ersten auflegung darinne ich für will setzen etliche wörter oder nūwe bedeutnuß vñ die zal der simbolozū vnd die artickel des glauben die will ich hie durch kürtzlich abkern. I Die merckliche namen des glauben sind die dōsige. fides articulus simbolū. Der glaub in der fürlegung ist ein tügent d ding die do gehörent zu der grundnest der cristenlichen geistlichkeit das rechtlich vnd stercklich gelaubt wirt. Oder also das der glaub ist die glaublichkeit do mit warhafftiglichen gelaubt wirt das nit ersehen wirt. Als sanctus Paulus spricht ad Hebreos an dem. xj. Der glaub

ist ein substantz der hoffenden dingen die sich nit erzeigen. 8
 heilig glaub ist ein besamnung der artickel den die cristenlich
 kirch leret vñ helt. oder also 8 artickel in 8 fürlegung als Zich
 ar dus spricht de sancto victore. ist ein geteilte warheit vō got
 vñ dringet vns zeglauben. vnd Ysidorus spricht. Der artickel
 ist ein gebot 8 götlichen warheit. vnd hat achtung in sie. Die
 erst auflegung 8 red nach dē das der ist ein fürwurff gemein-
 lichen des glaubens dauon spricht er der vns dringt zeglaube
 aber Ysidorus legt vns dē artickel nach dē das er ein fürwurff
 ist des geformten glaube. vnd daruñ spricht er das das ein
 gebot ist gö. licher warheit darein got sein achtung setzt. vnd
 daruñ das 8 geformt glaub sücht die verstendigkeit vñ das
 wegern vñ hat achtung in die selb warheit. also zu dē werck
 der krafft. vñ also ist der artickel ein volk omenheit 8 warheit.
 der vns schickt zu dem letzten end das ist zu got. Es sind auch
 die artickel kleine stück lin des glauben nach dē als sie den glau-
 ben nennet was gelauvt wirt. als wir sprechen das die artickel
 el das sind die finger die kleine glider sind an des mensche kōr-
 pel. Wir werde auch betzungen zeglaube die artickel von 8
 kirchen. vñ so wir die glaubent die zwingent vns zu 8 forcht.
 gottes vñ zu seiner lieb. Es sind auch die artickel als ein regel
 die do fürtt gegen allen den die ym nach kummen zeglauben.
 M Symbolū ist ein besamnung 8 artickel. vnd ist als vil ge-
 sprochen a sin das ist con vñ bolus das ist ein bitten wann die
 zwelffboten die den symbolū der artickel vor allen den dingeñ
 die zeglauben sind eintrechtiglich versamelt habe also das ei-
 yeglicher seinen bitten gesatzt hat das ist sein artickel. vñ also
 der symbolū da von ich achtung hab zeschreibē der hat. xij. ar-
 tickel oder. xij. stück lin nach der zal der zwelffboten die yn ge-
 satzt haben. wann zu den zeiten do all zwelffboten von einan-
 der schiden zebredigen aller welt das ewangelium do mach-
 ten sie ein symbolum zu einer erfüllung des glaubens. vnd
 das der ein grössere krafft hette satzt ir yeglicher sein stück
 lin vnd die all besunder geprauchet wurden. also das ein kirche
 die durch dy zwelffboten solt gebawet werden das die ein be-

Eantnuß hette des glaubens. vnd das der hieß der heilig glaub
das ist der gantzen gemain wann der selb glaub der ist von al
len zwelffboten geben worde aller meniglich die ein gemaine
grundnest waren dar auff die kirch gebawet ward. daruon
der heilig sant Peter gesatzt hat vnd sprach. Ich glaub in got
vater allmechtigen schöpffer hymel vnd der erden. Sant An
dreas. vnd in iesum cristum seinen eingebornen sun vnsern her
ren. Sant Jacob der mexer. der empfangen ist von dem heilige
geist geborn aus maria der iungfrawen. Sant Johannes
gemartert vnder poncio pylato gekreütziget gestorben vñ be
graben. Sant Thoman. abstaig zü der helle an dem dritten
tag von den toten erstünd. Sant Jacob der minder. auffstaig
zü den himeln sitzet zü der gerechten gotes vater des allmech
tigen. Sant Philipp. von dannen er künfftig ist zereichten die
lebendigen vñ die toten. Sant Bartolomeh. ich glaub in den
heiligen geist. Sant Matheus. die heilig cristenlich kirchen.
Sant Symon. gemainschafft d heiligen vergebung der sünd
Sant Thatheus. vrschend des fleischs. Sant Mathias. vnd
das ewig leben. **N** Hie magstu fragen warumb in dem
simbolo der zwelffboten nit etlich artickel gesatzt sind worden
von sant Pauls vnd von sant Barnaba. Darüber wirt dir
also geantwurt das der simbolum das ist der gantz glaub der
zwelffboten züsammē gesetzt ist worden ee das die zwelffbo
ten aus geteilt wurden vñ gesant in alle welt. aber die benan
ten zwenboten wurden erst erwelt zebredigen vñ gesant von
den zwelffboten nach dē das die zwelffboten aus geteilt wur
den. als kuntlich geschribē stat i actibus apostolorū. scheident
mir hindan Paulū vnd Barnabā zü dem werck darzū ich sie
genumen hab. Züm andern mal möchtest du sprechen war
umb in dē glauben nit gesatzt ist worden wie das d werd leich
nam cristi ist in dem sacrament des altars. vnd wie sich das
prot verkeret in den leichnam cristi. vñ das selb ist der war got
vnd mensch nach des priesters aussprechen der wörter wann
doch das von dem gelauben zügelauben ist. darinne der ge
laub den größern lon hat vñ auch dauon das sacrament ein

Exodo in deu p[ro]p[ri]o
tem

Amfao.

Amfao

grosse herrlichkeit hat zeglauben. Darüber so wirt dir also ge-
 antwort. das der leichnam cristi ist in dem sacrament des al-
 tars das ist nit 8 vorderst artickel des glaubens aber wol wirt
 es behalten in etwen vil eines vordern artickel des glaubens.
 als die andern sacrament vñ daruon so wöllent etlich sprech-
 en das die materi getzogen werd in den artickel von der mar-
 ter cristi dauon das der leichnam cristi ist ein bedencken des lei-
 den cristi. aber besser ist das die materi getzogen werd zu dem
 artickel der do ist von der ainigkeit der kirchen vnd ist der ix. ar-
 tickel in der ordnung vñ zu dem artickel von der vergebung 8
 sünd der ist der x. artickel als die ander sacrament zu dem sel-
 ben artickel getzoge werden. wann in de sacrament geschicht
 die vergebung der sünd vñ do wirt auch gemerckt in dem die
 einigung der heiligen vnd 8 gantzen kirchen. vnd darumb so
 ist darzu gesetzt in dem glaube niceno in dem selben consili. ich
 glaub ein tauff in vergebung der sünd. ☉ Zu dem dritten
 mal so möchtest fragen seid in dem glauben genügsamkeit ge-
 halten vnd völiglich begriffen wirt was an dem aller vorder-
 dersten zu glauben ist. in welchem artickel wirt es begriffen
 das die vnkeusch eebreuchung vñ wücher totsünd sei vñ das
 got sei. vnd das cristus ein anfang seiner empfangnuß sei er-
 fült gewesen der gnaden vñ weisheit vnd vil solicher sach die
 do sind in der heiligen geschriff. also wer das nit glaubt das
 der ein ketzer wer vngelaubig vñ die doch in dem glauben nit
 begriffen werdent. vñ auch was des glaubens ist das die selb
 sach nit völiglich in dem simbolo begriffen werdent. darüber
 so wirt dir also geantwort wie wol das ist das nit alle ding
 die zeglauben sind in de simbolo nit als eigentlich vnd als be-
 deutlich gesetzt sind worden. so ist doch kein glaublich ding
 nienders es sei begriffen worde in den artickeln. od sie mügent
 darzu gelait oder gefürt werde oder zu artickeln die in de sim-
 bolo gehalte sind als zu ire vordersten vñ zu ir bestette grund
 fest. wan das die schlecht vnkeusch ei totsünd sei das wirt ye
 getzoge zu de x. artickel das ist die gemeinschaft aller heilige
 vnd die vergebung der sünd von dem scheidet sich ein yegliche

totfünd. also mag auch die eebrechung vnd wücher vnd die
andern sünd zu dem selben artickel gezogen werden als sie wi
der den artickel oder entsetzlich dargegen sind. auch möcht ein
yegliche sünd zu dem ersten artickel gezogen werden wann in
einer yeglichen soliche sündkert sich der mensch von got dem
allmechtigen vnd wirt auch also ersehen als ob er nit gelaub
das gott allmechtig sei vñ das er ein richter sei der lebendigen
vnd der toten. ¶ Hie soltu wissen wie wol wir. xij. artick
el haben in dem glauben der zwelffboten nach ir zal die sie ge
setzt haben so setzent doch etlich. xiiij. artickel. vij. zugehörig d
der heiligen gotheit vñ. vij. der menschheit. wann es spricht san
ctus Thomas. die gehörent für sich selbs zu dem glauben der
geschicht wirt nützen in dem ewigen leben vnd do mit wir zu
dem leben geführt werde. doch werden vns zwei fürgelegt das
ist die gotheit des gesicht vns selig macht vnd die menschheit
cristi dardurch wir ein zügang habē in die glori d kinder got
tes. als sant Pauls spricht ad Romanos an dem. v. vnd Jo
hannes an dem. xvij. das ist das ewig leben das sie dich wa
ren got erkennen. Die erst auflegung d glaubigē ding ist das
etlich gehörent zu der gotheit vnd etlich zu der menschheit das
ist ein sacrament d gütigkeit. als geschribē stat ad Thimotheū
an dem. iij. vnd dauon so sind all artickel von gott. eintweder
als er ist in seiner eigen natur oder nach dem als er ist geeinigt
worden zu der natur d menschheit. vnd darumb die artickel die
der gotheit zugehörent eintweder die befehnt das wesen der
gotheit das ist die natur in ir selbs. oder sie befehnt das wesen
der gotheit nach d person. oder sie befehnt das wesen der got
heit nach der würckung vñ ist das sie befehnt das wesen d
gotheit in ir selbs. als der ein artickel ist nach dem das der ein
vnd ein schlechts wesen ist der gotheit so wirt der artickel als
so geoffenbaret als do spricht. ich gelaub in got. ist nun das d
befehnt die person des wesen d gotheit so ist dem nach dem das
drei personen sind vñ also sind drei artickel. d ein ist. ich glaub
in got vater allmechtigē. vnd d and wirt in de vermerckt vnd
in ihm xpm sein eingebornen sun vnsern herren. vñ den dritten

tüt er also kund. Ich glaub in den heiligen geist. Ist nun das die artickel bestehend die würckung des götliche wesen so mag das auch drifaltig sein nach dem drifaltigen werck gotes das werck ist die bestellung gottes der natur. vñ das ist die schöpffung. vñ das ander ist die bestellung d' gnaden vnd das ist die heiligung. Das drit ist die bestellung der glori. vñ das ist die leiplicher kückung. vñ nach den drei wercken sind drei artickel der einer vermerckert wirt in dē als er spricht. Schöpffer hymel vñ der erden. vnd d' ander wirt geoffenbart in dē do er spricht die heilig kirch. vñ nun ein ander d' do spricht vrtend des leibs vñ das ewig lebē gesetzt für ein artickel. vñ der ist der sibent in der ordnung der artickel die do gehörent zu den artickeln der gotheit. vñ also ist kund das sibē artickel sind bei d' gotheit die also besehent das wesen d' gotheit in ir selb vñ in ir person vñ auch ir würcken vñ dē h' ist auch gar genüg. wan das wesen d' gotheit hat nit mer maß in irē verschetzen. vñ des gleiche wirt nit mer begriffen bei d' menschheit cristi. sunderbar. ¶ Wan sibē artickel also nach den sibē wercken cristi des erlöfers die geordnet sind zu vnserm widerbringen. vnd der erst der selben ist von der menschheit cristi. vñ das ist d' artickel. der empfangē ist von dē heiligen geist. vñ das ander das er hat wöllen geboren werden. als d' artickel spricht. geboren aus maria d' iungkfrawen. Das drit werck das er für vns hat wöllen den kostlichen lon geben. vnd von dē sagt d' drit artickel. gemartert vñ der poncio pylato gekreütziget gestorben vñ begraben. Das vierd werck do mit er die hell beraubt hat. von dē sagt d' vierd artickel vñ ist der. abstaig zu der hell. Das fünfft werck do mit er dē tod angefiget hat. vñ ist der fünfft artickel. an dē dritten tag erstünd von den toten. Das sechst werck do mit er hat wöllen auff faren zu den hymeln vnd sitzet an der gerechten gotes des allmechtigen vatters. Das sibent ist do mit er kummen will zu gericht. vnd dem ist der sibent artickel in der ordnung der menschheit der in dem vermerckert wirt von dannen er künfftig ist zerichten die lebendigen vnd die toten. aus dem ist offenbar das sibē artickel seind die gehörend zu der

gotttheit vnd siben zů der menschheit darinne der gantz glaub gehalten wirt. nach dem als geschriben stat in Apocalipsi do Johannes spricht an dem .j. das er gesehen hab siben kertzstal vnd in der mitt der siben kertzstall hab er gesehen ein gleichen des menschen sun vnd der selb het in seiner rechten hand siben stern. bei den selben siben liechtē stern die von der natur der hy mel sind verstat man die sibe artickel von der gottheit. Aber bei den siben kertzstallen die von der natur der erden sind. vnd bei dem besten lauttern gold verstat man die siben artickel die der menschheit zů gehörent. vñ dauon spricht er. in der mitte der selben kertzstall hab er ein gesehen der gleich was cristo des menschen sun. vnd daruon so werdent die .xiiij. artickel volliglich begriffen in dem glauben der heiligen zwelff boten. vnd in dem auch genügsamlich begriffen wirt was not an dem aller vordersten ist zeglauben. vnd aus dem sind geoffnet die artickel des glaubens.

Ich zereden von der zal der glauben. **E** Solt du wissen das der drei sind die gemainlichen in der heiligen kirchen genützt vñ gebraucht werdent. Vnd der erst ist der zwelff boten der also spricht. Ich glaub in got vater allmechtigen. vnd der wirt gesprochen in der prim vnd in der complet. Der ander glaub ist des concily niceno der also spricht. Ich glaub in ein got. vnd der wirt gesprochen in der mes. Der drit ist anathasij des achtbern leuers der do spricht. Quicumqz vult zē. Welcher hailwertig werden will zē. Nun soltu wissen das des ersten gar gnüg was anfangs zů der lezung der ersten cristen die noch nit mit der ketzerei vermaligt waren. Auch an dem anfang d ersten kirchen do gar wenig oder kleine ketzerei was. aber als die auff wüchs vnd überhand gewan mit böser auflegung der geschriff wider den glauben do was not das d glaub der in dem simbolo der zwelff boten gehalten was das d beschirmet wurd mit rechter auflegung. vnd das der desterbas erklet würde. daruon wurden ander glauben darzů gesetzt. Dy vorderst vsach warumb die glauben gesatzt wurden besch ach darumb das alle glaubige

menschē manigerlei solck vnd zungen in einen glauben der
warheit bekōret wūrden. vnd das die selbigen in der versten-
digkeit vnd regel eintrechtig wūrden. vnd ob sie in den sitten
mishellig wexen das sie doch in dem glauben der zū dem heil ge-
hōrt eintrechtig beleiben. als geschriben stat. j. ad Corinth. an
dem .j. Ich bit eūch das ir all in got eintrechtig seient. Auch
soltu wissen der erste glaub wirt heimlich gesprochen vnder
der prim vnd in der complet aus zwaiē vsachen. Am ersten
das die zwelffboten den iuden nit gedorsten offentlich den glau-
ben bredigen von forcht wegen. Spricht Johannes an dem
xx. oder darumb so wirt er in still gesprochen zū einem zeichen
das das gewesen ist das gesatz das got versprochen het zege-
ben. Jeremie an dem. xxi. Dabo legem meam. Mein gesatz wil
ich geben in ir gemūt vnd will das schreiben in ir hertz. Von
dem selben gesatz spricht sanctus Augustinus libro. j. de simbo-
lo. Nembt das gesatz vnd die regel des glaubens vnd wann
ir das nembt so schreibent das teglich in eūwer hertz ee das ir
des nachts entschlaffet. vñ des morgens auffstond so beschir-
ment eūch mit dem glauben. Vnd weiter spricht er also. Der
heilig glaub der zū behalten geben ist worden in simbolo mit
wenigen wortten den nūwen cristen das ist darumb das sie
durch den glauben rechtlich leben. vnd mit rechtem leben ir
hertz reinigen. vnd also mit dē gereinigtem hertzen gar recht-
lich erstanden.

Ein end der Vorred.





Credo in deum patrem omnipotentem
 creatorē celi et terre. Ich glaub in got
 vater allmechtigen. Ich schöpffern himel
 vnd 8 erden. A Disen ersten artickel
 des cristenlichen glaubens setzt vns der
 heilig zwelfff bot vñ himelfürst sanctus
 Petrus darinn wir mügen sibend ding
 vermercken. In dem ersten so vermerck
 en wir die sunderheit als er spricht ich glaüb in got . als ob er
 sprech als symbolum nicenum das ist die versamlung des glau
 bens die man hat im ampt der heiligen meh. Ich gelaub in ei
 nen got. vnd in die merung . Zu dem andern mal so mercken
 wir die verstendige durchsichtigkeit in dem dasigen namen
 gottes. wann er alle ding sieht vnd alle ding erkent . Zu dem
 dritten so mercken wir die eigensechig gütigkeit in dem als er
 spricht vater des eigenschafft ist das er seinen künden ertzeigte
 die gütigkeit. Zu dem vierden mal so wirt vermerckt die hoch
 erhebt gewaltigkeit. als er spricht allmechtigen . dem kein an
 dere allmechtigkeit gleichen noch vbertreffen mag. Zu dem
 fünfften so vermercken wir die gantz krefftig lieb in dem als
 er spricht schöpffer . wann aus grosser lieb hat got alle ding
 beschaffen. Zu dem sechsten so vermercken wir die vbertreff
 enliche wirdigkeit . in dem so er spricht. ein schöpffer der himel
 das ist aller geistlichen ding . als die engel die wirdiger vnd
 edeler sind wenn alle leipliche ding. vnd dauon das die got be
 schaffen hat. do bei mag man verston das er vil wirdiger vñ
 edeler ist . Zu dem sibenden mal so vermercken wir die beleip
 lich stetigkeit in de als er hin zusetzt vnd erden. wann bei dem
 extrich wirt verstanden alle leipliche ding . vnd nit allein das
 extrich als das vnderst element sunder auch den himel. vnd al
 les das das vnder dem himel vnd der erden gehalten wirt das
 leiplich ist . vnd darumb recht als wol der leiplich himel als
 das extrich sind beleipliche stete ding . do bei mercken wir vil
 steter vnd beleiplicher ist got der dise ding alle beschaffen hat
 vnd daruon so wirt vermerckt in dem wort extrich die stet be
 b ij

leiplichkeit gotz. B Vnd also von dē ersten zeschreibē soltet
wissen das wir vor allen dingē sōllen glaubē in got den herrē
die einigkeit des wesens wie wol in d̄ gotheit sind drei person
o sind doch nit drii wesen oder drei gōter. als Deütro. geschri
ben stat an dem. iiii. Der herr selber ist got vñ kein anderer nit
Auch do selbs stat geschribē. Scito et cogita. Wiß vñ gedēckē
in deinē hertzen wañ der selb ist got in dē himel oben vñ in dem
extrich vnden. vñ do selbs Deütro. an dem. vj. Dñs deus vnus
est. Got d̄ herr ist einer. vñ do selbs an dē. xxxij. Videte quā ego
sum. Sehent wañ ich bins allein vñ on mich ist keiner got nit
vñ Ysaie stat geschribē. Ich bins got der herr d̄ die himel schi
ckēt vñ bestāt das extrich vñ kein anderer mit mir. vnd do selbs
spricht d̄ weiffag. On mich ist kein got nit. Auch mügen wir
das durchleüchtē mit vrsachē das nun allein ei got ist vñ all
ein ei wesen d̄ gotheit das ist got. do mag bessers noch grössers
nit geschetzt noch bedacht werden. wār aber mer gōter dann
einer so wer ir yeglicher ein solchs vñ ein semlichs güt das bes
sers noch grössers nit erfunden möcht werden von d̄ mitsam
keit wegen des worts das got heist. vñ also wār schlechtlich
ir yeglicher das höchst güt. vñ auch des gleichē die höchst ge
waltig allmechtigkeit. Aber zwei höchste güter mügent bei ein
ander nit gesēin. vñ auch des gleichē zwū höchst gewaltsame
oder allmechtigkeit mügent nit bei einand bestan vñ daruon
mügent nit zwen gōt oder mer sein bei einander. das aber zwei
höchste güter nit mügent beieinand sein das beweist man dir
also. Alle ding sind vnder dē höchsten güt vnd an dē hangent
alle andere güter vñ sind darzü geordnet als zū dē letzten end
vñ darumb wesen zwei höchste güter so wār doch ir eins vn
der dē andern wañ sie sind also vō einand geteilt das eins vnd
dē andern hangt vnd ist zū ym geordnet. aber was in d̄ natur
vnder den andern ist vnd zū einem andern geordnet das mag
nit sein das höchste güt noch ein solliches güt das nit bessers
noch grössers erdacht möcht werden. vñ wār nit got. Des ge
leichen wirt dir auch bewert das zwen gewalt oder zwū all
mechtigkeit nit mit einand gesēin mügen. wañ wer der ist der

Die gewaltig allmechtigheit hat 8 mag tün das all ander ge-
wält on den sein nit getün mügen. vñ darüm wren zwen göt
in der natur also geteilt vñ wren die selb beid allmechtig vñ
der ein möcht von dem andern gemachen das er nichts getün
möcht. vñ also herwid möcht auch 8 ander getün. aber wem
der gewalt genomen mag werde der ist nit got. vñ daruon ob
zwen göt wren oder mer in 8 natur oder menger in de wesen
so wär ir keiner got. vñ das ist ein einschub des widersprech-
ens. vñ darüm ist vnmüglich das zwen oder mer göt seien ge-
teilt in de wesen. vñ aus de magstu brüffen wie wol 8 vater in
der gotheit ist got vñ der sun ist got vñ der heilig geist ist got so
sind doch mit drei götter sunder ein got. vñ des gleichē wiewol
ein yeglicher als vor genant ist das höchst güt so ist doch nun
ei höchsts güt. noch drei allmechtig sund ein allmechtiger vñ
also ist ein got in den wir glaubē sollen. ¶ Hie soltu merckē
en die vnderscheid zwischē de was got zeglaubē sei vñ was ze
glaubē sei got vñ was zeglaubē sei in got. Der meister senten-
tiarū im .iiij. büch am. xxiiij. spricht. Got zeglaubē ist zeglauben
das es alles war ist dardurch got redet vñ das tünd auch dy
böfen. vñ als wir den menschē glaubē aber nit in den menschē
Zeglauben das got ist das eins gelaubt das got sei das tünd
auch die böfen. wan der teuffel gelaubt das got ist vñ fürcht
yn. Aber zeglaubē in got ist zeglaubē das got gelobt wirt vñ
do mit man mit de glaubē in got gat vñ ym mit de glauben an
hangt vñ das man do mit sein geliden zū geliebt wirt durch
den glaubē wirt gerecht 8 böf. vñ das legt Bonauentura al-
so aus. Der glaubē nach de das ist zū gefügt der lieb der in got
glaubt 8 wirt geordnet zū 8 liebhabūg gotz do mit er würckē
das güt vñ mädet das vbel vñ hat lieb sein nechsten. vñ die
yetzigen fier werck die setzt 8 meister in seiner kuntschaft das
zeglauben ist in got. wen so er spricht zeglauben in got das ist
das mā yn mit de glaubē lieb hat dz ist got mit gantzer krafft
vñ mit de glaubē hinein gee das man in yn glaub mit den gū-
ten wercken vñ ym anhang mit de vertragē das vbel. vñ also
mit de glaubē der gelider cristi zū lieb vñ nach der liebhabung
b ij

des nechsten. Aus de magstu brüsen das ein yeglicher d in tod
sünden ist nit glaubt in got. Sprichstu dan ob ein solicher den-
nocht soll den glaubē spreche. so wiß das er den zespreche schul-
dig ist. noch er leügt nit so er spricht ich glaub in got. wann er
spricht das in d person d kirchen. als d psalm spricht. Ich hab
mich vō deinen gebotē nit abkōt. D Nun zereden von de
andern das ist von d durchsichtige verstedigkeit die wir got
sollen zu schreibē in des augē alle ding nackent vñ ploß sind.
als geschribē stat ad Heb. am. iiii. Noch nichs ist das ym ver-
borgen müg sein. dauon Boecius spricht im. v. buch de consol.
Vns ist ein grosse nottürffkeit d güt eingepildet darum das
wir das tūen vor d angeficht d alle ding beschawet. got d er-
kent alle ding d creaturen. er erkent auch das vergangē. das
gegenwertig vñ das künfftig. vñ nit allein die er erkent auch
alles das müglich geschicht vñ die sind on end. Von de stat
geschribē in. j. li. sent. am. xxxv. wann alles das vergangē das
gegēwertig vñ das künfftig. auch das müglich sind alle samt
got gegenwertig nit nach d bestende warheit aber nach d er-
kentnuß wan er allweg erkent das vergangē das gegenwer-
tig vñ das künfftig vñ das müglich vñ bei de werck seiner er-
kentnuß ist allweg die gegēwertigkeit. also das kein vergangē
erkenntnuß nit in got ist wan er an sich schmuckt alles vor ge-
nützt on alles ver wandeln. vñ darum sind ym alle ding gegē-
wertig aus d zwifaltigē vsach wie wol die creatur ei erkant-
nuß hat von de ver gangen so gat doch die erkantnuß in das
vergangē vnd aus d lüstigkeit d ding kumbt ein nürwe erkant-
nuß vñ darum so wirt in got kein gedechtnuß kein gesatz des
vergangē. das vor wissen wirt gemainlich in got gesatz das
er alle ding vorhin waist ee die geschehent. Hie merck das dy
kunst od das wesen gots mangē namen hat nach de das die
erkenntliche ding alle mügliche ding sind sie also geheissen ein
kunst od ein erkantnuß nach de die ist ei erkantnuß aller ding
die in d welt geschehent ist sie geheissen ein gesicht nach de sie
erkenntlich ist d ding die künfftig sind. ist sie geheissen ein vor-
wissen od ein ver sehe nach de sie erkantlich ist d ding die von

got begabt werde. ist sie geheissen ei fürgab nach de sie erkent
lich ist d ding die vō got verdampft sind. ist sie geheissen ei for
werffung dise ding alle vñ vil mer die got werdent zu geacht
vō seiner erkantnuß wege sind in ym on danck. vñ darumb so
wirt gemeinlich oft eins für das and genommen wie wol die
gölich weißheit vō mengerlei wissens wege vñ erkantnuß be
hebt mengerlei namen so ist sie doch mit manigfaltig nach der
inwendigkeit vñ das ist deß ein vsach. got hat gar ein schle
chte erkantnuß vñ gar ein vollkomne. vñ darumb das sie vol
kome ist so erkent sie alle ding mit einand on alle teilung vn
der aller gelegenheit die alle ding habē mügen. vñ darumb so
waist sie das künfftig das gegenwertig vñ waist zu geben
das gut vñ zu verwerffen das vbel. vñ also hat sein weißheit
od erkantnuß mengerlei namen. aber darumb das mit einand
die volkomē weißheit mit d höchsten schlechtheit sei so ist das
das er alle ding erkent in ym vñ an sich vñ das von de ersten
aus de kumpt das and das er die creatur erkēt vngeschöpfft
aus de kumpt das dritt das er die anhang erkent on allen an
hang. dauō kumpt das vierd das er das zeitlich erkent ewig
lich. vñ darvon kumpt das fünfft das er das künfftig erkent
gegenwertiglich. aus de kumpt das sechst das er erkent das
verwandeln vnerkerlich. vñ also zu de letzten kumpt das. vij
das er das geschehe erkent vnbetrieglich vñ also sind das ge
schehen sol d göliche weißheit gantz vnbetrieglich vñ das ist
war als wol in den geschehēdingē die vnderligend d men
schen freiheit vñ auch darumb das die weißheit oder die kunst
gots stat mit d vnbetrieglichen freiheit vñ das wendē des
freien willen vñ wer das verston wöll d laß das vñ heb an de
letzen vñ gang durch die sibē grad vntz an das erst das got
alle ding vollkommenlich erkent durch sich selb. vnd also mag
auch vñ standē werde wie geston müg die geschöpfft freiheit
des willēs mit d ewigē vnbetriegeliche fürachtung. E Nū
zerede von de dritten das do ist die gütikeit das eigentlich ge
offnet wirt bei de namen vat. wañ got d ein höchstes gut ist
d macht sich gemein vō ersten seinē sun vñ de heiligē geist vñ
b iij

Darnach der creatur. wann er ist sein selbs ein aus vergiessen-
lichs güt. wann von ersten gemeingt sich got gantzlich dem
sun nach der ordnung des vrsprungs vn̄ nit nach der ordnung
der zeit. er macht sich auch mit sampt dem sun gemain got dem
heiligen geist. die erst gemeinschafft geschicht durch die maß
der natur vnd durch die gebürt vn̄ da von der do selbs ist die
gemeinschafft d̄ heisset d̄ vatter. aber wem die gemeinschafft
geschicht der heisset der sun. die ander gemeinschafft geschicht
durch die maß des willens mit der gemainen würckung geist-
lichung do der vatter vnd der sun geistent den heiligen geist in
den yetzigen zwaien gemeinschafften oder aus fließen got des
vatters der gemeinschafft d̄ gemeint sich gantz vnd alles das
er ist do mit ist er gemain dem sun das ist gemain dem sun vnd
mit dem heiligen geist vnd darvon der vatter der sun der hei-
lig geist sind eben güt ebē gewaltig vnd eben weiß vnd eben
volkommen. vnd keiner ist nit gr̄ößer besser noch weiser für
den andern. wann alle volkommenheit die der vatter hat die
hat auch der sun vnd der heilig geist vnd des gleich widerum.
vnd also magstu brüßen wie sich got der vatter am aller höch-
sten vnd gantz vn̄ gar gemain macht. vn̄ ir yeglicher macht
sich als gemain als sich der vatter in der gotheit vngeentlich
gemain macht dem sun vn̄ dem heiligen geist vnd das hat got
getün aus der ewigkeit. aber in der zeit hat got der vatter der
sun vnd der heilig geist mit einander gemain gemacht ir gütig-
keit der creatur in der schöpffung aus ir vntliche gütigkeit
aber doch nit on alles end sunder entlich wann die ding die
von got beschaffen sind vn̄ als vil sich die haben zu got so vil
werdent sie teilhafftig götlicher güte oder miligkeit die er al-
len beschaffen creaturen mitteilt. vnd darvon das der vater
vnd der sun vnd der heilig geist sind ein vrsprung aller creatur
mag ir yeglicher ein vatter geheissen sein von der schöpffung
wegen. als Deutro. geschriben stat am. xxiiij. Nunquid non
ipse. Ist nit der dein vatter der dich gemacht vnd beschaffen
hat. vnd auch ein soliche gemeinschafft götlicher gütigkeit ist
der vatter ein werckmeister vnd vrsprung als wol in der göt-

liche person als in der creatur vnd sunderlich in der gotheit ist er ein werck des vrsprungs. Als von ym sant Pauls redet ad Ephesios an dem .iiij. do also geschriben stat. Von ym ist alle väterlichkeit genant in dem himel vnd auff der erden. **F** Du solt wissen das got vñ mengerleisach wegen ist geheissen ein vatter. das ist von der schöpffung wegen. von der wünschung wegen. von der erlösung wegen. von der regierung wegen. von der geberung wegen. Aber von der wünschung wegē spricht sant Pauls ad Romanos am. viij. In den wir schreiben abba pater. vnd Ysaie an dem .lxviij. Herr du pist vnser vater vnd vnser erlöser. genant ist dein nam ewiglich. Von der regierung wegen ist er genant ein vater. als sant Pauls spricht ad Ephesios an dem .iiij. Es ist ein got vñ ein vater aller ding der ist über alle ding vnd durch alle ding vnd auch in vns allen. vnd Sapientie an dem .ix. stat geschriben. Aber du vatter regierst für sich täglich. Vnd also zunemen in den fierlei weiß mag das genomen werde zu einer yeglichen person in der gotheit das ist dem vatter dem sun vnd dem heiligen geist so gesprochen wirt. ich glaub in den got dem vatter. wann ir yeglicher hat gewürckt vnser schöpffung der erwellung vnd die erledigung vnd die regierung. also wann die werck der drifaltigkeit sind vngeteilet zu dem aufwendigen. yedoch so mag auch meldung geschehen zu dem vater nach dem das er nach der person genommen wirt nach dem das er ist in der ordnung ein vrsprung. die erst person dem der erst gewalt der schöpffung die erwünschung die erlösung vnd die regierung zu gesacht wirt. Auch wirt ym zu geschriben die macht dardurch alle ding beschaffen sind. Auch darumb wann der vatter nach der person genommen wirt so heisset er ein vatter. nach geberē. als herr David spricht. Der herre spricht zu mir du bist mein sun heüt hab ich dich geboren. vnd .iiij. Corinth. an dem ersten. Der gesegnet gott vnd ein vatter vnseren herren ihesu cristi. **S** Quo ad quartum. Zereden von dem fierden so wirt do ertzeiget die hochwirdig vnd die erhebtē gewaltig

Zeit gottes des ewigen herren als er spricht den allmechtigen.
Von der allmechtigkeit stat vil geschriben in .j. lib. sen. di. xliij.
vñ darzu Exo. am. xiiij. allmechtig ist ein nam. vñ in Apoc. am
iiii. heiliger heiliger heiliger herr got allmechtiger d̄ do was d̄
do ist vñ der künfftig ist. Du solt mercken das d̄ fürwar heist
allmechtig d̄ alle ding v̄mag. des müge ist etwas müge als ge
sproche wirt got ist allmechtig wañ er alle ding möglich ge
tün mag on alle hilff eins andern vñ spricht on die complexi
on wañ herfür zezieche das liecht d̄ sunnen vñ den mensche zu
geben vñ solche ding sind etwen vil möglich d̄ complexion.
die got on etwen des würckers d̄ andern aus fürung nit mag
wie wol das ist das das liecht d̄ sunnen ist vñ das d̄ mensch
ist das vermocht er on geberung als er den ersten mensche be
schuff wañ zu de wesen d̄ allmechtigkeit gehörend drii ding. zu
de ersten das sie frei sei in d̄ letzten freiheit. also das er frei ge
tün mag was er will vñ des v̄ nymant betzungē werd. als
David spricht. Alles das er wolt tün in himel vñ in erd in dem
m̄z. vñ in de tieffen wag das hat er getün. Das and̄ das er
starck sei in d̄ letzten starck vñ so starck das ym v̄ niemāt sein
allmechtigkeit vnderstandē werd. Hester am. xiiij. stat geschribē
Herr in deinē gewalt sind gesetzt alle ding. vñ nieman mag
widerston deinē willen. Das drit das d̄ sei in der letzten weit d̄
gewaltigkeit also das er in de tün vñ volbringen alles das er
will yendet keins andern hilff bed̄rffe. vñ das ym als leicht
zemaichen sei himel vñ erd als das aller kleinste das do ist. als
Genes geschribē stat. Wenet ir es sei got etwas schwer zetün
vñ .j. Legū. xiiij. Got ist das nit schwer zetün das er vns heilt
in vil oder in wenig. **H** Vñ also ist got in dreien dingē für
war vñ volkomenlich allmechtig. doch also das ym nit zu ge
acht werde die schuldige werck d̄ sünd als liege od̄ das er v̄b
el wolt od̄ müge sünden. od̄ das er gebundē wurd mit de pant
d̄ sünden. wañ sein mechtigkeit ist nit geordnet des vñ alles böf
mögen ist nit eigentlich ein vermügen. aber ein gebrech auch
das er nit mag beleidiget v̄gessen betrogē krank sterben oder
zu nicht werden. auch peinliche werck haben als forcht wein:

en clagē schmerz kumber armüt. auch leipliche als schlaffen si-
 zen ston müd werde vnd vil d gleiche. wann sein mechtikeit ist
 erfüllt. vñ dauo so mag die in gute wercke mit ab nemē als die
 mechtikeit d guten würckung abnimbt in de mensche wann er
 sündet. auch nimt ab die mechtikeit des mensche damit er lebt
 gat oder stat als ander soliche werck so er stirbt. aber die mech-
 tikeit gots die mag nit vndergon als die mechtikeit des leidens
 noch er mag nichts dürfftigs gesein als in leipliche wercken ge-
 schicht die müde vnd die dürfftigkeit noch vnfügsame werck
 die sind auch nit zu setzen seiner allmechtigkeit also das er
 machte ein grössern oder bessern wenn er ist oder das er ma-
 chte ein andern got der ym eben gleich wäre. oder das er ma-
 chte in solicher grösse ein ding das ein solchs end het vnd des
 gleichen wie wol das ist das got dem herren alle vnmögliche
 ding möglich sind so ist doch kei vnfügsam ding bei got mög-
 lich. als Anselmus spricht in li. Cur deus hō. wie wol er die
 selbigē vnfügsame dig nit v̄mag noch ist er allmechtig wann
 sein mechtikeit ist erfüllt die ist die höchst vñ ist geordnet vnd
 wider die warheit setzent sich die ketzer vñ sprechen das got
 nit allmechtig sei. ¶ Vñ daruñ so setz ich hie etlich frag
 vñ sprich vō ersten ob got möcht aus einer zerstörte ein vnzer-
 störte mache. dauon das Jeronimus spricht. Cū deus oīa pos-
 sit facere. weñ got alle ding getun mag so mag er nit aus ein-
 er die nit iungkfraw wār ein iungkfraw mache. Das wirt dir
 also verantwurt. er möcht das nit wann er vermöcht nit das
 das nit sei das gewesen ist. als sant Augustin in li. contra fau-
 stū spricht das v̄teil damit wir spreche das etwas sei gewese
 vñ dauon so ist das war wann das daruñ wir geret habe das
 ist v̄gange vñ ist nun nicht vñ das v̄teil mag got nit felschen
 wann er wiß die warheit nit ist so mag man doch das gehelle
 das das zerstört glid in der iungkfrawen möcht wider gantz
 werden vnd vermöcht auch gott mit seiner schlechten besun-
 dern mechtikeit das er der iungkfrawen das krölin der iungk-
 freülichen reinigkeit widergeb. aber das wār nit von seiner
 geordneten mechtigkeit. wann das stünd nit mit der georden-

ten mechtigkeit das er das Erönlin 8 iungkfrauschaft einer
zerrütten widergebe. Zu de andern mal so frag ich ob er yendert
ein creatur künd allmechtig machen. als er die creatur
die sel vnfers herren ihesu cristi allmechtig gemacht hat. Das
wirt dir also vantwurt das got das nit tun mag wañ möcht
er ein creatur allmechtig mache dauō das ym die creatur ist
wesenlich gescheiden so folget aus de das ir mügen möcht all
mechtig sein die von ym werdent wesenlich gescheiden. vñ al
so möchten auch mer göter sein. Sprichstu dan nun ist doch
cristus ihesus allmechtig vñ ist got vnd er ist auch ein mensch
vñ dauon so ist er ein creatur wañ ein yeglicher mensch wirt
gestellet aus leib vñ sel so wirt dir das gehellē das cristus got
ist vñ das er ist allmechtig wañ in cristo hat wouung völlig
lich die gotheit. als geschribē stat ad Colosen. am. j. auch wirt
dir das zu geben das er ein mensch ist. aber das er ein creatur
sei das wirt dir nit gehellen oder nach gebē als der meiste sprich
t in. iij. li. sen. c. xi. wañ die fürlegung schlechtlich fürgelegt
wirt vñ spricht cristus 8 ist ein creatur so ist das züuelögnen
wañ das ist falsch. aber so man spricht cristus nach de das er
ein mensch ist so ist er ein creatur wañ das mag gehellen wer
den. wañ cristus der ist ein mēsch durch menschliche natur dy
ein creatur ist. Zu der bewarung zereden so er spricht cristus
ist ein mensch vnd darumb so ist cristus ein creatur so ist die
nachfellig züuelögnen wañ cristus ist nit ein creatur darüb
das er ein mensch ist. wen du aber sprichst ein yeglich mensch
ist gestellt aus leib vñ sel die vernünfftig ist vñ das ist zehellen
wañ das ist war. aber du magst das nit herwiderumb kōren
wañ nit alles das bestellet ist aus leib vñ der vernünfftigē sel
ist ein mensch als offenbar ist von 8 menscheit cristi die bestel
let ist aus de leib vñ einer vernünfftigē sele yedoch so ist er nit
ein mensch sund nun ein menscheit oder ein natur 8 menscheit
Sprichstu dan noch mer. ein yeglich mensch ist beschaffen.
xps 8 ist ein mēsch vñ dauō so ist xps beschaffen vñ dem nach
ist er ei creatur. darüber wirt dir also geantwurt das dz vorō
nit zehellē ist wañ etwē ei mēsch dz ist 8 mēsch xps 8 ist nit be

schaffen noch der mensch hat angehebt zesein. also das man
 zeigt auff cristū. aber d mensch hat gefürt alle creatur in das
 wesen vñ hat beschaffen die stern vñ ist allmechtig. vñ vil so-
 licher ding wern zehellen vñ do selb darumb wann d mensch
 den antzeiget die götliche person das ist den sun d an sich die
 menschlich natur genomen hat vñ hat ym die zū geeiniget in
 die einigkeit des vnderatz. vnd die selb person die beschaffen
 hat alle creatur vñ der gleichē aber er hat nit angefangen ze-
 wesen wan er ewig vñ ymer ist. **K** Zum driten so frag ich
 ob einer yegliche person in der gotheit süg allmechtig zesein.
 Darüber nimb also antwort das die allmechtigkeit in d got-
 heit einer yegliche person wol sügt. als d lere Athanasius sp-
 richt in simbolo. Allmechtiger vater allmechtiger sun allme-
 chtiger heiliger geist Vñ doch nit drei allmechtig sund ein all-
 mechtiger. So möcht doch gesprochē werden das sie all drei
 allmechtig sind. also das die allmechtigkeit des suns wirt teil-
 hafftiglich vñ nit namlich genomen. Sprichstu dan warum
 wirt die allmechtigkeit mer zū geeignet d vater wann d sun
 vñ d heiligē geist weil sie doch ebē gleich allmechtig sind. als
 einer allmechtig ist. Darüber so wirt dir also geantwort das
 das geschicht zū einer aufhebūg des irrsals. nach d als Augu-
 stinus schreibt i li. de tri. wan in d creatur wirt gewonlich ge-
 merckt d geprechen d macht in d vater des alters halbē. in d
 sun wirt gemerckt die vnwissenheit von d iugent wege. vñ der
 nam des geists lautet ei gechung od ein vbrig ding. dau d ysa-
 ias spricht am. ij. Hüt euch vor d mensche des geist i seiner na-
 sen ist. vñ darūm das mā nit gedecht das d also wär in d got-
 heit als in d creatur so wirt d sat zū geacht nit allei dy mech-
 tigkeit sund auch die allmechtigkeit dz er damit als ein gar alter
 gesehē wurd vnd vñ das so sprechē wir. ich glaub in got vat
 allmechtigē. vnd d sun wirt nit allei zū geeignet dy weisheit
 sund auch alle kunst das er nit als ein iunger ersehē wurd vñ
 als einer d nit west vñ versucht hett. aber d heiligē geist wirt
 zū geeignet dy gutheit dz wir nit gedehet das er greulich vñ
 gech wär. dau d David spricht. Dein guter geist fueret mich in

ein gerechts ertrich. Sprachstu dann seid de sun wirt zu geeig
net die weißheit als de vater die allmechtigkeit. warum sprechen
wir nit in de glauben. ich glaub in den sun der alle ding waist
vnd kan. als wir sprechen ich gelaub in den vater allmechtige
Das wirt also verantwort wurd das es darumb geschach das et
lich geirret haben bey der allmechtigkeit die do sprachen das
nit alle ding vō got wesen od das got nit alle ding vermocht
aber sie irten nit bei der kunst gottes oder an seiner gutigkeit.
vnd darvon das der artickel gesetzt wirt von der vertreibung
wegen des irrals wirt gesetzt die allmechtigkeit vnd nit von
aller weißheit oder gutigkeit. Ein ander vsach ist vñ ist leicht
besser wan die allmechtigkeit fūgt allein got vñ nit alle kunst.
vnd gutigkeit wan die sel cristi waist alle ding vñ das gut dy
doch nit got ist sund ein lautere creatur vñ dauon so was nit
not das vnder den artickel die allein gott zu gehorten gesetzt
wurd von aller kunst oder gutigkeit als die allmechtigkeit. **L**
Aber noch setzent sich die ketzer wider die allmechtigkeit gots
vnd sprechen das got nit allmechtig sei. wan got vermug nit
alles das er wöll. vñ nemen fürsich das ewangeliū Marci an
dem. vj. vñ sprechen cristus mocht kein krafft noch tugent ge
tun in seinē vatterland wider die ketzer. Do wirt dir also ge
antwort das der spruch also zuuerstan ist. Er mocht nit das
ist er wolt nit wan der gottes gewalt das ist sein will. aber wi
der das mochst du sprechen das ad Thimotheū an dem. ij. ge
schriben stat. Got der will das all menschen heilwertig wesen
vñ das als Petri an dem. iij. stat. Got d will das niemand ver
derb vñ ir verderbent doch vil. Daruber antwort Augustinus
in libro Enchiridion als auch d meister sententiarū in. i. libro
di. xlvi. spricht. Got d will das all menschen heilwertig wesen
vnd das ist das keiner nit heilwertig wirt wenn den er heilen
will. vnd des nimb ein solichs exempel. ob in einer stat nun al
lein ein meister war d die kind lerte nit das alle kind durch yn
geleert wurden. aber das keiner nichts lernet nun er wurde
durch yn geleert. Vnd also mocht man sprechen das got will
das alle menschen heilwertig werden. anders mocht man spre

chen das die aufteilung geschicht nit von eins besundern geschlechts wegen . aber von der geschlecht wegen aller meniglich vnd der sin wer also . Got der will das aile menschen heilwertig werden das ist von yeglichem geschlecht will got das etlich heilwertig werden . vnd des gleichen hat man geschribē Mathei am .xxj . Ir zehende alle Kreüter das ist allerlei art der Kreüter . nit ein yeglichs Kraut besunder nun was rein was in der welt dauon gaben sie zehende . vnd auch also soltu nit gedēcken ob got etlich nit heilen will das sein vnuerdienen macht das darumb der will gotz nit gerecht noch krefftig sei . aber mit dem glauben ist das starck zehalten das der will gottes ist allweg vmb aller sterckest vnd krefftigest . wann nit gesain mag es sei allweg in got der selb will vnd die warheit . noch darzu so mag das nit gehindert werden . vnd daruon so ist die aller krefftigest . **M** Wann in gott so ist das ein ding der will die krafft vnd der gewalt . aber der will gottes wirt also aus betzeichnet wann der ein wol gefallner will ist . das wirt betzeitet mit dem willen des zeichens . vnd das geschicht in fünf felei weiß . das ist mit dem gebieten . mit dem er wōren . mit rat geben . vnd mit erfūllung . vnd mit dem verhängen . wenn wann sein wille will das wir gūtz solbringen so tūt er vns das kunt durch seine gebot vnd was er will oder wie vil wir hin vbertūn sōllen das offenbart er vns durch seinen rat vnd sein willen . do mit er will das wir lassen von vbel das ertzeit er vns mit dem wōren das er vns wōret das wir nit vbel tuen vnd ist das wir erfūllen was er vns geboten geraten oder gewōrt hat das geschicht mit dem willen gotz der am aller krefftigisten würckēt mit gantzer krafft . ist aber das wir sūnden vnd nemen ab vnd das geschicht nit anders dann das vns got rechtliche verlast vnd verhängt das wir fallen . wann es spricht sant Augustin in dem .vj . būch de ciuitate dei . Das ist gerecht was er beschaffe das er das aufgeb do mit das gesatz nit zerbrochen wer de das er gesatz hat vnd hilfft also den dingen das er sie doch mit eigner bewegung würckung leite . vñ daruon ist das er den freyen willen beidenthalb wendet . vnd verhänget das

wir fallen in das vbel das verhenget er mit vntrülich sunder
rechtlich vnd noch mer ob er etwen auffhelt vnd behüt vnd
ein ander verletz das thüt er aber rechtlich wann er yemant
nichs pflichtig ist. N. Vñ darum ob etwer fragte warüb
got einē sūder für den andern mitelte sein gnad auch warüb
er ein selig machte vnd den andern verdampfte so wif das in
den dingen sol ein schweigen gesetzt sein vnd gesprochen wer
den mit sant Paulo ad Ro. xj. O altitudo. O höche des reich-
tums der weisheit vnd der kunst gotes wie gar vnbegriffen
lich sind seine gericht vnd vnforschlich seine weg wer erken
et den sin des herren. Das fünfft der sordersten aus teilung des
artickels. Das ist die aller sterckest liebe do mit er alle ding in
das wesen getzogen hat. vñ ist ein schöpffer aller ding wañ
das ist lieb vnd gütigkeit das sie ausspreit vnd gemein macht
als Augustinus spricht im ersten buch de doct. cristiana. Quia
bonus est deus. wañ got der ist so güt vnd so hoch der vns be-
schaffen hat durch sein gütigkeit vnd vns zu nutzperkeit das
wir yn lobē dienen vñ niessen. Got ist ein schöpffer der hymel
vnd der erden. Das ist aller ding in dem hymel vnd in der helle-
sichtiger vnd vnächtiger vñ der gantzen welt das hat er her
für getzogen in das wesen aus der zeit vnd von nichten allein
von ym selb der die ewig höche ist vñ der erst vsprung der an-
dern all von ym selb des gewalt on alles end vnd vnemessen
ist. Der hat alle ding beschaffen in rechter maß vnd zal. vnd
mit dem das er spricht aus der zeit das ist das er in der zeit be-
schaffen hat alle ding do mit wir verreiben den irrsal der die
do sprechent das die welt sei ewiglich gewesen. vnd mit dem
als er spricht von nichten hie durch wirt verriben der irrsal
als die do sprechent die ewigkeit sei gewesen bei der materlich
erstigkeit. Mit dem das er spricht allein von ym selb do mit zu
verreiben den irrsal der manichern die do setzent mengen an-
fang. dann mit dem das er spricht der ist der erst vsprung vnd
der höchst. dardurch wirt ausgeschlagen der irrsal die do set-
zent das got die vnderste creatur mit hilff der engel beschaff-
en hat. vñ auch mit dem das er spricht in rechter zal wag vñ

maß do mit wirt antzeigt das die creatur ist ein Krafft der tri-
 nitat die do schöpfft vnd ein vrsprung ist seiner geschöpffte.
 O Alle creatur ist bescheiden wann die einer wag ist vnd ist
 güt vnd einer maß wann die geendet ist vnd ist gemässiget.
 Sie merck das got drifaltige creatur beschaffen hat. das ist
 die lautter geistlich als die engel. die lautter leiplich als die ele-
 ment die himel. vñ die creatur die ein teil geistlich vñ ein teil
 leiplich als den menschen des sele ein geistliche creatur ist vnd
 der Körper ein leipliche. von d geistlichen creatur vnd von der
 vnleiplichen als dy engel sind ist das cristenlich zehalten das
 got d herr aller engel güte beschaffen hat vñ hat sie beschaff-
 en in den gnaden die gnadsamig macht. als sanctus Thomas
 spricht. ij. li. sen. vnd hat yn ein mit gesetzt zwischen der höch-
 sten güt vnd der verkerlichen die ein geschöpfftes güt ist. also
 wäre das sie sich kerten zu der liebhabung der höchsten güt
 das ist zu got das sie dan über alle ding auffstigen zu d stand
 der glori von dem stand der gnaden. wär aber das sie sich kert-
 en zu den geschöpfften güt durch ein vngeordnete lieb oder
 mit einem übertreten. das würd yn kummen zu vbel vnd zu
 schulden. vnd do bei lucifer der was der erst vnder den engeln
 der übernam sich einer besundern güt vnd begeret besunderer
 erhöschung vnd abwesung. darumb fiel er mit aller seiner ge-
 selschafft vnd mit d fall ward er vnbüßwertig verstockt ver-
 plent vnd aus geschlagen von dem anlick gottes. vnd ward
 gantz vngeordnet in seiner würckung vnd mit gantzer macht
 flif er sich vmb zebringen den menschen mit menger versüch-
 ung vnd sucht von manigem geeret vnd angebet wer den als
 got. vnd vmb das alles das er tüt das tüt er boslich. vnd in
 dem so verhengt got rechtlich zu rach der bösen vnd zu lob d
 güten alles das er verhengt. wann recht als die engel die sich
 von got körten wurden für sich verstockt vnd vnbüßwertig
 also wurden die engel die sich zu got körten für ohin gefestig-
 et in den gnade durch die glori in einem güten willen vñ wur-
 den auch vollkomenlich erleucht in der vernunft nach der er-
 kantnuß des abents. vnd des morgens wurden sie der tugend

völlig vnderweist. es wär würcklich oder beweglich vnd wurd
den auch vollkommenlich geordnet es wär in der beschawung
oder dienstbarkeit vnd das selb nach der yer archya das ist d
oberst der mitlest vnd der vnderst. wann zu der obersten yer ar
chia gehörend die oberste drei kö: seraphim cherubin vñ thro
ni. zu den miteln yer archia gehörent zu die herrschenden die ge
fürsten vnd die gewaltigen. vnd zu den vndersten yer archia
gehörent die letsten drei kö: das sind die tügent die ertzengel
vñ die engel. aus den vil engel gesatz vñ gesant sind zedienen
vnd zu behüten den menschen do mit der stende nit fall vñ die
gefallen widerauff gericht werden durch ir hilff. Die leiplich
natur die von got geschickt ist dy stat gantz in den himelische
vnd in der natur der element. also das dy himelisch leiplich na
tur in dy erst genantē drei himel geteilt ist das ist in den fürin
der ist der oberst vnd ist erfült mit den heiligen engeln vnd der
cristall der ist vnder dē fürin vñ ob des firmaments das ist des
gestirn himel darinne die stern gehefft sind. In dē firmament
sind siben reich der planeten. saturnus. iuppiter. mars. sunn.
venus. mercurius. vnd d mon. aber die natur der element sind
in fire weg geteilt das ist das für. luft. wasser. vñ das ertrich
vñ in den selben sperē sind die element oder garul d gemüsten
kö: pel. vñ also zegon von dē höchsten angel d himel vntz auff
das center des ertrichs sind. x. reich d himel vñ. iiii. sper der ele
ment. aus den gestelt wirt das gantz gemecht d welt geteilet
vñ geordnet vnd vollkommen als das die himelische fließent in
die irdischen vñ in die element vñ machent ein scheidung der
zeit der tag d monat vnd der iar. Zu dem andern mal so mach
ent ir aus flus ein vrsach d aus fürüg gemeinglich aller ding
die geben vñ vergeglich sind das ist d ding die zelich wach
senlich empfindlich vñ der menschen kö: pel sind. ¶ Von d
dritten creatur die ein teil geistlich ist vñ ein teil leiplich soltu
wissen das got des menschen sel aus nichten beschaffen hat.
vnd hat die vernünfftig vnd vntötlichen gemacht auch ver
stentlich vñ nach der bildnus d vngeschöpfften trinitet mit d
gedechtnus verstedigkeit vñ mit dē willen vnd hat sie frei ge-

macht vorzwangnuß. also das sie nit betzwungen mag wer
 den vnd ein soliche sel schöpffet got einem yeglichen mensche
 wann er sie eingüßt dem leichnam. darumb soltu nit gedencē
 en das alle selen mit d sele adams zemal geschaffen seien wor
 den. sunder einzechtig werdent sie geschaffen. nach der glos
 über den David. Qui fingit sigillatim corda eorum. Der leich
 nam des ersten menschen das ist Adams der ist aus laim gefor
 miert aus d extrich des paradis. schön vñ gerecht vñ wolfol
 bracht zū seiner form vñ gestalt. also das er seinē geist wär vn
 dertemig vñ gehorsam on alle widerstrebung. vñ möcht gebe
 ren oder wurd geboren on alle gail des gelusts vñ wüchs auff
 on allen gebrechen vñ ward vnuertört in aller betzwungnuß
 vñ stürb nimer. vmb das ward ym gegebē die stat des paradis.
 zū einer berüweten wouung. vñ an der selben stat ward das
 weib aus der seitten des Adams irs manns geformiert ym zū
 einer geselschafft vñ hilff zū der vnuermalgeten kindlung vñ
 zū d speisung ward ym das lebendig holtz vñ zū einer behalt
 ung seins lebēs. Fürō ward mer gegebē dem gantzen mensche
 zwifaltiger sin der inwendig des gemüts vnd der auswendig
 des flaischs. ym ward auch gegebē zwifaltige bewegung. gebie
 ten in dem willen vñ volbringē in dem leichnam. Auch ward
 ym geben zwifaltigs güt das ein das sichtig vnd das zeitlich
 des flaisch. das ander was vnsichtig vnd ewig des geists. aus
 den zweien gütern gab got das ein das ist sichtig dē menschen
 das er das vn̄sunst besesse. das and verhengt er das d mensch
 das mit seinē verdienen behielt. vñ daruñ so ward die ewig
 gütgēit zeitlich nit geseheben man kām dann darzū. **Q**
Hierumb so ist dē menschen zwei gebot gegebē. das ein der na
 tur das solt verhüten der güt die nun gegebē was. das ander
 der zucht zūbehüten d güt die versprochē ward die mit nicht
 haf verdient mochtē werdē denn mit d gehorsamkeit die mit
 irem verdienen den menschen in den himel fürt vñ mit irem ver
 dienen in die helle verwirfft. Das gebot d natur was das do
 got sprach. wachsent vñ merent eüch. das gebot d zucht was
 do er sprach von d holtz d kunst des güten vñ des v̄bels sollēt
c ij

te nit essen vnd daruon das der mensch aus seiner plödigkeit
vñ von gebrechens wege möcht gefallen. wan er was nit be-
stät in der güt vñ darumb so gab ym d aller gütigst got fier-
faltige hilff. das waren zwü der natur vñ zwü der zucht wan
d natur die hat er zwifaltig ym gegebē die gerechtikeit durch
die gewissen. vñ hat durch die gewissen verlihe das sie recht-
lich müg gerichtē vñ durch das verwissen müg recht wöll-
en. das verwissen ist ein murblen wid das böß vñ ein erweck-
ung zü dem gütē. Also hat auch got zwifaltige hilff gegebē den
gnaden oder d zucht. eine die ist die gnad die vmsunst gegebē ist
vñ das was die kunst die do erleucht die verständigheit zü er-
kennen seinen got. sich selbs. vñ die dasigē welt die durch yn
beschaffen was. die ander hilff was die gnad die gnadsamig
macht do mit d mensch got lieb het über alle vñ sein nechsten
als sich selbs. vñ aus den fier hilffen het d mensch gar gnüg ge-
habt zü beston vñ auff nemen in dē gütē. vñ hie durch auch
das vbel siben mügen. aus dē magstu erkennen ob d mensch
gefallen ist das solichs von nichten anders dan allein aus sei-
ner eignen schuld beschehen ist wan er die gehorsamkeit ver-
smecht hat. darüber wiß das got den mensche darumb beschaf-
fen hat das in ym erleucht die götliche werck wan er hat yn
gemacht aus den orten die gar ferr von einand gewesen sind
in der art der substantzen do mit leib vñ sel zü einander gefügt
was das in dē mensche die großmechtikeit gots erzeigt wurd
Auch hat got den menschen in vnschuld beschaffen recht ge-
recht vñ on alle schuld kummer vñ pein also das in dē menschen
erzeigt wurd die gütigheit gotz. Zü dē dritten so hat got den
menschen vernünfftig gemacht das er got erkennen solt sich
selbs vñ alle creatur der namen er yn allen geschöpfft hat al-
so das in ym erzeigt wurde die weisheit gotz; wan got hat dē
menschen verlihen drifaltigs aug. als Hugo spricht. das sind
des fleischs do mit er sehen soll was auffserhalb sein selbs wär.
vnd das aug d beschauung do mit er sehen sol was in ym wär
vñ das selb aug hat d mensch nit nun nach dē fall das er also
gantz erleucht wär durch die genad durch den glauben vnd

durch die verstandikeit der heilige geschriffte. Nun soltu
 fürb als mer wissen das Adam der erst mensch beschaffen ward
 wie vor stat außserhalb des paradys von gott aus dem laim des
 ertrichs also nach dem leichnam in manlicher person ward ge-
 setzt in das paradys das er wese das er dy selbst het durch
 dy gnad vñ nit durch dy natur. aber eua ward beschaffte von
 got in dem paradys aus Adams ripp. vñ wärent die beide Adā
 vñ Eua in der selben stat belibe in der ersten gerechtikeit so he-
 ten sie kinder geberet on allen gelust d galle vñ als vil Knablin
 als vil medlin vñ also herwider ire kinder andere kinder in der
 ersten vnschuldikeit. aber doch so wärent sie darinn nit beste-
 tiget yedoch so wärent aber in d gerechtikeit mit d fürsichti-
 keit gotz behalten worden. die kinder die geboren wärent die
 wärent nit fürsichtar in manliche stand gewesen vñ gros ge-
 born als die ersten mensche geformiert wurden. auch mochte
 sie nit verbracht habe alle werck des mensche nach ir geburt.
 Auch hetten sie nit als pald die nützung d vernunfft die kunst
 vñ bescheidenheit. aber wol hetten sie das mit besüchung vñ d
 findung in gemeinlicher zeit gelernet. Zu den vorgeschribnen
 sachen mügen wir das gesetzen das der erst mensch beschaffen
 ward in den gnaden die all tügent in ir helt vñ die auch in ir
 kein vnuolkomenheit beschlüst als die lieb die gerechtikeit
 die sterck vñ soliche tügent. Auch hat der erst mensch gehebt
 in ym die tügent die in ir vernunfft etwen vil ein vnuolkomē
 heit tregt die aber doch nit sind wid volkomenheit des stants
 des ersten menschen. als d glaub ist vñ die hoffnung. wann d
 glaub ist von den dingē die man nit sicht. vñ die hoffnung ist
 d ding die man nit hat. vñ daruon das der erst mensch got nit
 sach durch das wesen nun leicht in dem das der entzuckt ward
 noch das er yn nützt in etlicher feligkeit. daruon so het er die
 tügent das ist d glauben vñ dy hoffnung nach der wāt vñ tät
 die tügent die von ir selbs wege in sich beschlüst die vnuolko-
 menheit vñ die dem stand d vnschuld mit widerstrebent die selben
 tügent mocht gehalten d erst mensch nach d gewonheit aber
 nit nach dem werck als die tügent d büß ist d volbrachten sünd

vñ die barmhertzigkeit die ein schmerz ist von 8 andern iãm-
erkeit. auch hat 8 erst mensch gehept in dē stant der vnschuld
alle kunst ym zū einer behaltung alle tūgent dy dem menschen
not waren vñ mocht nit betrogen wer dē also nach 8 versten
digkeit wāren sie in der vnschuld belibē. **S** Aber warum
das weib betrogē ward soltu wissen nach sant Pauls schrei-
ben das ist geschēhe das sie inwendiglich ir gemūt ee zū sūn-
den erhūb. nun zereden von den schulden 8 ersten menschen do
uon ist also gehalten wann das weib verhengt des tūfels ver-
sūchung vñ begert 8 kunst vñ der grossen ere gotz. auch wolt
sie innen werden 8 süffigkeit des verbotnen holtz vñ darnach
fiel sie in die ōbertretung des götlichen gebotz. vñ an solicher
irer ōbertretung lieh sie sich nit benügen sūnd sie gab es auch
irem mann zeeffen 8 frucht von dē verbotē holtz der nit wolt
den glust des weibs betrüben sūnd verhengt irē bösen rat vñd
pih in den apffel 8 ym von dē weib gegebenē ward vñ tet ōber-
gon die gebot gots. vñ sielent also beidenthalben in die unge-
horsamkeit vñ wurden durch lust 8 strafheit sich beide ōberne-
men mit hoffart. vñ nach also vnordenlichen ōberheben 8 ōp-
pigkeit sielen sie iemerlich von dē stant der gnaden vñ der vñ
schuld in den stand 8 schuld vñ der erbemlichkeit do bei sie vñ
stundan schuld vñ widerspenigkeit vermatekten die scham irs
flaischs zū bedecken machten sie kosten oder wedel. darnach
durch das götlich gericht kam der man in kumer vñ in not in
arbeit engstigkeit vñ dürffigkeit nach dē als die geschriffte sa-
get. Verflucht sei das ertrich das du arbeitest vñder dein hen-
den. deinem weib wirt zwifaltig ir pein gepiniget vñ mit ma-
nigfaltiger kestigūg. ir gebürt leidet sie mit schmerzē vñ soll
vñdertenig sein dē mann. vñd das geschach darumb das die
sūnd eī anfang durch das weib genomē hat. vñ also ist war
vñ kunt das gar ser die sūnd der vñgehorsamkeit in dē ersten
menschen gebessert ward wie wol die gar gering verpracht
ward. vñ also ist vntz her beschriben von der schöpffung aller
ding vñ von ir gelegēheit. auch von dē ōbertreten 8 mensche
danon geschribē stat in dē. ij. buch sententiāru. **T** Nun sind

hie etlich fragē z'emelden. Von ersten möcht man fragē war
 umb got die welt hat wöllē beschaffen. Die antwurt das er
 das hat wöllē tū von seins mechtigē willens die die oberst
 sach ist aller dīng die er beschaffen hat. vber die schlechtlich
 kein vsach anders zefragē ist. aber zū einer gerechten vsach
 mag man sprechen das er das darumb getū hab zū ertzeigē
 en do mit sein gütigkeit vñ das die creatur ym dienete danon
 die nutzperkeit als ob geschribē ist de mensche mit geteilt wirt
 vñ mit got. Zum andern wirt gefragt warumb got die welt
 nit ee schaffē hat den er getū hat. Die antwurt. Es hat ym
 das also gefallen. Zum dritten wirt gefragt was got getū
 hab vor der welt schöpfung vnd in wem er wonung gehabt
 hab vor dem als weder himel noch heiligen gewesen sei. Die
 antwurt. Got ist in ymselbs allweg genugsam gewesen vnd
 ist auch allweg. vñ vor der welt schöpfung hat er nīchs ge
 würckt zū der aufwendigkeit. aber nach der inwendikeit hat
 ym got der vatter aus seiner ewigkeit sein eingebornen sun ge
 born der mit sampt ym ewig geistet den heiligen geist. Zum
 vierden so wirt gefragt warumb got nit gemacht hab das al
 le dīng vngeprechelich belibē wāren. Die antwurt. Schlecht
 lich zereden so ist kein creatur vngebrenchenlich wann das al
 lein gottes ist der nīchs bedarff das er von yeman auff gehal
 ten noch bestetigt werde het got die creatur vngebrenchenlich
 gemacht so het er sie zū götern gemacht vñ ym die freiheit ge
 nomen do mit er frei ist die creatur zū behaltē. auch mer er nō
 tet sich selbs vnd pund sich zū der das er die vnuergetlich
 müst behalten das ein grosse vnfügigkeit ist. aber darumb
 das er die mag behalten oder nit aus der freiheit seins eignen
 willens. vnd danon ist not das die creatur gebrenchenlich sei.
 vnd das sie müg abnemen ob sie nimer abnem. das aber die
 geschöpfft sei geprenchenlich das ist got nit zū geschribē wan
 got hat in keinerlei schiekung noch gestalt gegeben do mit sie
 gebrenchenlich sein soll. aber darumb das die creatur aus nīch
 ten beschaffen ist so mag auch die zū nichten werden. also hat
 got alle dīng beschaffen vñ nit gemacht das sie soltē gebrech

enlich sein wie wol sie sind gebrechenlich. Zum fünfften wirt
gefragt warumb got nit alle ding besser hab gemacht dann
sie sind. Die antwort. Das es also seinem willen gefallen hat
ob er ein ding als gut eben gleich beschuff noch erschöpffet
er nit sein mechtigkeit. Zu dem sechsten warumb got verhengt
hab das die engel vñ die mensche als pald gefallen seien. Die
antwort. Das er dar mit wolt erzeigen das sie von anfang
sind gebrechenlich gewesen vñ ob sie ioch ein tag ein monat
oder ein iar bestanden wären vñ wären dann gefallen so wär
doch das ein frag warumb er die zu der selben zeit het fallen las
sen. V Zu dem sibenden wirt gefragt warumb got ver
hengt hab das der bösen mer sind dan der guten vñ der vnge
laubigē mer dan der glaubigē. Die antwort. Das er das du
rch dreier sach willen getun hat oder noch verhengt. von er
sten darumb das die beschirmung d Kirchen got dem ewigē her
ren zu geschriben wurd. Zum andern darumb das yn die men
schen nit selbs gedraweten. Jeremias an dem. xvij. Verflucht sei
der mensch der seinen arm das ist sein krafft zu setzt dem flaisch.
Zu dem dritten das got zuerston geht das alles gut bestetigt
ist aus gnaden vñ nit aus d natur. als herr David spricht Do
sie waren einer wenige zal vñ ir inleüt do giengen sie von ein
em geschlecht zu dem andern vñ von einē reich zu einē ander
en volck vñ lieh sie keinen menschen nit leidigen vñ strafft für
sie vil künig. Nun werden hie fünff irsal gemeldet. der erst ist
d welich sprechent das got nit sei. vñ der selb irsal ist ein gros
se vnfinnigkeit wann sie verlögnen irs ewigen behalters aller
creaturen von d sie teglich auffgehalten werdent vñ nement
von ym all ir güttet. den selbē irsal sollen achten alle mensche
wann sie iren vater vnereen das ist got d ein vater ist aller ding
auch sind die selbē erger dan die tüfel. wann die tüfel glauben
das got ist vñ besorgent sich vor ym. Spricht sant Jacob an
dem. ij. Der ander irsal ist d yetzigē die do spreche. es sind mer
göter dan einer. dar wider geschribē stat Deutro. am. vj. Audi


israhel. Hör an israhel dein got d ist einer die selbē preitent sie aus nach mengerlei abtgoterei. wann es sind zehē gestalt d apgoterei darinn die aller vnfinnigistē mensche dy ere vnd glori gottes getzogen haben. Die erst ist alle dienstperkeit der tūfel die ander aller stern. die dritt der element. die vier d der apgoter. die fünfft der pilder. die sechst der figur. die sibent der wörter vnd der namen. die acht der zeit vnd irer teil. die neünd der hantgiff vnd des angangs. die zehent der findelmiet vnd des funds. ¶ Aber die apgoterei ist so man die ere vnd den dienst den mā got schuldig ist das d selb dem tūfel erboten wirt. die apgoterei der tūfel die ist aus dē entsprungen. als die menschen gedachtē die tūfel hetten gewalt öber der mensche kōrpe l vnd element dardurch sie betrogen sind. Zu dem andern mal daruon das sie etwas künftigs sagen. Zu dem dritten do vō das sie etwas vngewonlichs volbrechtē. Zum vier tē das dauō die heimliche ding etwen geoffenbart werden. als diebstal zesehen in den spiegeln oder in der mensche negel. vñ mit sehen der menschen hend seine augē sein zen vnd vil soliche ding. Aber die apgoterei der stern dy ist hierauß entsprungen do sie sprachen das das gestirn dem menschen pring güt oder böß siten weißheit oder vnweißheit vñ mengerlei geset; vnd togenheit das offenbar falsch ist. wann der mensch ist mit beschaffen worden von der stern wegen aber die stern von der menschen wegen. dardurch ist gar schantlich das sich ein ver nünfftige creatur vnderwürffig macht einer vnuer nünfftigen. als der den mon sunn stern anbeten sind vnd glauben auch daran haben daruon die einfeltigen vil haltent vnd schwerlichen verdampft werden. Die apgoterei der ellement ist sunderbar aus dem herkommen. wann die gar gäch sind in der würckung vnd ist auff steigung in die höch. als das dann in den lüfften groß donner plitzgen vnd schäwer geschehent do mit die vnholden vmb gond. vñ dauon auch vil zeschreiben wär. Auch wurden die apgotter etwen von ir selbs wegen angebetet vnd auch geeret. Vnd etwen von der himelischen so: in we:

gen etwen von der geist wegen die aus denen antwort gaben
V Die abtgötterei der bildnuß die ist also auff kumen das
etlich gar d mechtigen als betrübt waren vō des tods wege
irer eltern das sie von lieb wege nach yn lieffen pilder mache
vñ gabent darzü gnad vñ freung allen den die darzü kamen
Aber die abtgötterei d figur ist her kumen wañ etlich gedach
ten vñ gelaubten wie die figur het masen vñ einrückung der
göttlichen krafft vnd das sind die dy do figur vnd zirkel oder
kratze mache an die fenster od türe als zu weinacht geschicht
das alles vnrecht ist. Die abtgötterei d wörter oder d namen
ist also auff kumen das etlich vnholden gelaubten das in den
worten soliche krafft war vñ in den wunderlichen namen. als
so wañ die erhört wurden das siech vñ leüt darvon müsten
sterbe. vnd also geben yn die vnholden vñ die sprecher zu weil
zu tagen vnd zu den monat soliche krafft. Die abtgötterei der
hantgiff vñ des eingangs ist kumen aus dem das sie sprache
es ist gut etwas an zefache an d tag oder zu der zeit vnd in d
monat. es sei zu heiratten od kauffmanschatz zetreiben. wann
die zeit der yetzigen tage oder monat ist vil glücklich oder vn
glücklich. Aber die abtgötterei des findens oder d ding die ge
funden werden ist also auff kumen wen man findet ein ding so
sol dar von kumen gelück oder vngelück. vñ darumb spreche
die alten weib es sei besser man finde ein kleins eisen wen das
man finde groh gold vñ silber vnd sprechent vñ gelaubent es
sei gar ein gelückhaffigs ding. es sei besser der ein nadel finde
das ein pfennig. Von solicher abtgötterei ist vil geschriben in
Canone an dem. xxvj. Der dritt irrsal ist der die do sprechen
das die vndersten teil der welte seien beschaffen von den böz
sen engeln oder von dem tüffel. oder etwen ein creatur sei be
schaffen worden von einem andern anfang dann von got vñ
wider der selbe irrsal all stat geschriben Johannis an dem. j. Alle
ding sind durch yn beschaffen. vñ das ist auch wider den irrsal
der yetzigen die do sprechen das leiplich ding sei von d tü
fel beschaffen vñ das geistlich vō got. Der vierd irrsal ist die
do spreche das die gute engel nit seien beschaffen vō got sund

sie seien mit ym ewig gewesen. Wider das spricht sant Pauls
 an dem .xj. zu dem 2. Timotheo. Aus ym durch yn in ym sind alle
 ding. vnd Actuu an dem .xiiij. Bekeren euch zu dem lebendigen
 got der himel vñ erd vnd alles das darinn ist beschaffen hat
 vñ den regen von dem himel geit vnd die frucht von dem ertrich
 Der fünfft irsal ist die do spreche das all sel mit den engeln be-
 schaffen seien. oder das sie all in dem anfang mit der sel Adams
 beschaffen seien worden. oder das dy sel sei von der natur gotz
 vber das spricht die glos vber den psalm. Qui finxit singulat
 Der do anlitzig hat beschöpfft nürwe hertz als geschriben ist.
Z Do soltu mercken das werck od arbeit in sechserlei weiß
 von ersten das er etwas aus nichte schöpfft mit keinerlei vn-
 dersatz oder hilff. Zu dem andern mal so fingiert er die vernünfft
 tig sel von nichten doch mit dem fürgesetzt dem mat er die darzu
 geschickt ist. vñ die selb maß ist zu der erfüllung des natürlichen
 lauffs. Zu dem dritten mal so schöpfft er etliche ding gnädig-
 lich für sich als durch sich selbs wid den lauff der natur. als die
 wunder vñ die gnad die gnadsamig macht vñ die götliche tü-
 gent. Zu dem vierden mal so würckt er mit der würckung des
 willens das er do mit schöpfft das selb lebendig werck noch
 durch das wirt nit ein vnbeheblichkeit des menschen werck. Zu
 dem fünften mal so würckt gott mit behaltung vñ auff ent-
 haltung der andern sachen sich selbs dem werck got nit würckt.
 nun sie würck dan die selb sachen. Zum sechsten mal so würckt
 got mit dem das er behüt aufhelt vñ schickt alle ding vñ also be-
 halt er das werck der sünd nach ir substantzen vñ helt die auff
 vñ ist doch nit ein vrsprung noch würcker der sünden wann er
 das werck der sünden bewärt vnd gewaltig allein von ir sub-
 stantzen wegen vñ nit von ir vngestalt wegen. Vnd souil ist
 hie geschriben von dem ersten Artikel.

Hie nach volget der ander artikel den vns
 setzt Sanctus Andreas vnd spricht.





Tin ihesum cristū filiū eius unicum dñm nostrū. **A** Nach dē fall des menschen was not d artzney das d mensch er löst wurd durch ihesum den mitler gotz vñ d mensche als wir mit güte glaubē das d nit mensch wār wordē wār d mensch nit gefallen. als der heiland selb spricht Mat. ix. Non ē opus. d artzt ist nit not

den gesunde sunder den sieche. als sant Augustin spricht. Heb auf die sucht vñ krankheit so wirt do kein vsach d artzney mit sein vñ die sag d heilige ist mer mithellig das gesprochē ist vñ das eret got mer vñ lobet dy gutāt d menscheit durch flammert mer das begern d glaubigen zu dē dancken do mit die heilige entzündet wurden das gottes sun mensch wurd vñ sprechend Kum her vñ nit vertzüch. löß ab das vbel deins folck's israhel. Kum lieber herr ihesu. Apoc. ultimo. Kum vñ hilff vnser krankheit. heb auff vnser sünd vñ sterck vns das wir mügen gedienē deinē genaden. vñ darumb spricht billich d glaubig mensch. Ich glaub in ihesum sein eingebornen sun vnsern herren. aber mainstu nit wen der mensch also spricht ob er icht in ein andern glaube dann in got den vater. Darüber wirt dir also geantwort das d wol in ein andern glaubet dan in den vater der do glaubet in sun d ein anderer ist von dē vater. aber er glaubet nit in ein andern got von dē vater. wan sie beid ein got sind. **B** Bei ihesu ist zuuerston die götlich natur. wann ihesus ist als vil gesprochen als ein heiland. Mathei. j. Er heilt sein folck vō den sünden. vñ bei cristo ist zuuerston die menschlich natur. wan der ist als vil gesprochē als ein gesalbter. cristus der herr d ist gesalbet mit dē öl der götlichen gnaden vñ so licher volheit das er den andern mag die gnad ver giessen. als herr David spricht. Dein gott dein gott der hat dich gesalbet mit dem öl der freuden. vñ Johannes an dem. j. Wir haben yn gesehen vol der genaden vnd der warheit. Vnd do selbs stat auch geschriben von seiner vollait nemen wir genad vmb genad. vnd do solt du wissen das der menscheit cristi gemain ist

drifaltige genad. wann der natur der gottheit wirt nit geben ge
nad. wann die alle genad hat zugebe, die got der vatter & men
schliche natur in cristo zugebe hat. Er hat ym gebe die gnad
der besunderlichkeit & person. die gnad & einigung. vñ die gnad
des haubts. mit der ersten gnad hat er gehebt von de anfang
seiner empfangnuß die sicherheit von allen sünden. wann er nie
gesündet hat noch nie hat mügen sünden. vñ also hat er ge
hebt die gnad die yn geheiligt hat vñ yn in der herrlichkeit be
halten hat vñ bestetiget das & selb mensch in cristo war füg
sam vñ gnügsam zu & erlösung menschlichs geschlecht durch
die gnad & einigung do mit die natur & gottheit vñ die natur &
mēschheit sind in cristo geeinigt vñ die ist würdig mit allein des
lobs & seligkeit auch fürwar & götlichen anbetung die allein
ein ere erbietung ist die got zu gehört vñ das ist die gnad vñ
er gnad das die menschlich natur ist erhöcht worden vber dy
aller heiligsten vñ vnausprechenlich einigung das sie nit hat
höcher mügen werden. dauon sant Augustin spricht in lib. de
predesti. sanc. vñ dauon so wirt die menschlich natur als sie &
gottheit ist zu geaint götlich angebeten vñ geeret vñ spricht
mexcklich als die natur & mēschheit ist zu geaint & gottheit weñ
als sie für sich selb gesetzt wirt so ist die selb natur ei geschöpf
vñ ist zereen mit & ere oder mit de gebet yperdulia. von de in. iii
sen. di. ix. ¶ Mit & dritten gnad des haubts so vergüßt cris
tus die bewegung vñ die sinn in aller menglich die zu ym ko
ment durch den rechten glaubē oder mit de sacrament des glau
bens die vor dem aduent cristi zu ym komen sind mit dem glau
ben oder nach dem aduent oder noch hüt des tags zu ym kum
en die sind all gelider cristi vñ er ist ir haubt recht als alle ge
lid in dem menschen nement den aus fluß der bewegung vñ &
sinn von dem haubt. also alle menschen den die genad der got
heit wirt zu gefüret die werdent auch gefüret mit cristo die
machent also einen geistlichen leichnam vñ nement den geist
lichen sin vñ bewegung von einem haubt cristo dar aus flü
set alle die vollaistung der überflüssigkeit wann er in den ge
naden überflüssig ist als das leiplich haubt vber die anderen

gelider der sinne vollaißt. nach dem wirt gesprochen in dem yet-
 zigen artickel in seinen sun. do soltu mercken das er die ander
 person ist in der gotheit der mit vil namen genennet wirt. also
 das wir mit vil gleichnussen mügen etwen vil komen zu götz-
 licher erkantnuß. wann an einem namen ist nit genug noch an
 yn allen. wann alle die gleichnuß die in der creatur begriffen
 ist die ist mer ein vngeleiches wann ein gleichnuß zeschetzen
 zu dem schöpffer. vnd ist nit ein wunder wann der schöpffer
 vn̄ das geschöpfft die sind in yn selb gar einer vngeentzer fere
 nit von der fere wegen der aber woll in der volkomenheit der
 tügent vnd darumb das d̄ sun ertzeiget wirt das er gantz ge-
 leich ist got dem himelischen vatter so wirt er genant ein pild
 vnd das er ertzeiget wurd wie er dem sei eben geleich. so heist
 er ein schein des vater. ad Hebre. am. j. Das er auch ertzeiget
 werde wie er aus dem vatter on alle materi geboren ist heisst er
 das wort. Johan. am. j. In d̄ anfang was das wort. vn̄ das
 er in der selben substantz mit d̄ vatter ertzeiget werde. vnd das
 er der selben natur mit dem vatter ist er geheissen ein sun. vnd
 also wirt er geheissen ein pild do mit er dem vatter geleich ist in
 der gestalt. Er ist geheissen das ewig wort do mit er dem vat-
 ter geleich ist in d̄ verstendigkeit. vnd ist auch geheissen ein sun
 do mit er dem vater geleich ist in der natur. Vil ander substantz-
 lich namen hat der sun die ym zu geacht vnd geeignet werde.
 daū hie von ir yeglichem nit zeschreiben ist. D̄ Aber v̄
 dem ewigen wort ist hie etwas zeschreiben vnd also ist zered̄
 das got ist ein verstendige natur vnd würckt freilich die sich
 selber allweg am aller schlechtigsten hat verstanden vnd in
 seiner verstentnuß hat er herfür getzogen das wort vnd hat
 ym das got eben geleich geboren. als sant Augustin spricht in
 libro de cognitione vere vite. et. xv. de trinitate. Vnd in seiner
 verstendigkeit erkennet er sich selbs die höchsten güt vnd ist
 auch das höchst güt vnd des geleiches erkent er den sun das
 er das höchst güt ist. vnd darumb so hat er yn lieb vnd wirt
 gar hoch von dem sun widerumb geliebet. vnd allso sind sie
 ein ding oder ein anfang das ist der schöpffung vnd das ein

Knopff ist der lieb des vaters vnd des suns. der vater für natürlich den sun herfür wañ er sich selbst natürlich verstat vnd fürrent herfür mit willen den heiligen geist. wann mit der liebhabung zücht er yn herfür dauō das die liebhabūg ist ein werck des willens. Nun merck weiter das drifaltigs wort ist das wort des gemüts der stimme vñ ein gemachts ding. wañ das wort des gemüts ist ein inwendiger empfangung des gemüts vollkommenlich geschickt vñ geendet. vnd das selb empfangendy ist vō den philosophi genant ein aus bedeutung eīns dings aber bei den letern d̄ heiligē geschrifft ist es geheissen ein wort aber das wort der stimme ist geheissen namlich als vil das bezeichnet das inwendig wort das geformiert ist in der sel als d̄ harn ist geheissen gesund darumb das er ein antzeigen geit d̄ gesuntheit wie wol das vngewiſ ist. also ist das wort der stimmen geheissen das wort. aber das wort des gemüts wirt eigentlicher geheissen das wort vnd ist ein bild des empfangnen dings. aber das gemacht oder gewürckt wort das ist nit anders dann ein ding das mit dem wort zūm ersten oder anderen mal vermerckt wirt. als Lucas spricht an dem letzten vnd das sind die wort die ich zū eūch geredet hab das ist das sind die ding der wörter als ich eūch gesagt hab. E Vnd noch ist mer zereden vnd zewissen das drifaltige wort des gemüts ist. wann in einer yegliche vernünfftigē natur do ist not das darinn gesetzt werd das wort vnd darumb so ist das wort des gemütz anders das menschlich anderst das englisch vnd anderst das götlich. von des menschen wort wirt gesprochen in dem psalm. Der vnweiß hat gesprochen in seinem hertzen. vnd von d̄ englischen spricht Zacharias an dem. j. vnd Lucas an dei. vnd an vil andern ort der heiligen geschrifft. Der engel sprach aber von dem götlichen wort stat geschrieben Genes an dem. j. Got der sprach. es werd das liecht. vnd also zereden. got der sprach das vngeschöpfft ewig wort das allweg vollkommen ist das ist die empfangnuſ gottes des vaters die einig vnd die vollkommen do mit er sich vnd das ander alles das von ym ist vollkommenlich empfangt vñ verstat mit einē aller schlechtesten

werck in 8 beleibung. vñ solichs götlichs wort das kumbt vñ
 de vatter vñ beleibt allweg vñ ewiglich vñ ist beleiplich in der
 selbē substantz 8 natur mit de vatter. das ist wol offenbar in
 de als Johannes spricht an de .j. In de anfang was das wort
 vñ das wort was bei got vñ got was das wort. vñ aus dem
 kumbt drifaltiger vn derscheid des götlichen worts vñ des ge-
 schöpfften worts des gemüts. wann in vnserm wort ist die ma-
 nigfaltigkeit. wann als vil wort bei vns sind als vil der gefor-
 merten vñ der volkomen empfachung ist. aber in de wort gots
 do ist die einigkeit do nit mer mag gesein dan ein empfachnuß.
 do mit gott der herr sich vñ alle ding die vñ ym sind volkom-
 enlich verstat. Die and vnderscheid ist. Vnser e wort sind ein-
 litzig vñ gemechlich vñ ist an de letzten des 8 es verstat vñ sch-
 ickt. aber das götlich wort das ist schickung mit got de vatter
 vñ ist mit ym das ewig empfaben. Der drit vnderscheid ist. vn-
 sere wort ist ein geschickt oder zu gehörung. aber das götlich
 ist ein substantz wann es ist die selb natur mit de vater. vñ aus
 dem merck das die empfangnuß 8 götliche natre vñ auch die
 menschlich ee das die durch die stim bezeichnet wirt das sie
 eigetlich geheissen sind das wort vñ das ist als sant Augustin
 spricht. xv. li. de tri. Welcher verston mag das wort nit allein
 ee das es dōnet das es war sei ee das es kling mit 8 pildung
 8 gedencke vngewickelt wirt 8 mag etwen vil sehē ein gleich-
 nuß des wortz dauō gesprochē ist. in de anfang was das wort
 vñ das wort was bei got. ¶ Noch ist der gedechtnuß zu-
 empfelhen das sunderlich zwei ding sind von de wort gots. vñ
 ersten das es ein volkomen gleichnuß sei mit de des das wort
 ist vñ dauō so ist das wort in 8 gotheit vñ der sun in 8 gotheit
 ein ding in aller maß. als sant Augustin spricht in li. vj. de tri.
 das 8 lebendig kumbt von de lebendigen in 8 selben natur vñ
 nit allein in der besundern. namlich auch in der zalung nach 8
 gleichnuß. als auch mer sant Augustin spricht li. xv. de tri. der-
 setzt die gleichnuß 8 trinitat in des mensche sel nach de das es
 verstat des anderen on sich das gemüt selb verstat. nit nach de
 das es verstat das ander on sich wen so der verstendig anders

ist dan die verstediget so ist dan das wort mit ein vrsach vñ
ein gleichnuß des verstandnen dings. Das ander ist von des
göttlichen worts wege das her kumbt als ein empfangnuß vñ
dem empfachenden von de des das wort ist vñ dauon so ist das
nit gantz vñ in gleicher maß mit de des das wort ist wan die
verstentnuß begreiffet das nit das d her kumer sei das selb mit
de in aller maß von de er kumbt. vñ daruñ so ist ein offentliche
vnderscheid zwischen de vater vnd dem sun oder de wort in der
gotheit. aber wol ein and ist d vater weñ sein sun od sein wort
Auch mag man den aus gang des suns vñ des heiligen geistes
anders erzeigē in gott den von d ewigkheit das höchst güte die
höchste wunsamkeit vñ die höchst seligkheit ist anders wär er
nicht noch wär nit gewesen das höchst güte. aber wo die hō-
chste wunsamkeit ist do ist auch die höchst lieb vñ die mag nit
gesein nun in der menig vñ do von so sind aus d ewigkheit mer
personē gewesen vnd den ein eintrechtige lieb nit gesein mag
die höchst wunsamkeit vñ ob do was die eintrechtig liebe so
was die volkomen wan in de höchsten güte ist kei vnuolkom-
enheit vñ ein soliche eintrechtige vnd volkomne lieb die mag
in d menig nit mer dann mit dreien gemert sein vnd dauon so
mügent do nit mer dan drei person sein die sich eintrechtiglich
am aller höchsten liebent. also am erste das sie die gnadreich
lieb vñ nit die pflichtig vñ die gnadreich. darnach das nit do
sei die gnadsam lieb aber dy pflichtig vñ das nit geendet wer-
den in mengerlei weise nun in drei personen. **S** Die erste
lieb ist in de vater wan gnadreichlich liebet er den sun vñ den
heiligen geist vñ nit von pflichtigung wegen wan er nit von
ym kumbt aber sie komet von ym. Die and lieb ist in de sun d
gnadreichlich den heilige geist liebt vñ nit vñ pflichtigkeit we-
gen aber von schuld wege vñ nit vñ gnadsamkeit wege hat
er den vater lieb von de er kumbt. Die drit lieb ist des heiligen
geists der nit aus gnadreichheit sund aus pflichtigkeit beident-
halbē liebt den vater vñ den sun wan er von ym beiden kumbt
vnd wirt von ym gegeistet. vnd kein person kumbt oder flüßt
von ym Vnd die selb vrsach setzt vns d hochgeleert er würdig

Zich. li. iij. de tri. Nun nem wie in 8 creatur ein andere durch
 leuchtung. wan in einer substantz des fueres do ist das fuer. der
 schein vñ die hitz. der schein kñbt von de fuer vñ das fuer kñbt
 nit von de schein. vñ die hitz kñmt vñ yn beide von de fuer vñ
 von de schein. also kumbt 8 heiliggeist von de vater vñ dem sun
 Ein and exempel merck. In cristo sind drei substantzē. das ist
 die gotheit. die sel. vñ der leib in einer person des suns dauō vil
 fester mügent mer person gesein in einer substantz. Noch ein
 and exempel ist. In vnser sel sind geeiniget drei gewalt die ge
 teilt sind. das ist die gedechtnuß verstantnuß. vñ der will. von
 8 materi stat geschriben lauter am. j. büch sen. di. ij. et. iij. H
 Nun soltu wissen das 8 sun ist einig geheissen als 8 glaub des
 artikels spricht vñ in sein einigē sun vnsern herren. wan 8 na
 türlich sun gottes 8 ist einig. als Johannes spricht an de. iij.
 Als lieb hat got die welt gehebt das er für sie hat geben sein
 eingebornen sun. wie wol vil 8 welt kind gotz sind. als Johan
 nes am. j. spricht. Er hat yn gebē den gewalt das sie kind got
 tes wurden. vñ spricht auch darnach. in vnser m herren gotes
 sun einer mit de vater vñ mit de heilige geist. 8 ist ein herr wan
 der dreier person ist ein herrschafft. vñ ist geheissen vnser herr.
 wan er vns mit seinē plüt erkaufft hat. j. ad Corint. vj. Ir sind
 gekaufft mit dem kostlichen lon. j. Petri. j. Ir sind nit erlost mit
 gold oder mit silber vñ einwer eignen handlung. sun 8 mit dem
 kostberliche plüt des vnuer algoten lamblins de gegebe ward
 aller gewalt in himel vñ in erden. als geschribē stat Mat. vlti.
 vñ hat geschribē an seinē gewand das ist 8 künig aller künig
 vñ ein herr aller herren. Apoc. am. xix. Dñ die namen die xp̄s
 gotes sun hat die sind gar andechtig vñ mit grosser erwidig
 keit zenemē. Spricht sant Bernhart in ser. de vigilia nati. dñi
 wan der nam ihesus ist nit on heil. noch der nam xp̄s ist nit on
 die salbung 8 gnade. noch 8 sun gotz on die ere vñ on das erb
 teil. als sant Bernhart spricht in ser. xv. super cantica. Dñ ob
 du mir ein namen verschreibest so schmeckt mir 8 mit ich sind
 dan do den namen ihesus. vñ ob du list oder disputierest so ist
 das gar vngeschmack es kling dan der nam ihesus do. Jhesus
 d ij

ist ein hornig in de mund. ein gesang in den oren. vñ ein iibel in
de hertzen. das ist d nam der angerufft ist vber vns vñ ist vnd
den himel den mensche kein ander nam gegeben dar durch wir
heilwertig müge werden. also stat geschribē Act. am. iiii. Dar
umb ward sant Pauls erwelt zu ein zwelffboten das d nam
den heiden gebrediget wurd. Act. am. ix. Der ist mir ein auffser
welts sah darumb das er trag mein name vor künigen vñ vor
fürsten. Mit de vorgeschribē artickel des heilige glaubens wer
dent vberwundē die ketzer arri genant mit de das wir glaubē
das ihesus d sun gots hat die götlich natur vnd das er got de
vater ist ebengleich vñ das was wider arriu den ketzer d spr
ach das ihesus gotts sun wär vō der auffserkorung wege vnd
nit vō natur wege vnd wär nit de himlische vater gleich sun
der mind wenn der vater. Auch hieß yn d selb ein lautere crea
tur das doch mit nichtē zesprechē ist nach d menscheit. als in
de. iij. büch sen. di. xj. geschribē stat. Zum andern mal wirt mit
de geschribnen artickel vertribē die ketzer ei die do sprechē das
xps vor Marie d iungelstrawē nit sei gewesen sund er hab vō
Marie den anfang gehebt. vñ also wär d sun got de vater nit
ebē gleich gewesen. Zu de drittē wirt vertribē die ketzer ei die
do sprechen das xps nun allein die götlich natur gehebt hab.
Zum fierten so wirt beslossen die ketzer ei die do sprechē das
gotes sun nit gleich wär de vater noch got d heiligeist de sun
darumb das einer von de andern ist vñ nit herwid. aber wir ge
laubē wider dy ketzer ei das d fater d sun vñ der heiligeist sind
ebē gleich ebē gewaltig ebē allmechtig ebē weis ebē ewig. die
ein allmechtigkeit habent vnd ein volkomne herrschafft aller
ding. Zum fünfften so wirt do mit verschmecht d irrsal Sa
bellij der sprach das die person in der gotheit nit warhafftig
lich geteilt wāren sund das nun ein person wär als ein wesen
die etwen hieß der vatter etwen der sun etwen der heilig geist
das als vnwar vnd erlogen ist mit vñ vñ des vor gemelten
artickels.

Hie nach folget d drit artickel setzt vns sant Jacob d merer.





Vi conceptus ē de spū sancto. natus ex maria v̄gine. ¶ Das nun d̄ drit artickel den Jacobus d̄ merer vnd d̄ sun Zebedei bischoff zū Jerusalem vnd brüder Johānis des ewangelisten setzt vñ spricht der empfangē ist von d̄ heiligē geist geborn aus maria d̄ iungkfrawē. Hie solt du wissen nach d̄ das die begir d̄ heiligen vāter in grosser inbrünstigk̄eit teglich volfüret ward do was erst pillich das gottes sun mensch ward. vñ wār auch nit pillich gewesen das er mensch wāre worden vor des menschen fal wann die menschheit cristi die ist sunderlich geordn̄et zū erlösung des menschliche geschlechts vñ durch vergebung willen der sünden dauon das die ertznei nun den krankēn not ist vñ nit den gesunden. spricht Matheus an dem. ix. Ich bin nit komen zefordern die gerechten sund̄ die sünd̄er. auch wār das nit zimlich gewesen das gottes sun von stund nach des menschen fal wār wordē vnd von dreierlei sach wegen. von ersten von d̄ besserung des mensche sünd̄ dauon das die götlich gerechtigkeit kein v̄bel vngebessert lat. Zū dem andern dauon das die krank̄eit dest̄er bas geheilet wurd vnd das geschach nach d̄ als sich die mensche krank̄ vñ iāmerig erkanten vnd aldo begertē gesuntheit irer sücht. Zūm driten darūm das dy gütāt d̄ menschheit gotz dest̄er mer gelobt wurd wann alles das lang begert wirt vñ vertzoge das wirt geschetzt gar vil kostlicher vñ darū d̄ das die gütāt d̄ menschwerdūg xpi was die aller kostlichst darumb was gar pillich das die selb gütāt ee vor d̄ gesetzt solt lange zeit begert vñ gewartet werden vnd auch vor d̄ erzeigung. darūm auch wann der glaub d̄ selbigen gütāt was gar hoch vnd darūm so gehōrt darzū das die mit starcken gelaubē gelaubt wurd vñ mit inhitziger lieb gelibet wurd als ein aller zimlichste vñ heilwertigste heimlichkeit. vnd darumb was gar pillich das vor d̄ zūkunfft cristi vil zūgnūß der propheten vergiengen vñ vil inbrünstiger liebe d̄ heiligen vāter gelaubt vñ erzeitigt wurd nach d̄ künffigē verheissung vñ gütāt mit lang verziehūg damit es dest̄er mer begert wurd

wann alles das lang begert wirt das wirt fast geliebt. vnd so es dann wirt gegeben so wirt es gnädiglicher auff genom- en vnd mit gantzem fleiß gehulnet. **B** Die zükunfft cristi die solt nit bis an das end der welt vertzogen werden. wann al so wär er gar lessig vñ vertzogenlich gewesen. Darum so zamm wol de heiland aller welt das er zwischen d zeit der menscheit vñ der zeit des gerichtts satzte ein zeit d ertznei do mit die waz tenden nit verdrieh gewinen. oder das sie law wurden in dem glauben der verheissen gutät. als der prophet Abacuek spricht an dem. ij. Vnd ob er vertzücht ein weil so wart sein so wirt er kummen vnd vertzeücht nit. das ist in der zeit der vollaitung vnd in dem sechsten alter. Nun soltu wissen das wir bekennen der aller heilsamesten gutät in dem gegenwertigen artickel so wir sprechen das vnser herr ihesus cristus ein einiger sun gotes ist empfangen von dem heiligen geist geboren von Maria der iungkfrawen. Hie merck das die menscheit vnser s herren ihesu cristi als geschehen ist nach de das von got gesant ward der ertzenkel Gabriel als geschriben stat Luce am. j. vnd das die iungkfraw Maria glaubt vnd begert eins solichen müter zewerden vnd verhengt de engel do kam in sie der heilig geist. vnd macht sie als heilig das sie fruchtber ward. erhüb vnd sterckt sie mit seiner krafft das die iungkfraw fruchtber mocht werden vnd würckt füro den leichnam cristi aus dem aller reinigisten plüt der iungkfrawen Marie. oder aus der feüchtizkeit als etlich sprechent. vñ in den selbē schierē darinn der leichnam cristi geschickt ward. do ward auch geformiert oder beschaffen sein sel aus nichten vnd ward in dem selben dem geformierten leib ein gegossen. vñ also wurden die zwei leib vnd sel züsamen gefügt vnd augenplicklich der gotheit zü geeiniget in der person gotes sun dem die menscheit ist zü geendet das ist das die allein flaisch ward. wie wol die gantz drifaltkeit gewürcket hat die menschwerdung. wann vngeteilt sind die werck d heiligen drei einigkeit zü vnsern dingen. **C** Doch wirt gesprochen das ihesus cristus der sun gottes ist empfangen von de heiligen geist. wann dem zü geeiniget wirt das werck d iij

8 menscheit nit das er das allein vermügt hat aber wol zu be-
haltung der vbergossen liebe durch die die menscheit cristi ge-
schehen ist. wann der heilig geist ist ein liebe got des vatters vn̄
des suns. Auch wirt gesprochen das er von dem heiligen geist
empfangen ist wann die götlich lieb wirt zu geacht dem heili-
gen geist der hat besunderlich die iungkfraw darzu bereit das
sie gottes sun enpfeng. Als Hugo spricht in quodam libello.
wann die liebe gotz. die pran besunderlich in dem hertzen der
iungkfrawen. darumb so pflager er wunder in irem flaisch des
lieb in dem hertzen kein geselschafft nit nam. Daruon hat sein
würckung in dem flaisch kein exempel. Zum dritten so wirt
gesprochen das der sun gottes empfangen ist von dem heilig-
en geist darumb das mit dem hin dan gesetzt wirt die flaisch-
lich vermischung vnd spricht von dem heiligen geist das mit
dem vertribe wirt die vnsauber begir vn̄ der schämlich gelust
vnd do mit wirt nit vermerckt die vrsach der materi oder der
some des heilige geists. aber wol wirt do vermerckt die vrsach
des vor mügenden. wann von dem vermügen des heiligen gei-
stes hat die iungkfraw empfangen das lebendig flaisch gotz-
tes sun das geaint was in die einikeit der person on alle sched-
licheit der sünden sund gantz heilig vnd vnuermalget. von des
wegen ist sie geheissen ein mütter gotz. wann sie nit allein en-
pfangen hat das lebendig flaisch auch hat sie empfangen vn̄
geborn den sun gotz. wann die würckung spricht philosophus
die sind des ein vrsach vnd nit die natur. D Auch wif das
in der einigung der götlichen vn̄ der menschlicher natur der sel-
cristi verlihen ist das sie für sich dar gehet hat die vollaist 8
gnaden in der krafft vnd die vollaist 8 weisheit vnd der kunst
in der verstendigkeit vn̄ die vollaist oder verbringung des ver-
dienes in dem werck. wann als pald in dem augenplick der en-
pfengnuß verdient ym cristus alles das er verdienen mocht.
also gegen ymself vn̄ mocht darnach in der heiligkeit nit mer
zu nemen. wann er der aller heiligest was. von dem anfang ver-
dient er ym selfs vnd darnach verdient er vns. als in dē fiert-
en artickel begriffen wirt. Auch soltu wissen das in dem selbē

Augenblick seiner empfangung ist geschehen ein solche einigung
 zweier natur in cristo der götlichen vnd der menschlichen
 das alles das gesprochen wirt von dem sun gotz. das wirt auch
 gesprochen von dem sun des menschen vnd herwiderumb aus
 genommen weniger ding darinne beschloffen ist der widersatz.
 als an zefahen oder mensch werden vñ solche ding. Auch wiß
 das in dem selben augenblick seiner empfangung die aller selig-
 est iung^{er} fraw Maria ein ware müter gotz ist worden vñ ist
 in aller seligkeit also bestetiget das sie darnach nit hat mügen
 sünden. auch hat sie gar grosse freud gehabt als sie empfangē
 hat vñ die selb empfangung ist geschehen on alle scham v̄ vor
 geschribne ding als pald vñ cristus empfangē ward. wan in
 dem empfangung des sun gotz ist gewesen drifaltige krafft das
 ist das ein geborn krafft v̄ yetzige die die materi hat dar ge-
 traicht. auch die ein gegossen krafft die die iungk^{er} frau zu dem er-
 pfachung wol füglich geschickt hat vñ die vngeschöpft kra-
 fft v̄ alle vor geschribē sach vnermesslich volbracht hat als Je-
 remias v̄ weissag spricht am. xxxj. Ein nū dig macht got auf
 das ertrich ei wab wirt v̄ umgebē ein man. E Nun soltu mer-
 cken wie ob geschribē stat wie wol die gantz heilig drifaltig-
 keit gewürckt hat die menschheit xpi so ist doch einer v̄ sun zu
 mēsch worden als sant Augusti spricht de fide ad Petru vnd v̄
 meister sen. li. iij. di. j. das mag beweist werden mit dem drifaltigē
 exēpel. das erst schreibt vns Anshelm⁹ in dem empfangung gotz
 vñ nimbt für sich ei solichs. Es stünd ei prun von dem ein bech-
 lin flūß vñ durch ein roz gieng do mit sich alles wasser v̄ des
 prunē flūß sich durch das roz in ei see v̄ samelt so wär das gar
 schlecht wie wol das selb wasser vor wär in dem prunē gewesen
 darnach in dem roz vñ zu dem drittē in dem see noch dan ward nit
 gesprochen das v̄ prun durch des roz flūß auch nit dz das bech-
 lin h̄ durch flūß. so möcht auch nit gesprochen werden das v̄ see
 durch die rōm flūß. also ist die gotheit v̄ erste got dem vater ver-
 lechnet od vermeinet dem sun darnach von dem vater vñ dem sun
 gemaint dem heilige geist. das selb wesen od die götlich nat die
 ist in dem sun geeinigt v̄ menschheit vñ ist worden flaisch wie wol

Die nit flaisch ist. Als man list in dem.iii. büch ten. di. v. ne pute
tur natura in naturam transire rōs. Das ander exempel oder
ebenbild schreibt sant Augustin vnd spricht. Es wāren drei
jungkfrawen die legten einen rock einer vnder ynen an. so ge-
schech die anlegung von yn allen dreien vnd wurd doch nur
die ein mit dem rock angelegt. Das drit ebenbild. Ob drei wā-
ren also genant Petrus Johannes vnd Andreas vnd die sel-
ben drei ferbten ein rot aus yn so belib doch nun der ein gefe-
bet aus yn das wār Andreas wie wol die andern zwen gerōt
heten so wār doch die farb geendet auff Andream. Geleich al-
so ist geschehen der menscheit cristi die von yn allen dreien ge-
schehen ist vnd doch aus yn nun einer mensch worden. **F**
Auch wirt mercklich in dē artickel gesprochen geboren. das ist
aus der iungkfrawen. soltu mercken das dufaltige gebürt ist
des suns gottes. das ist die götlich vnd die ewig do mit er ge-
born wirt in der ewigkeit aus dem vater on ein müter. Die an-
der die ist menschlich vñ geschehen in der zeit als aus der iunck-
frawen on ein vater vñ on allen schmerzen. Die drit ist gnad
samlich. nach dem wirt er geistlich geboren in des menschen ge-
müt vnd aldo mit vater vñ müter. als Matheus spricht. Wer-
den willen meins vaters tūt d ist mein vater mein müter mein
schwester vnd mein brüder. Vnd also wirt er mit dem begern
vnd bestendigkeit empfangen vnd wirt mit krafft geboren vñ
mit frum vnd nutz generet. Maria ist der aller heiligst nam der
süffet vnd der aller würdigest. Maria ist als vil gesprochen als
ein bitteres mōz od ein mōzstern. oder eine die erleucht ist. wan
sie ist ein pitters mōz den tūfeln. ein mōzstern der menschen. ein
durchleuchtung der englischen geist vnd ein fraw aller welt.
Die iungkfraw Maria die hat iungkfraw empfangen iungkf-
fraw geboren vnd nach d gebürt ist sie iungkfraw beliben. als
geschriben stat Ysaie an dem. vij. Nement war ein iungkfraw
wirt empfaben vñ geberen ein sun. **S** Das sie aber nach
der gebürt ist ein iungkfraw belibe stat geschriben Ezechielis
an dem. xlviij. Das tor das wirt verschlossen vnd nit auff ge-
tun. vnd kein man wirt dardurch nit gon wann got der herr

in israhel ist dardurch gegangē vnd wirt ewiglich verschlossen beleiben. Das legt aus sanctus Augustinus in einer predig vnd spricht. Was ist das verschlossen thor in dem hauf des herren allein die iungēfraw die nimmer berürt wirt. vnd als vor stat. Kein man wirt dar durch nit gon. das ist Joseph der sie nit bekennet hat. Aber gott der herr wirt gon ein vnd aus. als sie der heilig geist geschwengert hat. Als aber weiter stat. sie wirt ewiglich verschlossen beleiben das betzeichent vns allein die iungēfrawschafft Marie vor yn vnd nach der gebürt. Vnd des zū merer bewerung setzet vns etlich vsach sanctus Thomas in. iij. parte summe. q. lxxv. vnd spricht. ob das wär das Maria die werd iungēfraw nach der gebürt cristi ein anderen sun auch geborn hette als Elindius der ketzer spricht so wär sie gar vndanckper gewesen vnd vngemügsamig an cristo dem herren irem sun. vnd allso hett sie gesündet durch die vndanckperkeit. ob sie ioch vmb die verlust der iungēfrawschafft nit gesündet hette wann sie do mit entzogen hette der vollkommenheit cristi als der ein einiger sun ist des allmechtigen vatters. also solt er auch sein ein einiger sun einer iungēfrawen der mütter. recht als er ir aller vollkommenlichste frucht. auch wär Joseph fast do mit vermerckēt worden vnd hett größlich gesündet das er die seligen iungēfraw hette getüren angreifen mit vnflätigkeit nach dem ym gesagt vnd er vnderweist ward von dem engel wie sie von dem heiligen geist empfangen het. aber als Elindius der ketzer das ewangeli für sich nimbt von den brüderm cristi solt du wissen das der ewangelist redet von der schwester sun Marie vnd nit von den kindern Joseph vnd ir dann sie beide iungēfraw beliben sind. als Ambrosius spricht in libro de virginitate. Das was vnmüglich das der leib der heiligen iungēfrawen Marie den gottes sun mit seiner einwohnung geheilliget hett das der füro solt mit frembder vnlautterkeit vndermischet werden. Vnd dauon so was das gar fast vnmüglich das sie einen anderen sun solt gehebt hon. des gleichen was vnmüglich das sie hett mügen

sünden. wann hette die aller heiligste mütter gottes gesün-
den mügen so wäre sie ein sünderin geheissen. vnd auch dar-
inn mügen sterben. vnd möcht auch verdampft sein worden.
das grausamlich zeredt ist. aber die heilig magt ist iungkfrau
beliben in der enpfangung vnd gebürt auch darnach vnd be-
libts ymer ewig. Zecht also wie der tod durch die iungkfrau
eua herkomen ist in die welt. also ist vns herwider komen das
leben durch die iungkfrau Maria. Zu de andern so wär auch
gar vntzümlich gewesen das der sun gotes solt von einem zez-
rütten weib geborn sein weil doch die erstörung on vnlaute-
keit nit geschehen mag. Als Augustinus spricht in li. de nup. et
concupi. Zu dem dritten mal. wäre das cristus ein ander vater
gehebt hett auff ertreich vñ ein andern in dem himel so wär
die würdigkeit des himelischen vatters übergeben. Zu dem sic-
ten mal so hat es wol zimbt recht als eua die iungkfrau aus
de ripp des adams. 8 auch ein iungkfrau was gemacht ward
das also herwider der man cristus aus einer iungkfrauen ge-
born wurd. vñ also die fiend weib des menschen geschöpfft ge-
sätzt wurd das vor vngewonlich was vñ geschach doch du-
rch das weib on manliche somen mit der krafft des höchsten
werckmeisters. H Die erst weib des mensche schöpffung
geschach mit dem adam der ward gemacht aus dem laim des
ertreichs on man vnd on weib. als eua die aus dem mann adā
von got gemacht ward. die drit geschach mit dem mann vnd
mit dem weib als wir all mit begir geborn werden. aber die en-
pfengnuß cristi die ist geschehen in der weibliche iungkfrauwē
on manlichen somen. wer hat ye solichs erhört oder gesehen.
ein weib mütter vnd iungkfrau vnd das etwer wär got vnd
mensch vnd darumb so ist die weiplich magt sunderlich züer-
en von 8 verbringüg wegen 8 gnaden von 8 person wege die
sie enpfangen vñ geborn hat die do was die aller höchst wür-
digkeit vñ von 8 manigfaltige barmhertzikeit wege die vns
durch sie ertzeiget vñ verlihen sind worde. auch von 8 glorie
sunderlich hochmechtikeit wege do mit sie die mütter gots vñ
erhöcht ward über all 8 8 engel danen sie billich ein küniz


in der himel genant ist. Aus den vor geschribnen sachen des
 yetzigen artickels mügen wir erkennen fünff Ketzer ei die mit
 dē artickel ver worffen werden. darumb als geschribē stat das
 der herr ihesus an sich genomē hat das war irdisch flaisch vō
 d iungkfrawen do mit wirt ver worffen d Ketzer Manicheus.
 der do sprach das cristus wār ein gespenstlicher mensch gewe
 sen vnd nit ein wazer mensch. auch sprach der selb das cristus
 ein kōpel mit ym von himel genomen het vnd wār her ab ko
 men durch den laib der iungkfrawen. vnd also wār sie ein auf
 haltung gewesen cristi vñ nit ein müter. Auch mit dē wirt wi
 dersprochen die Ketzer ei valentinani der do sprach das cristus
 von der iungkfrawen kein flaisch het an sich genomen sunder
 er wār durch sie gegangen. als durch ein roz. Zu dem andern
 wirt mit dem artickel vertribē der irrsal Cinioni der do sprach
 das gottes sun allein das flaisch vñ nit die sel wār das vnge
 schöpft wort. nun ist das offenbar das er das lebēdig flaisch
 oder die zwei die zū einand gefügt sind das ist der laib vnd die
 vernünfftig sel an sich genomen hat. Zum dritten so wirt ver
 triben der irrsal des Ketzers euthicis do er sprach das die men
 schlich natur wār gegangē in die götlich vñ also wār cristus
 nun in der einigē natur das ist in der gotheit vñ also felseht der
 Ketzer in cristo die natur. als fabellius felseht die person in der
 gotheit. Nestorius der Ketzer spricht das in cristo seien gewe
 sen zwū person als zwū natur vñ sprach das anders wār die
 person der menschlichen natur vñ anders wār die person der
 götlichen natur. wider das gesprochen wirt in vnserm glaubē
 das die menscheit genomen ist vñ zū geeiniget der gotheit in
 der einigheit der person des sun gottes. wann weder die person
 hat genomē die person noch die natur die natur. aber die per
 son gotz sun dy hat genomē die mēschlich natur. vt patz in li
 sen. di. iij. ¶ Zum firten mal so wirt vertribē der irrsal d sar
 ratzen dy sprechen das cristus geboren sei aus maria der iuncē
 frawē aus dē blasen gotes also das er got in die iuncēfrawē
 hab geblasen vñ von dē selbē blasen hab sie yn empfangē vnd
 verstand nit das d geist gotes die drit person ist in der gotheit

Aber du solt wissen das der geist gottes ist selber gott. als Jo-
hannes spricht an dem. iij. Du solt nit gedencken das got hab
ein leipliche substantz. vnd auch das als geschriben stat Gen.
am. j. Er hat ym gegeistet in sein anplick die geistung des leb-
ens. das soltu also verstou das ist. er beschuif den geist des men-
schen do mit er ertzeigt an dem anplick das werck des lebens.
Auch soltu nit gelauben das d heilig geist wesen. Ich oder leip-
lich durch die oren oder scheidel des haupts der iungkfrauen
sei eingangen. vnd das cristus her nach von der selben stat sei
herwider aus gangen vnd geboren. aber als Johannes Dama-
scenus spricht das cristus heraus geboren ist durch das ge-
mein tor das verschlossen vnd verrigelt belib. Auch soltu nit
gedencken das der heilig geist nach ym selber oder nach seiner
substantz in dy werden magt von niwem sei kummen das sie
empfangen hat oder solt empfangen. aber wol mit niwem kraft
hat er in ir gewurckt. Vnd mit dem wirt gesprochen das der
heilig geist in sie sei kummen. wann er ist selber got vnd nach
seinem wesen gewaltigkeit vnd gegenwertigkeit ist er iberal
vnd in einer yeglichen creatur. vnd er mag sich von dem nit
entziehen die weil die belebt vnd ist einer yeglichen creatur
inniger vnd naher wen sie ir selber ist. vñ der heilig geist mag
ein schliessen der sele das kein creatur nit getun mag. vnd die
macht ist allein gottes d do sicht in das hertz vnd doch allein
wohnung hat in den heiligen vnd der heilig geist wie wol er in
menglichen bestat so wirt er nit verwandelt wo der heiliggeist
etlichen gegeben wirt. Et hoc patet in li. sen. di. xxxix. et di. xxx
vij. **R.** Zu dem funfften wirt der irrsal Ebonitaru mit die-
sem artickele vertriben. als die sprechen das cristus mit dem be-
kennlichen werck Josephs vnd Marie empfangen sei worden
vnd auch der ketzermeister d do sprach das Maria war allein
ein muter cristi vnd nit geheissen ein muter gotz zu den zeich-
en das sie allein den menschen vnd nit got empfangen hat do
von Johannes Damascenus spricht. li. iij. sen. c. xij. Sund dar-
umb das ym die einig person des suns gotz die götlich natur
vnd des gleichen die menschlich sind zu einander gefüget vnd

heraus Ebonitaru
base

Die selb fůgung ist nit geendet zů der natur aber zů der person des sun gottes. Vnd also wirt gesprochen das der selben person sind zwů natur zů gefůget das sie heist got vnd mensch . vnd ist von der iungkfrawen maria geboren. dauon sie pillich geheissen vnd ist nit allein ein mütter des menschen sunder auch ein mütter gottes. vnd hat do mit nit verlor in aller Keusch te iungkfrawschafft fund sie ist iungkfraw beliben. Das mag mit solicher gleichnuß wol beweist werden wann es gott nit herter zetůnd ist das ein mensch von einer iungkfrawen geboren werd denn das er ein mensche mache aus einem laim des ertrichs oder aus den rippen Adams . oder aus nichten hymel vnd erden. aber yeglichs mag got gar leicht volbringen wañ das seinem willen gefelt der alle ding in himel vnd auff erden vermag. als herr David spricht. Des gleichen mügen wir ein exempel nemen in der natur. Wañ on alle zerstůrung des glab gat der sunnen glantz hindurch vnd die hitz durch die cristal vnd die plůmen aus der wurtzen die frucht aus den baumen das wort durch das oz der gedancf aus dem hertzen das gesicht aus den augen. Des hab wir auch ein figur in der alten ee bei dem feur in bůsch der Moyses ertzeiget ward Exodi an dem .iiij. Bei der plůmen 8 gerten Yesse. Ysaie an dem .xj. Bei der frucht der gerten Aaron. Numeri an dem .xvij. Bei de schep per Gedeonis. Judicum an dem .vi. vnd also vil exempel vnd figuren die wir haben in der heiligen geschriff die vns beweisen das cristus ist enpfangen vñ geboren aus einer reinen vñ vnuermalgeten iungkfrawen.

Den fierden Artikel setzt vns sant Johannes. vnd spricht.





Assus sub Poncio Pylato. crucifixus. mortuus. et sepultus. A Den fier den artikel schreibt vns Johannes 8 ewangelist vñ spricht. Der gemartert ward vnder poncio Pylato. gekreuziget. gestorben vñ begraben. Ihesus cristus der sun David nach dem flaisch bedack't er sich mit dem sack der menscheit vnd be-

waint das menschlich geschläch't. als David seinen sun Absolon vnd sprach. Mein sun Absolon Absolon mein sun wer geit mir das ich für dich sterb mein sun Absolon. ij. Reg. xviii. Also begert vnser herr Ihesus cristus mit gantzer begir zeessen das abentessen mit seinen iungern. vnd lid für vns den tod vnd er löst vns vnd wüsch vns ab vnser sünd mit seinem plüt. als geschriben stat in Apoc. an dem .j. Er hat vns geliebt vnd hat vns gewesen von vnsern sünden mit seinem plüt. als sant Gregorius spricht in benedictione cerei pascalis. Nichts wär vns sein gebürt nütz gewesen het er vns nit erlöst mit seinem tod. Darumb ir andechtigē vñ liebhaber cristi gedenckent des kreuzigen vnd vermerckent den kostlichen lon vnser erlösung das der sun gottes nit in der gleichnuß der engel sunder in form der menschen erfunden ward vnd hat sich selber genidert vnd angenommen die gestalt des knechts. ad Philipen. an dem .ij. vnd das nimbt für sich sant Bernhart in einer predigen von dem leiden vnser s herren vnd spricht. Der sun gottes hat nit allein die gestalt des knechts an sich genommen das er vnderthenig werd sunder er hat auch an sich genommen die gestalt eins bösen knechts. also das er mit vil schlegeln geschlagen ward als der knecht 8 sünden do mit er die pen verschult vñ kein schuld nit het. Darumb ir töch'ter von Jerusalem hebent auff eüwer augen 8 schatzung vnd sehent an den lon vnd dy weiß eüwer erlösung. das nit gesprochen werd. nement war der gerecht verdirbt vnd niemand gat das zü hertzen. Stat geschriben. Ysaie an dem .lvij. B Darumb so gond herfür ir töch'ter syon vnd sehent den künig Salomon in seiner kron do mit yr
e j

sein mütter gekrönt hat. Canticoꝝ iij. Wan Maria sein mütter
hat yn gekrönt mit der güldin kron des flaischs an dem tag sei
ner empfangnuß. als d̄ prophet spricht. Mit lob vñ mit er hast
du yn gekrönt. Aber sein stüff mütter das ist die sinagog die
hat yn gekrönt mit einer dörnen kron an d̄ tag seins leidens.
als Matheus spricht am. xxvij. Ein kron von dorn flochten sie
vñ satzten die ym auff sein haubt vñ begiengen mit ym was
sie wolten. Aber wie hat gots sun mügen leiden so er got was
der vnleidenlich vnd vntötlichen ist. Die antwurt. Das er dar
umb hat mügen leiden vñ geliden williglich dauon das er des
menschen natur auch hat ansich genommen. als die gebrech
en der natur. als leipliche pen leidigkeit hunger vnd turst. hitz
vnd kelte vnd müd des leibs. er hat auch genommen die geist
lichen gebrechen. als trauren sünfftzen vnd forcht. aber doch
hat er nit all geprechē an sich genommen. wan er nit genom
men hat die krankheit oder widerspenigkeit des flaisch. noch die
begir wider den geist. noch die vnwissenheit. oder yendet ein
schuld oder ein vbel. wan soliche ding hat entzogen sein höch
ste vnschuldigkeit. vnd hette auch ym nit getzimbt vnd wär
darzū vns nit fügsam gewesen. Von dem man völliglich ge
schriben hat in. iij. li. sen. di. xv. Aber die geprechen die gemain
lich nachuolgent des menschen natur. als vor gemeldet ist. die
hat er an sich genommen als ym getzam. wann solich pen die
sein tügent volkommenlich vnd betzügenlich der waren men
sheit. aber er solt nit haben krankheit auch die nit nemen von
seiner allermeßigisten complexion wegen. noch die widerspe
nigkeit des flaischs von seiner aller volkommenlichste gehor
samkeit wegen. also der vndersten krefft gegen den obersten.
vñ des gleichen solt er auch nit nemen die schuld od̄ die sund
von d̄ volkomē volbringung wegē der vnschuld vñ der gnadē
Auch getzam ym nit das er die vnwissenheit gehebt het. wan
er alle dig kund vñ het auch die volbringung d̄ kunst. C wan
in cristo sind gewesen fünfferelei weise d̄ erkantnuß. die erst ist
nach d̄ götliche natur damit er alle dig erkent hat das vergan
gen das gegenwertig vñ das künfftig vñ alle mögliche ding

geschaffne vñ vngeschaffne mit werckperlicher vñ begriffenlicher erkantnuß. Die and weis was mit der glori des begreiffers do mit die sel xpi erkent hat mit 8 gnadreichẽ gewonlichkeit so vil als die geschaffen natur hat mügẽ begreifen mit 8 vngenden güt die gar gesälliget vñ ym zü geaingt was vnd sich also rackt vntz an die geenten erkantnuß die er werckperlich vñ begriffenlich erkant. aber das vngendet erkant er gewonlich vnd iber gleich. Die drit weis 8 erkantnuß ist durch die aller volkomenlichste gnad do mit er erkent hat alles das zü gehört vnser erlöfung vil mer vñ bas dan yendert ein prophet oder ein engel vñ do selb mit 8 eingossen gnadreiche gewonlichkeit. als die heiligen gottes die mit dẽ heiligen geist erleucht warẽ. Die fierd weis 8 erkantnuß die was in ym nach 8 gentze der natur als sie was in adam 8 mit der angebornen gewonlichkeit erkant alle ding der welt vil bas vñ mer dann adam. Die fünfft weis 8 erkantnuß die was nach 8 enpsintliche auffere mainüg do mit erkant er was ym in die organa 8 sinn kam. vñ nach der selbẽ weis wirt gesprochẽ das er aus dẽ gelernet hat was er aus 8 gehorsamkeit geliten hab. wañ nach 8 enpsintliche erkantnuß hat er nit alle ding erkent. aber schier das schier ein anders nach dẽ vñ das not was zü vnserm widerbringẽ. vnd aus dẽ allen sambt sind offenbar fünff vnderscheid 8 erkantnuß xpi. wañ durch die erst weis hat er gehebt die erkantnuß als got. mit 8 andern als ein begreiffer. mit 8 dritten als ein durchleuchter mit den gnad. mit der fiertẽ als ei wegraiser. mit 8 fünfftẽ als ein mēsch. D Auch ist offenbar das xps aus allen stendẽ des mensche ansich etwas genomen hat. wañ von dẽ stat 8 vnschuld nam er an sich die sicherheit von allen sündẽ. von dẽ stat der gefalnen natur nam er an sich die tötlichkeit. von dẽ stat der gnadẽ volbringüg hat er an sich genomen die vollaist aller gnadẽ. von dem stat 8 nissenden glori hat er an sich genomen die volkomen seligkeit. vñ von den yetzigẽ fier statẽ hab wir geschribẽ in li. sen. di. xvj sed de xpi scia. e. li. di. xvij. Noch mer soltu wissen das xps geliten hat das aller gemaineft leiden wider das gantz begeren

des leichnamts vnd der sele. vñ nit allein nach den fordersten gliedern des leibs auch nach allem vermügen der sel wie wol die götlich natur nit hat mügē leiden. Zu dem andern mal so hat er auch gelitē das aller scherpffest leiden wider dy wollust vñ wider den glust. wann er hat nit allein geliten den schmerzen als einer schmerz leit von einer wunden. auch hat er geliten mit dem schmerzen des grossen mitleidens von vnser sünd wegen vnd von der vndancknemkeit wegen der darumb er laid die wollust het in vns vergifft das flaisch vñ die sel. vnd also nach der geistlichen vnd flaischlichen sünde vnd vmb das so hat cristus das aller bitterest leiden geliten in dem flaisch vnd das aller scherpffest in der sel in dem flaisch darumb das darinne was die aller grōst ebengleichheit d complexion vnd volkomenheit der sinne. wann sein empfindlichkeit die was gantz verlassen in dem leiden dauon das sie yendert kein auffenthaltung hette von der gotheit od von der liebe oder süffigkeit wegen dy in der sel was als das oft geschicht vnd ist geschehen in den heiligen martirern den etwen die bitterkeit der pen gelidet ward vō grosser lieb süffigkeit oder etwē sunst von trosts wegen der sele. Aber die selb empfindlichkeit vnser herren ihesu cristi die was in der pen gantz verlassen das er in die pen on alle hilff gelassen ward. vnd dauon sprach er an dem kreütz. mein got mein got wie hast du mich verlassen. Spricht Matheus an dem. xxvij. vnd auch herr dauid. Ich bin worden als ein mensch on alle hiff. E Nun wie wol soliche scherpff des leidens was in d empfindlichkeit so was doch grösser gelust in dem obersten teil der sel. vnd dauon spricht der lex ex sanctus Thomas in. iij. parte sum. sue. q. xcviij. ar. viij. vnd Bonauentura super. iij. li. sen. di. xvj. das zu der zeit d martir cristi sei gewesen das grōst trauren in d sel vnd der schmerz der empfindlichkeit ward von niemand geringert. die scherpff des leidens vnd trauren der sel het ein vsach aus dem das die sel cristi begraff die aller sterckest sach des trauren. vnd das was von ersten darumb von der vndanckperkeit wegen dero vmb die er sein bitteren tod laid. auch vō der ergerung wegen seiner iungz

er. Aber sprichst du wie hat in einer solichen vngeteilten sele mügen zwei widerwertige ding mit einander sein. das ist das höchst trauren vnd die grōst freūd. Darüber antwort sant Thomas vnd spricht das er mit d̄ niessung der freūden mit gericht ist wider den schmerzē des leidens. wann sie sind nit vō einem ding noch nach einem teil der sel wann die niessung der freūd ist von der gotheit nach dem obersten teil der vernunfft. Aber das leiden des schmerzē oder das trauren von den wunden vnd von den sündē die ym geschachen das was nach dem teil der vndersten vernunfft. yedoch ist das zesprechen das die gantz sel cristi geliten hab nach dem wesen. wann das gantz wesen der sel was dem leichnam zū geaingt. also do er die pen laid do laid auch die sel. vñ also mag gesprochen werden das der oberst teil der vernunfft ist traurig gewesen aber nit nach dem das es die vernunfft was noch von des fürwurffs wegen der vernunfft oder nach dem das er nit sach das in der götliche weisheit das vbel geschach vñ das die gepeiniget wurd aber nach dē vnd die vernunfft ist ein macht der sel die gantz vnd gar laid nach dem wesen do mit sie dem leichnam was zū geaint vnd also laid die vernunfft nach irem vnderatz auff die sie gegrundet was als das gesicht leidet so es enpfindet des auges berührung. das geschicht wann das aug vermengt wirt mit der hitz vnd do selbs leidet do geschicht nit ein a ygesleidē von seinem vnderatz. aber mit der zū gehörung von einem andern fürwurff. ¶ Vnd des gleichen mügen wir reden vō der traurigkeit vnd vō den freūden des mitleidens vnd des frōlichen der aller seligisten iungkfrawen Maria die zū den zeiten der marter cristi die grōst freūd vnd das grōst trauren het wann die freūd ist ein gelust des gūten oder von des gūten wegen. aber das gūt ist zwifaltig das ist die höchst vnd vnbeschöpffte gūt vnd das höchst vñ beschaffen gūt das was dy erlösung menschlichs geschlechts vñ die zwei bewegten das begern der seligen iungkfrawē zū dem höchsten in der zeit des leidens cristi wann sie erkant das got die grōst vnd höchst er erbotten wurd vnd dē menschlichem geschlecht das grōst gūt

aus der erlöfung widerfüre vñ von dero beiden wegen ward
sie fast durleücht vnd gröflich erfreuet. auch was sie gar ser
betrübt vnd het ein mitleide mit irem sun vnd ermaß also sein
leiden das irem natürlichen begeren gar wider was vnd also
macht das leiden irs suns in ir den aller gröfsten schmetzen vñ
also was in irer vernunfft die erlöfung ein grosse frolockung.
aber das mitleide das was mit einander in der natur vnd ver
nunfft bracht ein grossen schmetzen. vnd also mag man ver
ston das die ding mit einander in der iungkfrawen gewesen
sind die frolockung vñ das mitleiden. als oben von cristo stat
in dem ist gewesen das höchst trauren vñ die gröfste freud. vñ
darumb das in dem leide cristi vor der bekerung des schechers
allein die iungkfraw den glauben het in mitleiden des kreützi
goten gots vnd menschen vnd darumb ist sie allein der geben
ist worden der vorteil des mitleidens vnd teilt ir sun ir mit vnd
macht sie teilhafftig d' gütet der erlöfung also als alle mensche
ym pflichtig sind von d' marter wege also sollen wir pflichtig
sein der müter von des mitleidens wegen. also ward sie ein mü
ter mit der vormeldung. es was d' reine magt besundere freud
das sie in dem leide ein müter des erlöfers was. **G** Zu dem
ersten soltu wissen das cristus den aller verschmechtesten tod
geliten hat vnd das anfangs von der stat wegen der verdam
ten zu dem tod. Zu dem andern von des greülichen leidens we
gen an dem kreütz. daruñ geschriben stat Deutro. an dem. xxij
Der flucht ist der an dem holtz hangt. Zu dem dritten mal vñ
der verfluchten gesellschaft wegen. als Ysaia spricht an dem
liij. Mit den schelcken ward er geschetzt. Auch hat er geliten
das aller verschmechest leiden das was das kreütze. als sant
Augustin spricht in li. viij. q. iij. lxxxiiij. questionū. vnd das selb
hat der heit cristus wöllen leiden also das der mensch ab kein
erleipen solt grausen oder forcht haben vnd darumb das die
hoffart etwen inwendiglich auffstat aus torheit. etwen aus
wendig mit ertzeigung fremdes lobs. vñ darumb zu einer ertz
nei wider die hoffart hat cristus beidenthalb geliten zu dem er
sten die schmachheit an ym selb darnach mit der bösen gesel

schafft do mit er aus gefürt ward. Zu dem fierten so hat crī-
 stus gelitten das leiden das yn getöt hat vnd sein sel von dem
 leib gescheiden vnd ist doch nit gelaidigt sein gotheit. auch ist
 die von dem leib nach der sele nie gescheiden sunder dem leib li-
 genden in dem grab vnd der sele in der vorhell geaint beliben.
 wann es sprechent Augustinus vñ Damascenus. Verflucht
 sei der welcher sprech das der sun gotes die natur die er einest
 ansich genomen hat das er die etwen von ym gelegt hab. vt
 patet in li. sen. di. xxi. Den dritten tag do cristus tod was do
 was der mensch tod vnd d mensch was nit lebendig vñ was
 auch nit ein mensch. wenn ein toter mensch ist nit ein mensch
 ghebeissen dann mit gewonheit. ¶ Bei den dingen allen
 soltu wissen das cristus die peim alle williglich geliten hat vñ
 nit yngern doch mit de willen seiner gotheit vñ auch schlecht
 lich nach dem willen seiner vernunfft wiewol das leiden was
 wider den willen des flaischs der enpfintlichkeit. als vns sein ge-
 bet zū erkennen geit do er sprach. Vatter nit mein will sunder
 dein will geschēch. Das leiden was wider die begir der natur
 die der enpfintlichkeit vnd des flaisch ist. vnd dauon do cristus
 bat do meldet er in dem den willen des flaisch wann er besorgt
 des leidens do er sprach. Gang von mir Kelch. Mathei an dem
 xxxvj. Snd formieret doch gleich den willen der vernunfft dem
 willen seines vaters do er sprach wie vor. nit mein will sunder
 dein will geschēch. vnd also was ein will dem andern nit wid.
 wann nach dem willen d gotheit do mit wolt er was gerecht
 was. aber nach dem willen des flaischs vertzig er sich der pen.
 aber doch widersprach er nit der gerechtigkeit der willen der
 vernunfft der gehorsamkeit des flaischs der natur vñ doch mit
 den was cristus in keinem gedrang noch widerstreit sunder in
 einer bereite vñ gefreite ordnung. Auch wirt gesprochen das
 ym cristus für war gewürckt hab vnd geengstet vnd betrü-
 bet was nach dem als soliche ding betzeichnet vnd vermerckt
 sind mit dem leiden aber nit nach dem als das leiden ist wann
 das vorleiden hat ein vnderscheid von dem leiden dann so heist
 das begern ein vorleiden so die sele also betrübt ist das sie das
 e iiii

aug des gemüts nit betrüebt also das sie das gemüt nit ziehe
von d gerechtigkeit oder von d götlichen beschawung. mach
te sie aber die vernunfft ab kerig von der gerechtigkeit so be-
trüebt sie das aug des gemüts vnd hieß also ein leiden. spricht
sant Augustin in li. iiii. de tri. ¶ Nun soltu fier ding merck-
en in einem yeglichen opffer. das ist wer geopffert werd. wie
er geopffert werd. von wem geopffert werd. vnd für wen ge-
opffert werd. vnd also sollen wir vernemen das leiden vnser
herren ihesu cristi do mit er got dem vater geopffert hat. Die
yetz gemelte fier ding vnd sollen das mit wachendem gemüt
wol vernemen wer der sei der do leidet was er leidet vmb wen
er leidet vnd von wem er leidet vñ warumb vnd von wes we-
gen vnd von wem er betzwungen werde zu dem leiden. über
das wiß das der do leidet das höchst güt gottes sun ist. fragst
du aber was vnd welche ding er leidet. so wiß fürwar das er
geliten hat in aus wendige dingen als er nacket vnd plos ge-
hangen ist vñ geliten pitter schleg an seinē leib vnd hiedurch
die grōst traurigkeit an der sel. zu den dreien dingen werdent
getzogen alles leiden das ist die beraubung des gūts zu der fe-
stigung des leibs vnd zu der betrüebnuß der sel. vnd fragst du
für wen er leidet so findest du das er für die sūnder für die vn-
gerechten vnd für die feind geliten hat. spuchst du dann von
wem hat er geliten. so wiß vō den fürsten von den dienern vō
den iuden haiden vnd von dē gemainen volck. als herr David
spricht. warum grifgramet die haiden. vñ das volck bedenck
die vppigkeit. die künig des ertrichs sind gestanden vñ die für-
sten habent sich versamelt wider den herren vnd iren cristen.
Auch hat er geliten von den weiben als von der dienerin die
sant Peter verklagt. auch hat er geliten von seinem aigen die-
ner vnd kīnden als von dē Judas der yn verriet vnd von sant
Peter der sein verlōgnet. auch von seinen freunden vnd iung-
ern die yn verliessen in flucht. vnd auch von dem schächer der
sein spotet. Fragst du warumb er geliten hab. Die antwort.
vmb vnser sūnd vnd vmb vnser hail. als Ysaias spricht an dē
liij. Von des vñbels wegen meines volcks hab ich yn geschla-

gen. Sprichst du dann wer hat yn dar zu getzwungen das er solt leiden. Die antwort. Sein grosse lieb hat gemacht das er leiden wolt. wie wol er vns anders hette mügen erlösen. aber kein andere erlösung wär vns als fügsam gewesen als diese. Als sant Augustin spricht in libro. iij. de trinitate. Vnd der zwelfffbot ad Romanos an dem. v. Got hat in vns gelobt sein lieb. wann do wir waren seind do ist Cristus für vns gestorben. der gerecht für den vngerechten. **K** Mit dem vorgemelten artickele der do sagt von dem leiden Ihesu cristi der verwürfft fünff ketzeri. Die erst was von der Jacobiten die do sprachen das in Cristo nun ein will vnd ein würckung wäre Wider das selb ist das wann er zwü natur gehabt hat. also hat er auch gehabt zwen willen vnd zwü würckunge. wann er hat gewaint als ein mensch vnd hat erlückt lazarus von dem tod als got. Johannis an dem. xj. spricht. Er gat auch auff der erden als ein mensch vnd erleucht die plinden von gebürt als gott. Johannis an dem. ix. Die ander ketzeri was die do sprechent das Cristus fürwar nit gelitten het sonder er wäre vnleidelich gewesen. als er auch wäre vnfüntlich in menschlicher natur. Wider die selben schreibt Matheus an dem. xxvj. Mein sel die ist betrüebt bis in den tod. Vnd sant Peter an dem. ij. Cristus der hat geliten für vns vnd hat eüch gelassen das ebenbild. Die dritt ketzeri was in den Nicolaytarū vnd etlicher haiden die do sprechent das Cristus wär vntötlich vñ vnleidenlich. vnd do yn die iuden wolten kreützigigen do hab ee ein andern an sein stat geordnet. vñ also wär cristus ein gleisner gewesen. vnd wär warlich nit betrüebt gewesen noch müd worden. als Johannes an dem. iiii. spricht. Vnd wär auch vnwar als der ewangelist spricht. Ihesum begund verdrissen vnd zetrauren vnd ward betrüebt do er sprach mein sel ist betrüebt bis in den tod. Mathei an dem. xxvj. Auch het cristus nit geliten den tod so wär an vil enden die heilig geschrift falsch. Als sant Pauls spricht ad Hebreos an dem. ij. das er den mit dem tod erstörte der den gewalt des todes hette. Die fiert ketzeri ist der iuden der die do sprechent vnd ob das ist

Das er cristus was so möcht er nit gestorben sein vnd sprech-
ent wir haben aus dē gesatz gehöret wie das cristus ewiglich
beleib. schreibt Johannes an dem. xij. aber wider die iuden sprich
t sant Pauls ad Hebreos an dem. x. vnd Ysaías an dem. liij
Er ist geopffert worden wann er wolt das. vnd Johannes
an dem. x. Der heiland sprach ich setz mein sel vnd nim die ab-
er herwider vnd nimt die niemand von mir sunder ich setz sie
vnd mer wirt gesprochen wider die iuden Danielis an dem. ix
Nach zweihundertzig wochen so wirt cristus getötet vnd
wirt nit sein volck das verlögnen. vnd Ysaías an dem. liij. Als
ein schefflin ist er zu dē tod geführt worden. Die fünfft ketzer ei
was die do sprachen das cristus nit allein durch der mensche
willen gestorben wär auch wär er durch der tüfel willen men-
sch worden vnd wär gestorben sie zu erlösen. Von der ketzer ei
die wirt von vil leeren Ougem zu geschriben. auch wider das
wirt gesprochen in dem glauben Niceno der von vns mensch
wegen vnd von vnser hailts willē ist mensch worden vnd nit
von erlösung wegen der tüfel. vnd das spricht Ysaías an. ix
Das kind ist vns geboren vnd d sun ist vns gegeben. vnd sant
Pauls ad Romanos an dem. iij. Er ward verraten vmb vn-
ser sünd. vñ. j. Ke. ij. Cristus d ist für vns gestorbe. vñ Ysaías
an dem. liij. Durch der sünd mans volcks hab ich yn geschla-
gen. vnd do selbst stat. vnd er ist worden verwunt von vnser
sünd wegen. vñ stat niendert geschribē das er mensch sei wor-
den. oder geliten hab von der sünd der tüfel wegen. ¶ Dar-
umb das cristus der herr ym vnd vns verdient hat soltu wiss-
sen das in ym gewesen ist die vollaist vnd volkomenheit des
verdienes wann alle die vsach sind in ym gewesen aus dem
die gröffe des verdienen ist. von ersten von sein selbs wegen
der do verdient wann er was nit allein ein mensch auch was
er got in dē verdienē darin wirt gröflich gesetzt die wirdikeit
des verdieners. Zum andern von d zeit wegē darin er ver-
dient hat. wan von d anfang seiner empfangnuß vntz auff die
weil seins tods hat er allweg verdient. Zu dem dritten vō des
wegē durch das er verdient hat wan er die aller volkomeste

wat der liebe gehabt hat vñ die aller vollkommenlichste vbung der tugent in dem gebet in dem leiden vnd in seiner Wirkung. Zu dem sierten gegen dem dem er verdient hat wann er nit allein ym selbs sunder auch vns verdient hat vnd allen gerechten menschen doch so hat er ym nit eigentlich verdient die nieszung gottes oder den lon nach d substantz wann die gestalt gottes vnd die seligkeit der ewigen glozi ist vorgangen der sel cristi wann in ym sind gewesen alle vergangne verdienunge von der höchsten würdigkeit wegen die sein aller heiligste selgehebt hat von dem anfang ir schöpfung. weñ sunst wär sie nit sügsam gewesen zu d einigung des vngeschöpfften wortz nun sie wär dann aller seligst vnd got gleich geschickt gewesen vnd das hat sie gehebt durch die gewonlich glozi von dem anfang ir schöpfung das sie der gotheit was zu geaingt zu der person des suns. Zu dem fünfften hat er vns verdient nit allan die glozi auch die gnad vnd die vergebung der sünden. vñ nit allein das lob des geists sund auch die stell des flaischs vnd die offnung des ewigen reichs die vor der marter cristi allen lautern menschen beschlossen was von der sünd wegen. der ersten menschen Adam vnd Eva. wann mit dem verdienen cristi werdent gewurtzet alle vnser verdienen. eintweder die do sind von der genügtät wegen der pen oder von verdienen wegen des ewigen lebens. Wir sind auch nit würdig das wir empfinden werden von d laidigung vnser schöpfers nun durch das verdienen gotz vñ des menschen. Zu dem sechsten mal von des wegen das er ym verdient wann wie wol er ym nit verdient die glorifizierung des gemüts das er nun hett so verdient er ym doch aus der diemütigkeit des leidens die glorifizierung seins leichnams vnd die eilung der vstend vnd die Klarheit seins namens vnd die würdigkeit des gerichtlichen gewalts. vñ von d yetzige meldung spricht sant Pauls ad Phi. an dem. ij. Cristus d was gehorsam bis in den tod vnd d tod was das kreütz. darumb so hat yn got erhöcht vnd hat yn geben den namen der über all namen ist. Zu dem sibenden mal so hat er verdient nach der maß. dan es wirt gesprochen das

et wer dritfaltig verdient. eintweders das er aus einē unpfl̄ich-
tigen machet ein pfl̄ichtigs. oder aus einem pfl̄ichtigen noch
baf machet ein pfl̄ichtigers. oder aus einem pfl̄ichtigen in ein-
er weiß machet ein pfl̄ichtigs i einer andern weiß vnd also hat
er ym allein mit der dritten maß verdient wann mit der maß
mocht er ym nichts verdienen das er gemacht het aus einem
schuldigen ein vnschuldigs noch in der andern weiß das er ym
aus einem schuldigen machte noch ein schuldigers wann er
anfangs seiner empfangnuß in müter leib d aller heiligest was
vnd mocht auch nit mer zū nemen in der heiligk̄eit aber in der
drittē weiß so verdient er ym wann das güt der glori das was
ym pfl̄ichtig mit den gnaden der einigung vnd macht ym ein
andere pfl̄ichtigung das was mit dem verdienen des seligen
werck̄s vnd also verdient er das ewig leben das er nun hat.


M Nun wiß vnd merck̄ wie vns das leiden cristi gerecht
macht vnd dilget ab vnser sünd. vnd das selb tüt die marter
cristi nach dem das die ein opffer ist das geopffert ward vñ
was ein pitters opffer das ist das leiden cristi macht gerecht
mit der schickung des verdienen vnd mit der raiffung des ebē
pilds vnd mit dem vertragen des exempels. wann das leiden
erweckt vns zū der liebhabung cristi vnd macht fürbaf kunt
wie wir den sündē sollen ab sterbē. das ist ein exempel als sant
Peter spricht an dem. ij. Cristus der hat geliten für vns vnd
hat eüch gelassen das ebenbild das er do mit ein ebenbild ist
Dauon stat geschriben ad Romanos an dem. vj. Ob wir ge-
peltzt oder gepflantzet sein der gleichnuß seins tods. vnd da-
von so ist in der marter des herren das verdienen als ein hin-
gesantz opffer dem gelaubt wirt vnd ist ein erweckung nach
dem das es pitter ist als auch gesprochen wirt das das leiden
cristi gerecht macht durch den glauben vnd mit der lieb wann
mit den zweien tügenten werden wir geaint dem leiden cristi
als zū einem prunen vnser hails. Zū dem andern so hat vns
cristus durch sein marter erlöst von dem gewalt des tüfels vñ
von dem dienst der sünden vnd von der schuld der pen. wann
der tüfel hett zwü hende vor der marter Cristli. das ward

Die züziehent vñ die treibent. die ziehent hand was 8 gewalt.
 do mit er in die vorhell zoch alle auch die gerechten vnd heili-
 gen. aber die treibet hant was 8 gewalt do mit er betrieglich
 vñ mit fräfel die mēschē überwarff in das vbel. die erst hand
 was solicher mechtigkeiſt das der niemand mocht widerston.
 vnd die selb ward gantz ab gehawen durch die marter cristi
 aber die treibent hand ist gekrenckēt worden. wann nun das
 liecht 8 warheit ist geoffnet durch die marter cristi. wider sein
 betriegē vnd wider den fräfel wirt verilhen die hilff vnd also
 ist nun sein gewalt angebunden als geschriben stat in dē buch
 der tagen an dem. xx. do Johannes spricht. Ich hab den engel
 von himel sehen steigen 8 den tracten fieng vnd pand den an
 das was der tüfel. vnd Johannes an dem. xij. Nun ist das ge-
 richt der welt aus geworffen darumb das sich der mensch zü
 einem knecht der sünden macht ward er verkaufft das er vor
 dem anplück gottes vbel tāt vnd mit dem ward er angebundē
 zü der schuld vnd pen dauon yn vnser herr ihesus cristus erlö-
 set hat mit dem opffer seines kostperlichen plüts das opfert er
 dē vater für das vnrecht das ym geschēhē was. als in Apoc.
 geschriben stat an dem. j. Er hat vns erlöst vnser got mit seinē
 plüt. vnd sant Peter spricht am. j. Ir sind erlöst nit mit gold
 noch mit silber von eüwer hohheit. sunder mit dem plüt des vn-
 uermalgeten lämlins N Wann durch das verdienen sein
 er marter hat er vns erlöst von 8 ewigen pen vñ von der pen
 der zeitlichen gütāt. vñ von 8 pen die in 8 mit was das was
 die vngegenwertigkeiſt des götlichen gesichts. wann mit der
 Krafft der marter cristi wirt vns in dem tauff vergeben vnser
 schuld vñ die pen wirt vns abgelassen vñ nit allein die ewig
 die vns i zeitlich pen ver wandelt wirt sund auch von der pen
 die ein mensch leiden müſt durch beraubung des götlichen an-
 gesichts als die die heiligen vätter litē in der vorhell die ward
 auch durch sein marter gewendet. aus dem magst du brüſen
 das die marter Cristi ist ein vsach gewesen vnser hails in
 dreierlei weise. das was mit der maſ des verdienen. mit der
 maſ der genügtāt vñ mit der maſ des opffers. von dem ersten

spricht herr David. Unser Künig hat gewürckt das hail mit-
ten auff dem ertrich. von dem andern spricht er auch. Des ich
nie beraubt des müst ich vergelten. vnd das selb genug thun
was genem vor dem anplick gottes von der grossen lieb weg-
en cristi. von d würdigkeit wegen der person. vñ von d scherpff
wegen seiner marter. Von dem dritten spricht sant Pauls ad
Hebreos an dem. ij. Er hat vns geliebt vnd hat sich selbs ge-
opffert got dē vater das lebēdig opffer. vnd also ist d mensch
von seinen sünden erlöst mit dem gnügthün seiner marter vnd
des tods. vnd ist auch durch yn erlediget von dē tod. als sant
Bernhart spricht de epiphania in sermone qui incipit. Appa-
ruit benignitas. Der schein ist die gerechtigkeit vnd die men-
scheit gottes vnser hailands. Dar über spricht er. Niemand
war des sack's vol d barmhertzigkeit den got der vater gesant
hat in dise welt. vnd ob der sack klein was mit seiner diemütig-
keit so was er doch gar ser eruffen vnd erfüllt mit der pitereit
daraus gegossen ward der lon vnser erlösung. Darumb men-
sch gedencē vnd erkenn dein vnwürdigkeit das du mit so kost-
perlichem sold erlöst bist. Gott der geb sein leben mit vn: b alle
welt vnd das hat er für dein sel gesetzt. O Auch spricht der
articel fürbaß das cristus nach dem tod von dem kreütz her
abgenommen ward vñ von ioseph vō aromathia vñ nicodemo
in ein nües grab gemacht in einen felf geleyet vnd begraben
ward. gar zimlich beschach das von dreierlei sach wegen als
sanctus Thomas spricht parte. ij. q. liij. ar. j. Am ersten das er
warlich bewarte sein tod. zum andern so er erstünde das er dē
menschen ein hoffnung gab das er durch yn auch erstünde. j.
ad Corint. xv. Seid cristus erstandē ist so erstanden wir auch
zum dritten vns zu einem exempel die geistlich der sünden ster-
bent ad Colo. iij. Ir sind tod vñ eüwer leben ist verborzen mit
cristo in got. als Johannes Cris. spricht. Vor dem kreütz cri-
sti warend alle ding traurig vnd kranck aber nach dem als er
gekreuziget ward sind alle ding erleucht. also das du erken-
est das nit ein lauter mēsch gekreuziget ward. Zum andern
mal so geschach das zu lob der güteit dero die yn begrübent

Als sant Augustin spricht li.iiij. de ci. dei. Gar loblich werdent die bedacht in de heilige ewangelio die den leichnam xpi ab de kreutz genomen vnd yn so fleislich begraben habent. aber nit wan das der leib xpi erfaulet od zu eschen worden war wa er nit mit kostliche gewurtz vn also gesalbet war. oder das er nit als schier oder pald erstande war. aber xps hat das wollen haben zu eine antzeigen seiner krafft das d leichnam vntzerstort belait vn das and ward verwandelt in das element. als auch Johannes Damascenus spricht in li.iiij. das aus legt herr Dauid. Du verlassest nit mein sel in d hell noch gibst nit dein heiligen das gesicht der feule. Aber d leichnam xpi der ward zerstorret mit de frefenliche tod d warlich gestorbe was vn was auch zerstorlich vor d vrsend. wer wid das redet war boß vn war ein ketzerei d colonitoru. also spricht sant Thomas parte ij. q. l. ar. v. wan war d leichnam xpi nit zerstorlich gewesen so war das nit ein leichnam vnser substantz. vn dan wirt also gesprochen das d leichnam xpi ist zerstorlich gewesen vn ist auch zerstorret mit solicher zerstorung die do geschicht durch den tod do mit die sel gescheiden wirt von de leichnam von des wege was das fleisch xpi tod. vnd auch das mer ist. als das fleisch xpi tod was do ward ward auch der tod d person gottes sun zu geacht. als gesprochen wirt. Der sun gottes od got hat geliten vn ist tod vnd begrabe nit nach d natur der gotheit aber nach d natur der menscheit noch das entzucht nichts der gotlichen wirdigkeit sund das lauter großlich wol mit gutigkeit wan yendet kein wort mag erklinge so mit grosser wirdigkeit in den oren des menschen hertz als die das der einig sun gottes gestorbe ist vn für vns schuldigen tod. vn danon ist nit allein das für ein warheit werden. sund auch das offt fleissiglich zu bedencken. vnd so vil von dem fierden artickel.

Hie nach volgt der fünfft artickel den schreibt vns sanctus Thomas vnd spricht.





Escendit ad inferna ter cia die resurrexit a mortuis. A Disen fünfften artikel schreibet vns sant Thoman vnd spricht. Abstaig zu der hell vnd erstünd von den toten an dem dritten tag. Von dem ersten teil des yetzigen artikels der do ist von der abfart cristi zu der helle. Soltu wissen das vor 8 marter vnser

herren sind gewesen sier behaltnuß 8 selen in der mitte des extrichs. dauon sanctus Thomas spricht in.iiii. di. xl v. Die erst stat der hell die in dem grund des extrichs do ist cristus nit abgestigen. noch hat von der auch niemand erlöst. vnd das darumb die marter cristi nutz oder frumbt niemand nun den die sein gelid sind. oder werdent durch bekerung. aber die in 8 helle waren die sind seine gelider nit gewesen vñ mochten auch nit seine gelider werden wann si eusserhalb des stants des verdienen waren. Auch an der selben stat ist kein erlöfung. Es ist auch vmb sie nit zebitten. Die ander stat oder einnemung der selen die ist die vorhell der kindlin die in den angebornen sünden hin gond do selbs ist dy pen der verdānuß aber nit die pen der enpfintnuß. aber in der hell die vor gemelt ist do ist beide ewige pen vnd verdānuß. vnd in den zweien stetten do ist in der ersten vñ in der andern die auffer vnd inner finsternuß vñ zu der andern stat der kindlin ist cristus auch nit kommen vnd hat auch niemand daraus erlöst aus der vsach wann die selben kleinen kindlin waren nit begriffenlich der gnad cristi. noch sein genügtate do mit yn nit zehilff mocht kommen noch an sie raichen sein tod. wann allein raicht denen die martter cristi die durch den glauben oder doch etwen vil durch ein sacrament des glaubens seine gelider werdent. B Die dritt stat der einnemung der sele die ist ob den genannten zwü vnd heist das segfeür darinne die pen ist der verdānuß vnd enpfintnuß mit einer auffgesetzte zeit die end nimbt. vñ do selbs sind die eüßern finsternuß vnd nit die inner. wann welche do selbs sind die habent genad. do selbs ist auch das leiplich feür

De purgatorio

do mit die geist der gerechten gebessert werden die in dem leben hie mit ir büß erfüllt hond vntz das sie gar gemig tñen nach dem maisten vñ nach dem minsten vnd nach dē als sie aus dem leben nach yn ziehend den prand. doch so werden sie nimmer gepeiniget so schwerlich als die in der hell sind. wann sie allweg die hoffnung habent dauon das sie wissent in der hell nit zesein es sei denn leicht darumb das sie von grosser pen wegen des nit mercken noch achten vñ mit der festigung des leiplichen feürs do mit werden gereiniget die geist vñ der schuld vñ von verbringen die sünden vñ als hertiglich vnd als lang als vil das marck irs hertze ist mer oder minder angehangen der irdischen liebe. vnd darumb das die pen ist auffserhalb des verdienens vnd hat nit ein willige vsach. vnd dauon was in d̄ freiheit abnimbt das wirt geliten in dē willen vñ erfüllt in d̄ scherpf vñ der pen wege vñ nach dē so sie gar gereiniget werden so werden sie ein geführt vñ fligent in die himelische glori. als sie vor dē leiden xpi wurden geführt in die vorhell der heilige altuater wann kein sach do nit ist warum sie vertzoge wurden so sich ir reinigung geendet het vñ darumb das yn die tür des himels geoffnet ist. vñ auch darumb das sie kein vnlautterkeit nit mer hinderte. vñ habent auch in yn das feür götlicher liebe das sie erhebt vñ ob yn vertzoge wurd so wär das gar ein pittter ding vnd wurden also on sach gepeiniget. das nit ist. Auch wif das in dem segfeür vnd in der hell das leiplich feür nit würcket in der sele nach dem das es ist ein werckzeug der natur. aber allein das es in dem leibe also arbeitet nach dem als es ein werckzeug ist der götlichen gerechtigkeit vnd arbeitet also das in der sele do mit die gepeiniget vnd gereiniget wirt vnd das geschicht in dem segfeür. aber in der helle so reiniget das selb feür nit. aber allein festiget das vnd premet die daren komet vnd vertzeret die selben selen ewiglich nit. vnd das ist von gott dem selben feüre gegeben worden. Also wirt gegeben das leib vnd sele do selbs gepeiniget vnd doch ewiglich nit vertzeret werden. Das beweist vns sant Augustin in li. xxj. de ci. dei vnd spricht. Solomander ist ein wurmb vnd

Legt

solomander

lebt in dem fűer vnd verbzint doch nit vnd wirt auch nit verzert. Ein ander exempel. Gold wirt bewert in dem fűer durch flamet vñ vertzert sich doch nit. Aber ein ander ebenbild setzt vns sant Augustin vnd spricht. in sicilia seien gebűrg die vor langen iaren gebrunnen haben vnd noch fűer heraus gebent vnd sind doch nit vertzeret. ¶ Auch soltu wissen das die manigfaltigkeit der pen in dem fegfűer vñ in der hell nit ist vñ des fűers wegen das do festiget sunder von den die do leident. recht als vnder einer sunnen einer mer hitz leidet dan der ander vñ einer mer kelte dan der ander vñ welcher mer sűnd dort hin bringet 8 leidet vñ prunt auch mer weñ der ander 8 minder sűnd hat. Mer wif. Durch ein totsűnd kűrt sich der mensch von got. vnd die selb ab kűrung von der hilt gleich die pen der verdammus vnd das abscheide des gűtlichen angesichts. Zű dem andern mal kűrt sich der mensch durch ein totsűnd von dē vnuerwandeltē gűt zű dē ver wandelten vñ der selb hilt gleich die festigung der materlichen pen das ist die prunst des fűers. Zű dem dritten so ist in der totsűnd die vnordnung des willen vnd die vnordenlicheit. vnd der selben sűnd hilt gleich die pen des wurms. wann dy vnordnung ist wider das gesprech rechter vernunft. vnd also ist in 8 hell mengerlei pen die scharpff vñ ewig ist. auch sind in der hell die fűer der kelten. dan wann der standt das gewűrm die finsternus die eűssen vnd inwendigen die gaitlung die schreckűg des gesichts vnd vil andere ding die zű gepeinigen geordnet sind. Auch wif das denen in dem fegfűer mag geholffen werden von der kirchen mit alműsen mit fasten beten vnd mit dem werden opffer des altars vñ die pen die eins williglich auff sich nimbt von dero wegen ir schuld halben das sie dester ee erlűst werden aber die frumet sie nit zű dem verdienen hűbers grads in ewiger seligkeit ab. er wol zű der erlűsung vñ senffűgung irer pen do mit sie schneller erlűst werden. auch frumet die mer vnd minder den toten nach der manigfaltigkeit des verdienen was die hie habent mer verdient das yn frum die hilff dem frumet sie auch mer. vnd das wirt also gemert oder gemindert nach der liebe der le

Quilibet

no

De purgatorio

no

bendigen die sich mer fleisset vmb etlich dann für sie all. was
die hilff der lebendigen kumbt den in dem fegfeür zū hilff vnd
sunst keinen toten nit. Kein hilff ist den nütz in der hell noch den
Kindlin in der vorhell wan sie sind nit gelider der kirchen. dā
wirt gesprochen in decretali Ewangeliū marthe. et habet ex
tra de celebracione misse. wer vmb ein martirer bitt der tüt vn
recht dem martirer. vnd in dem vermerck den irrsal etlicher lay
en die sprechen das vmb die selen die in dē himel sind sei grōß
lich zū bitten das sie zū grōßern freuden kommen. aber das ist
gar vnsunst vnd ein vppigkeit. D Auch wiß das cristus
zū der stat des fegfeürs nit ist ab gestigen noch das er die selen
von stund durch sich selbs mit seiner abfart hab erlōst. Vnd
das setz vns sanctus Thomas ein vsach vnd spricht. das lei
den cristi hat kein zeitliche noch zergengliche krafft gehabt al
lein ein ewige. Vnd dauon so hat do selbs als er abfür zū der
helle sein martirer nit grōßere krafft noch tūgent gehabt wenn
als sie yetzund hat. vnd darumb das die selben die do waren
als sie yetzund sind die in dē fegfeür gehalten werdē die wur
den nit durch die abfart cristi erlediget. was ir aber do selbs
gefunden wurden als die die nun mer durch die martirer cristi
aus dem fegfeür erlediget worden den selben ward nichts aus
ch wurdent sie nit durch die abfart Christi von dem vndern
aus dem fegfeür erlōst. vnd also die rechtlich waren gereini
get oder die nun verdient hetten das sie in der gegenwertigkeit
mit der abfart cristi aus dem fegfeür erlōst wurden die selben
wurden ledig. Die fierd stat oder einnehmung der selen die was
über die egeschriben dreü vnd hieß die schos Abrahams oder
die vorhell der vätter. darinn waren die die in dē rechten glau
ben vnd in den gnaden hingienge. vnd die hie in der gegen
wertigkeit gereinigt warē in dem fegfeür zū den selben staig
cristus ab mit seiner sele zū der stat der pen aber nit zū der pen.
vnd das hat er getün vmb dreier sachen wegen spricht sanc
tus Thomas von ersten darumb das er trōste sein freünd. zū
dem andern das er schawete sein freünd. zū dem dritten das er
all sein nachfolgen die in yn gelaubten von seiner abfart be

Hüet vnd erlöste. wann der mensch kumbt nit allein von 8 sünd
 wegen der ersten mensche in den leiplichen tod sunder auch in
 das absteigen der vndern. vnd aus der selben stat erlöset er alle
 die er fand. als Osee geschriben stat am.xiiij. O tod ich wird
 werden dein tod. vñ du hell ich wird werden dein schlund. das
 legt Gregorius in der.viiij.omelei also aus. Der heiland hat in
 seinem tod den tod gruntlichen getöt. also das er was ein tod
 des todes. aber der heil nam er ein teil vñ lieh ir ein teil also das
 er nit gruntlich die selb töt aber er zerstört die vorhell. E
 Wie wirt von mengerlei dingen gefraget. zu dem ersten wann
 er zu denen die in der vorhell waren ab gestigen sei. zu dem an-
 dern wie lang er mit yn do selbs belibe sei. zu dem dritten wann
 er sie heraus geführt hab. zu dem vierten wann er sie geseliget hab
 zu dem fünfften ob cristus die hell erleucht hab. zu dem sechst
 en wann er sie in den fürin himel der ein stat ist der seligen ge-
 führt hab. zu dem sibenden wie das zuuerston sei. heüt wirst du
 mit mir in dem paradisi sein. als zu dem schacher gesprochen ward.
 Sanctus Thomas der verantwurt vns die all vñ spricht zu
 dem ersten das er von stund als pald die sel von dem leichnā
 schied abfür zu dem vorhell darin die heiligen väter waren. Zu
 dem andern spricht er das er do belib vñ der zeit seins tods am
 Karfreitag zu dem neünten stund vntz auf die zeit seiner vstend
 vnd das was die zeit der.xl.stunden wann er in der tuncel des
 morges frū am sunntag auff erstünd. Zu dem dritten spricht
 er das er sie her aus führt in der zeit seiner vstend. Zu dem vier-
 ten das er sie fürsichtar von stundan geseliget hat do sein sele
 von dem leichnam schied. wann als pald hetten die selbigen
 selen in der vorhell das klar lauter gesicht gotes seins fröliche
 anplicks vnd heten auch den lon dem ewigen seligkeit. aber noch
 nit die stat bis er gen himel für. Zu dem fünfften spricht er mit
 dem glori seins liechts sei die vorhell vñ die er welten durchleuch-
 tet. Zu dem sechsten hat er die selen der altväter vnd die in dem
 fegfeur genüg tün vnd gebüßt hetten an dem tag seiner auff-
 fart gen himel geführt vnd mit ee. Zu dem sibenden das wir ver-
 standen von dem lon vnd freuden des himlischen paradisi vnd
 f ij

mit von der stat des paradys darein die sel des schächers gieng
wann sein sel gieng auch in die vorhell vnd belib do bei den an
dern vntz zu der vrtend. **F** Die eisne rigel die cristus zer
brach mit seiner auff fart die sind geheissen die hindrung do
mit die väter in der vorhell gehindert worden do mit sie mit her
aus mochten. Das beschach von der schuld wegen des ersten
menschen wann von Adams sünd wegen fielen alle mensche
in den läplichen tod and müsten abfaren zu den hellen. wann
vor yn warent beschlossen die port der himel. vnd dauon hat
cristus mit seinem tod vnd marter die menschen erlöst von dē
ewigen tod vnd ynen auf getün die himel. vnd mit seiner auf
fart also die eisen rigel die hindrung erbrochen vnd aus gefü
ret die selen d heilige väter. als d prophet Zacharias spricht
Du hast mit dem plüt deins gesetz die gefangen her aus ge
führt aus dem see dar inn kein wasser was. vnd sant Pauls ad
Colo. an dem. ij Er hat beraubt die mechtigen vnd ir fürsten
tüm vnd hat sie getrülich her aus geführt. Aus dem magst du
brüfen das all vorgemelt stet müge geheissen sein dy hell wañ
die ist ein stat vnder vns. Zu dem andern magst du vermerck
en das weder die hell d verdampfen noch die vorhell der kind
lin dar ein doch allein komet die in angebornen sünden sterb
ent. noch die stat des segfeurs darinn die sel gereiniget wur
den durch die abfart ctisti nit erstört wurden. wañ ir yegliche
noch heüt beleibt. aber allein die vorhell der vätter ist erstört
worden durch cristum das in der selben stat fürbaß kein sel ni
mer mag auffgehalten werden. **S** Zu dem dritten magst
du auch Brüfen den grossen irrsal Origenis der do sprach das
die bösen in d hell nit ewigliche wurdent auff gehalten noch
gebessert wann got möcht das nit erleiden durch seiner gros
sen barmhertzigkeit willen das sein creatur die er nit hasset
sunder liebt ewiglich solt pen leiden dauon er keinen gelust in
vnser pen habe. vnd ob vns etwen die geschriffte tröwet mit
der ewigen pen das sie nit nach der warheit sunder durch der
forcht willen. wañ got erledigte den menschen am letzten vō
der pen. Aber d irrsal ist gar ein grosse ketzeri auch schedlich.

vñ ist als vil schädlicher als vil sie fenffter oder barmhertziger ist. vñ gar böß also zeglaubē. wan also wirt gar fast gelestet die götlich gerechtigkeit wan der barmhertzigkeit als vil gegeben wirt das die gerechtigkeit nit stat haben mag. vñ darumb ob die dröwung der heilige geschriff mit warhafft wär so möcht gesprochen werde die verheissung ewiger glori auch vnwar sein vñ geschrech nun darumb das der mensch zu dem werck d gerechtigkeit getzoge wurd vñ also wurd die gantz heilig geschriff vñ vnser glaub verdacht vñ das mer ist. also das wir desten baß glauben den glauben den cristus mit seinē mund fürwar geprediget hat als er selbs spricht. die dasigen gand in ewige pen vñ die and in ewigs leben vñ Mathei an dem. xxv. stat. Gond ir verfluchten in das ewig feur darumb werden soliche ding nit nach d warheit sunder von dröwung wegen gesprochen vñ vns zegüt so möcht auch das von den andern dingen gesprochen werden. Aber das ist die aller bößt ketzerei die gantz vnsern glauben zerstört. **H** Zu dem fixten so mügen wir aus den vorgemelten sachen mercken den irsal Pelagij des Ketzers der do sprach das ein kind in müter leib möcht enpfangen vnd geboren werden on die angeborn sünd vnd dauon das vater vnd müter heilig vnd getaufft wären vnd sündenten auch nit mit dē werck der vnkeüschheit so sie die rechten vmstend behielten vñ darzu schöpfft got ein gute sel die er eingüßt dem leichnam der nun darzu geschickt ist dan d so werden sie nit in den sünden enpfangen. wan kein erscheinung nit do ist wo die sünd eingieng vñ also hetten sie kein angeborn sünd nit vñ vmb des werdent sie nit verdampft. Wider den irsal hat sanctus augustinus vil geschribē vnd sunder wider den ketzer Pelagium. vnd doch David selbs spricht. Niement war ich bin enpfangen in den sünden. vnd sant Pauls ad Ephes. an dem. ij. als er spricht. Wir werdent alle kinder des zorns geboren. Züuer antwurten die fürlegung des Ketzers pelagij soltu wissen das die an geboren sünd ver gessen ist worden aus den sündē des ersten menschen vñ ist weder von got noch von natur nit geschöpfft. aber aus vntüget d sünd ist sie vol-

Pelagij Ketzerei

bracht vnd die sel die von got gar güt beschaffen ist die wirt
vergift von dem fleisch. Davon geschriben stat in .ij. li. sen. di.
xxx. et tribus sequentibus. Vñ die eltern geberent nit das sie
darumb mit den gnaden geboren wären. aber also das sie ge-
born werdent sind sie in der natur zerrucket. oder wirt also ge-
sprochen das der mensch nit geberet nach dem das er in dem
fleisch zerrüt ist. noch der mensch geberet nit das er gaistlich
ist aber er geberet wol nach dē als er fleischlich ist als ein ind
der gebirt nit ein sun on heütli seins mägtlichen gelides das er
beschniten sei. aber er gebirt wol ein sun der nit beschniten ist.
vñ des gleichen. so säet man ein lauttern somen on alle unlaut-
terkeit d̄ hülßen vñ wirt doch on das kein frucht nit geben sun-
der mit den hülßen. Zu dem fünfften so mügē wir verston aus
dem yetz gemelten artickel den irrsal als die do sprechent das
kein segfeür sei sunder wañ ein mensch sterb so kum er on ver-
zug in die himel od hell. vñ sprechet darzü wer d̄ ist der in d̄ lie-
be stirbt wie klain die ist so leidet er nach dē leben kein pen vñ
d̄ irsal verschlufft in sich drei and̄ irsal das erst das sie sprechē
das nach dē leben kein sünd vergeblich beleib. der ander wañ
die sünd vergebē werd so sei auch do ver geben die gantz pen.
die dritt das die hilff d̄ kirchen gar nichts helffe den toten. wi-
der den ersten stat geschribē Mathei an dem .xij. wer der ist der
ein wort spricht wid̄ den heiligen geist dē wirt die sünd nit ver-
geben weder hie noch dort. vñ das legt vns sanctus Gregori⁹
also aus in dialogo li. iiii. Es seien etlich schuld in der welt vñ
etlich dort in gener welt die do mügent vergeben werden. ab-
er nit anders denn in dem segfeür. wider den irrsal stat geschri-
ben. j. ad Corint. an dem .ij. vnd ob sein werck p̄nnet so leidet
das den kummer aber er wirt doch heilwertig. vnd auch do
selbs stat geschriben wie das eins yegliche werck bewert das
feür wirt es nit geheilt dann durch das feür so geschicht das
on pen nit. Sprechst du dann die schuld ist nit vergeben vñ d̄
dauon so leidet er die pein. Wider das soltu wissen. wie groß d̄
sünd ist oder wie groß die schuld ist so wirt die mit der reu ver-
geben ob halt das ein kleine reu ist. also das sie nun ein ware

reü sei so leidet dann der mensch dort nach dem leben kein pein nit wann es versehenlich ist das de mit der reü die gantz schuld vergeben auch wär dem also das allweg die gantz pen vergeben wurd so die schuld vergeben wirt so wär gar pillich das dem kein büß auff gesetzt wurd. vnd ob die einem solt auff gesetzt werden so solt sie auch nit grösser sein wenn dem andern warumb sprach dann die ewig warheit. Machent würdig die frucht der büß. Mathei an dem. iij. Wider das drit ist die loblich gewonheit der kirchen. Als Gregorius spricht li. iij. dialo. Auch list man das von der lieben heiligen gebet vil selen erlöst selen worden aus de fegfeuer. **K** Zu dem sechsten wirt mit dem artickel überwunden der irrsal die do sprechen das cristus nit abgestigen sei zu den vndern vnd hab kein sel erlöst. Darwider spricht sant Pauls ad Ephes. an dem. iij. Er ist abgestigen vntz an die vndersten teil des ertrichs. vnd der do abgestigen ist der ist anff gestigen über all himel. Vnd Actuum an dem. ij. Den got erkücket hat vnd ward frei von den hellischen schmerzen nach dem das es vnmüglich was das er von dem tod wurd auffgehalten. vnd spricht mer herr David. Du verschlüst mein sel nit in der helle. Zu dem sibenden mal wirt mit dem artickel überwunden der irrsal die do sprechen das die selen der gerechten die vor dem iungsten gericht her aus kommen nit bloßlich offenbarlich vnd klärlich gesehen mügen das götlich wesen. Vnd sprechen auch das die selen der bösen vor de gericht nit gebüßen mügen. das beidenthalb falsch vnd erlogen ist. wann solten die selen der gerechten wartten bis an das gericht ee das sie möchten beschawen den anpließ gottes des allmechtigen so müsten sie doch etwen auff gehalten werden do ein behaltnuß der selen wär. aber do wär es nit endert anders dann die vorhelle der heiligen altuätter. So wär auch die selb stat durch cristum vnsern herren nit erstörret noch zerbrochen worde. über das wär es fast vnrecht das ir lon solte ynen so lang vertzogen werden vnd in ynen nichts mer hetten das gereiniget oder gebüßet solt werden durch des sie also gehinderet wurden. **L** Das ander teil des

fünfftten artickels soltu also wissen das wir sollen vns fleissen
weil wir hie im lebē seien gedencken vñ abfarn zu den vndern
betrachten vñ merckē die iāmerlich pen d sel do mit die schuld
hie mügen vermeiden vñ sterbē den sünden do mit wir entrin-
nen der pen vñ begrabē werde mit xpo. als sant Pauls spricht
ad Col. an dem. iij. Ir sind tod vñ eüwer lebē ist verborge mit
xpo in got. vñ ob wir das tünd so erstandē wir mit xpo in ein
em neüen lebē. als der zwelffbot spricht ad Ro. an dem. vj. Ob
wir tod seien so erstanden wir mit xpo darumb das wir mit
samt im lebē der vmb vnser schuld verratē ward vñ erstünd
durch vnser gerechtik eit willen. Spricht sant Pauls ad Ro.
an dem. iij. Vnd die selb gerechtigung ist nit anders dan die
vrtend der sele der die vrtend xpi ein vsach ist nit des verdi-
nens aber wol des ebenpildes nit ist des verdienlich gewesen.
wan do xps erstünd do verdient er nit aber sein vrtend was
ein ebenbild d vrtend vnser sel als sant Pauls spricht ad Ro
an. vj. Xps ist erstandē von den toten durch die glori seins va-
ters vñ also sollen wir gon in d neüung des lebēs. als die glos
spricht von einē güten zu einē bessern das wir in d neüen leb
en auff nemen durch die gerechtigkeit des glaubens der hoff-
nung vñ der liebe wan cristus d von den toten erstandē ist der
stirbt für nit mer. also sollen ir eüch für tod schetzen den sün-
den vñ leben xpo eüwerem got. die glos spricht Recht als xps
einest gestorbē ist also sollent die sünd einest in vns sterben vñ
fürbas nimer begern. als xps allweg lebt also sollen wir all-
weg in tügendē auch leben vñ das in xpo ist in den güten wer-
cken xpi. anders wär kein hoffnung nit. **M** Du solt merckē
en das dir zwei ding gegnent zu dē das der böß gerecht werd
das ist die vergebung der schuld vñ das neü leben durch die
gnad. des ersten ist ein vsach des ebenpilds vnd verdienlich
die vergebung d schuld. wan durch den tod xpi sterben wir
in den sünden. aber das and das ist das neü lebē mit den gna-
den das ist ei vsach xpi. als sant Pauls vor gesprochen hat ad
Ro. iij. Er ward verraten von vnser schuld wegē die er mit
dem tod auf hüb. vnd ist erstanden darumb das er vns gerecht

macht vñ das wir d̄ vstend m̄chten d̄ster gleicher geschick
 werde. so sollen wir gon in d̄ neuen leben. nun bei der vstend
 cristi sollen wir sehen dr̄ ding. das ist nott̄rff̄igkeit. vñ die
 vndereniḡkeit. vñ die warheit. von d̄ ersten soltu wissen das
 es not was das cristus erst̄nd. als Lucas am letzten spricht
 Cristus der müst leiden vñ also erst̄n von den toten. vnd das
 hat er darumb get̄n z̄ ertzeigen die krafft seiner gotheit. als
 sant Pauls spricht ad Corinth. am letzten. vñ also ist er gekreuz̄
 zigt̄ aus d̄ bl̄diḡkeit. aber er lebt mit der krefft̄igkeit. erst̄n
 den ist er an dem dritten tag des morges fr̄ vor dem liecht als
 Augustinus spricht in li. iij. de tri. vnd das sahen die engel vñ
 die h̄ueter des grabs vñ die wurden als sie tod weren do sie sa
 hen sein vstend. Stat ge chriben Mathei am letzten. aber er
 erst̄nd mit einer volkomen vstende die do was z̄ dem leben
 der vnt̄lichkeit. ad Ro. vj. Cristus d̄ ist erst̄nden von den to-
 ten vnd stiebt fürbas nit mer wañ der tod herschet vber yn ni
 mermer. vñ mit einer solichen vstend ist vor hin nie keiner er-
 standen. vñ darumb so heist cristus in Apoc. der erst̄ geboren d̄
 toten. vnd. j. ad Corinth. xv. Cristus d̄ heist der erst̄ aus den die
 mit dem tod entschlaffen waren. wañ er von ersten vor aller
 menglich von dem tod erst̄nden ist z̄ dem vnt̄lichem leben
 wañ alle die vor erst̄nde sind vñ die in der zeit seiner vstend
 erkickt wurden die sturbent wider z̄ dem andern mal. als sant
 Augustin spricht in epistola ad enodiū. vnd das wirt mer ge-
 manlich gehalten. N Spricht sanctus Thomas parte
 iij. q. xliij. ar. iij. Nun zereden v̄ dem andern das ist von der vz
 stend soltu wissen das cristus erst̄nden ist mit ein̄ waren vñ
 gerechten k̄zpel vnd nit mit einem gespenstlichen sunder mit
 einem gantzen leichnam der glorifiziert was vnd doch den-
 noch die z̄aichen seiner wunden het. Also aber was sein leich-
 nam glorifiziert wañ er verdient het mit der diem̄tigkeit sei-
 ner mart̄er die Klarheit seiner vstend vnd sein sel die gab auff
 in d̄ vst̄nd sei leichn̄re Klarheit vñ macht d̄ also loblich das
 sie yn begabt mit fier morgen gab̄. das was die Klarheit die
 vnleidenlichkeit die hübscheit vñ die ringfert̄igkeit. auch was

Die...

Swere...

der selb leichnam cristi nach der vestend derselb der er vor was
das was der selben natur aber einer andern glori vnd gieng
ein durch die verschlossen tür zu seinen iungern. Luce an dem
xxiiij. Aber das er durch verschlossen tür eingeng das geschach
nit von der natur wegen seins glorifizierten leichnams sunder
geschach das mit der krafft seiner gotheit die dem leichnam zu
geaint was wann das ist nit der natur eins glorifizierten kör-
pels das der an der stat stand eines andern glorifizierten leibs
aldo auch an der stat eines vnglorifizierten leibs. darumb sprit
cht sanctus Thomas super. iiii. di. xliii. q. iiii. das weder zwen
leichnam die nit glorifiziert sind. noch zwen vnder den der ein
glorifiziert ist die mügent nit aus ir natur mit einander an ein
er stat gesein. aber wol mag das geschehen mit der götlichen
krafft. Sprichst du dann seid das ein glorifizierten leib von d
morgengab wegen die do heist die hübscheit nit sein mag an
der selben stat mit einem anderen leichnam so möcht auch der
nit auffsteigen gen himel vñ durch gon die himel darumb das
der nit mag geteilt werden. als der Job spricht an dem. xxxiiij.
Die himel sind von gar hertzer glocken speiß geformiert. Dar-
über wirt dir geant wurt als vor das ein glorifizierter leichnā
er sei vnser herren ihesu cristi od eins andern menschen durch
gat die himel oder die himlische sper on all ir teilung vnd das
ist nit von der krafft seiner subtiligk eit aber aus der krafft der
gotheit zu einem gebeu des glaubens. O Auch hat xys an
seinem leichnam behalten die mafen der wunden. als Beda
schreibt vber Lucam. mit vō onmacht wegen des heils sunder
von fünfferlei sach wegen. Von ersten darumb das er wolt
ewiglich tragen das zaichen des sigs. Zu dem andern das er
do mit wolt stercken den glauben seiner iunger. Zu dem dritten
das er do mit vnser fürsprech wurd bei seinem vatter vnd ym
ertzeigte welcherlei martir er für vns gelitten hette. Zu dem
fiertten das er do mit wolt ertzeigen das er mit seinem tod so
barmhertziglich das menschlich geschlecht erlöst het vñ zu m
fünften das er do mit zu erkennen geb den bösen wie gar recht
lich sie verdampft wurde die mit dē glauben vñ gūten werckē

seinem tod vñ marter nit nach komen. Als Johannes spricht
 in Apoc. an dem .j. Vñ wirt sehen ein yeglichs aug vnd auch
 die yn ver wundet haben. vñ sant Augustin spricht in li. de sim
 bolo. Cristus der west warum er die masen seiner wunden be
 hielt an seinem leichnā. recht als er die selben zaigt sant Tho
 man der nit geloubt das er die an graiff vñ sehe das er der hei
 land aller welt wäre. also wirt er die masen der wunden sein
 en feinden zaigē do mit er sie überwīde. als die warheit spricht
 Nemend war des menschen den ir gekreütziget hond. sehend
 an die wunden die ir verhawen habent. erkennt die seiten die
 ir durchstochen habent das ist durch eüch geschehen vñ von
 eüweret wegen geoffnet worden vnd noch habent ir nit wöl
 len her eingon. Hie bei merck spricht sanctus Thomas parte
 iij. q. liiij. ar. iij. Der heilig sant Thomus hat nit allein gesehen
 die wunde auch hat er die angriffen als Leo 8 babst schreibt
 zū seinem glauben wär sie gar genüg gewesen an dem sehen.
 aber vō vnser wegē graiff er an den er sach. Als aber spricht
 sant Augustin in li. vj. contra Pelagiū. q. ix. der maint das cri
 stus in seiner vstend nit hab behalten die wunden nun allein
 die masen der wunden vñ sagt also. Man soll das wissen das
 cristus nit die wunden sunder die zeichen der wunden getzaig
 et hat. vnd das selb helt auch magnus Albertus über Lucam
 vñ die selben masen cristi recht als die masen der andern mar
 terer. Spricht sant Augustin li. xij. de ciui. dei. die waren gar
 schön der tü gent vñ gar ein würdige ertzeigung vnd was ein
 zeichen des figs. vñ des magstu gehabt ein vsach das allein
 die masen seien gewesen ein grosse zierheit hete die cristus nit
 gehalten er het sie gar leicht vertilget seitmal der balsam als
 volkommenlich die wunden heilt das kein mas nit beleibet. vil
 mer het das got der herr mügen getün das er sein wunden vñ
 auch 8 andern mügē geheilen vñ mügen mache das kein mas
 noch kein spor 8 masen noch 8 wunden nit belibe wären. ¶
 Nun zū schreibē von dē dritē das ist die warheit 8 vstend dy
 hat got 8 herr manfaltiglich ertzeigt vō ersten mit 8 englische
 zügnuß dy do sprachē er ist erstandē als all ewāgeliste sage zū

andern mal so hab wir des zügnuß in der geschriffte Luce an dē
letsten. Zum driten mal mit vil argumenten der enpfintlichen
zaichen do mit er bewert die glori vnd warheit seiner vrtend
vnd das zwifaltiglich. Von ersten von des leibs wegen. zu dē
andern von der sel wegen. vō des leichnamns wegen so bewert
er das drifaltiglich. Am ersten so hat er das ertzaigt das sein
leichnam ist gewesen ein gerechter warer leichnam vnd nit
ein gespenst oder ein seltzamer als der lufft mit dem das er yn
dar gab zu greiffen. Luce an dē. xxiiij. Greiffst vnd sehent das
der geist weder flaisch noch gebein hat als ir mich sehent. Zu
dem andern mal so hat er erzeigt das sein leichnam ist mensch
lich gewesen do mit das er ynen die natur vñ sein gestalt gab
irem gesicht do mit sie yn mit freüden erkanten. Johannis an
dem. xx. Frölich wurdent die iunger do sie den herrn erkanten
Zu dem driten so ertzeigt er ynen seinen leichnam das er was
der selben zal das er ee was do er yn ertzeigt die mafen seiner
wunden. Luce an dem. xxiiij. Sehent an mein hend vnd mein
fuß wann ichs selber bin. des andern von der sel wegen die er
aber dem leichnam zu geaint het do mit ertzeigt er die warheit
seiner vrtend mit drifaltigem werck des lebens. Von ersten
mit dem werck der narung durch das als er aß vnd tranck mit
sein iungern. Luce. an dem. xxiiij. vnd das was ein rechts es
sen wann der leichnam cristi het nun das leben der sel noch do
mit verckört sich die speiß in seinē leichnam nit wann er aß mit
gewalt vnd nit nach notturfft spricht Beda. Zu dem andern
ertzeigt er das mit dem werck des enpfintlichen lebens mit dē
das er antwort was yn die iunger fragten vnd grüßt auch
sie gegenwürtiglich in dem ertzeigt er sich das sie yn sahen vñ
hörten. Luce an dem. xxiiij. Zu dē driten mal so ertzeigt er sich
mit dem werck des lebens der verständigke it durch das als er
yn auslegt die geschriffte. Luce an dem. xxiiij. Auch ertzeigt er
sich nach seiner vrtend das er het die götlich natur mit dem
wunder vnd zaichen der fischuachung. Johannis an dem. xxj.
Vnd das mer ist das er in irem angesicht vnd betwesen auff
staig gen himel. Actuū an dē. j. Niemand mag auff gen himel

steigen mit eigener krafft dan allein got. als Johannes spricht an dem. iij. Niemand ist auff gen himel gestigen wann nun 8 herab gestigen ist des menschen sun der in den himeln ist. **W**ie soltu mercken das etlich nit warhafftiglich erlückt werden. als der Samuel. j. Regum. xxvij. in des gestalt der tufel erschain. als sant Augustin spricht in einer epistel ad felicianū. et ponit in decreto. xxvj. q. v. Vnd ist nit ein wund wann offft sich 8 engel sathanas verwandelt zu einē engel des liechts. ij. ad Corint. xj. Noch Samuel der was nit warhafftiglich vō dem tod erlückt. Etlich die wurden warlich erlückt aber nit folkomenlich wann sie zu de andern mal wider sturben als Lazarus. Stat geschriben Johannis. xj. Vnd auch ander vil die erlückt wurden von dem propheten Helye vnd Helyseo. als wir geschriben haben in de. iij. büch der künig an dem. xvij. vñ in dem. iij. do selbs an de. xj. vñ an dem. xiiij. Etlich die wurden für war vnd folkomenlich erlückt zu dem vntdlichem leben. als cristus die erst erlückung betzeichnet die bekerung od das büffen der gleichner. die ander bedeut dero die wider in die sund fallend. die dritten die do harrend in der büß bis an ir end. auch gehöret das zu seiner waren vrsend das er vil vnd offft erschinen ist. wann an dem ersten tag seiner vrsend ist er zu dem fünfften mal erschinen. von ersten Marie magdalene bei dem grab. nach de als die zwen iunger sant Peter vnd Johannes von dem grab giengen. Johannis. xx. Vnd do sie das verkünden wolt den anderen do begegnet ir andere weiber zu denen sie sprach. ich hab gesehen den herren. vñ die gelaubten ir. vñ do erschein yn der herr vnder wegen vnd sprach. Gegrüß seit ir all vnd do lieb er sie halten sein füß. spricht Matheus an dem xxviij. Zu dem dritten erschein er sant Peter. aber an welchen enden das waist man nit. Zum fierten do erschein er den zweien iungern die do giengent in das castel emaus. Luce an dem. xxiiij. Zu dem fünfften so erschein er den selben zweien iugern do sie wider kamen gen Iherusalem vnd sagten den. xj. iunger wie sie den herren gesehe hetten. Luce an dem. xxiiij. Vñ nach de seben tag erschein er aber zefünff mal. von de selbē

sprechend die ewangelisten. die erst 8 yetzigen vnd die sechst
in der ordnung die geschach an dem achtenden tag der heilige
ostertag do yn sant Thoman sach vn̄ graiff ym in die masen
seiner wunden. Johannis an de. xx. Zu dem andern mal bei dem
mōz Thiberiadis. Johannis an de. xxj. Zu dem dritten zu Ga-
lilea auff de berg Thabar. Mathei an de letzten. Zu dem fiert-
ten mal zu Iherusalem an dem heiligen auffertag do. xi. iung-
er bei einander sassen. Marci an de letzten. vnd Actuū an dem. j.
Zu dem fünfften mal auff dem ölperg do er auffür gen himel
Vnd die erscheinung sind all von den ewangelisten geschribē
worde wie wol ir vil mer sind gewesen. als sanctus Thomas
spricht parte. iij. q. liij. ar. iij. Wann er gar oft bei seinen iung-
ern was vnd het handlung mit yn ee das er in die himel auf-
für. vn̄ dasselb vil mer in Galilea yn zu grossen trost. als sant
Pauls spricht. er ward er sehen mer dann fünff hundert brū-
dern die bei einander waren. Darnach ersach yn sant Jacob
von den selben erscheinung man in dem ewangelio nicks hat.
auch spricht ambrosius in li. iij. de vir. das cristus vor aller me-
niglich erschinen sei seiner würdigen mütter. vnd ist der wars-
heit fast gleich. ¶ Warumb aber cristus nit als oft vnd
gemeinlich sein handlung mit den iungern gehabt hab als er
geton hat vor seiner vstend des gibt vns sant Thomas ein vz-
sach vnd spricht. das zwei ding wāren zu leūtern den iungern.
die warheit der vstend vnd die glori der vstend. die warheit
der vstend was gar gnüg in dem ertzeigen als er yn so oft er-
schin vn̄ gar in grosser geheim mit yn redet vnd das er mit yn
ab vnd tranck vnd dar bot zegriffen. aber zu dem ertzeigen d̄
glori seiner vstent do wolt er nit teglich mit yn handlung ha-
ben als er vor getan het domit er nit er sehen wurd oder das sie
gedechten er wār erstanden zu einem solichem leben als er vor
gewesen wār. Nun wo aber cristus die weil gewesen sei so er-
den iungern nit erschin. des waist man nit wol mit der warheit
daruon zereden das es die geschriffte nit gantzlich aus bedēit.
die do spricht das an aller stat sein herrschafft ist. auch hat er
gesein mūgen in dem irdischen paradys bei Enoch vn̄ Helya

wann das die aller höchst vnd die würdigest stat ist auff ert-
 rich. oder anderswo an welchen enden es seinem heiligem wil-
 len gefallen hat. Auch sprechen etlich das cristus von stund-
 an nach seiner vrsende sei gewesen in der glori seines vatters.
 vnd hab die .xl. tag darzü behalten das er in beuweisen vnd an-
 gesicht seiner iunger vnd gelaubigen hat sich täglich vnd mit
 götlicher krafft auff wöllen steigen vber all himel. S Nun
 mit dem yetzigem artickel der vrsende wer dent sunderlich drei
 irrsal gedempt. Der erst irrsal was dero die do gelaubten das
 cristus ein lauttere creatur war vnd war also beliben bei den
 vndern das ist bei den toten. der falscheit offenbaret die vorge-
 schriben sachen. Auch darumb seid cristus lazarum auch den
 sun der witwen in der stat naym vnd die iunckfrawen in dem
 haus hat mügen erkücken zu dem leben. vil mer hat er sich sel-
 ber mügen erkücken von den toten. als Johannes spricht an
 dem .x. Ich setz mein sel vnd nimb die anderweid herwider. vñ
 die selb entsatzunge vnd das widernemen ist nit gewesen ein
 verlassung oder ein scheidungge der sele von der gottheit. wenn
 was die gotheit einest genomen hat das hat sie nie verlassen
 aber das flaisch cristi hat gesetzt die sel in den tot vnd hat die
 wider genomen mit der vrsende nit mit seinem gewalt sunder
 mit dem gewalt der gottheit die in dem flaisch wonung hette.
 vnd Johannes spricht an dem .v. Recht als der vatter die tot-
 en erkückt vnd macht die lebendig. also erkücket auch der sun
 vnd macht die lebendig welche er wil. Des nemen wir ein ex-
 empel in der natur. seid das der leo an dem dritten tag mit dem
 geschrai erkücket seine welflin von dem tode. wie ist dann ein
 wunder das der himelisch vatter sein ewigen sun von dem tod
 erkücket hat. T Der ander irrsal ist dero die do sprechent
 das die sele sterb mit dem leichnam. vnd ob das war wäre so
 möcht der mensch nit erston. Wider solichs spricht Matheus
 an dem .x. Ir sollent die nit fürchten die eüch den leib nement.
 wann sie mügent eüch nit weiter tün. sunder fürchtent den der
 gewalt hat leib vñ sel zetöten vñ sencken in das hellisch feür.
 In Apocalipsi stat geschriben an dem .vi. Ich hon gesehen der

selen der yetzigen die getöt waren hinder dem altar gots vnd
sprachen. Herr wie lang richst du nit vnser blüt. Den ward
also von got geantwurtet. Hörent noch ein kleine weil vntz
das die zal eüwer brüder erfüllt werd. Der drit irrsal was der
die do nit gelaubten die vstende. als die Saducei. Aber seid
das cristus erstanden ist mit de flaisch so erstanden wir auch.
Spricht sant Paulus. i. ad Corintheos an dem. xv. Wann er
ist ein vsach vnser vstend. vnd also soltu mercken. gleich als
der tot ist zwifaltig das ist der sele mit der schuld vnd des leich
nams mit der schidung der sele von dem leichnam. also ist zwi
faltige vstend das ist der sel mit der genad das die erst vstent
de heist. Apocalipsis an dem. xx. Die ander ist des leichnams
durch die glori der sel vnd mit der widereinigung. vnd also ist
der tod der sele ein vsach des leichnams tod. also ist das leben
der sele in der glori die ir vstend ist. vnd die ander macht her
wider ein vsach der vstend des leichnams das leben vnd die
glori wann der leichnam in der vstend wider zu geeinigt wirt
aber der erst tod ist geheissen so in der gegenwertigkeit die sele
mit den schulden stirbt. vnd der ander tod ist geheissen so die se
le mit dem leichnam verdambt wirt. Spricht Johannes in
Apocalipfi vnd do selb wirt gesprochen das weder leib noch
sel in keinen genaden leb do allweg der ewig tod ist. Vnd also
hat ein end der fünfft artickel.

Den sechsten artickel setzt vns sanctus Jacobus vnd spricht





Scendit ad celos sedet ad dexteram dei patris omnipotentis A Den sechsten artickel setzt vns sanctus Jacobus der minder vnd spricht. Auff staig zü den himeln sitzent zü der gerechten gottes des allmechtigen vatters. Hie werdent drü ding vermerckt. von ersten die mechtigkeit des auff steigenden so er spricht auff staig. Zü dem andern die höche der stat. so er spricht zü den himeln. Zü dem dritten die erenreichheit der glori. so er spricht sitzet zü der gerechten gottes des allmechtigen vatters. Nun von dem ersten so wif das cristus der herr in menschlicher gestalte mit leib vnd sele. vnd mit beiden naturen der gotttheit vnd der menscheit ist auff gestigen. vnd nach yn beiden. also das das wörtlin noch spricht die natur des auff steigenden. aber nach der gottheit. das anzeigen heist die vrsach des auff steigenden. vñ also hat er das auff steigen geton mit seiner aigenen krafft doch nit mit menschlicher natur die dann natürlich gat aus den natürlichen anfang. aber zü dem vordersten mit der krafft gottes. vnd zü dem andern mit der krafft der glorifizirten sele. aus der ward übergeben die klarheit dem leichnam. als sant Augustin spricht ad Dyastoron. vnd do ist soliche gehorsamkeit des glorifizirten leichnams zü der sele. als do selb sant Augustin spricht li. xxij. de ci. dei. An welche end der geist flüigt do ist auch fürsichtar der leichnam. nichts flüigt mit das den geist gehindern möcht. vnd darumb aus der krafft der fligenden sel cristi ist auch geschehen das der vntötlich leichnam cristi auff stig in den himel. vnd nit allein mit der götlichen krafft. **B** Hie mügent acht frag geton werden. die erst weñ cristus auff gestigen sei. die ander von wannen er auff gestigen sei. die drit von welchen er auff gestigen sei. züm vierden wie er auff gestigen hab. züm fünfften mit welchen er auff gestigen sei. züm sechsten wie ferr oder wahin er gestigen sei. züm sibenden warumb. zü dem achtenden was frucht oder nutz vns daraus kommen sei. Ober das erst ist die antwort. Das er an dem. xl. tag

nach seiner vrsünd auffgefaren ist. Warumb ist aber das nit ee geschehen. allein darumb das die iunger getröst vnd sein vrsünd bewärt wurd in den .xl. tagen. gleich als sie trauren heten in den .xl. stunden die er tod was. also herwider enpfienge sie die .xl. tag freud vnd trost ab seiner heiligen vrsünd. Vnd also laut die glos. Actuum an dem .j. Zu dem andern wirt geantwurt. das er von dem Ölberg ist auffgestigen. der dann tausend schrit von der stat Jerusale liget. Zu dem dritten. so ist er zu angesicht der .xj. iunger vnd der aller seligisten iunckfrawen Marie vnd vor vil andern weiben die ym nach folgten von galilea vnd zu dem minste vor den .lxxij. iungern. auch so ist es der warheit wol gleich das nit allein die yetz gemelten bei ym auf dem Ölberg gewesen sind. sund auch vil ander die do heimlich iunger vnser s herren waren von forcht wegen der iuden. als Nicodemus Gamaliel vñ Joseph von Armothia vnd der gleichen die in der proceß der heiligen zwelffboten oder in einer ander weise mit yn komen auff den Ölberg das sie sehen Ihesum cristum iren herren gen himmel faren. als der meiste historiaram spricht. das sich gesamelt heten all iunger cristi mit vil and gelaubigen mensche nach essens an dem heiligen auffertag. vnd kamen recht als mit einer proceß auff den Ölberg.

C Zu dem vierden wirt die antwurt das er auff gestigen ist gewaltiglich offenwarlich vñ frölich. vnd hüb auff sein hent vnd gesegnet vnd bewaret sie wid ir feind. vnd das gewöld nam yn hin vor iren augen. er ist auff gestigen gewaltiglich. als Ysaia spricht an dem .lxiiij. Der gat hin als ein schöner in seiner stol vnd in der manigfaltigkeit seiner krafft. Offenbarlich ist er auff gestigen als geschriben stat Actuum an dem .j. In ir aller angesicht erhüb er sich. Er ist auch frölich auff gestigen. als David spricht. Got staig auff mit iubel vnd mit freude vnd fröwet sich nit allein. sund auch die menschen die gegenwertig waren. Auch die engel vñ all selen. als der heiligen väter propheten vñ patriarchen. vñ die vnschuldige kindlin die herodes töten lieh. Johannis des tauffers vnd der andern gerechtē die do gereiniget waren vor der vrsünd cristi. vñ auch

g iij

nach der vrfend vntz an auffertag. vnd' aus der vorhell er löst
vnd von cristo genomen wurden. die all auff die zeit mit cris-
sto in grossen iobel auffüren. Vnd das bedeiut vns herr Da-
uid do er spricht. Do er auffür in die höch. gefangen für et er
die gefencknuß. das waren die in der vorhell gefangen warē.
Vnd mit der antwurt yetzt gesprochen wirt genüg über die
fünfft vnd sechst frag. das er auffgestigen ist über all himell.
der stat vnd der wirdigkeit. als sant Pauls spricht ad Ephesi-
os an dem. iiii. Er ist auff gestigen über all himel das er alle
ding erfülte. Davon spricht die glos. Das ist die stat vnd die
wirdigkeit do hin auff ist gefaren der leichnam cristi mit sein-
er wirdigkeit. nach dem als er geeiniget was zü der gotheit.
vnd nit allein über alle leipliche creatur. sunder auch über alle
geistliche aus genomen sein edele sel. dauon gehört ym pillich
zü die höchst vnd die edelst stat. als Gregorius spricht in der
omelei. Der alle ding beschaffen hat. der für auff über all sein
krafft. vnd spricht mercklich das der leichnam cristi nach dem
als er geeint was zü der gotheit fürtrifft mit seiner wirdigkeit
alle creatur aus genomen sein sel. vnd soll auch angebett wer-
den mit der anbetung gots vnd mit dem einigem gebet der got-
heit. So aber der leichnam cristi gesatzt wirt als er in ym sel-
ber ist nach seiner natürliche leiplicheit vnd nit nach dem das
er der gotheit ist zü geeiniget. Also ist er gleich der geistlichen
creatur vnd ist nit über die selb vnd wirt auch nit angebetet.
mit der anbetung gots. vt patz. iij. li. sen. di. ix. D Über das
sibent vnd achte wirt die antwurt. Die auffart cristi in den
himeln do mit er vns sein leipliche gegenwertigkeit entzogen
hat die was vnd ist vns nützer wenn ob er allweg gegenwer-
tig bei vns beliben wär. als Johannes spricht an dem. xvj. Es
füget eüch wol das ich gang zü meinem vatter. wann ob ich
nit gieng so kām nit zü eüch der tröster. ist aber das ich gang.
so send ich eüch den. Darumb so ist er von seinen auch vnsern
wegen auff gen himel gefaren. von seinet wegen hat er dar-
umb wöllen auff steigen zü den dingen die er durch vnser heil-
les willen gemacht hat. vnd mit der auffart vns offente vnd

berait den weg der seligkeit. als Johannes spricht an dem. xiiii
 Ich gon das ich eüch berait den weg. das ist wo ich sei das ir
 auch seien. Zu dem andern mal so ist er darumb auff gefaren
 das er got sein himelischen vatter für vns bett. wann die ant-
 wurtung der menschlichen natur die er angenommen vnd in
 den himel getragen hat vmb vnser willen das ist als ein bit-
 ten für vns. dauon spricht sant Bernhart. O mensch wie gar
 ein sichern zügang hastu zü got do der sun dem vatter ertzeigt
 sein seitten vnd sein wunden. vnd die mütter dem sun ertzeigt ir
 hertz vnd prust. Do mag kein vertziehen sein do so vil zeichen
 der liebe sind. Zu dem dritten mal so ist er darumb auff gestiz-
 gen das er rüwet von der müde vnd arbeit die er hie vmb vn-
 ser willen erliden hat. vnd das er sesse an der gerechten seines
 allmechtigen vatters. als ein gewaltiger herr. vnd vns herab
 sante sein gab das ist den heiligen geist vnd ander sein genade
 als Paulus spricht ad Ephesios an dem. iiii. Er ist auff gestiz-
 gen vber all himel das er erfülte alle ding. das sind gab. Zu
 dem fierten mal so ist er darumb auff gestigen das er vns ein-
 neme das erb zü besitzen das ewig reich. Vnd also ist die auf-
 fart mit dem anheben vnd nit mit der maß des verdienes oder
 mit dem ab wenden die hinderung. als geton hat sein heilige
 marter vnd tod der vns alle hinderung abtöret hat. aber sein
 auffart was wol ein vsach des ebenpilds. wann recht als cri-
 stus ist vnser haupt vnd ist auff gestigen in den himeln. Also
 müssen wir ym zü gefügt werden ob wir anders gelider beleib-
 ben des haupts. E Dann von vnser wegen sind fier sach
 warumb cristus auff gestigen ist. Zu dem ersten von der mer-
 ung wegen des gelaubens. als Johannes spricht an dem. xx.
 Selig sind die nit gesehen haben vnd doch gelauben. Zu dem
 andern von erhebung wegen vnser hoffnung. Spricht Johā-
 nes an dem. xiiii. Vnd ist das ich gang vnd eüch berait die
 stat so kumb ich vnd nimb eüch zü mir. vnd wa ich bin das ir
 do seient. Zu dem dritten dauon das wir auff heben zü dem hi-
 melischen reich die begird der liebe. als Matheus spricht. Wo
 dein schatz ist do ist auch dein hertz. vnd sant Paulus ad Coz
 g iiii

locenses an dem. iij. Was oben ist in dem seind weißheit vnd
nit in dem das auff ertrich ist. Zu dem fierden. darumb das
sich meret zu ym die er würdigkeit. also das wir yn nun nit
schetz n als einen irdischen menschen. sunder nun als den him-
melischen gott. ij. ad Corintheos an dem. v. Vnd ob wir cri-
stum nach dem flaisch vor erkannt haben. als wir yn für ein-
en tödlichen menschen geschetzt haben. aber nun so erkennen
wir yn nit mer also. F Vnd do solt du mercken das cri-
stus nach der göttlichen natur her ab von hymel gestigen ist.
nit das er den himel verlassen hab. sunder darumb das er die
menschlich natur genommen hatt in die einigkeit der person.
vnd mit dem wirt gesprochen das sich gott geminderet hat.
vnd hat doch nit do mit sein ere noch sein vollkommenheit ver-
loren. wann die göttlich natur ist nit gedienmütiget mit der
menseheit. aber die menschlich natur ist do mit erhöcht nach
der göttlichen natur wirt gesprochen das cristus auff gestig-
en ist mit dem das das warlich bezeichent die vsach der krefft-
tigen auffart. vnd nit mit dem das wörtlin nach rett von der
gelegenheit des auff steigenden. wann ein soliche auff steig-
ung ist ein ver wandlung der stat vnd ein bewegung. vnd das
getzam nit der göttlichen natur. sunder wol der menschlichen
vnd der schöpfung vnd nit dem schöpffer. Nun zerden von
der erhöchung wegen der statt aldo hin cristus auff gestigen
ist soltu wissen das zehen hymel sind als sanctus Thomas
spricht in prima parte summe. q. lxviii. ar. iij. Der erst hymel
mit dem auff steigen das ist der hymel des mones. Der ander
des mercurij. Der dritt ist des venus. Der fierd der sunnen. Der
fünfft des martis. Der sechst ist des iouis. Der sibent saturni.
Der acht ist der hymel des gestirns oder der stern. Der neünd
der cristallen. Der zehent der ist der feürin hymel. Vnd als
bald der selb hymel beschaffen ist worden do ward er erfüllt
mit den engeln. Als Beda vnd auch Basilius sprechent. Vnd
der hymel ist über all ander leiplich hymel. vnd ist auch ge-
heissen ein hymel der anderen hymel. in dem ist die wonung
der heiligen engel vnd der selen der seligen. Vnd wirt vnd ist

auch ein wouung der glorifizierten leichnam. In dem selbigen feürin himel fliegend alle glorifizierten menschen. in dem auch auff genommen ist die iungfraw Maria. vnd ward darinn erhöcht über alle kōr der engel. vnd über die statt der seligisten vnd heiligisten iungfrawen Marie ist auff gestigen cristus. als sanctus Paulus spricht ad Ephesios an dem. j. Er hat den gesetzt über alle fürstenthūm vnd gewaltig über alle nammen die do genennet werden. es sei in der welt oder künfftiglich in diser welt. S Auch sol niemand gedencken das cristus in der vorgenannten himmel einem sei beliben ein tag oder ein weil. als etlich darinn irrent die do sprechen das cristus in einem yeglichen himmel einen tag beliben seie. vnd erst an dem pfingstage do hab er sich gesetzt zu der gerechten seines allmechtigen vatters in dem feürin hymmel. vnd hab also von stunden an seinen iungern den heiligen geist gesant das ist gar ein kindisch ding der das also gelaubet von einem lautern glorifizierten menschen. als offenbar ist aus den vorgeschribnen sachen. wann ein durchklärter leichnam der ist on vertzug wa hin der geist will. vnd darumb so wär es vil kindischer welicher das gelaubte von cristo. Nun fürbas solt du wissen als sanctus Thomas spricht vbi supra. das der himel. in der heiligen geschriffte wirt etwen genommen in einer anderen bedeutung vnd also heist die heilig drifaltigkeit etwen der himmel von ir geistlichen hübscheit wegen. vnd von des durchklärten liechts wegen. von dem himel verstanden wir das dauon der teüfel gesprochen hat. als Ysaias spricht. Ich will auff steigen in den himel das ist zu der gleichheit gotes vnd ich wird gleich dem höchsten. vnd in dem selben himel sind allein drei person. das ist d vater der sun d heilig geiste. die gantz vol kōmenlich ebē gleich sind. aber alle geschöpffte ding sie seien leiplich o8 geistlich die sind in d feürin himel. etwen werdent die himell geheissen die geistliche güt darinn die begabung d heilige ist vō ir hochwürdigkeit wegē. als Mathe spricht am. v. Euer lon ist vil in d himel. vñ Augustinus setzt das etwē drüding sint über das natürlich gesicht. das leiplich. das bedecht

lich vnd das verstantlich die werdent drei himel geheissen die
er also aus legt vber das das sant Paulus entzuckt ward bis
in den dritten himel. ij. ad Corintheos an dem. xij. vnd spricht.
das mit der ersten maß Moyses got sach. Exodi. an dem. xxxiii
Mit der andern maß sach yn Ysaias. als der selb spricht an de
vj. Ich hab sitzen sehen den herren auff dem höchsten sessell.
Mit der dritten maß sach yn sant Paulus in dem klaren bloß-
lichem wesen durch kein gleichnuß. vnd das do er entzucket
ward. **H** Auch wiß das es nit ein feürin himel heist von
des prants wegen. sunder von des scheins wegen. dann er gar
durchleucht ist volkomen vnd ainig geschickt vnbeuegelich
vnd hebt in ym alle geschöpffte ding on sich selb. wann er der
letzt himel ist. vnd vber yn ist kein geschöpff nit. aber der sch-
öpffter aller ding der ist darinne vnbeschlossen. vnd vber yn
vnd vnder ym nit aus geschlagen. aber die geschöpfften ding
sind in ym oben vnd vnden gesetzt vnd geordnet. Auch wiß
das zenechst vnder dem feürin himel ist der cristalle vnd nach
dem die andern himmel vnd die element. vnd andere ding die
sind in der welte hie. aber der vorzige feürin himel vnd der cris-
talle hat ein grosse weite in ym. Bonauentura spricht super
ij. li. senten. di. ij. das cristus sitzt in dem feürin hymel nach der
menschheit an der gerechten des allmechtigen vatters. das ist
in dem besten gut. wann er vbertrifft die engel vnd die men-
schen mit der stat vnd mit der würdigkeit. vnd nach ym glau-
ben wir. do ist die selig iungfraw Maria vber all kōr der en-
gel vnd vber all ander heiligen. vnd darnach so sind die ande-
ren geordnet nach der würdigkeit irs verdiens. vnd das mag
man also gar leicht bedencken. ist das die fōgel in den lufften
nach ir ordnung sind. vnd der fisch in dem wasser. also ist zu-
uerston das die kōrpel in dem himel gesatzt seien. wann der sel-
be himelisch kōrpel hat gar vil der hōch als die andern himel.
wann es sol niemant gedencken das die seligen die do sind als
auff einem tennen oder auff einem sessel oder einer dem andern
gerichtz ob dem haupt sitzen sei. doch möcht einer also geden-
en vñ ein sinwelen berg für sich nemen vñ das auff de hōchst-

en cristus sesse. vnd darnach zering vmb abwertz yeglicher nach der ordnung. Aber doch hart mag ym eins also gedencen das es komme zu einer kuntlichen erkantnuß wie der himmel inwendig geschicket vnd geordnet sei nach aller maß als er ist. Vnd darumb ist der himellischen schickung vnd des hofes der lieben heiligen mer zu begereu dann zu gedencen. Nun soltu wissen das in dem feürin hymel die engel das gestirn sind. als Job spricht an dem. xxxviii. Wo warest du do mich lobt das gestirn zu der mettin zeit. Auch mügent die seligen geheissen werden das gestirn. nach dem als sant Paulus spricht ad Corintheos an de. xv. Der stern hat ein vnderscheid in der clarheit von de stern. als auch Mathens spricht. Die gerechten scheinent recht als die sun in dem reich irs vatters vñ über alle ding. so ist der selb himel durch leucht mit cristo dem herren. der ist die sunn der gerechtigkeit. Apocalipsis an dem. xxi. von dem himel den er do selbs nennt das ist die heilig stat Jerusalem. spricht Johannes. die selb stat bedarff nit der sunnen noch des mones noch ir leuchtung. wann die Klarheit gotes erleucht sie. vñ das lämlin ist ir lucern. Die driten das sind die heiden die wanderten in seinem liecht. vnd die künig des ertrichs bringent dar lob vñ ere. darinne wirt kein nacht ewiglichen. Von der selbigen stat sind vil loblicher ding gesaget. vnd auch anderswo von der stat gottes do die groß sicherheit ist. Ysaias spricht an dem. xxxij. Das volck wirt sitzen in der schöne des frids. Vnd weiter spricht er an dem. lx. Die sunne wirt dir fürbas nichts zu dem schein. wann got wirt dein ewiges liecht. vnd do wirt sein das mügen alles güts. welichs vermügen yemant aus gesprechen noch auch des menschen gedanc begreiffen mag. Ysaias an dem. lxiiij. vnd Paulus. j. ad Corintheos an dem. ij. Das aug hat das nie gesehen noch das or gehört vñ ist auch in des mensche hertz nie komen. got dich aus genomen. was du bereit hast allen den die dich lieb habent. Doch sind do selbs driu ding die sundern grossen lust vñ begird bringent das ist freüntschafft 8 himelische burger. wollust alles gelustes vnd die groß vnschetzberlich freud

in der geselschafft aller heiligen. die wirt also durchleucht vnd
wunnsam sein das ein yeglicher wirt lieb haben den anderen.
als er sich selbs lieben wirt. vnd das die einigung der liebe mit
criso dem herren den ein yeglicher mer lieb hat wenn sich selb
dem yeglichen er mer lonet wenn er verdient. vnd dauon we-
licher sich minder zehaben kent des ein anderer vberflüssig hat
in der güt. so begert er doch nit als vil zehaben als er. Darumb
welcher mer lieb hat der vbertrifft mer. Das ander ist der ge-
lust in den heiligen gelüste die do selbs sind. die mag niemand
durch sechen. noch mit gleichnuß aussprechen. von denen herr
David spricht. Sie werdent truncken von der genügsamkeit
deins haupts. vnd trenck est sie aus dem leib der vollüstigkeit.
do selbs wirt mit allem güt erfüllt ir begir vnd werden gesetti
get mit vnschatzliche gelust. als Ysaia spricht an dem. lx. So
wirstu dann sehen vnd wirst zu lauffen. vnd dein hertz wirt
sich verwundern vnd wirt weit vnd prait werden. Das dritt
ist die freud des gelustes von dem gütten in dem höchsten güt.
wer kan ertzelen das güt der seligen. dauon Ysaia spricht an
dem. lj. Freud vnd fronlockung wirt er funden in ir danck per-
keit vnd die stim der freud. als sant Augustin spricht. Nun gez
denck wie grosser gelust vñ wunnsamkeit wirt do selbs sein do
man plos sicht vnd das güt ewiglich helt das in ym hat die
freud alles güttes. vnd nit der gleich gelust vnd wunnsamkeit.
als wir in den geschöpfften dingen ersehen mügen. Aber wol
mit soliche vnderscheid zwischen de schöpffer vnd geschöpfft.
also wirt sein die freud des mensche do sie kam oder gar nichts
begreifen mag do von ein yeglicher heilig dort den andern als
lieb hat als sich selbs. er freuet sich auch eins yeglichen freud
vñ seligkeit als der seinen. vñ also zwifaltiget sich als oft sein
freud als vil dort der seligen sind. Darumb betracht wie gros
freud dir von yeglichem heiligen gegeben wirt. als Johan-
nes in Apocalipsi spricht. Ich sach nach dem ein grosse me-
nig die niemants ertzelen mocht. ston vor dem thron gottes.
L Nement war ich hett mir gedacht etwas zeschreiben
von dem feürin himmel. Aber was ist das selb. Nun gleich

recht als yemant das weit groß mör in ein Kleins geschirr geschöpffen mag. also kan auch nieman durch gründen die freude in dem selben himel. Aber mit 8 hilff gots will ich des etwas in dem letzten artickel berüren. Nun zu dem letzten dis artickels wiß das in dem selben feürin himel sind die teilung der lon als Johannes spricht an dem. xiiij. In dem haus meins vaters sind vil wonung. Do selbs sind neun kdr der engel dar vor etlichen die menscheit cristi verborzen was. vnd die selbigen in seiner auffart sprach. wer ist der do kumbt von edom mit eingedachten Kleider von bozra vnd sprachen auch. wer ist der künig der eren der als mechtiglich gat in seiner stol. Den antwurten die das westen vnd sprachen. Der herr der tügent der ist der künig der glori. Das aber etlichen engeln die menscheit cristi ist verborzen gewesen dauon redet sant Pauls ad Eph an dem. iij. vnd spricht. Das ist ein ab komen des verborznen sacraments von der ewigkeit in got. das kunt wurd manigfaltig die weißheit gottes durch die kirchen der fürsten vnd den gewaltigen der himel. Die glos spricht do was die abkomung des sacraments sei. das ist die verborzen menscheit von 8 welt. das ist vor allen creaturen der welt in gott das ist in der weißheit gottes do mit die manigfaltige weißheit gotes kunt werd vmb die erlösung des menschen durch die kirchen. Das wirt verstanden durch die zwelffboten vnd ander prediger 8 kirchen den gefürsten vnd den gewaltigen in den himeln. M Wer des mer vnd grössere kuntschafft haben wöl der sech an die. xj. di. ij. li. sen. Vnd do selbs sprechent die lexx vnd sunderlich Bonauentura. der spricht das in den engeln sei zwifaltige erkantnuß. eine habent sie von natur. die ander von genaden. vnd ir yegliche ist noch einest zwifaltig die sie habent von natur. dauon wirt gesprochen das die yn ist eingesett. als das ir erkantnuß ist von den dingen die do sind von der satzung der ersten ding der welt. vnd in der selben erkantnuß nement die engel nit zu. wann von anfang hand sie geht die gestalt aller ding was mit yn beschaffen ward. Die and erkantnuß die do heisset von natur die ist in den engeln mit einer natürlichen

erkenntnuß die do heist von natur die ist in den engeln mit ein-
er natürlichen gewaltigkeit sie sei angeborn oder besücht vnd
als vil die engel aus genomen habē nach dem vergon der zeit
mit manigfaltiger aus nemung vnd verkerung von den ding-
en die von neuen sachen geschachen. vnd auch des gleichen ist
ir erkenntnuß die sie haben von gnaden auch zwifaltig. wann
die ein ist von der stat der gnaden. die ander von dem einfluß
der gnaden. die gnad ist geheissen ein genad der bestetigung.
vnd die erkenntnuß die von der genade kumbt das ist das ges-
sicht des götlichen wesen nach dem als sie das plos vnd offen-
lich sehent. vnd in dem nement die engel nit zū noch ab. Aber
die erkenntnuß die von den einflussenden gnaden ist die ist er-
kenntnuß von meldung oder offnung wegen die daruon ein
aus flus heist. darumb das got nit allweg kunt tūt das heim-
lich. aber nun zū zeiten vñ zū stunden. vnd mit der habent auf
genommen die engel. nit daruon das sie offenbarlich sehent. ab-
er das sie in etlicher offenbarung geschehen ist von dem ewig-
en wort das ist die dogenheit do mit er wolt mensch werdent.
N Sprichst du dann got ist ein ebenbild vnd ein versach al-
ler erkenntliche ding seid das die engel blöflich sehent das ex-
emplar. ist gar versehenlich sie sehen vnd erkennen in ym alle
erkenntliche ding. Des wirt dir also geantwurt. Mit dem das
sie got sehent do mit sehent sie alle ding die zū irer seligkeit ge-
hörent. noch aber ist nit not das sie in got alle ding sehen. dar-
umb das er ein exemplar vnd ein spigel ist darinn alle ding er-
scheinen vnd ersehen werdent. vnd darumb das got ein willig-
ger spigel ist vnd einem yeglichen ertzeigt der darin sicht sein
gefallen. vñ dauon wie wol oder wie offt etwer darein schau-
et so sicht er doch nit mer dann als vil ym got der herr will off-
enwar vnd kunt machen. Nun zeschreiben von dem dritten 8
ersten aufteilung das ist von der überhöchlichen glori als ge-
sprochen wirt das cristus sitze zū der gerechten des allmech-
tigen gottes. wann er mit sampt dem vatter hat die glori der
gottheit die selligkeit vnd das gewaltig gericht. als sanctus
Thomas spricht parte tertia questione quinta arti. secundo.

vñ Johannes Damascenus. das bei der gerechten züuerston
 ist die glori der gotheit. vnd also spricht Augustinus vnd auch
 die seligkeit des vaters vnd das gewaltig gericht vnd dauon
 betzeichnet das gesetz das gericht vnd die küniglich würdig-
 keit. vñ dauō so hat cristus die aus gesprochen ding mit got
 de vater ewiglich in einer mayestat nach der götlichen natur.
 vnd also tregt die fürlegung allein die teilung der person vnd
 die ordnung des vrsprunges. aber mit der grad der natur oder
 der würdigkeit. wann kein solicher grad ist mit in den personen
 der gotheit. also das ein person würdiger wär wenn die ander
 sunder sie sind in allen dingen eben gleich eben volkomen eben
 erwürdig. aber nach dem das cristus ein mensch ist vnd nach
 menschlicher natur. so wirt gesprochen das er sitzt an der ge-
 rechten seitten seins allmechtigen vatters. das ist an der besse-
 ren stat für all ander seligen. als vil vnd darn die menschlich
 natur in cristo seliger ist für all ander creaturen. vnd über die
 hat er gewalt des küniglichen gerichtts. ⊙ Vnd also hat
 sant Steffan vnsern herren Ihesum cristum ston sehen an der
 gerechten seitten gottes. als einer der beraitet ist vñ zehelffen.
 aber Marcus der ewangelist spricht das cristus sitzt an der ge-
 rechten seitten seins vatters. vnd tüt das besunder von fünff-
 erlei sachen wegen. von erst von de auszaiigen. wann er kein ges-
 prechen nit gehabt hat. alle bewegung geschicht zü etwen.
 auch hat er das begern vnd nit allein der rü vnd der sattung.
 sunder die volkomen überflüssigkeit do mit er den andern mil-
 tiglich gibt die gab. als sant Paulus spricht ad Ephesios an
 dem. iij. Er ist auff gestigen über alle himel das er erfülte alle
 ding das ist die gab. Zü dem andern mal so sitzet er wann er
 zü einem richter gesatzt ist der lebendigen vnd der toten. Actur
 um am. x. vnd darum als einem richter zü gehört das verhören
 vnd zerichten die werck od sachen die gericht sollen werde. dar-
 um so tüt er das sitzent vñ das zü einē zeichen wirt gesprochen.
 das er sitzt. Züm dritten so sitzet er von der auszaiigung wege
 der rü nach d grossen arbeit die er hie in seinē heiligen lebē na-
 ch der menschheit gehebt vñ gelide hat. als herr Dauid spricht.

Ich bin arm vnd bin mit meiner arbeit von iugend auff. Zu dem fierten so sitzet er zu einer bedeutung der steet seiner seligkeit. Zu dem fünfften so sitzet er zu einer bedeutung der erwidrigkeit die ym der gantz himelisch hoff erbeit. als offft gelesen wirt in Apocalipsi. das all heiligen stend vor seinem throne. vmb das lamlin vnd neigent ir Krone vnd lobent yn tag vnd nacht on alles auff hören. ¶ Doch sol niemant gedencen das der vatter in der götlichkeit oder die gotheit gelider hab als ein rechte oder lincke hand oder fuß. oder yendert ein figur eines menschen oder einer andern creatur. wann wer das gelaubte der fiel in die ketzer ei die do heisset antiformitarum die selben figurten got nach pildung der menschen. wer auch also gelaubet der ver wandelt mit dem heidnischen meister das lob gottes. Zu dem vergenglichen menschen spricht sant Pauls. ad Romanos an dem. j. Auch ist gesaget an dem anefang des yetzigen artickels. das cristus ist auff gestigen in beider natur wider den ketzer enthiten der nun allein ein natur in cristo setzet. Zu dem andern wider die do sprechen das die ein natur in cristo erstöt sei worden das ist die menschlich die doch beident halb vnwar ist. Zu dem dritten wider dye do sprechent das cristus nit war got gewesen. sunder mit dem das er mit der natur der gotheit war auff gestigen. das het er erst an zeigt das er warer got wäre.

Den sibenden artickel setzt vns sant Philipp vnd spricht.





Nide venturus ē iudicare vivos et mor-
tuos. Von danen er künfftig ist zereicht
en dy lebendigen vñ die tote. A Von
erste so merck etliche ding die vor de ge-
richt geschehe werden. zum andern et-
liche die mit de gericht geschehe werde.
zum dritten etliche die de gericht wer de
nachkomen. Zemercken von de ersten
so wif das dy ding dy vor de gericht geschehe. werdent etliche
den mensche furen in irrsal. etliche werdent yn brige forcht. et-
liche grof grausamkeit. Nun von de ersten stat geschribē Ma-
thei am. xxiii. Es werdent erston die falsche propheten cristi.
vñ werdent grosse wunder vñ zeichen thun. do mit sie in irrsal
bringē nit allein die Kleinmütige. sunder auch die auserwelten
so vil sie getun kunden vñ mügen. dan wirt kumen d anticrist
geboren zu Babiloni von de geschlecht Dann. vnd der wirt die
gelaubigē mit sechserlei weif versuchen vñ betriegen. Von er-
sten mit der weifheit seiner wörter. Zum andern mit der gleif-
senden tugenden. Zu dem dritten mit zügnuß der geschrift. Zu
dem vierden mit würckung der wunder vnd der zeichen. Zum
fünfften mit dem versprechen grosser reichthumb. Zu dem sech-
sten mit grausamer echtung vnd peinigung. wann von ersten
wirt er predigen wider das das cristus vnser herr geprediget
hat. vnd wirt auch sprechen wie das gesatzt cristi erlogen sei
vnd wirt hie mit ein nü gebot auff setzen. als herr David sprü-
cht. Setz über sie ein neuen gebiet er. Er wirt auch brauchen
die zeignuß der geschrift die er nach allem willen seines ir-
sals wirt aus legen vnd wirt sich gar gütiglich erzeigen. als
hab er die liebnuß der sele. vnd daruon so wirt er weren das
cristenlich predigen. vñ wirt aus senden in alle welt sein predi-
ger. das niemant höre die aus legung d heiligen geschrift vñ
den cristenliche leeren. B Auch wirt er grosse wunder tun
mit zaubernuß vñ mit dem gewalt d tufelischen kunst. als sant
Pauls spricht ad Thessalonicenses an dem. ij. Sein zukunfft
wirt geschehen nach dem würcken sathane. vñ in aller krafft

mit lügenhafftigen wundern vñ zeichen. vnd seine zeichen heissent sunderlich lügenhafftig. eintweder darumb das sie entlich achtung habent zu der lüge vnd zu dem betriegem der menschen. Apocalipsis an dem. xiiij. Vnd er wirt verführen alle die wonung habent auff der erden von der zeichen wegen die ym gegeben sind. Oder sie heissent lügenhafftig darumb das sie falsch sind. als Augustinus spricht. li. ij. de ciui. dei. c. xix. Er wirt sich erzeigen als ob er etlich erküet von dem tod. das doch nit geschehen wirt nach der warheit. vnd wirt doch etliche zeichen tün nach der warheit. als wann er das feür von himel herab wirt fallen lassen. Apocalipsis an. xiiij. Vnd das wirt ein rechts feür sein. als der heilig Gregorius über den Job spricht an dem. j. das die zauberer Pharaonis machten recht schlangen. Spricht sant Augustin in li. xiiij. de ci. dei. c. iiii. Sie machten auch recht krotten vnd frösch mit der zaubereie vnd teüfelischen kunst. als auch geschriben stat Exodi an dem. vij vnd an. viij. Sie machten die baum plüent oder dürr. Doch merck nit das solichs die teüfel od der anticrist aus eigener krafft vermüge natürlich formen d ding gemachen. aber sie tünd das mit fremder krafft d natur der ding zu zaubern gehörend des wissen sie haben. vnd dann aus zufügung vnd würckung werdent geschickt dy schlangen. De hoc videat di. vij. li. ij. sen. et doctores ibide. Vnd das merck das der anticrist aus eigener krafft nit wunder noch zeichen tün wirt. aber wol als das gemeinlich genomen wirt. wann er etliche zeichen vor des menschen angesicht thün wirt. die übertreffent menschliche kunst vnd gelegenheit. als der abfal des feürs von der höche. vnd soliche ding. vnd solichs wirt er tün mit grossen rüm wie er gewalt hab zesenden den heiligē geist warhafftiglich. wann cristus geton hab in der gestalt des feürs. vnd wirt sich erheben über alles das geheissen wirt vñ geeret als got. Er wirt auch sitzen in dem tempel vnd sich für got lassen anpetten. als sant Pauls spricht. ij. ad Thessalonicenses. ij. das aber der anticrist nichts tüt noch getün mag mit der kunst der zaubereie. noch mit dem gewalt des teüfels ein zeichen eigentlich gesprochen. aber

allein tüt das gott mit eigener krafft. oder er lat das geschehen.
mit seinem gewalt. wann ein solichs übertrifft die kunst aller
creaturen. wann ein zeichen das do geschicht eigentlich ge-
sprochen das ist gar ein gendüg ding vnd ist vngewonlich d
natur vnd übertrifft auch die kunst der gantzen geschöpften
natur. vnd das doch mit schetzlich geschicht durch ander sach
C Sprechstu aber wie mag man erkennen die waren wun-
der von den falschen. so merck das driü ding sind do mit man er-
kennet die wunder vnd zeichen weliche falsch oder gerecht sei-
en. vnd ob etwen geschicht das sie sich mit der materi fugend
so habent sie doch ein vnderscheid von des ersten würckers we-
gen. wann in den waren gerechten zeichen vnd eigentlich ge-
sprochen do arbeit die würckung gottes gewaltiglich on al-
les end vnd über die natur. Aber in den wundern des teüfels
do würcket die krafft der geschöpften natur mit menigerlei
hilff anderer naturen. spricht sant Augustin. li. viij. q. iij. Ein-
weder geschehen die von güten cristen mit der offenbaren ge-
rechtigkeit. aber die zaubrer vnd der antacrist die werdent ze-
ichen tün darumb das sie von dem tüfel erhört werden do mit
sie heimlich handel haben die yn helftent zu einander pringen
soliche ding der natur. wie vor stat. aber von des ends wegen
so geschehent die wunder gottes durch nutzperkeit willen der
Kirchen vnd got zu lob. aber die zeichen des tüfels vnd der bö-
sen geschehent vmb betriegem vñ eitel ere willen. D Spri-
chstu dann. warumb verhengt got das die teüfel oder sein di-
ener soliche ding volbringen. Das ver antwurt sant Augustin
vñ spricht in li. iij. de ci. de. c. iij. Got tüt das durch dreier sach
willen. von ersten darumb das die betrieger betrogen werdent
Zü dem andern das die güten geeüigt werdent. Zü dem drit-
ten das die güten des nichs begeren. Weiter vnd zü dem fün-
ten so wirt sich fleissen der antacrist die menschen zü verführen
mit milter gab vñ auch plenden die augen der gerechten. Ex-
odi an dem. xxij. vnd Deutronomij an dem. xvj. wann der teü-
fel wirt ym zeigen die verborgnen schetz. als der prophet Da-
niel spricht an dem. xj. Er wirt genediglich aus teilen das er

trich. Zu dem sechsten so wirt er betriegen vnd das volck an yn ziehen mit grossen schmerzen greulich vnd scharpff wider die waren cristen die er mit grosser bestigung peinigen töten vnd martern wirt. die dann werdent mit Enoch vnd Helyas gar durchleucht so die aus dem paradys komen gen Jerusalem. aldo wider den anticrist predigen vnd do selbs getöt werdent. als geschriben stat in Apocalipsi an dem. xj. do findet man vil von dem anticrist geschriben. vnd von der selben trübsal spricht Matheus an dem. xxiiij. do wirt grösser trübsal sein der von der welt anefang bis auff die selb zeit nie gewesen ist. vnd niemer wirt. vnd nun sein tag werdent gekürtzet anderst wurd kein mensch heilwertig. als sanctus Gregorius spricht. li. xxij. post principiu. Nun setze wir mit was we das menschlich gemüte versucht werd so der marter vnd leichnam dem schmerzen vnderligt vnd das dann die hecker wunder vnd zeichen tün was wirt icht dann leiden die tügent des heiligen glaubens so der züchtiger des menschen soliche wunder thüt. vnd dauon so wirt gesprochen von der selben zeit Danielis an dem xij. Es wirt komen die zeit das ein soliche von dem anefang des menschen nie gewesen ist. also das Michael der ertzengel ston wirt für die kind seins volcks. wann der selb als die glos spricht. ij. ad Thessalonicenses an dem. ij. der selbig engel wirt töten den anticrist auff dē ölperg aus dem heissen des herren. E Von dem anticrist stat vil geschriben in Apocalipsi an dem. xj. vnd ad Thessalonicenses an dem. ij. vnd Danielis an dem. x. vnd am. xj. vnd. xij. vnd sunst an vil andern enden der heiligen geschriff das alles zeschreiben zelang wär. Doch ob du fragest wann der anticrist geboren soll werden. so wirt dir also geantwurt. Nach meinem versehen so mag man des kein rechte zeit wissen in der geschriff. wie wol sich etlich des zu erfaren gestliessen haben. doch ist es alles vnsunst. Zu dem andern möcht man fragen von welchem geschlecht er geboren werd. Wirt dir geantwurt. Von dem geschlecht Dann. als Genesis geschriben stat an dem. xl. vbi dicitur. Dann coluber in via. Dann wirt ein wurm auff dem weg cerastes auff

dem steig vnd wirt peissen die huff der versen das hinder sich fall das er besitzet . vnd wirt von vil also aus gelegt von dem anticrist der wirt werden coluber die schlang auff dem wege . wann er mit dem peissen der gifftigen predig vergifften wirt die lieben heiligen . darumb so heist er der wurm coluber auff dem weg . wann er das gehürn wappen wirt wider vil die an dem gipfel oder höche aller tügent auff gestigen waren . vnd die selben wirt er ab werffen hinder sich . darumb so heist er cerastes auff dem steig . cerastes heist ein gehürnte schlang . vnd kumbt allso nach d̄ weiffagung Genesis an dem .xl. vnd nach dem wort ich hör̄ deins heiles wann nach der hilff bin ich waren das der heiland kumbt an das gericht . Zu dem dritten so möcht man fragen . wenn er predigen werd . Die antwort . er wirt predigen in dem alter als cristus gepredigt hat . Zu dem fierden wo er predigen werd . Das wirt an den stetten do cristus geprediget hat . Zu dem fünfften wem er predigen werd Das wirt von aller ersten den iuden geschehen . vnd darnach den andern in anderen steten . doch so werdent die iuden wider kummen gen Jerusalem vnd den tempel wider auff pauwen . vnd werdent wenen es sei der messyas der yn in der ee verheissen sei . vnd darumb so sprach cristus Johannis an dem .v. Ich bin kummen in dem namen meines vatters vnd ir hond mich nit auff genomen . ist aber das ein anderer kumbt in seinem namen den selben werdent ir auff nemen . Zu dem sechsten möcht man fragen wie mechtig sein gewalt würd . So wiß das der wirt vnsehztlichen groß . darumb stat geschriben in Apocalipfi an dem .xiiij. Der tract̄ das ist der tüfel der gab ym großen gewalt . als die glos spricht . das er wunder vnd zeichen tün wirt vnd vnderherliche ding . sein mund wirt got lesteren . streitten wirt er mit den heiligen . vnd wirt sich ertzeigen das er heile die verwundeten bis in den tod . Vnd dauon stat geschriben das sich verwundern werd alle welt nach dem grausamen tier . vnd werdent anbetten das vngeheür tier . das ist der anticrist vnd sprechent . wer ist gleich dem thier oder mag seinem gewalt widerston . Zu de sibenden möcht man fragen

wie lang die zeit seiner herrschung sei. So wiß wie vor stat vnd wirt doch den waren vnd gerechten cristen zeuil. langk vnd gar zeschwäre. wie wol die nun fierthalb iar sein wirt. Zu dem achtenden eigentlich von der selbigen zeit seiner herrschung zewissen. so wirt dy weren dreü iar vnd ein halbs. als Danielis an dem .xij. vñ Apocalipsis an dem .xiiij. stat. Zu dem neünden. wer doch sein reich enden werd. das wirt cristus der ewig herr thun. der wirt yn töten mit dem geist seines munds als sant Paulus schreibt ad Thessalonicenses an dem .ij. Zu dem zehenden möchstu fragen was nach dem tod des anticrist werd. So wiß als Daniel spricht an dem .xij. das fünff vnd fiertzig tag geben werden zu der büß vnd sich die iuden zu beköden zu dem glauben. vnd werdent sehen wie sie betrogen sind. Vnd dauon spricht Daniel an dem .xij. Selig ist dann der do kumbt vntz an den thausenden dreühundert vnd fünffundtreißigsten tag. Dann vor hat er gesagt wie lang die zeit seiner herrschung sein wirt vnd spricht. Es werdent tausend zweihundert vnd achtzig tag. das ist drü iar vnd ein halbs. vnd ob du zu setzest fünffundfiertzig tag so werdent ir thausent dreühundert vnd fünffundtreißig tag. Niemand sol aber gedencen das alle mensche bekört werden. oder das darnach über die fünffundfiertzig tag ein end der welt werde vnd der here kumben werd zu gericht sitzen. wann der heiland selber spricht Mathei an dem .xxiiij. Von dem selbigen tag waist niemant nit. noch die engel der himel. aber die zukunfft des menschen sun wirt sein als zu den tagen Noe. Die menschen assen vnd truncken vnd heiraten vntz auff den tag das Noe in die arch gieng. vnd erkanten nichts vntz das der einfluß hin nam alle welt. Also wirt auch geschehen die zukunfft des menschen sun. So werdent zwei sein auff dem acker. das ein wirt auf genommen. das ander verlassen. Nun wiß von den dingen die grosse forcht werden pringen dauon Matheus spricht an dem .xxiiij. vnd Lucas an dem .xxj. Wann grosse feintschafft wirt zwischen dem volck vnd den künigen. Darumb spricht der heiland. Das volck wirt erston wider das volck. vnd ein reich wi

gesicht des richters, als der David spricht. Das feur wirt vor
ym her gon. Vnd sant Peter spricht an dem letzten. Die ele-
ment werdent schwecken vor der prunst des feurs. vnd dauon
so wirt mit dem feuer geprant das extrich. also das die figur
der welt mit dem prant der welt verderbe. als sanctus Paulus
spricht ad Thimotheum an dem. vij. Die figur der welt wirt
ergon nit von der zerstorung wegen der yetzigen empfindlich-
en welt. aber wol mit der wirtung des elementischen feures.
werdent wachsende ding durch flammet vnd vertzeret. vnd
die andern Korpel der menschen die werdent zu eschen. Auch so
werdent die element von allen iren vn sauberkeiten gereiniget
vnd in ir Klarheit ernuwert. Aber das feur das vor dem ange-
sicht des richters vor gat das wirt nit allein an einem ort der
welt sein. sunder auf steigen an alle end der welt. als hoch das
wasser des einfluß auff staig vber all berg. als offen bar ist in.
iiij. li. sent. di. xlvij. vnd das wirt nit geschehen mit der natur-
lichen Krafft. sunder mit der Krafft vber die natur. mit des ge-
biette geschehen wirt die besamung des feurs des elements.
das feur des extrichs. das feur des segfeures. das feur der helle.
Also das mit dem feur der helle die verdampfen geprant wer-
den. vnd mit dem feur des segfeures die gerechten gereiniget
werden. vnd mit dem irdischen feure das gewechs vnd siech
vertzeret werde. vnd mit dem feur der element die element ge-
leutert werden. Vnd ob etwer sprech das das feur ein vsach-
het von dem zulauff vnd von der besamung wegen der him-
melischen aus fluß. also der obern vnd vndern feur. der selb het
noch zesprechen das das feur fierlei ampt hette wie vor stat.
vnd yetzt berürt ist. Aber den gerechten darinn nit zer einigen
ist den schadet das feur nit. als den dreien kindlin in dem glien-
dem ofen in Caldea. Aber doch wirt der leichnam der gerecht-
en zu eschen werden. Das feur wirt auch haben ein anfang.
ein mittel vnd ein end. Vnd von ersten wirt das hergon vor
der zukunfft cristi des richters. vnd also geschicht mit einan-
der die reinigung der gerechten menschen. die peinigung der
bösen. vnd auch die escherung der menschen Korpel. mit der

vertzerung als das auff erden wechst. wie vor gemelt ist. vnd so dann das geschicht so wirt die gemain vstende der toten. vnd die zu kunfft des richters zu dem gericht. vnd also mit dem selben feür wirt überal angetzünt die welt. das grausamlich wirt an zesehen. als der weissag Ysaías spricht an dem letzten Nement war der herr wirt kummen in dem feüre. Vnd stat darnach geschriben. Vnd in dem flammen des feürs warumb wann in dem feür wirt richten der herr. vnd so dann das gericht wirt ein end haben so wirt die gantz hitz das vteil des richters volfüren vnd vmb wickelen die verdampfen vnd sie ziehen in das hellisch feür vnd ewige verdammnis. Deutrono mij an dem. xxxij. Das feür ist entzündet in meinem grimmen. vnd wirt brinnen vntz an das letst der helle. Vnd Jobelis an dem. ij. Vor seinē angezicht ist das vertzerent feür. vnd nach ym sind die prinnend flammen. Vnd also magst du brüsten wie das feür vor her gat vnd kumbt mit ym zu gericht. Nach den vor geschribnen sachen allen so vernüwet sich die welt vnd wirt ein nürwer himel vnd ein nürwes extrich. als in Apocalipfi an dem. xx. stat. Aber merck zwischen der reinigung vnd ernüwerung zwifaltige vnderscheid. Die erst ist die reinigung wirt werden ein absatz der würckung peinlichkeit in den elementen. aber dy vernüwung wirt ein einfürung einer schöneren gestalt in alle welt. also sprechen gemaincklichen die lerer. wann sanctus Thomas super. iij. sen. di. xliij. prope fine. spricht also. Das das auffer vnd oberst teil des extrichs wirt lautter sein als glas. das wasser als ein cristal. der lufft als der himel. vnd das feür wirt als schön als die liechter der himell. vnd die korpel der himel werden bekleidet mit grosser Klarheit. als Ysaías spricht an dem. xxx. Dann so wirt werden des mones liecht als der sunnen. vnd das liecht der sunnen siben mal schöner. als das liecht der siben tag vor den sünden. wann ee das der mensch sündete do was die sunne in den selben tagen grösserer Klarheit wann yetzet. Die ander vnderscheid ist die. Reinigung der element wirt sein ein verwandelung die sie haben. als das vnrein zu dem reinen. Vnd die vernüwung ist

ein verlözen von dem stande des alten himels zu dem stand des
neuen. vnd das wirt sein mit dem auff hören der bewegung.
wann in dem himel ist kein vnſauberkeit von der vndermiſch-
ung wegen. vnd darumb so werden die himel nit gereinigt
von dem feür. aber in yn geſchehet das auff hören der beweg-
ung. vnd alſo wirt der himel erlediget von der vnuolkommen
bewegung. vnd die element gereinigt. von dem feür wirt ge-
ſchnitten die krafft des prands von der luſt der tünckelheit. von
dem waffer die eiſig kelte. aber von dem extrich des oberſten
wirt abton die dicke vnd die finſterheit. aber die dicke bleibt
auch herwider ſo behalten die element ir würckung nach der
wat vnd nit nach dem werck. das iſt das feür wirt haben die
hitz vnd die trückerne. der luſt die hitz vnd die feücht. das wa-
ſer die kelte vnd die feücht. das extrich die kelte vnd die trücker-
ne. aber die ſelben würckungen der element die werden dann
nach dem würcken vnd nach dem leiden vnder yn ſelb. wann
do werden auff hören die bewegung der himel der ein anfang
iſt des vorendern vnd der ver wandlung aller werck. Sprechſt
du warumb wirt geſchehen ſolliche reinigung mit dem feür.
Die antwort. Das geſchicht recht als etwen das gericht got-
tes geſchehen iſt mit dem waffer des einfluß wider die hitz der
vnkeüſchheit. Alſo wirt auch das leſt gericht geſchehen wider
die labung gödlicher lieb. wann ſo die welt exaltet vnd nehet
zu dem verderben ſo wirt kalt die lieb. als Matheus ſpricht an
dem. xxiiij. Oberflüſſig wirt die boſheit vnd gar kalt wirt die
lieb. Sprechſtu warumb wirt vernüert die welt. ſo wiß dar-
umb die welt ſol vertzert werden vñ ſich vernüen ſo der men-
ſch ſich vertzert vnd vernüwet. der ein end iſt aller geſchöpfft
dann ſo wirt der menſch vertzert ſo die zal der außerwelten er-
fült wirt. zu dem ſtant alle ding achtung habent als zu einem
erfülten leſten end vñ dan ſo die zal der erwelten erfüllt wirt.
ſo iſt not das geendet vnd gerüwet werden die bewegung der
himmel vnd auch endung die ver wandlung der element. vñ da-
von ſo entſetzt wirt d ſtant d vernünfftigen ſele ſo iſt not das
auch dan entſetzt werde die ſtend vñ erfüllung d andern cre-

aturen vnd darumb das das feür vnder allen weltlichen köpeln hat eigenschafft die mer geformiret ist den glorifizierten köpeln vnd hat mer ein würckende vñ vertzerende krafft die wider all würckung sind vñ darumb so geschicht gar pillich das die letst reinigung geschech mit dem feür vnd mit dem geheilwertig werden das minder flaisch vnd die vnuernüfftigen tier vogel vnd fisch nit schlechtiglich in yn selbs sunder wol in irem gleichen das ist in dem menschen der die gleichnuß hat mit allerlei art der creatur vñ dauon so mag gesprochen werden das in der glorifizierung des menschen vnd in seiner ernüerung alle ding ernüert vnd begabt werden. **K** Von der vstend wirt geschriben in de. xj. articke. Nun ist zewissen das aller menschen leichnam werdent erston die dann doch nit erstanden waren von der busan oder drumetten des ertzen gels als er sprechen wirt. Stond auff ir toten vnd komment für gericht. als sunt Pauls schreibet ad Corinthios an dem. xv. Singen wirt die trumetten vnd wirt sprechen. Stond auff ir toten. Vnd do selbs spricht sant Pauls. vnd wir werdent all erston. j. ad Thessalonicenses. iij. In der stim des ertzen gels vnd der trumetten gots. Die stim ist ein gedöñ der trumetten vnd die wirt gar stark sein vnd forchtlich stark wirt die sein. als Crisostomus spricht über Matheum. das sich die felf dauon erklieben vnd die greber daruon auff tünd vnd die toten erücken vnd zwingt die all zekomen für gericht. Schrecklich wirt die stim sein wann yendert kein donner gesein mag. Davon Jeronimus spricht über Matheum. Wie oft ich den tag bedenk so erschrick ich von gantzem meinem hertzen. ich esse ich trinck oder was ich tů so main ich allwegen es erkling die erschreckentlich stime in meinen oren vnd sprech. stond auff ir toten vnd kumment für gericht. Nun zu aus teilung des andern stücklins des yetzigen articke. das ist von dem gericht gots vnd von den dingen die darumb stond vnd auch dem gericht mit folgent. Hie merck das in dem articke werdent dreiß ding gemeldet. Das erst das vnuermeiden des gericht. ibi inde venturus. Das ander die vnmöglichkeit des verbergens.

ibi iudicare. das dritt die gantzen gemain die do gericht wer-
den. ibi viuos et mortuos. Nun ist das sicher fürwar das vn-
ser herr ihesus cristus wirt kummen zu dem gericht. daran ist
kein zweifel zehaben. wann es ein articel des glaubens ist. vn
gehalten sol werden. Dann so er kumbt zericthen so mag sich
niemant verbergen noch absetzen. er muß für gericht. es mag
auch keinerlei werck es sei gut oder böß dem richter verborzen
sunder alle ding sind nackent vnd plos vor seinen augen. Spr
icht sant Pauls ad Hebreos an dem. iiii. do kummen alle men
schen die toten vnd die lebendigen. die guten vnd die bösen
zu dem gericht. als der meister sententiarū spricht li. iij. di. xliij.
Es sterbent alle menschen vn werdent erston. recht als sie all
stirben in Adam. also werdent sie all wider lebendig in Cristo
j. ad Corinthios. x. Aber doch so wirt also gesprochen das die
lebendigen begriffen werden vnd cristo entgegen die bis auff
die zeit der brunst des feürs lebent. als sanctus Thomas spr
icht super. iiii. di. xxxvij. quia fm apostolū. j. ad Corinthios. v.
Wir müssen vns all antwurten vnd offenbar machen vor de
richterstul cristi. also das ein yeglicher nem sein lon er sei gut
oder böß nach dem er gewürcket hat. Auch werdent nit allein
die menschen gericht sunder auch all engel die guten vnd die
bösen. also spricht sanctus Thomas parte. iij. q. v. ar. v. et Jo
hannis. v. Der vater hat gebē alles gericht dem sun. vnd das
nit allein nach der natur der gotheit. auch nach der natur der
menschheit. Als sant Paulus spricht ad Philipenses an dem. ij.
Darumb so hat er ym geben ein nomen über all nomen. also
das in dem nomen Ihesu nider knyen das himellisch vnd das
irdisch vnd das hellisch. ¶ Nun werdent hie meniglei
sach gefragt. von ersten ob aller meniglich gericht sollen wer
den vnd dar für gefordert werden. So wiß das alle meniglich
geladen vnd berufft wirt durch die trumetten die in der zu
kuufft des gerichts donet vn gar schnell erhört wirt. Spricht
Johannes an dem. vj. Es wirt kummen die weil darinn alle
die in den grebern sind hören werdent die stim des sun gottes.
Et dicūt. iiii. sen. di. xliij. das die selb stim wirt sein vnser herrē

Ihesu cristi oder eins engels oder vil engel die von aller menig
 lich erhört wirt. vnd mit d krafft der selben stim die toten aus
 den grebern erweckt werden. vnd das wir gar ein mercklichs
 vnd offenbares zeichen sein. vnd darumb so heist die stim ein
 drumeten oder busunen. vnd ist das letst drumeten. wann dar
 nach keine mer sein wirt. Zum andern ob den geladenden wer
 de ein sundere stat getzeigt vñ ein weil gegeben darinn sie sich
 stellen sollen mit laib vnd sel. Darüber wiß wie wol niemand
 kunt noch wissent ist weder den engeln noch den menschen die
 weil des gericht. Davon Matheus spricht an dem. xxiiij. Den
 tag noch die weil waist niemant. noch die engel der himel. als
 geschriben stat Actuu an dem. j. Es ist nit eüwer das ir söllent
 wissen die zeit vnd weil die der vatter gesatzt hat in seiner ma
 yestat. Noch mer spricht Matheus an dem. xiiij. Noch der sun
 waist des nit. Das verstand nach der glos also. das er das ye
 mant melde noch kund tü. er waist aber das in ym selb. Doch
 so wirt die weil wan die stim erhört wirt die do laden vnd for
 dern ist zü d gericht. Aber die stat aus getzeigt durch den pro
 pheten Johelis das in d tal Josaphat bei d ölperg ist das ge
 richt werde. Als do selbs geschriben stat. In das tal Josaphat
 wird ich süren alles volck. vnd aldo mit yn zü gericht sitzen.
 Aber doch solt du nit wenen das cristus herab steig in das tal
 Josaphat. vñ das alle die gericht söllen werden in das tal ko
 men. Aber das soltu wissen das cristus ston wirt an einer hö
 he in d lufft das er vor aller menglich wol ersehen mag werde
 vñ aussen vmb yn werdent yberal sein die heiligen vñ die seli
 gen. vnd die bösen werdent ston auff d ertrich bei der stat des
 gericht. Zü dem dritten. ob yendert ein zeichen geschech vor
 der zükunfft Cristi an das gericht gegenwertiglich oder dar
 nach. So wiß das d ertzengel mit d drumeten kuntliche zeichē
 der zükunfft des gericht gar genüg antzeigt. Als sant Pauls
 spricht. j. ad Thessal. iij. Mit der stim des ertzengels vñ mit der
 drumeten gottes wirt herab gestigen von himel do mit die zü
 kunfft als offen war vnd vntzweifelich wirt. vñ darumb die
 zükunfft an das gericht geleich d plitz. Mathei an dem. xxiiij

Recht als der plitz auß gat von orient vnd schnell erscheint in occident. also wirt sein die zukunfft des menschen sun. Zu dem firden. mit wem doch cristus an das gericht kumb. So wif mit allen heiligen vñ mit allen engeln die dann in dem himel sind. als Matheus spricht an de. xv. So des menschen sun wirt kumen an das gericht in seiner mayestat vñ mit ym all sein engel. **M** Zu dem fünfften. in was gestalt er richten werd. So wif das er in menschlicher vnd in einer glorifizirten gestalt alle menschen richtē wirt die gūten vnd die bösen. Apocalipsis an dem. j. Nement war er wirt kumen in dem gewülk en der himel. vnd yn wirt sehen ein ieglichs aug. vnd auch die yn verwundet haben. Aber doch in der selben gestalt wirt er den gūten gar senfft erscheinen vñ den bösen zornig vñ forcht sam. darumb werdēt sie sprechen. Ir perg vnd ir felß fallent vber vns vñ verbergēt vns vor dē angesicht des der do sitzet auff dem thron. vnd vor dē zorn des lāmlins. wann der tag sein es grossen zorns ist kumen. Wer mag dann beston. so ist vnmöglich das sich yemant verberg. vñ ist gar grausamlich do selbs zu erscheinen. allein wirt richten der sun in der gestalt des knechts vnd nit der vatter noch der heilig geist. als Johannes spricht en dem. v. Er hat ym geben zetūn das gericht. wann er ist der sun des menschen. vnd das ist gerecht. vmb das alle mensche sehen den richter. die bösen mügent in ym der götliche gestalt nit gesehen. wan die gotheit mag on freud nit gesehen werden. des sie vnwürdig sind. Davon spricht Ysaias an dem xxvj. Der böß der wirt hin genomen das er das lob gottes nit sehe. Als sant Augustin de verbis domini spricht. Der richter d vor dem richter stond der wirt verdammen die fürwar schuldig sind. der falschlich schuldig ward. Auch wirt der herr den gūten nit allein erscheinen in der gestalt des knechts. sunder auch in der gotheit. darinn er auch mit dem vatter vnd heiligem geist wirt gewaltiglich richten. vnd mit der ordenlichen gerechtigkeit. Aber mit dem rechten das ym enpfolhen ist do mit er richtet als ein mensch. spricht sanctus Thomas. iiii. di. xlviij. Vnd dauon so merck hie das fünffterlei maß sind des gerichtes

Die erst ist die aller vorderst gewaltikeit des der do hat in ym die andern herrschafft. Vnd in der wise wirt die gantz drifaltigkeit richten alle menschen vnd all engel. Die and maß oder weis ist. vnder dem selben gewalt vñ in der maß richtet cristus als ein mēsch. Die drit maß ist die würdigkeit des die das recht besitzent. vnd do mit werdent richten die zwelff boten vnd die volkommen die mit dem richter vnserm herren Ihesu cristo an einer hohen stat werdent sitzen. als die die bas wissen das gesatz vnd die gewonheit des gerichtts gottes. die do hilff vnd steur geben haben zewissen vñ erfüllen das götlich gebot. als geschriben stat Mathei am. xix. Ir die mir nach gefolget habent hond hinder eüch verlassen alle ding. ir werdent sitzen auf zwelff stülen vnd werdent richten die zwelff geschlecht Israhel. Die vierd maß ist der bewarten verhengung. do mit werdent richten all heiligen vnd auch die engel. die all volgent de vrtail des richters. Sapientie an dem. iij. Die heiligen werdent richten das volck. Die fünfft maß ist die geleichheit. also das man etlich geleicht gegen etlichen. so werdent etlich ertzeiget die zerichten sind. Mathei an dem. xij. Die mann von Ninive die werdent auff sten in dem gericht vñ werdent verdamnen das geschlecht. Vnd also ist das gericht der guten vnd der bösen. ¶ Zu dem sechsten so möcht gefragt werden. ob alle menschen für gericht kumen werden. darumb so herr David spricht. Die bösen werdent nit erston in dem gericht. über das so wiß das alle menschen werdent für kumen. niemand aus genomen. vnd darumb stat geschriben in Apocalipsi an dem. ij. Das möz hat aus geben sein toten. vnd die hell hat auch dar geben ire toten. Darüber spricht die glos. do wirt genant das das möz vnd die hell dar geben werdent ire toten vnd spricht darnach in dem text vñ von ir yegliche besunder wirt gericht nach iren wercken. Aber die bösen erstend nit in dem gericht. als das sie mit dem gericht erlost werden. Oder darumb das sie auff stünden von ir erhöschung wegē sunder nun von ir beschwörung wegen darumb das sie geworffen werden in die grüben der ewigen verdammuß. Zum sibenden. ob alle die guten

vnd bösen die gericht werdent erkennen Ihesum cristum das
er war got vnd mensch. ein erlöser vnd ein richter aller menig
lich sei. Darüber merck das zwifaltige erkantnuß ist der gotz
heit. die ein ist mit de zeichen vnd mit d krafft. die and ist in eig
ner gestalt vnd in eignem wesen. Die erst erkantnuß der gotz
heit cristi die wirt haben aller meniglich in dem gericht der gü
ten vnd der bösen. wann gar gewisse zeichen vnd offenbare
krafft seiner gotheit wirt er erzeigen. also das die bösen die
yetzund nit gelaubē wöllen das er war got ist. ein erlöser men
schlichs geschlecht vnd ein künfftiger richter. die werdent yn
dann warlich erkennen. vñ ob sie in etwen also gelaubt ha
bent so hant sie yn aber nit gelobt vnd geeret mit den wercken
des glaubens. Cristus wirt yn zeigen offenbare zeichen das
sie sich rüwen soliche gütet versaumt zehaben. Zu dem ge
richt wirt er kumen mit grosser glori der krafft der sterck in vñ
mechtigkeit. Stat geschriben Luce an dem. xxj. Sie werdent
sehen des menschen kind kumen mit grossen gewalt in seiner
mayestat. Auch wirt gesprochen das sich sunn vnd mon ver
bergen vnd verckören wirt. als der meister sententiariū spricht.
in li. iij. di. xlviij. nit mit der entsetzung irs liechts. sunder von
d überkunst wegen eins grossen vñ klaren liechts. Auch wer
dent sich dann bewegen die himelischen tugend nit mit der be
wegung der verdammnuß oder mit betriegung. sunder nun mit
dem verwundern. wann das verwundern geschicht von den
dingen die vnser erkantnuß oder kunst übertreffen. Also wer
dent sich verwundern die tugend der himel der götlichen kraft
das sie soliche ding tüt als vil sie einen abgang habent ab sei
ner verwandlung vnd greiffung in der maß. spricht sant Tho
mas. sprach sant Agnes das sich sunn vñ mon verwunderten
seiner schöne. vñ also setzt das verwundern in den engeln kein
vnwissenheit. aber das hebt auff die begreiffung gottes. wan
den kein creatur begreiffen mag. darumb das alle geschöpfe
verständeit übergat. wie fast die durchleucht ist. von wem
sol die begreiffen werde die nit begreiffen mag werden. Aber die
erkantnuß in de eigen wesen d gotheit so wirt cristus allein er

Fant von den gūten das er ware got ist. vnd das ist darumb
 das die gotheit in eigener gestalt nit mag ersehen werden on ir
 en gelust. des die bösen nit würdig sind. Aber doch so sehen yn
 die bösen in einer glorifizierten gestalt. vnd das kumbt yn zū
 grosser pen vnd nit zū erlösung. Vñ von ersten darumb wañ
 ir aug ist nit geschickt zesehen an soliche Klarheit. recht als vn-
 ser aug on pein nit gesehen mag der sunnen Klarheit. Zū dem
 andern von irs neids wegen. wann die iāmerigen betrüebent
 sich von seiner glori wegen. Zū de dritten das sie sehen werden
 die zeichen seiner wunden. vñ in de selben sehen sie wie vil vnd
 was ihesus cristus der war got für sie erlitten hat. sie werdent
 sehen die gūtet dar wider sie so gar vndanckper gewesen sind
 vñ das alles yn kumbt zū grosser pen vñ traurigkeit. als Cris-
 tostomus spricht vber Matheū an dem. xxiiij. So wirt dan er-
 scheinen das zeichē des mensche sun. Spricht Gregorius das
 selb in der. lxxv. omely. Cristus der wirt erscheinen vñ wirt ha-
 ben die vber grossen gerechtigkeit. also das er mit kreützer an
 das gericht komen wirt vnd wirt auch nit allein die wunden
 sunder auch den aller verschmächtesten tod den er geliten hat.
 erzeigen. Aber das zeichen seiner gnaden vñ sein vberflüssige
 reichheit wirt erscheinen. das grosse schand den iuden bringen
 wirt. Aber der aller verschmächtest tod der was des kreützes.
 dauon Sapientie an dem. ij. geschriben stat. Mit dem schmech-
 lichstem tod sollen wir yn verdammen. O Aber doch die
 werckzeug seiner marter als das kreütz nagel vnd das sper-
 kron oder die masen d wunden die werdent erscheinen in gros-
 ser glori vñ zū einem zeichen des figs. Ob aber der selb werck-
 zeug aldo fürwar oder nach d materi erscheinen werd. in dem
 sind drei lexx. Antwort Crisostomus vber Matheū in der. lv.
 omely der spricht. Das kreütz wirt liechter dann der sunnen
 glantz. vnd des gleichen die masen. vnd Bonauentura super
 iij. di. xlvij. Et est magister Scolastice historie in materia de
 Cristi aduentu ad iudiciū. idem sentat. Ob aber die allein soll-
 en erscheinen in de zeichē das ist in cristo d die masen der wun-
 den wirt habē die ym mit de vorgeschribē werckzeug geschelē

sind. Das legt vns aus verstantiglich sanctus Thomas super
iii. vñ spricht. das es d̄ warheit nit gentslich gleich ist das in
d̄ vrtail das holtz des kreütz nach d̄ materi erscheinen. aber wol
das zeichen des kreütz. wann so cristus erscheinen wirt d̄ wirt
an ym habe zu zeügnuß sein marter die wunden vñ mafen dy
ym mit den nageln vñ lantzen geschelhe sind. Vñ das selb mel
det d̄ heiland Mathei. xxiij. do er spricht. Dan so werdent sie se
hen an d̄ himel die zeiche des mensche sun. vñ so werdent sich
beclagen alle geschlecht des extrichs. Crisostomus der spricht.
Die iuden werdent sich clagen darumb das sie lebendig sehen
den den sie mit iren falschen disputatzen verschmechet habent
Die falschen cristen werdent sich clagen so yn fürgelegt wirt
das kostper plüt Ihesu cristi das für sie vergossen ist. vñ sein
darinn gespot habent. vñ ir heil hierinn so wenig geacht. So
werdent dan die bösen all gesehen vor d̄ anplieck cristi vñ mü
gent nit erleiden sein angesicht von ir peiffende gewisne wege
vnd von der wartung des vrtails das wider sie gegeben wirt.
so er wirt sprechen. Gond hin ir verfluchten in das ewig feür
Zu dem achtenden so möchst du frage ob an d̄ gericht nit et
lich anlager oder zeügen künffüg seien. So wiß das zu dem
minsten do selbs drei anlager sein werden. Der erst ist d̄ tüfel
der wirt fürlegen alles vbel das wir geton habe. wie wo oder
weñ wie vil vñ wirt spreche. schreibt sant Augustin über Apo
calipsis am. xij. Proiectus ē accusator fratru. Du aller gerecht
igester richter richt das d̄ mein sei mit seiner schuld d̄ nit wolt
dein sein mit den gnade. dein ist er mit deiner pitteer marter. ab
er mein ist er mit meinē falschen rat. dir was er vnghehorsam.
aber mir gehorsam. dein gewand hat er verlassen vñ ist her
kumen in mein cleidern. vñ Apocalipsis am. xij. spricht er. das
d̄ tüfel geheissen ist ein verclager d̄ brüder d̄ sie verclagt vor d̄
anplieck gots. ij. Regū. x. Amon d̄ verschneid das gewand den
boten Davids bis auff den nabel. Darüber spricht die glos. d̄
tüfel rät d̄ mensche schentliche ding vñ macht das kunt vñ of
fenbar vor aller menglich. Der and̄ anlag werdent eins yeg
liche mensche sünd. als sant Bernhart spricht. dan so werdent
spreche die sünd. wir sind deine werck du hast vns verpracht.

deine werck seien wir. vnd verlassen dich nit. sunder allweg seien wir bei dir wo hin du züchst. Vnd dann so der mensch yemerschäntlicher sünd geton hat so er yemerk anklager haben wirt. Der drit verklager wider vns wirt sein die gantz welt. wann der himel vnd das gantz gestirn habent gesehen vnser boßheit. das ertrich der lufft vñ das wasser sind vergifft worden mit vnseren sünden. Vnd also werdent auch dreü zeügen sein wider den sünd. den ein wirt er haben ob ym. das ist gott der richter vnd zeüg. Jeremias spricht an dē. xxix. Ich bin der richter vnd der zeüg spricht der herr. Der ander zeüg ist in ym selbst. das ist sein eigen gewissen darin all sünd verschriben sind vnd nit allein werdent sie ym selber kunt. sunder auch kunt vñ offenbar aller meniglich. allen engeln allen menschen. den gütten vnd den bösen. als sant Thomas spricht super. iiii. di. xliij. Fürsichtar nach d gemainen vstend erkent ein yeglicher sein eigen sünd. vnd auch der ander alles verdienen vnd vnuerdien das werden sie wunderpald erkennen vnd sehen. Davon sant Pauls spricht. j. ad Corintheos an dem. iiii. So wirt dan der herr offenbar mache das verborgen der finsternuß vñ die tat des menschen hertz. Glosa. Alle wort vnd werck mit sampt den gedenccken der gütten vñ der bösen die werdent all kunt vñ offenbar. Apocalip. ij. Ich hon gesehen die toten ston die großen vnd die kleinen vor dē thron. vnd die bücher werdent geöffnet. wann die bücher der gewissne werdent einem yegliche kunt vñ offenbar. Danielis. vij. Er wirt besitzen das gericht vnd die bücher werdent aufgeton. als die glos spricht. das ist die gewissen eins yeglichen werck güts vnd böß. vñ darumb wann einem yeglichen wirt kunt das got ein rechter richter ist vnd das möcht sunst nit sein. es wär dan das verdienen vnd vnuerdien einē yeglichem kunt wurd. noch die büß die hindert nit die offenwarung einer yegliche sünd. aber sie verdeckt wol als vil das die offenbarung der sünd nit geschicht zü schmachzeit den büßern. aber wol zü trost vnd danckperkheit das sie got so barmhertziglich erlediget hat. Auch so werdent die bösen kein ringerung irer pein darvon nit haben vmb zü ge-

dencken ir gütet die sie etwen getün haben. als Boecius sprichet. ij. de conso. Das ist die höchst art des vnglücks das etwer ee des ist selig gewesen vñ ist des yetz nit mer. vñ spricht mer etlich das die gedechtnuß des güten nit mindern sei die pen d verdampten. aber die güten werck haben wol das gemacht das sie lind pen haben wen sie gehebt hetten ob sie d güten werck nit geton hetten. vñ darumb werdent künfftig richter besorgt oder geförcht der straf seiner gewissen. Der drit zeüg wirt sein eins yeglichen menschen engel d bei ym sein wirt. dauon Job spricht an dem. xx. Die himel das sind die engel die werden offenbaren sein boßheit. wan sie wissent alles das sie geton haben. den sie zu hüttern gesetzt sind. O wie angstlich wirt dann d weg der bösen menschen so ob yn ist d 30. nig richter. vnder ym die angst der frastliche hell. an seiner rechten seitten die verflagende sünd. an seiner lincken seitten die teüfel on zal die yn ziehent in der helle pein. inwendig peist yn sein gewissen außwendig brinnet alle welt. vñ der arm iämerig sündler d also gefangen ist der mag dauon nit entweichen. dan vnmüglich ist das sich do niemant müg verbergen. ¶ Zu dem neunden wirt also gefragt. Seitmal aller engel vñ menschen verdienen vñ vnerdienen wirt offenbar vñ kunt. ob sie dan alle des gerichtts überwerdent. So wiß das zu dem gericht zwei ding gehörent. Das eischen des verdienen. vñ die widerkörung des lones. vnd nach dē wirt das werck des richters zwifaltig. das ist das gericht der nacheisung. vñ ist des kriegs oder disputzung darin ertzelt werden das güt vñ das böß das d mensch begangen oder verlassen hat. vñ das gericht des widerkörungens do mit einem yegliche geben wirt nach seinē verdienen. vnd do mit werdent gericht alle mensche güt vñ böß die klein getaufft vñ vngetaufften kindlin. Aber mit dē gericht d eischung vñ des durch fragens do mit werdent nit alle mensche gericht noch geurteilt. wan fiererlei ordnung werden sein des gerichtts. zwü güt vnd zwü böß. Etlich die werdent nit gericht. vnd werdent doch verdampt vñ werdent die sein der vbel nit keiner güttheit nit vndermischet ist. vñ die kein grunntfest des ge-

laubens nit gehabt hond. als alle vngelaubige menschen. das von Johannes spricht an dem. iij. Wer nit gelauht der ist nun gericht. Etlich werdent nit gericht vñ werdent doch heilwertig. vnd das sind die der gütet mit keinerlei vñbels vndermischet ist. vnd die in irem lebē volkomen sind gewesen vñ gebawet habent auff die gruntfest des gelaubens. das ist auff cristum. gold vnd silber vñ edel gestein. als geschubē stat. j. ad Corin. iij. Etlich werdent gericht vñ werdent verdampft. das sind die d̄ vñbel mit wenig güt vndermischet ist. vñ die ein toten gelauben gehebt hond. wann sie on die güten werck des gelaubens gericht werden. Etlich sind die gericht werden. vñ werden doch heilwertig. vñ der auch ir vorderste werck güt sint mit wenigē vñbel besleckt. das ist mit teglichē sünden. vñ die gebawet hond auff die gruntfest des gelaubens. j. ad Corinth. iij. Die ersten das sind die vngelaubigen die nie burger gewesen sind in der statt gotes die werdent vertribē. als die offen feind gotes die werdent mit keinerlei eischung irs verdienes durchfragt. sunder gepeiniget on alles verhören. aber die dritten in der zal das sind die bösen gelaubigen. als die bösen burger die in dem gericht durchforst vñ geesicht werdent von iren wercken. die selben werdent nach irē verdienen geurteilt vnd verdambt. Die andern vnd die fierten werdent gericht vñ nit verdampft. Aber die ersten vñ die dritten werdent mit geurteilt vnd sind dennocht verdamt. als herr David spricht. Die bösen erstond nit in dem gericht gottes. Vnd also wirt vermerckt das die vngelaubigen nit gericht vnd doch verdampft werden. Des gleich die volkommenen menschen werdent auch nit gericht. aber doch heilwertig. Die bösen cristen die miläglich böß sind die werdent gericht vnd verdampft. aber die kristen die mitterlich güt sind werdent auch gericht vnd selig. ¶ Bei dem wirt also gemeldet die zehent frag. ob in dē gericht allein den menschen die werck der barmhertzigkeit fürgehalten vñ darumb angetzogen werden. a's der heiland spricht Mathei. an dē. xxv. Oder von allen dingen die d̄ mensch begangen oder verlassen hat. so wif das in dē gericht nit allein nach forschüg geschicht

von lassens wegen des gütten . sunder auch von volbringens wegen des vñbels. Snd nit allein von den wercken der barmhertzigkeit . sunder auch von der büß . als Matheus spricht an dem .iij. Mach würdig die frucht der büß. Aber das allein meldung geschicht von den wercken der barmhertzigkeit das mag geschehen von fünffereisach wegen. Zü dem ersten zü einem auß . zeigen von verlassung des gütten . so geschicht das vil mer von der verbringung wegen der bösen . wenn got wirt mer geleidiget durch verbringung des vñbels dann zü vermeiden das güte . Zü dem andern geschicht die eischung nach dem gesatz des ewangelij . das ist ein satzung d liebe . vnd wirt volbracht mit der liebe des nechsten . dauon sant Pauls spricht ad Romanos an dem .xiiij. Wer seinen nechsten lieb hat der volbringt et das gesatz . weliche lieb aber ertzeigt wirt mit den wercken der barmhertzigkeit . als .j. Johannis an dem .iiiiij. geschriben stat Wer sein prüder in nöten sicht vnd sein hertz ab ym verschlüset . wie mag die liebe gots in ym sein . Zü dem dritten . so was das werck vnser erlösung ein grosse barmhertzigkeit . als Lucas spricht an dem .j. Durch der gelider der barmhertzigkeit vnser gots in den er vns hat heim gesücht komet von der höchin . vnd den selben werck sind die vnd anckper gewesen die den wercken der barmhertzigkeit nit genüg geton habent . Zü dem vierden . so wirt durch die werck der barmhertzigkeit der mensch grösslich got gleich . als Lucas an dem .vi. spricht . Sind barmhertzig als got eüwer himelischer vatter barmhertzig ist . vnd darumb nach den selben wercken werdent die gütten begabet . Zü dem fünfften . vmb das so die barmhertzigkeit zwifaltig ist leiplich vnd geistlich . als sant Augustin spricht . Wer ordentlich das allmüsen geben will der heb an ym selber an . Ecclesiastici an dem .xxxj. Erbarme dich vber dein sele so gefelst du got . wer aber sein sel verfaumbt darüber wirt er sich nit erbarmen . vnd ob er sich vber die andern all erbarmete vnd von solcher tragheit wegen wirt er ser gestrafft . Aus dem magst du brüsen das nit allermeniglich gericht wirt mit der eischung . ¶ Sprechstu aber ob die getaufften od vngetaufften kind

lin mit der eischung gericht werden. So wiß nain. wann die getaufften kindlin gestorben in ir vnschuld on alle einmischung des vñbels. vnd darumb so wirt kein einmischung do sein. Des gleich werdent auch die vngetaufften kind mit keiner nachforschung gericht. wann mit einem solchen gericht dauon sie mit worten leicht hetten mügen den glauben gehabt. aber nit mit dem sacrament. vñ die selben sind nit getaufft wann sie zu dem gelauben der wörter noch des gemütes nit kommen sind. Sprechstu werdent sie aber cristum sehen in einer glorifizierten gestalt. So wiß ia. sie werdent yn sehen in einer durchkletterten gestalt. aber die selb gestalt wirt yn nit schrecklich sein. als den verdampften oder den bösen von der würckenden sünd wegen. Auch wirt yn das selb gesicht nit ein gelust sein. als den güten vñ den getaufften. wie wol sie sich dauñ müßent scheiden. Zu dem eilfften. ob die engel werde richten. oder ob sie gericht werden. Ober das antwort sant Thomas. iiii. di. xlviij. So der richter wirt sitzen zu gericht. so werdent die engel sie seien güte oder böse nit richten. vnd des haben wir drif altige vrsach. wann welich bei dem richter sitzent die müßent ym gleich geschickt sein in der menschlichen natur darinn er mit allen vmbfessen güte oder böse in dem gericht erscheinen sol. vnd die selben menschlichen natur habent die engel nit. als sie cristus hat. vnd darumb so richten sie nit mit der besitzenden würdigkeit. Aber doch so werdent die güten engel richten mit der fierten maß. wie vor in dem artickele gemeldet ist. in dem mitfolgenden des vrtails mit dem richter das sie helden mit ym. Vnd all so wirt gesprochen das kein engel weder güte noch böse nit richten wirt mit der eischung oder nachforschung. wann in den güten mag nichts vñbels. noch in dem bösen nichts güts erfunden werden das zu dem gericht der nacheischung gehöre. Dann die güten menschen werdent haben die klar lautter güte vnd die bösen gar eitele bosheit. Aber zu dem dritten mal so merck das sie etwen vil richten werdent mit dem gericht der widerkörung. vnd auch in etlicher weise nit. darumb. swann die begabung des lons ist auch zwifaltig. eine die ist do mit etz

wen vmb sein eiges verdienen begabt wirt vnd die ist nun geschehe den guten vñ den bösen engel. mit dem das die guten sint erhöht worden zu ewiger seligkeit. vnd die bösen versencket in abgrund der helle. Die ander widerlegung ist die do kumbt aus dem verdienen der andern mit etwas das einer an ein andern gemacht oder gewürckt hat. vnd die begabung wirt geschehen den guten engeln in dem künfftigen gericht. wann sie werdent sich mer freuen von des heils wegen der die sie zu dem verdienen des ewigen lebens geführt habent. vñ herwiderumb werdent die bösen engel mer gepeiniget von der verdammung wegen der die sie zu solichem vbel gebracht habent. Aber wif das d festiget oder wesenlich lon oder freud mit mer oder grösser sein wirt dan yetzund. aber wol der zufellig der selb hat gewachsen vnd wechst auch mer einest von d erhöhung wegen cristi. vmb das etwen vil der englischen fal ist widerbracht worden von d widerfindung des verlorenen menschen. vñ darumb das d selben mensche vil heilwertig werdent die noch nit heilwertig sind d selben freud sie noch nit habent bis zu seiner zeit. **S** Sprichstu aber seid der engel freud nimbt ab des menschen heil des er im leben hütet. betrübt er sich auch wo der selbig mensch verdampft wird. So wif das das nit geschicht. vnd ist auch seiner glori kein hinderung. wie wol die zu komet freud do mit gehindert wirt. Sprechstu dan so der mensch verdampft wirt. was ist des engels lon der sein gehüt hat vnd seins heils nun kein freud gehon kan. Darüber wif das der engel darvon wirt zwifaltig freud haben der zufelligen freud wo der mensch heilwertig wirt des er im zeit gehüet hat. So wirt er ein lon habē von des heils wegen vnd den andern lon oder freud von der guten werck wegen die er bei dem menschen geton hat. Aber vō des verdampften wegen so wirt ym der erst lon nit. aber der ander vmb das er den menschen so offft zu gutem ermant vnd vor grösserem vbel gern behüt hett. durch eingebung rü vñ laid zehaben vber die sünd. beicht vñ büß zuuolbringen vñ and gut ermanunge do mit er nit so offft fiel als yn der teüfel darzu geraist hat. vmb die selben güttat

entpfacht der engel den andern lon. **T** Zu dem eilfften so
möchstu fragen ob das gericht bey tag oder nacht geschehen
werde. So wiß es wirt bei dem tag. wañ so der herr wirt rich-
ten so wirt ston die sunn in orient vñ der mon in occident. als
auch sant Pauls spricht. j. ad Corinth. iiii. Wann d herr kum-
en wirt so wirt erleucht das verborgen d finsternuß. Vnd do
selbs spricht er weiter. Der tag des herren wirt das durchleu-
tern. ad Ro. ij. An dem tag des zorns vnd der offenbarung des
gerechten richters. vñ Matheus spricht an. xiiij. Den selben
tag waist niemant nit. Auch werdent die bösen cristum sehen
in mēschlicher form eins durchklärten leichnams. vñ das selb
gesicht muß ye geschehen mit dē geschöpfften lauttern liecht.
vñ nit mit dē liecht des glorifizirten leichnams. wañ das selb
ist in den verdamten gar vngleich geschickt. vñ aus dem mü-
gen wir erkennen das das gericht geschehe wirt bei dē tag. Ob
aber etwen in d geschriff gemelt wirt es werd sein bei nacht
So wiß das es an dē selben ort gesprochen wirt von d vnsicher-
heit wegen des gericht. als Lucas spricht an dē. xij. Umb die
weil die ir nit wenen so wirt kummen des menschen sun. Zu
dem zwelfften so möchst du fragen ob die eischung vnd auf-
sprechung des vteils werd müntlich mit d stim der wörter ge-
schehen. So wiß das etlich sprechent das es allein in der stille
des gemüts geschehe. doch so mag warlich gesprochen werden
das es geschech mit d stim d wörter. des mügen wir haben ein
vsach. wañ cristus wirt nit allein richtē gewaltiglich sunder
auch mit dē ausspreche des vteils. Als er sprechen wirt zu den
seligen. Kument her ir außerwelten meins vatters. vnd besitz-
ent das reich das eüch berait ist von dē anfang der welt. Vnd
zu den verdamten. SOND hin ir verflüchten in das ewig feür
Als Matheus spricht an dem. xxv. Vnd thüt das zu einem an-
tzeigen des gerichtliche gewalts der ym in der menscheit verlä-
hen ist. Johannis an dē. v. Der vatter hat alles gericht geben
dem sun. Ein andere sach. Cristus hat geben das gesetz des e-
wangelij dardurch die gelaubigē müntlich mit menschlicher
stimme gericht werdent. Vnd darumb so wirt er gar pillich.

von der behaltung wegen des selben gesatz. vnd von der verlassung wegen in dē gericht muntlich disputirē. Die drit sach mag die sein. dauon das cristus vnrechtlich gericht ward nit allein in dē gemüt auch mit dē lauten geschrei der iuden. als sie schriren Kreützige yn Kreützige yn. vnd das yn Pylatus vrtel nach irem gepet. vnd dauon so ist auch pillich das er nit allein vrtel mit dē gemüt sund auch mit den Worten des munds. als Ysaias spricht an dē. xj. Er wirt straffen in gerechtigkeit vmb die gesenfften des extrichs. vñ wirt schlagen das extrich mit der gerten seins munds. vñ daruñ so mag das bewerlich gelaubt werden das die vor geschribē sach beidenthalb geschehen mit dē gemüt vnd mit dē mund. **S** Nun zefagen von dē letzten des yetzige artickels. das ist von den dingē die nach dem gericht beschehen. wañ so das gericht ein end hat so werden die guten gen mit Cristo in ewigs leben mit grossen freuden. vñ die bösen mit dē tūfel in die hell mit grosser pein vñ mit prinnendē feür vñwickelt vñ getzogen in die ewigē verdammus vnd zū dē teil wirt alles das schetzlich ist in d creatur als getzogen in die hell. zū merung der iamerkeit der verdampften die tūfel werden rechet des vrtels des ewigen herren vnd seiner gerechtigkeit durch einfürung der bösen in die hellischen pein dauon doch ir pen nit gemindert sunder gemert wirt. als sant Thomas spricht super. iiii. di. xlviij. Vnd das ist gerecht vmb das die bösen den tūfeln alleweg vnderthenig sind gewesen vnd irem rat volg gebē habent. Wiß das in der hell anders kein feür sein wirt dan nun das stinckent vñ das driebig das begünt die verdampften köpzel also trigen vñ finster halten. doch ist mit d götlichen ordnung etwas liechts darinne. aber das allein dient zū mer schmerz vñ quellung der verdampften sele. vñ zū der selbē zeit werden sie nit sehen die glori d seligen. als wir yetzunt nit sehen ir werckperliche schatzung do mit sie hie erkant habē die wirt yn ein kuntliche materi sein des traurens vnd von keins gelusts wegē. Sie werden mercken vnd schetzen ir vergangen vbel vñ vmb das quellung leiden. Des gleichen werden sie leiden vmb alle erkantnus des sie gehabt

haben. es sei von sichtigē oder vnichtigē dingen. das wirt yn
 alles ein schwāre pein. vmb das sie verlorh habent die hōchst
 volkomenheit. sie werdent auch ein erstōckten willen haben in
 dem vbel vñ mügent auch nichts gūts wōllen. als die seligē in
 dē himel ein starcken willen habent zū dē gūtem. vnd müssent
 nichts vbelis wōllen vñ sich also freuen alles gūts. Herwider
 also sind betrübt die verdampften vmb alle gūtet. vñ darumb
 wolten sie das die gūte all verdampft weren. Auch sind sie nei
 dig der nachende glori. allweg werdent sie funden aber nit all
 weg vnuerdient. wañ sie nun an dē end sind. All heiligen ver
 dienen auch nach dem gericht nit mer. des geleich beschulden
 auch die nit in der hell. Sprechstu ob aber all heiligen in dē hi
 mel die pen nit ansehe vñ die iamerk eit d verdampften. Daru
 ber wiß das die seligē das sehen. doch on alle mitleidung. dan
 in dē mitleiden ist ein beneigung do mit d leidert benomē wurd
 von seinē kumer. vñ das wirt do nit sein. Sprechst du ob sich
 aber die heiligen d verdampften pen icht freuen. So wiß nein
 also von ir selbs wegen od gericht wol mit d zūfelligē freud
 freuen sie sich vñ nit zerichtz. dauon herr David spricht. Der
 gerecht d freüt sich so er sicht die raching. vñ das so sie mer cē
 en die götlich gerechtigkeit vñ danckent got das er sie vor so
 lichem kumer entlediget hat. Vnd also wiß das mit dē artick
 el fünff ketzeri aus gereüt werdent. Die ersten die do sprech
 ent das gericht sei geschēhē oder nit künfftig. Die andern die
 do verleügnen die gemain vñstend. Die dritten die do sprechē
 das leib vñ sel mit einand sterb. Die fierten das alle ding kom
 aus notturfft. Die fünfften die do sprechent das got aus sein
 er gruntlosen barmhertigkeit an dē end alle menschē behalt.
 des geleich all engel heilwertig mach. Dise ketzeri wirt alle
 mit dem yetz geschribnen artickel vertriben vnd überwunden.

Den achten artickel setz vns sant Bartholomeus vñ spricht.





Eedo in spiritum sanctum. Dises achtenden artickels in d ordnung. den vns sanctus Bartholomeus setzt. Meldet. Ich gelaub in den heiligen geist. Nun sind gantz aus gericht die artickel die besunderlich beschawent die person. den vatter vnd seinen einigen sun. Nun gangen wir zu der matteri die do berürt die drit person in d heiligen trinitet das ist got den heiligen geist. Nun wölle er vns füren auff den steig der eben gerechtigkeit. als sant Pauls spricht ad Romanos an dem.viii. Er ist der do hilft vnser krankheit. wann so wir peten als wir sollen vnd gebunden sind so wiß wir nit was wir peten. aber er lert vns das vñ ym fordern. darum so bitte wir dich Ihesu du aller gütigster herre das vns der geist der warheit den der vatter sendet in deinem namen. als Johannes spricht an dem.xvi. das vns der geb das wir gangen auff dem weg deines gebots nach dem verheissen deins geists. als Ezechielis stat. Meinen geist den setz ich in euwer mitte. das ist mitten vnder eüch vnd mach das ir gond in meinem gebot. Vnd das er vns allen das selb verleich darumb so rüffen wir yn an in dem geist darinn die waren anbetet bitten sollen. Spricht Johannes an dem.iii. vnd sprechen mit sant Pauls ad Ephesios an dem.iii. Ich knie nider auff meine knie zu dem vatter meines herren Ihesu cristi. aus dem alle väterlichkeit genant ist in himel vnd in erden. also das er vns geb nach dem reichumb seiner glori die krafft der besterckung das wir mit dem geist den inwendigen menschen nach der wurzten vnd nach einer vesten grunt fest bauwen auff die lieb. vnd das er auff vns vergieß durch sein heiligen geist der ein milter geber ist seiner heiligen gnaden vnd do mit das wir yn mügen erkennen durch die krafft seiner gab. einen mit der hilff des heiligen geists. So merck nach einander von sechselei dingen. Vnd von ersten wie die wort gesatzt vnd genommen werden. Zu dem andern so merck von dem fürgang des heiligen geists. Zu dem driten von des selben

anpetung wegen mit got de vatter vnd dem sun. Zu dem vier-
den. von seines zwifaltigen sendens wegen. Zu dem fünfften.
von seinem würcken. Zu dem sechsten. von der offenwarung
seiner propheteie. Nun zeschreiben von dem ersten so soltu wis-
sen zu glauben in den heiligen geist. das ist zeglauben in got.
wann der geist ist got. spricht Johannes an dem. iij. vnd da-
von wer in den heiligen geist glaubt der hat got lieb. der bege-
ret sein vnd folgt ym nach **B** Zu dem andern so wirt ge-
sprochen das der name δ do heist geist der wirt begriffen in de
Körper in der vernünfftigen substantz vnd in got. vnd wie wol
er eigentlichen wirt begriffen in got so wirt doch von des auf-
spreches vnd erkantnuß wegen als an dem letzten angefangt
das ist an der leiplichen substantz. wann der geist wirt zwifal-
tiglich begriffen geheissen ein geist. eintweder von der geist-
lichkeit wegen wider die leiplichkeit. vnd allso wirt ein subtiler
Körper geheissen ein geist. als der lufft ist ein geist zeschetzen ge-
gen dem extrich. Oder der wirt ein geist geheissen von der geist-
ung wegen. als ein andreibē vnd ansich ziehen des luffts von
dem menschen vnd lat den wideraus. das ist geheissen ein geist-
ung. oder der wind δ das puluer oder den staub auff bläst. vñ
allso heist der wind ein geist. davon Crisostomus spricht. Der
geist. also nimbt Johannes an dem. iij. Wo der geist will do
geist er. vnd David spricht. Das feür der schaur der schne das
eis vnd die heist er geist des vngewitters. vnd nach dem zwif-
faltigen heissen wirt auch der geist genommen vnd genannt in
 δ geistlichen substantz vnd in δ vernünfftigen eintweder von
geistlichkeit wegen heist ein geist wid leiplichkeit. vnd allso heist
die vernünfftig substantz ein geist. als Ecclesiastes an dem. iij
geschriben stat. Welicher erkent ob der geist der kinder Adam
über sich auff steig. Oder der wirt geheissen von der geistung
wegen ein geist. vñ also heist in dem mensche die lieb oder das
begeren ein geist. vñ das hastu ein vrsach wann das werck δ
geistung in dem menschen das ist ein inwendigs werck ein le-
bendigs werck ein teglichs werck. vnd hat sein vrsprung von
der hitz wann der aus gang der liebe. allso das der ein lieb ist.

Das kumbt von inwendigkeit. vnd die lieb ist ein lebendiges
 werck. wann die lieb ist das leben. vnd ist ein einziges werck.
 wann die sel ist nit on die lieb. Vnd darumb spricht Hugo li-
 bro de arra anime. Mein sele ist waist das mein lieb habung
 ist dein leben. vnd darumb ist die sel nit on das leben. vnd also
 ist sie auch nit on die lieb. vnd vmb das so got fürwar liebt.
 so geist er auch vnd liebet für war vnd gar gerecht. darumb
 das die lieb ist ein geistliche hitz. So wirt allein gesprochen
 das die lieb geistlichen geistet. vnd also nach dem wirt auch
 das genomen in der gotheit. wann nach dem das der geist wirt
 geheissen von der geistung wegen. so fürgat das die gantzen
 trinitat. wann die gantz drifaltigkeit hat kein leiblichkeit. vnd
 also ist der geist ein einiger nam. als Johannes spricht an dem
 iij. Der geist ist got. C Aber der geist nach dem er ein geist
 geheissen ist von der geistung wegen so füget er allein der per-
 son die fürget als die lieb. dauon vor geschriben ist. wann gei-
 sten in geistliche dingen das ist allein der liebe. vñ darumb das
 die lieb geisten mag recht vnd ordenlich so ist er dann lautter
 vnd heilig. oder das tüt er vnlautterlich vnd vnoordenlich. so ist
 er gällig vnd vnrein. vnd dauon die person die die lieb ist die
 heist nit schlechtiglich ein geist. sunder sie heist der heilig geist
 zu einem aus zeigen das der ein geordnete lieb ist. vnd also ist
 des genug das heilig das ist gesprochen als stat rein erhöcht
 oder on irdisheit das ist ein extrich. Der heilig geist ist geheiss-
 en rein wann wir werdent durch yn von sünden gereinigt. Er
 heist stat wann wir von ym in gutet bestetiget werden. Vñ
 heist on extrich oder erhöcht. dauon wir durch yn von dem ir-
 dischen zu dem himelischen erhebt werden. vnd dauon so ist er
 ein geist vnd nit allein in ym selbs. auch darumb das er vns
 heilig macht mit der heiligkeit. dauon gesprochen hat Dyoni-
 sius in libro de diuinis nominibus. Die heiligkeit ist gantz vol-
 komen vnd frey von aller vnreinigkeit. vnd ist die gantz vn-
 uermalgete lautterkeit. Er ist rein der vns reiniget von allem
 vnflat der sünden mit der waren büß. ad Thessalonicenses.
 iij. Got hat vns nit gerufft in die vnlautterkeit sunder in die

X heiligkeit. Der heilig geist ist starck. weñ er sterck̃t vns in allem
güt. als kumbt was an den heiligen zwelffboten die siro nymet
X tölich gesünden mochten. Davon Gregorius spricht. Den ge
waltigē diser welt hetten sie nit widerston mügē sie hette dan
vor die krafft des heiligē geist bestetiget vñ fest gemacht. Vñ
des haben wir ein exempel an sant Lucia die d̃ heilig geist a's
starck macht das sie niemant von stat bewegen mocht. Zum
dritten so ist der heilig geist heilig. wann er ist on des extrichs.
oder darumb das er erhebt ist. dauon erhebt er vns auf zū den
himelischen vñ treibt von vns das irdisch. vñ darumb heissen
die geistliche verschmecher d̃ welt. D̃ Zeschreiben von d̃
andern soltu wissen das d̃ heilig geist kumbt vñ wirt geist vō
d̃ vatter vnd von d̃ sun ebengleich vñ volkomen. nit volkom
enlicher noch ee von d̃ vatter weñ von dem sun. wañ do selbs
wirt nit gesatz̃t das erst noch das lest. als in simbolo Anata
sij begriffen ist. Hoc probat li. j. sen. di. xj. et. xij. Vnd aus dem
770 folgt vns das der heilig geist nit ist der vater noch der sun. sun
der das er von yn geteilt ist. dauon das er von yn kumbt vnd
wirt von yn geist. wenn die lieb ist nit dero des die lieb ist des
vaters vnd des suns. vñ darumb so kumbt er von yn. wañ die
lieb kumbt her von d̃ oder des er ist wañ sie kumbt yemer von
d̃ liebhaber in den geliepten. Sant Augustin spricht. vij. de tri
nitate. Der knopff do mit zwei geknüpft werden der ist nit die
770 selben zwei. Aber der heilig geist d̃ ist ein knopff des vaters vñ
des suns. wañ er ist ir beider lieb vnder yn do mit sie beid zū ein
ander gefügt sind. Vnd also bat der sun spricht Johannes an
dem. xvij. das seine gelider das sint die cristen menschen mit ei
ner eintrechigen lieb zū einander gefügt wurden vñ wurden
eines. als er eins was mit d̃ vater als er sprach das sie eins sei
en. als wir eins sind. ich bin in ym vñ du bist in mir. Das aber
der heilig geist nit allein von d̃ vater kumbt als die Kriechen
sprechen. sunder auch von dem sun. dauon stat mercklich ge
schriben di. xj. primi sen. vñ das bewärent auch selb die Kriech
ischen leter. als Cirillus Didimus vñ Crisostomus. vñ besun
der weist vns das Johannes in seinem ewangelio an dem. xvj

Ille me clarificabit quia de meo accipiet. Der wirt mich er klä-
 ren der den von dem meinē genomen hat. Aus dem magstu ar-
 guiren. Ein yeglicher der do ist alle ding das er hat das ist al-
 le ding das er nimbt. aber der heilig geist ist ye got der höchsten
 schlechtigkeit der ist das alles das er hat. vnd dauon so ist er
 alles das er nimbt. darumb ob er etwas nimbt von etwen so
 nimbt er das wesen. aber von wem er das wesen nimbt von
 dem kumbt er auch. vnd darumb nimbt der heilig geist etwas
 von dē sun. so kumbt er auch von ym. als in dē spruch geschri-
 ben stat. der sun ret von dē heiligen geist vñ spricht. Den ich zu
euch send vom vatter den geist d̄ warheit. Aus dē magstu also
 arguiren. Keiner sent den andern er hab den̄ gewalt vber den
 andern das er ym etwas geb. aber kein person geit der andern
 etwas. nun sie kumb dan̄ von ir. vñ darumb ob d̄ sun sent den
 heiligen geist so kumbt auch von ym der heilig geist. Sprechst
 du aber das d̄ heilig geist von dē sun gesant werd aus der zeit.
 vnd kumbt von ym aus d̄ zeit. Darwider wirt gesprechē das
 d̄ sun dauon nit gehabt hab das er send. aber darumb sent er
 den heiligen geist das er gewalt hat. vñ dauon so hat er ee ges-
 walt ee das er zeitlich sent den heiligen geist zeitlich. sent er ym
 zeitlich so ist not das er von ym kumb ewiglich. **E** Zum
 dritten so möchstu also arguiren aus dē spruch sant Pauls ad
Gallathas. iiii. Got der sant den geist seins suns. vnd darumb
 so ist ye ein geist des vatters vñ des suns. aber der geist ist des d̄
 yn sent. Die vsach hon ich gesezt von d̄ Kriechen wegen die
 do sprechen das wir lauter in dē bann seien vmb das wir ge-
 laubē das d̄ heilig geist von dē sun als von dē vater kumb. Et-
 liche exempel sind vor in dem andern vñ dritten artickel begrif-
 fen darzu ich hie and̄ drei setz. vñ das erst ist das der vater vñ
 niemand ist vñ der sun ist allein von dē vater. nun es wern drei
 a b c a das het er fundē ein kunst vñ het die geletnet das b dar-
 nach. das b das von dem a die kunst geletnet het die leernet es
 das c vnd hette das geton yetweder mit der lenung oder ges-
 schriffte. vnd hie mit so het das a die vor geschriben kunst von
 keim andern. aber das b het es vñ dem a vnd das c het es von
 Eij

yn beiden. Das ander ebenbild das beweist vns das der vater vnd der sun vnd der heilig geist sind eben ewig vñ eben gleich. vnd das einer dem andern in der zeit mit fürkomen ist. wie wol einer von dem andern ist ewiglich. vñ ee der ander mit dem vrsprung. wann der vater hat ewiglich geboren den sun. vnd die beide sampt. der vater vnd der sun habent von der ewigk eit gegeistet den heiligen geist. Vnd das wirt dir mit zweien exempel also ertzeit. Das erst. ob die sunn wär ewiglich gewesen so wär auch der schein dar vō kumen. vnd von yn beiden wär aufgefürt die hitz. so wär doch die natur der sunnen ee dann der schein vnd die hitze. Das ander exempel. Ob der fuß des menschen wär ewiglich gestanden in dem staub des puluers so het er ewiglich gemacht ein fußspürung in dem puluer. vnd doch mit der ordnung der natur. so wär ye ee gewesen der fuß wenn das puluer vnd das puluer ee dann die spürung in dem puluer das mit dem fuß darein getruckt ist. Also ist der vatter ee der der sun allein mit der ordnung des vrsprungs nit mit der ee deßk eit der zeit oder der würdigkeit. Vnd allso sind auch der vatter vnd der sun ein anefang oder ein vrsprung des heiligen geists. wann er hat sein vrsprung von yn beiden. als der sun allein von dem vatter sein vrsprung hat. vnd ist zwischen dem vater vnd heiligem geist ein mit in der ordnung des vrsprungs vñ in der selben verstandigkeit der mitte mag das gehalten werden das der heilig geist von dem vatter kumbt mit der mitte des suns F Nun zeschreiben von dem dritten. So wif das der heilig geist mit einer götlichen anpetung ist an zepeten mit de vatter vnd mit dem sun. Et dicir in simbolo Niceno. Der mit dem vatter vnd mit dem sun angepetet wirt. Vnd des haben wir ein vrsach warumb das geschicht das etwen mit der gotes anpetung geeret vñ angepetet wirt das ist die höchst mayestat die höchst herrschafft vnd die höchst gewaltigkeit davon das in den dreien personen ist ein gotheit. ein herrschafft. ein mayestat. vnd ein mechtigkeit. vnd die aus nichten alle ding beschaffen hat. Vnd darumb so werdent die selben drei personen mit einer götlichen anpetung geeret vnd angepetet.

Das aber die höchst mayestat ein vsach ist warumb etwer mit götlicher erung soll angepetet werden. Das brüff aus dem dauon das die götlich anpetung ist ein dienst oder ein ere die allein vō der höchsten mayestat wegen vñ von der herrschafft vñ allmechtigkeit wegē got dē schöpffer vor aus vñ von sein selbs wegen ym schuldig vñ pflichtig ist. als Matheus spricht an dem.iiij. Got den herren soltu anpeten vñ solt ym allein dienen. Die glos legt das aus von der dienstperkeit gottes. Das ist der vatter der sun vnd der heilig geist der ein got ist. der angepetet vnd ym sunderlich gedient wirt. als Zabanus spricht. vber Genesim. Anbeten ist mit gantzem gemüt achtung haben zū got der allein an zebeten ist. Auch von der mechtigkeit wegen. dauon das got aus nichten alle ding beschaffen hat. Der götlich dienst soll got vor aller creatur erbotten werden. vnd seid in ym ist ein gewaltigkeit. ein wirdigkeit. ein gotheit. so sind auch die drei person in d gotheit an zebeten mit der anpetung gottes. vnd aus dem mügen wir brüsen das weder einer mer noch minder an gepet. noch mer noch minder ere erbotten soll werden. sunder werdent die drei person an gepet. als sie eins sind in der zal vñ ein mayestat. Dauon habe wir geschriben Genesim an dem.xviiij. Abraham der sach drei vnd pet ein an. Sprechstu dan nun sind doch besunderere gepet zū dē vater des geleich zū dem sun vnd zū dem heiligen geist. darumb so ist versehenlich das mit mengerlei gebet vñ die geteilt sind angebetet werd der vatter oder der sun oder der heilig geist. Darüber spricht sanctus Thomas. ij. ij. q. xlviiij. Wann also ein person angepetet wirt mit d pflichtigen götlichen anpetung so werdent do mit die andern person mit hin dan gesetzet. wann das wirt geeret in einer person das der dreier person ist. Sprechst du dann der sun wirt angepetet als ein erlöser menschlichs geschlechts. vnd der heilig geist nit. dauon werdent sie nit gleich mit einem gepet angepetet. Darüber wiß das etwer mag zwifaltig geheissen werde ein erlöser. Eintweder von des gewaltz wegen der erlösung. Oder das der mit ein ander von des gewalts vñ volfürung wegen d erlösung ist geheissen ein erlöser

vnd ist das etwer allein von gewalts wegen ist gebeissen ein
erlöser. so ist also der vatter der sun vnd der heilig geist ein vz-
sprung der erlöfung. davon das die werck der heiligen drifal-
tigkeit sind zu den außwendigen vngeteilt. wann sie vor aus
vñ sunderbar mit gewalt gemacht habent vnser erlöfung. ist
aber das einer gebeissen ist ein erlöser vñ gewalts vñ volfür-
ung wegen so kumbt das allein dē sun d ein vrsprung ist vnser
erlöfung nach dē das er got ist. vñ was ein volbringer vnser er-
löfung nach dē das er mensch ist. wann der sun hat mit dem wil-
len des vaters vnd des heiligen geists die menschlich natur an
sich genomen. vnd mit der hat er erlöset menschlich natur vñ
genüg für sie geton. als in Apocalipsi geschriben stat an dem.
v. Du hast vns got erlöset mit deinē blut. aus allem stamm vñ
zungen hast du vns gerufft. vñ mit der antwurt wiß das got
in der erlöfung zu einē erlöser nit hin dan gesetzt wirt. vnd ist
darinne beschloffen noch in dem sun erlediger ist kein grösser
güt nit dann in dem vatter noch in dem heiligen geist. wie wol
in cristo dem sun gottes ist etwas ein güt das nit ist der vater
noch der heilig geist das ist die menscheit. vñ die ist nit in dem
vater mit der annemung als in dem sun. vnd darumb so wirt
der sun außserlich angepetet vnd geeret wenn der vatter vnd
der heilig geist aber nit inniglicher. Von dem setzt Alexander
de Hales in. iij. parte summe sui tractatus de preceptis decalo-
gi. do spricht er also. Vnser herr Ihesus cristus der war sun
gottes der ist von vns nit mer lieb zehaben wenn der vatter.
noch der heilig geist mit der begabung. wie wol er vns mit sei-
ner erlöfung vnd verdienen vil güts ertzeit vnd gethon hat
aber wol mer werck hat er vns geton die vns außwendiglich
erweckent das wir yn sunderlich lieb habent ¶ Hie soltu
wissen das die anpetung latría yperdulia vnd dulia sind drei
aufgeteilet anpetung. Latría die ist allein des schöpffers von
seiner höchsten mayestat vnd vbertreffentlichkeit wegen. Aber
dulia ist ein erung oder ein ere erpietung die eigentlichen ist
der vernünfftigen creatur. Aber yperdulia ist ein erung oder
ere erpietung einer creatur die über all ander vernünfftig cre

Latéria yperdulia

atur ist. vnd die selb heist als geschriben stat in der glos. j. Ze-
 gum. viij. die grösser dulia das ist die aller gröst erung nach d
 anpetung gottes. wenn ein dulia heist die grösser. die ander
 heist die minder. Nun möchstu hie fragen ob das flaisch cristi
 sei anzepeten adoracione latric. das ist mit der gotz anpetung.
 Darüber wif das der leichnam oder flaisch cristi gesatzt wirt
 als das der gotheit ist zu geeint. so ist es götlich anzebeten. vñ
 mit der anbetung do mit gottes sun angepet wirt. gleich als
 das purpur gewand an dem künig geeret wirt mit dem künig
 mit der ere die man ym anlegt. Wirt aber das flaisch cristi in
 ym selb gesatzt nach dem das es ein creatur ist vnd ist ein teil
 der menscheit cristi. so ist das nit mit der götlichen anpetung
 anzepeten. aber wol ist die zween adoracione yperdulia. das
 ist mit der aller grösté erung nach got. vnd des gleichen wirt
 auch gesprochen von d sel cristi vnd von seiner gantzen men-
 schein. vnd darumb das das flaisch cristi nie gescheiden ist von
 dem ewigem wort. darumb so ist es allweg mit dem gepet got
 tes anzepeten. vnd des gleichen auch die menschein cristi. vnd
 des ist sunder ein vsach dauon wir den werden leib cristi sollen
 anpeten. vnd nit ansehen sein menschein. sunder die würdigkeit
 seiner person. vñ wie wol die menschein vnd das flaisch auch
 die sel das in ym selbs geschetzt wirt nit mit der anbetung got
 tes geeret wirt. sunder adoracione yperdulia. das ist mit der
 grösten ere nach got. Zu dem andern möchstu fragen ob mit
 der anbetung gottes die pildnuß cristi sei anzebeten in solicher
 maß als das die heilig kirch gesatzt hat. wann die pilder sind
 auff gesatzt von der kirchen von dreierlei vernünfftiger sach
 wegen. das ist von der einfeltigkeit wegen der beürischen. von
 der langsamkeit wegen des begerens. vnd von der leichten ver-
 gessung wegen der gedechtnuß. Von ersten von vnderweis-
 ung wegen der einfeltigen die die geschriff mit lesen künden.
 das die selbigen in solichem gemelde vnd pilden mügen als in
 der geschriff behalten die sacrament gottes. Zu dem andern.
 zu erwecken die langsamkeit des begerens. wenn so das gemel
 oder pildnuß der geschrechne ding werdent angesehen vnd vor

augen gehabt so wirt sunderlich 8 mensch mer vñ schneller er
weckt zu de begern mit dem das er sieht weñ des er hört. Zum
dritten von auffhebes wegen leichte vergessung der gedechtnu-
ß. wañ alles das man sieht wirt krefftiglich 8 gedechtnu-
ß ein getrungen. vnd dauon das die bildnuß des kreutz cristi ist
darumb erfunden vns antzeigē den der daran für vns gekreuz-
iget ist worden vnd dauon erzeygt sich für sich selb das bild
nit sunder den den es bedeüt. vñ also die ere die de bild erboten
wirt die beschicht cristo. Vñ darumb sol 8 bildnuß cristi die
götlich ere erboten werden. Als do spricht sanctus Augustin 9
li. iij. de doctri. cri. Weliche erent ein solich zeichen das götlich
gesetzt ist vnd der do verstat die krafft des des die betzeichnuß
angeit der eret nit das er sieht. aber den eret er den das betzeich-
net. Zu dem dritten möchstu fragen ob die götlich ere möcht
erboten werden 8 bildnuß des watters oder des heiligen geists
darumb das sie die menscheit nit hond an sich genomen in 8
einigung des vndersatz noch kein süglichs noch entwerflichs
ding. Darüber antwurt Johannes Damascenus li. iij. Das ist
ein vnweishheit oder vngütigkeit der do wolt malen oder figu-
riren was der gotheit ist. aber die werck got des vaters vñ des
heiligen geists die mügent etwas mit bildnuß vñ mit gemeld
entworffen vñ betzeichnet werden. vñ darumb so mügent die
pilder die den mensche pringent zu einer erkantnuß des vaters
vñ des heiligen geists aus gewonheit vñ von auffatzung we-
gen geert werdent mit götlicher erung vñ in dem der das bild
anpetet der hat sein achtung in den das bild betzeichnet. vnd
also pit er sunderbar an das betzeichnet den vatter den sun den
heiligen geist. vñ wer auch die bildnuß cristi anpet der pet cri-
stum an vñ nit das bild in ym selb. Vñ also ist zereden von de
andern. Wo aber ein mensch ein bild anpete vñ gelaubte es
wäre etwas götlichs in de bild der begieng abtötterei vnd er-
stünd der selb dienst in der ere der pilden vñ gemeldes. aber al-
so petten nit an die gelaubigen die pilder oder gemelde das sie
etwas in sie gelauben oder etwas götlicher togenheit darinn
schetzen. 8 Zum fierden ob die iungkfraw Maria sei an-
zepeten mit götlicher anpetung. Darüber wif. nain. vmb das

g. 110

Ad hunc
figuram

x

De b. u. r. g. i. n. e

Das sie ein lautere creatur ist davon ist sie so hoch mit aufgesti-
 gen dardurch sie götlich solt angepet werden. aber vmb das
 sie den aller höchsten namen hat & keiner lauter creatur nie ge-
 geben ward. davon sol ir nit allein die ere dulie sunder yperdu-
lie das ist die aller höchsten ere nach got erboten werden. weil ir
 nam aus zeigt ein iungeifraw vñ mütex gotes. vñ der nam ist
 einer solichen würdigkeit das den nit allein wir wegsetzigen
 in der welt. auch mit allein die seligē in den himeln sunder auch
 all engel eren sind von sunder vorteils wegen vmb das sie ein
 mütex gots ist vñ ein prelatin & andern creatur. hierum sie pil-
 lich für die andern all geeert wirt. vñ die selb ere ist gewonlich
 vō den meistern yperdulia genant. vñ ist genomen aus & glos
 j. Reg. viij. do wirt gesprochen das merer dulia ist vñ die mind
 das ist die grösser vñ die minder ere. nun wie wol das flaisch
 der iungefrawen Marie ist & selben natur mit dē flaisch cristi.
 noch ist die nit zereen mit & erang gotes vmb das sie nit ist zū
 geeint der gotheit in der einigkeit & person als das flaisch cristi
 wann cristus der herr der selber ein künig aller künig vñ herre
 aller herrschenden ist & ist nach dē gesetz der gerechtigkeit vnd
 nach & rechten ordnung mer vnder geintlichen lieb zehaben.
 vñ an zebeten wen sein mütex. wiewol sie nach ym an dē höch-
sten zereen ist. Zum fünfften. ob das kreütz cristi sei an zepeten
 mit der gotes anpetung. Soltu wissen das das kreütz zwifal-
 tig ist. Etwen ist ein kreütz oder nun ein holtz des kreützs dar-
 an cristus ihesus gehangen ist. vñ das selb ist zwifaltiglich ze-
 eren. wan nach dē das es ein zeichen vñ ein pild ist daran cri-
 stus & herr gekreütziget ward. vñ also sol es mit der anpetung
 gotes geeert vñ angepet werde. aber nach dē als es ein holtz ist
 das es geheiliget vñ geadelt ward mit dē berüren des werden
 leichnā cristi als er dar an hieng menschlichs geschlecht zū er-
 lösen. Allso ist man das pflichtig zereen. aber keinerlei gestalt
 des gebets. vñ ym soll die ere erbotē werde die den sacramentē
tauff firmung crismē vñ heilige öl mit würdigliche neigē erbo-
 ten wirt. aber nit mit niderkmen als vor dē leichnā cristi vñ an-
 dern dingē die götlich zereen sind. wan in den benanten dingē

ist etwen vil ein vsach vnser's heiles. als das kreütz; sper kron
vnd der nagel cristi erwidigkeit züerbieten. vnd von der selbē
ere wegen hat das kreütz; etwas in ym darumb es also geeret
sol werden. vmb das es von cristo dem herren also geadelt ist.
vnd auch darumb das mit der gegenwertigkeit des aller edel-
sten holtz gar vil gütet vñ zeichen den gelaubigen cristi ertzei-
get vnd beschehen ist. vnd dauon so singt die kirchen sein ma-
nigfaltigs lob vnd eret vñ feiret sein hochzeit. als es erfunden
vñ erhöcht ist. aber die kirch will dar mit nit gefallen dē holtz
des kreütz; sunder den herren d̄ daran gehangen ist. Also sprich
ich das dē holtz des aller heiligsten kreütz; also kein gestalt der
anpetung weder latrie yperdulie oder dulie erboten soll wer dē
vnd das ist die sach daruon mit welcherlei gestalt der anpet-
ung etwer pit der sendet zü dē selben sein gepet vmb das er vñ
ym etwas erwerb oder ym gefall. Nun hat das kreütz; cristi
kein vernunft nit in ym selb noch hört noch verstat nichts. dar-
umb soll das selb holtz das also ein holtz geschätzt wirt von
yemant angepeten werden. Aber es soll vñ mag gar erwidig-
lichen geeret werden. wann es ymer gar ein tozlich sach ist der
ein vnempfindlich ding anpetet. auch ist etwen ein kreütz; dar
an cristus d̄ herr nit gehangen ist. vñ an dē selben ist allein an-
zepeten die figur oder bildnuß cristi des kreütz; giten. vñ nit die
materi des holtz. Wirt es aber in der ere gottes angebet so soll
es geschehen in vor gemelter weise. 3 Zü dem sechsten so
möchst du fragen ob on sünd dē tüfel die götlich ere erbotten
möcht werden oder dē feind cristi so d̄ verborgerlich erscheint
in der gestalt cristi. Darüber wif ob die götlich ere schlechtig
lich dē feind erboten wirt wie er erscheine das wär ein sünd der
abtgötterei. noch der anpeten möcht mit solicher vnwissenheit
nit entschuldiget werden vmb das der mensch dzifaltige hilff
hat do mit er solichē irrsal gemeiden mag. Die erst hilff das ist
die geschriff als sant Pauls spricht ad Corinthios an dem. xij. Wir
sollen nit vnwissenhafftig sein der listigkeit sathane. der
selb verwandelt sich zü einem engel des liechts. Vnd mer sprich-
t die geschriff. Dü vil werdent komē in meinē namen lugē

hafftig. als Matheus an dem. xiiij. spricht. Ob etwer zu euch spricht hie oder dort ist cristus mit gelebt yn. Die ander ertznei ist die innigkheit vnd andechtliche gepet do mit ein mensch ein zulauff hab zu got das er ym sein hertz durchleucht do mit er vor irrsal vnd sund behüt werd. Das drit die auffhaltung seines glaubens. wann der mensch soll nit glauben einem yeglichem geist. sunder er soll yn bewären ob er aus gott oder nit sei. Et dicit. j. Johannis. iij. Wer aber in solichem erscheinen schnell vnd pald glaubt d ist leichtfertig vnd eins geschwollen hertzen die sich zimet fügsam sein eines solichen gesichts. als man list von einem altuatter dem der teüfel in gestalt cristi erschien. der verschlos seine augen vñ sprach. Ich will hie in de leben nit cristum sehen. Also ward der teüfel mit seiner diemütigkeit überwunden. Des gleichen list man von vil die sich fügsamlich schatzen soliche gesichten vnd der begerten dauon sie in groß irrsal fielen. Vnd darumb wer schlechtiglich der feind in der gestalt cristi anpett der mag nit beret werden von der abtgötereie. vnd ob er glaubt das er cristus wär dann also sündet ein abtgötereier d nit entschuldiget wirt von d sünd durch der vnwissenheit wegen. Ob aber einer mit solicher bescheidenheit den engel sathane anpete das zwifaltig geschehe. eintweder aus gewonheit oder mit dem werck. aber das werck perlich in solicher bescheidenheit vñ spricht. ich will das nit anpeten es sei dann cristus. so ist in de selben anpeten kein sünd. auch pet er also mit den teüfel an. sünd cristu. Ist aber das der mensch die bescheidenheit hat aus gewonheit. so mag er sich nit gantz bereden aus d sünd der abtgötereie. denn der teüfel d sich also verwandelt anpet. vnd das ist die sach von des wege das ein soliche verwandlung vngewonlich ist darumb sie nit als künlich vñ als pald angebeten sol werden. sunder mit wol betrachtung vnd einem besundern zeitigem gebet. aber doch aus einer solichen gewonlichen achtung do mit einer aus gewonheit nit achtung hat. besunder er mainet es sei vnser lieber herre Ihesus Cristus der allmechtig gott das er anpetet. vnd das cristus sei in der hostia. so ist genug dem menschen d

vibe.
no molo: xpij
5r feto

iiii
iiii
iiii
Lxxij

die hostia in de sacrament anpet. vnd das beschirmet den menschen von der sünd der abtgoterei. vñ ob halt die hostia nit gesegnet wär. wann der seggen ist gewonlich. Aber ein soliche erscheinung ist nit gewonlich. Sprechstu dann in einem mercklichem decretal stat geschriben das ein böser priester mer sündet der nit consecrit vnd doch tüt als ob er consecrit wenn ein er der in grössern sündē wär vñ consecrite. dauon das der das volck machte zū abtgoterei. vnd darumb wer der wär der also die vngesegnete hostia anpete der begieng die sünd der abtgoterei. vnd wurd auch nit entschuldiget mit seiner gewonheit do mit er nit cristum wolt anbeten. nun es wär dann geweiht. Wiß. das decretal ist also zūuerston das der priester nit consecrit als vil an ym ligt der macht das volck zū abtgoterei. aber der mit der vorgesprochen gelegenheit anpet. es sei nach der gewonheit od werckperkeit der sündet nit mit der abtgoterei. **K** Zūm sibenten mal möchstu fragen. Seid ein pild mag mit der gots ere angepet werden. ob ein mensch der ein pild gottes ist mit solicher ere auch angepetet müg werden. Darüber wiß das der mensch vmb nichten mit der gots ere angepet soll werden. darumb das er nit zū hoffart kumb. vñ sich mit eitel rüm überneme wo ym solich ere erboten wurde. auch das der anpetet nit fall in die abtgoterei der allein des mensche gestalt anseh. Auch das pild das götlich in den menschen getrüct ist. wie wol das zū der bedenkung der pildnus gots ist. darumb das sich der mensch mer selbs ertzeigt wenn das das er bedütet. wie wol der mensch ein edele creatur ist. dauon das die ere die ym erboten wurd nit so gantzlich gebracht wirt zū dem ersten exemplar als die er die gebracht wirt zū einem gemalten oder gehauwen pilde. Hie soltu mercken gar ein nützliche aufteilung der vor geschribnen ding die do sind von der götlichen anpetung. wann alle ding die götlich geert werdent die werdent etliche angepetet. nit von ir selbs wegen aber wol von zū gehörung wegen. als das kreütz cristi das ein zeichen ist des kreützigeten vnd ein pild gottes. Etliche die werdent angepetet für sich selbs aber nit in yn

ſelb ſchlechtiglich. aber wol in einem andern. vñ als vil des iſt
 als die menſchlich natur oder das flaiſch criſti zů geeint iſt dē
 ewigen wort. Etliche ding wer dent angepet für ſich ſelb vñd
 in ym ſelb vñ ſchlechtiglich. als die götlich natur. vñ die göt-
 lich perſon. Nun zeſchreiben von dem ſenden das iſt von dem
 ſenden des heiligen geiſt. So wiß das geſprochen wirt das d
 heilig geiſt wirt geben vñ hat wonung in dē gemüt erſcheint
 vñd wirt geſant. Von erſten ſo wirt der heilig geiſt geben in
 ym ſelb vñd in ſeinen gaben. wann kein beſſere noch volkom-
 neſte gab iſt nit. es werd dan gegeben die vnbeſchöpfft gab.
 das iſt die gnad vñ die gnädig macht. vñ wer die zwü gaben
 hat ſo hat d mensch damit er mag genieſſen vñ genützen. wan
 die rechtlich nieſſung die iſt nun von dē heiligen geiſt. vñd der
 mensch mag niſchs baſ genieſſen weñ gots. vñ niemand mag
 wol vñ recht tün wan nun durch dy gnad die gnädig macht
 vñ darū wiewol in dē ſunder d heilig geiſt iſt ſo hat er yn doch
 nit weil er in totsündē iſt. wan er hat kein macht got zenieſſen
 noch des gleich das er rechtlich nieß die creatur. dan wirt ge-
 ſprochē das d heilig geiſt wonüg hab in dē gemüt ſo das gott
 genām iſt mit den genadē die gnädig vñ genām macht do mit
 etwē got gleich wirt. ein ſolich gnad für den menſchē zů got
 vñ macht das der meſch got hat. vñ das got den menſchē hat
 vñ also nach den gnad gebē die genām machet ſo wirt geben
 d heilig geiſt vñ hat wonung in dem gemüt vñ wirt dem men-
 ſchen vnſichtiglichē geſant. Aber doch möcht noch ein ſoliche
 aufteilung geſchehen in dē vnſichtigē ſenden des heiligen geiſt
 nach dē das er als ein geiſt wirt geſant od gegeben. Aber doch
 vneigentlich mit den gaben d gnaden die ſunſt geben wer dent.
 Aber nach dem das er heilig iſt oder heilig macht ſo wirt er ge-
 ben vñd geſant mit den gaben der gnaden die gnädig macht.
 vñd das heiße eigentlich geben oder geſant. Aber als geſpro-
 chen wirt das der heilig geiſt erſcheint in einem enpfintlichen
 oder ſichtigen zeichen der zungen. das ſelb iſt ein einſichtiges
 ſenden. noch mer als der heilig geiſt wonung hat in etwem
 mit der heiligkeit. das genüg iſt zů dem heil. So hat er etwen

wonung in einē mit der heiligkeit. Das in dē selben ist die gantz
vollaist der gnade die er mit den andern geteilen mag. Die erst
ist inwendig vnſichtiglich verborgen. vñ die geschicht durch
den heiligen geist. der vnſichtiglich gesant wirt. Die ander hei-
ligkeit die ertzeit sich etwen außwendiglich. als in den zwelf-
boten geschach. vnd sunder in Cristo Ihesu darinn alle vol-
laist was der ausgebenden gnaden. doch anders in cristo vnd
anders in den zwelfboten. ¶ Wann gleich als drifaltige
vollaist der ausgehenden gnade ist. also ist auch der heilig geist
in dreierlei weis erschinen vñ gesant worden. Die erst volllaist
der ausgehenden genad ist durch die erlösung. vnd das ist die
volkomē genad mit aller maß. vñ die also was in cristo. wann
die taub ist gantz ein volkomes tierlin vñ ein lon der erlösung
der erst geborn Kind in Israhel. Als wir haben Leuitici am. xij.
vnd darumb das die gnad wirt zwifaltig ausgeben in einem
andern. das ist mit der maß der würckung oder mit der maß der
lere vnd vnderweisung. vnd dauon so gat die gnad aus von
cristo mit der maß der würckung. nach dem das er got ist. vnd
nach dem das er ein mensch ist. Als er got ist so würckt er die
gnad vnd verleicht die. aber als er ein mensch ist so hat er mit
seiner würckung verdient all sein erwelten die gnad die gnä-
dig macht. mit der gnad er das leben der sel ist vnd verschlüst
die auch. mit der maß der lernung wurdent ir vil von cristo dē
herren durch die erkantnuß zu got geführt. vñ das die volllaist
der ausgehenden genad sol durch sein lere in die anderen gon.
das ist ertzeit worden in seiner erklerung. Mathei. an dē. xvij.
In dem gewülcken do hat er aus geströet das liecht. das selb
ist auch ertzeit worden in der stim des vatters in der verwan-
dung vnd in dem tauff do er sprach. das ist mein lieber sun dar-
inn ich mir wol gefallen hab. den selbē den hört. Die ander vo-
laist die ist durch die einflüß des lebens dienstperlich nach dē
enpfinden vñ nach der bewegung. vñ das geschicht mit dē sa-
crament. vñ die selb volllaist ist in den priestern. vnd vmb das
die ertzeit wurde so ward sie gebē den zwelfboten in der ges-
talt des blasens. Spricht Johannes am. xx. Der heiland blieb

vnder sie vnd sprach. Nembth in den heiligen geist. wem ie die
 sund vergebet dem sind sie vergeben. Die drit vollait der aus
 gebende genad die ist mit 8 leynung. vnd die was in den zwelf
 boten vnd in dem leyn. das die ertzeigt wurd so ward yn ge-
 geben der heilig geist in gestalt der feürin zungen an dem heili-
 gen pfingstag. Actū. ij. Vnd das geschach darumb das sie
 wurden der wort überflüssig vñ der liebe inprünstig. Der hei-
 lig geist der durchleucht die verstendigke it vñ durchflammet
 die begird. Hie wiß das 8 meister sentētiarū li. j. di. xvj. spricht
 Der heilig geist 8 vnichtig ist in 8 natur von dē wirt also ge-
 sprochen. das der in etliche creatur gesendet wirt als in der ge-
 stalt der tauben vñ feürin zungen. doch nit das er in der crea-
 tur mer oder anders wäre dan in 8 andern. oder anders in ym
 selbs. sunder das er mit der maß das ist in dem sichtigen senden
 die er leiplich ertzeigt damit hat er inwendig geoffenbart die
 geistlich gab vñ das geistlich senden. Du solt auch nit wenen
 das die taub oder feürin zung sei zū gefüget dem heiligen geist
 in einigkeit der person. als die menschlich natur dē sun zū geei-
 niget was. Auch wär die nit also geseliget als die menschlich
 natur in cristo. Aber die taub vñ die feürin zung die warent
 ym also zū gefüget als ein bedeutung dē bedeüten vñ wurden
 mit dē dienst 8 engel aus 8 materi geformirt vñ wurden nach
 dē heiligen werck wider zū 8 selben materi. Auch wiß das wañ
 der heilig geist etwer geben wirt sichtig oder vnichtiglich so
 hat er nit noch hebt nit an von neüwen dingen zesein an der
 selben stat. aber wol mit einer neüwen maß dē er gesant wirt.
 mit der volbringung einer neüwen krafft vñ ein neüwe besich-
 tigung do mit sich etwer anders zū dem heiligen helt wann er
 vor geton hat. vmb das er den mist den er vor nit gehebt hat.
 Vnd aus dem magstu erkennen wie wol der heilig geist ist in
 aller meniglich so wirt er doch von meniglichem nit behalten
 darumb das yn nit yederman nützet oder lieb hat über alle
 ding. ¶ Nun werden hie gefragt fünff frag. Von ersten
 warumb der heilig geist 8 seligen iungkfrawen Marie nit ge-
 sant ist worden in einer sichtige gestalt vñ das sie sunderliche

vol was aller gnaden. So wiß das es darumb geschehen ist.
wann ie genad was nit geordnet mit der lernung zu trost der
Kirchen von der ausraisung vnd aus teilung wegen der sacra
ment. als die gnad der zwelffboten. Zu dem andern warumb
nit cristo 8 heilig geist ist sichtiglich gesant worden an de ane
fang seiner enpfengnuß. So wiß darumb ist es geschehen das
sein vollait der genaden nit aus solt gon an dem anfang seiner
enpfengnuß. aber darnach do er getaufft ward. Zu dem dri
ten. ob die taub ein ware vnd gerechte taub gewesen sei dar
inn der heilig geist cristo erschien als er getaufft ward. Darü
ber antwort sanctus Thomas in. iij. parte. q. xlix. ar. vij. vñ spr
icht. Ein ware taub ist das gewesen vnd ward geschickt mit
dem dienst der engel. vñ von neuwen dingen ward die gefors
miert. vnd ward wider zu der materi die sie ee was. Vnd be
weist das mit sant Augustin libro de agone cristiano. Vnd al
so was das ein wares feür das ob den zwelffboten erschien in
feürin zungen. wie wol das nit brant. wann das getzam de hei
ligen geist das er betriglich erschine. Zu dem fierden warumb
zu der zeit der verschriben ee der heilig geist nit sichtiglich ges
sant ward. So wiß vmb das so der heilig geist ein vollait ist.
der aus gebenden genaden. nit geben noch gesant solt werden.
vntz das die erfült zeit keme. darinn sein gnad gesant solt wer
den. als sant Pauls spricht ad Gallathas. iij. Do die erfült zei
te kam 8 gnaden do sant got sein sun. Zu de fünfften warumb
in der zeit der gnaden nun der heilig geist nit sichtiglich gesant
ward. So wiß das wir nun mer als mit den henden zu dem ge
lauben geführt seien. wann gleich als nun die zeichen des sich
tigen senden des heiligen geistes habent auff gehört. also was
not anfangs der Kirchen zu bedöffen auswendige zeichen den
glauben vñ verstendigkeit zehauffen. Nun wiß von de fünff
ten der ersten aus teilung das ist von dem würcken des heilige
geists davon sant Pauls spricht ad Corint. xij. Vñ alles das
würcket der selb einig geist. wann von de heiligen geist ist krefft
iglich alle genad. Davon wiß das die gnad ist drifaltig oder
das sie drifaltiglichen genomē wirt. gemeinglich. besunderlich

vñ eigentlich. Gemeinlich so wirt geheissen die gnad ein götliche hilff die miltiglich vñ vnsunst geben wirt der creatur vñ on vnderlos zū einem yeglichen werck. vnd on hilff der genad mügen wir nichts tū. noch on die auch mit beleiben in dē we sen vñ das wir gantz gebrechenlich sind vñ habent nun ach tung zū dem abnemen. wo vns allein die hand gottes nit auff hielte. Aber die besunder gnad heist die gnad weliche vns ge nediglich geben wirt damit sich etwer berait zū enpfahen die gab des heiligen geists durch die der mensch kōmen mag zū dē stand des verdienes. vnd von ersten zū der vergebung seiner sünd. On die gnad mag niemant genügtū als vil das in ym selb ist das er sich berait zū dē heil. wann die selb genad weckt auff den freien willen das d̄ widerrüffe das ōbel vnd sich k̄z zū dem gūten. vnd sunderlich wöll arbeiten vmb gotes willen vnd nit durch sein selbs wegen. Vnd das ist not zū geschehen mit den genaden des heiligen geists die sunst gegeben wirt das der mensch geschickt werd zū gūten sitten mit den rechten vms tenden die vmb nichten mügent gūt sein sie kōmen dann aus einer rechten mainung. vnd das die geschäch nit vmb vnser willen sunder von des höchsten gūt wegen das sich wider den vnser krumer geist nit erheb sunder der heilig geist sükume mit seinen genaden die auch genädiglich gegeben wirt. Zū dem dritten so wirt geheissen die genad eigentlich. vnd ist also ein gab die götlich gegeben ist zū dē verdienen. vnd geheissen ein genad die genadsamig macht vnd on die niemant verdienen mag noch in gūt auff genomen noch zū dem ewigem heil kō men mag. wan sie vor allem verdienen gat als ein wurtzel des verdienes. Et propter hoc dicit magister sententiarū li. ij. di. xxvj. das sie den willen fürkūm das er wol will vnd volget dē nach das sie nit vnsunst wil. vñ also heist sie die fürkūmet vñ nachkūment genad die niemant verdienen mag mit einē wir digen verdienen. aber allein mit einē zimlichen. vñ dauon ver dient sie hie in dē stant das sie gemert wirt mit gūter niessung das würdig verdienen vñ verdient mit d̄ merung das ist das sie auff nimbt dort in dē vatterland vñ in der ewigen glori vō

got vnd von seinem geist. wann er ist der prunnlich vrsprung
der gnaden. sein ist die eingießung der gnaden die merung vñ
die auffnehmung nach der würckung des freien willen dem zu
gehört das er tũ das in ym ist. noch ein soliche genad wirt nit
verleügnat dem menschen. als geschriben stat ad Hebreos. xij.
Schawent an ob yemant ab gang die gnad gotes. Vnd die
yetzig drifaltig genad die meldet sant Pauls. i. ad Corint. xv.
Vnd ich bin aus der gnad das ich bin. Nun also zereden von
der ersten gnad die gemeinlichen genomen wirt. vnd zeredē
von der andern spricht er. Vnd die gnad ist nit lār in mir ge-
wesen. Aber zereden von der dritten so beschlüßt er das mit dem
als er spricht. Vnd sein genad die beleibt allweg in mir. N
Fürbas wiß wie die gnad die do gnadsamig macht von got
ein gegossen wirt. vnd darinn geben werde der heilig geist der
ein artzney ist wider die sünd. wañ der böß gerecht werd das
geschicht mit fier dingen. Zum ersten eingießung d gnaden
dy gnadsam macht die austreibung der schuld mit der reü. vñ
die bewegung des freien willens. Aber die schuld wirt vertri-
ben von der gab gotes vñ nit von dē freien willen vñ doch nit
on den freien willen. wañ die genad die vmsunst geben ist die
treibt den freien willen zu lōren von dē vbel zu dē güten. auch
nit das die selb gnad den freie willen zwingt zu dem güten. ab
er das sie den fürkumb do mit er verheng d gnadsame erman-
ung oder darzu er nit geneiget ist. das verhengt er vñ schicket
sich zu den gnaden die gnadsamig macht. vñ tũt das also das
in ym ist das den freien willē also geschickt hat das der sich ge-
leich schicke der erweckung das er von dem wil wercken nach
dē das er gewent vñ widerrüfft wirt. vñ das ym kreffägliche
wol gefallet zetũn das güt. so wirt ym dan ein gegossen die
tügent vñ die gnad die gnadsamig macht do mit all sünd aus-
getriben werden. vñ wer dan ein soliche geschickte willkürung
hat d gewint fürwar ein starcke reü das ym ein yeglich sünd
wirt gar wider zãm von wol gefalles wegen des güten vñ be-
wegung willen der willkürung. darun hilfft er gar freüntlich
d gnaden. ist aber das er ym hilft vntz an das end so verdient

er zekumen zu dem ewigen heil. vñ darumb so ist war als sant Augustin spricht. Der dich geschaffen hat on dich der macht dich nit heilwer tig on dich. wie wol die gnad behebt wirt mit der krafft des heiligen geists. so geschicht doch das nit on die verhengnuß der willkürung. wann die gnad die gnadsamig macht ist von den dreien dingen. aber doch anders vñ anders. Sie ist von d krafft des heilige geists von den gnade die sunst geben ist die do willkürig erweckt vñ bewegt vnd die willkürung verhengt. Aber wie wol soliche freiwilligung durch sich selbs nit verpringen mag die gnad noch das sie erfüll die gnad vnd das gesatz. so mag sich doch dort der mensch nit bere de tüt er nit das güt das in ym ist. wan die gnad die vmsunst geben ist die ist alweg bereit die on alle vermanung das tün mag. wan in ir ist vñ er dan das tüt so hat er die gnad die gnadsamig macht. vnd wo er die behelt so mag er erfüllen das götlich gesatz vñ mag den willen gotz volbringen vñ kumen mit de verdienen zu dem werck d ewigen seligkeit. vñ ist nit ein wunder das die gnad die gnädig macht wider reformiert die sel der pildung gottes die durch die sünd vngeschaffen wirt. vnd macht sie gerecht vntz an iren vsprung vñ do mit zu eiz ne gelid cristi. Auch macht die selb gnad die sel zu einer praut cristi. zu einem tempel des heiligen geists. vnd zu einer tochter des ewigen vaters. die vor durch die sünd was ein feindin gotes. ein anhang des teüfels vñ die diern der sünde. vñ nun mit der gnad barmhertziglich gefürt zu de erbtteil d kinder gottes. das er mit den sünde verlorh het die vorgesproche heilig gnad die wirt niemant geben on sein selbs brauchung. O Des werdent von den leuere vil exempel gesatz. Zu dem ersten so brüß das bei de der nit raicht sein hant zu de der ym will geben Die gab gotes geit allen diemütigen. als Jacobus spricht an dem. j. Got der geit überflüssiglich vñ lestert niemant. Zu dem andern so brüß das bei de der sein augen zu tüt vor de liecht vñ doch got d herr sein sunn lat erscheinen über die güten vñ bösen. Spricht Matheus an dem. v. Vnd der von ym selb spricht Ich bin das liecht der welt. Johannis. viij. Zu dem dritten so

Cor. vult te no
insufficere te
sine te

brüff ob etwer seine freünd nit wölt aufftün. vñ doch der herr
spricht. Ich stand bei der tür vñ klopff an. Sat geschriben in
Apocalipsi an de. iij. Zu dem letzten in d fürlegung soltu wis-
sen das die gnad die gnädig macht den vnuernünfftigē geist
auff über sich helt nit mit den gelidern d stat. aber wol mit der
gewonlichen schickung gots. Zecht als got der herr nit her ab
ist gestigen von himel mit seinem vnuerwandeltem wesen. ab
er mit dem ausfluh das von ym flos. do mit er mangerlei ver-
pringt wie wol er selb d ein ist. also wie wol die gnad die gnä-
dig macht ein gnad ist. so wechst sie doch aus in siben äst der
gnadsamigen tugent. der drei götlich sind. das ist d glaub. die
hoffnung. vñ die lieb. vñ fier geangelt. das ist weisheit. messig-
keit. sterck. vñ gerechtigkeit. die in einer mah ist ein gemeine
tugent vñ in der andern mah so ist sie ein eigne vñ besunderere tu-
gent. Zu dem andern so wechst die gnad aus in die äst der si-
ben gnad oder gab des heiligen geist die sunderlich zu geeignet
werdent den gnädigen gabē des heiligen geists. vñ die wer den
ertzelt Ysaie an de. xj. do der prophet von cristo ret vñ spricht.
Auff ym wirt rü habē der geist des herren. der geist d weisheit
vñ der verstendigkeit. d geist des rats vñ der kresigkeit. d geist
der kunst vñ der gütigkeit. vñ yn wirt erfüllen d geist des herrē
forcht. Zu dem dritten so wechst aus die vor geschribē gnad in
siben äst der seligkeit weliche seligkeit sibe gesatzet werden die d
heiland zelt Mathei am. v. vñ sind die. Armüt des geists. Milt-
samkeit des waines. Hunger d gerechtigkeit. Barmung. Zei-
nigung des hertzen. vñ der frid. Etlich setzent darzu die acht-
enden die auch do selbs getzelt wirt. das ist achtung von d ge-
rechtigkeit wegen. Zu den selben seligkeiten werdent getzelet
xij. frucht von ir volkommenheit wegē. vñ der sind. v. der geist-
liche sinne die nit ein neuwe gewonlicheit machent. aber wol
den stand des geistlichen gelust do mit getröst werden die geist
d gerechten. die selbig frucht ertzelt sant Pauls ad Gallath.
v. das ist die lieb. die freud. frid. gedult. langmütigkeit. gütig-
keit. enffigkeit. der glaub. messigkeit. züchigkeit. keüschheit. die
geistlichen sinn sind teilhaffig des gemüts mit d beschowung

o glauben
die hoffnung
und die lieb

der warheit. vnd die selb beschawung hebt sich an in dem gerechtten menschen an den sinnen. oder mit der beschawung der sinnlichen ding. vnd gat dan von dem sinn zu der gedechtnuß. von der gedechtnuß zu der vernunfft. von der vernunfft zu der verstendigkeit. von der verstendigkeit zu der weisheit oder zu grösser kuntschafft. die hie in der welt anfacht vnd endet sich in der ewigen glozi. ¶ Nun zeschreiben von dem sechsten das ist von der offenbarung des heiligen geists. das ist der geist der warheit dauon Ambrosius spricht. Alle warheit von wem die geredet wirt so ist sie doch von dem heiligen geist. vnd ob ioch die ein böser mensch oder der teüfel rette. noch ist sie von dem heiligen geist. als sanctus Thomas spricht. ij. ij. q. c. j. ar. iij. vnd des ist ein vrsach. Wer do ret der spricht das nach vnderweisung eines güten oder bösen geists. oder aus eigener krafft die von dem geist ist. als ein lernung oder offenbarung eines waren dings. das ist von dem dauon das ding ist für sich dar oder mit einẽ vnderstand. Hie sind etliche ding zemercken. von erst das etliche genad sind die vnsunst geben werden die oft on gnad geschehent die gnädig machent. dauon sant Pauls spricht. j. ad Corinth. xij. Do werdent sunderlich vnder andern dingen. viij. genant. das ist die weissagung. die auslegung der red. die genad der zungen. die red der weisheit vnd der kunst. die genad der gesuntheit. die austreibung der teüfel. wunder vnd zeichen zetun vnd die genad der geist das ist die bescheidenheit der geist. vnd die selben genad mügent also geordnet werden. wann der heilig geist verleicht die gab der weissagung. so bedarff der selb die auslegung der red. das ist die auslegung der heiligen geschriff. das er mag erkennen ob die selb genad ym durch die weissagung geoffnet sei. gleich hellig der geschriff oder mißhellig. der selb bedarff auch der gnaden des geists das ist die bescheidenheit. also das er müg erkennen ob das das ym geoffnet ist worden von einem güten od bösen geist sei. j. Johannis. iij. Ir solent bewären die geist ob dy aus got sind. vnd so dann begert vn die offenbarung war vn gerecht ist von dem heilige geist zu nutz der kirchen. Als sant Pauls spricht. j. ad Corinth. xij.

Einem yeglichen wirt gegeben die offenbarung des geistes ·
zu der nutzperkeit · vnd vmb das so bedarff er dann der gena-
den der zungen do mit ausgesprochen werde was geoffnet ist ·
Vnd darumb so sollen soliche ding nit schlechtaglichen aufge-
sprochen werden · sunder auch krefftaglichen · darumb ist zim-
lich das der die red hab von dem heiligen geiste der kunst vnd
der weisheit · also das sein red sei genam vnd bescheiden vnd
darzu was geoffenbaret sei vnd werd das das mit bescheid-
nen Worten süffiglich erklinge do mit man müg gelauben das
die durch den heiligen geist seien · vnd das es nutz vnd frumb
der kirchen bringe · so ist not das die mit etlichen zeichen best-
tiget werde · vnd darzu dienen drei ding · das ist die gnad der
gesuntheit · do mit die cristen gesunt werdent · vnd die würck-
ung der tugent · das sind die wunder dero die über die natur
find · vnd das austreiben der teüfel do mit der gewalt gotes ist
über den gewalt der teüfel · Die yetzt gemelt acht gnaden die
geschehen offft on die lieb als sanctus Paulus spricht ad Co-
rintheos an dem · xiiij · Vnd ob ich nun redette aller engel vnd
menschen zungen · vnd het alle weisheit vnd togenheit on die
liebe so bin ich nichts · Vnd Jeronimus spricht über das Ma-
thei an dem · vij · Herr in deinem namen weiffage wir · vnd in
deinem namen treiben wir aus den teüfel · Vnd habent do mit
vil tugent volbracht · Spricht Jeronimus · Es ist etwen nit
aus dem verdienen dero die also weiffagt vnd krafft tüt · oder
das er die teüfel austreibt · Wann die anruffung des namen
cristi die offft das eintweder zu einer nutzperkeit der selben die
das sehen oder hören · Zu dem andern solt du vor hin wissen
das der nam oder weiffagung in der fürlegung sol genommen
werden tzu einem aus zeigen etwas das über menschliche er-
kantnuß vnd vermügen ist · das in dem liecht über die nature
ertzeigt wirt · Aber ettwas das mag sein über das vermügen
vnser erkantnuß drifaltiglich · eintweder von seiner ferre weg
en · Vnd zu dem ersten haben wir ein ebenpild als die eigen-
schafft sind vnd die teilung · vnd der ausflus der dreier person ·
in der gotheit die ebenpild von dem andern als die heimlichkeit

des hertzen die niemand erkent dann allein got. vnd wem er das kund vñ offenbar macht. j. Zegū. xvj. Der mensch d sicht was offenbar ist. Aber got der schowet in des menschen hertz. Von dem dritten merck ein exempel. Moyses der sagt von der verr wegen der vergangen ding. als von der schöpffung der welt. vnd von den künffigen dingen. Als die andern propheeten die offnung von cristo. dauon geschriben stat Deuteronomij. an dem. xviii. Der herr wirt eüch erkücken ein propheeten. von eüren brüder. vñ den werdent ir hōm als mich. Auch die maß der erkantnuß die etlich nemen von etwen durch die offenbarung das vber die natur ist. als die zwelffboten die schlecht leit vñ vngelert waren. die wurde gar schnell weis vnd gelert. als yn der heilig geist die kunst eingoß. Als auch ettlich lerer die eingossen kunst hettē von got. als sant Bernhart spricht. Zü dem dritten so wiß das in d offenbarung der propheeti geschehen driü ding. von ersten geschicht do die indrung d gleichnuß des dings das geöffnet wirt. Zü dem andern ein erkantnuß der eingetrungen gleichnuß. oder ein gesicht der verstandigen erleuchtung. Zü dem dritten was die gleichnuß be-
deüt ein aus zeigen in d liecht in der natur. Das erst das mag geschehen von d engel. vmb das d gewalt hat vber die kraft der pildnuß vnder der enpfintlichkeit. Das ander das geschicht sunderlich von d heiligen geist. vñ mag auch geschehen ander weid von d engel dienstperlich. Das dritt geschicht für sich dar allein von d heilige geist. vmb das gott allein gewalt hat vber vnser verstandigkeit das er die erleuchte vñ ertzeigte die warheit. als sant Augustin spricht. in libro de vnico magistro. ad idē Job. xxxij. Die eingestung des allmechtige die geit verstandigkeit. Vnd dauon ist not das die verstandigkeit erhebt werde vber sich vñ müg begreiffen das götlich vñ die yetzige ding die ir vermügen vbergon. vñ das wirt vns züerkennen geben Danielis an dem. ij. Got der in d himel ist der geit züerkennen die dogenheit. j. ad Corinthios. ij. Got hat vns das geöffnet durch sein geist. Auch durch forst der geist die tieffe gotes. vnd dauon so mag die weissagung erkantnuß nit gesche-

hen von der natürlichen erkantnuß. sunder allein von der götlichen offenbarung. ij. Pe. j. Mit von des menschen willen wegen wirt etwen geben die weiffagung. sunder mit der eingestung des heilige geists. ¶ Und aus de magstu eigentliche brüsen das die offenbarung geschicht für sich dar mit d krafft des heilige geists. wie wol das etwen von de engel als von de diener geschehe mag. als Danielis an dem. ix. stat. da der engel sprach. Kumb das ich dich lere zuuerston das gesicht. vñ das tet er als ein diener vñ ein bot. aber nit als einer d ym erleuchtet die verstendigheit. vñ des haben wir ein vsach. wann die künfftige geschene ding die habent ein vsach ir erkantnuß in dem ewigen wort. vñ also ist das kein creatur von sein selbs wegen müg etwas kund vnd öffenbar machen. sunder allein dienstperlich öffnet sie das als ein diener mit der lernung gottes. als geschriben stat in prologo super Apocalipsim. das die gantz drifaltigkeit geoffenbart hat Cristo den menschen mitt sollicher maß das sie das volbracht hat. vñ der hat dann das geoffenbart vnd gesagt nit nach menschlicher natur. sunder nach der götlichen. Auch in sollicher maß hat er das de engel gesagt. vnd der engel tet das kund Johanni als ein diener. Furo merck als aus der vor geschribnen sachen kund ist das in der offenbarung soll ein verstendige erkantnuß sein. wann da selbs geschicht die erleuchtung d verstendigheit mit de liechte über die natur. darumb wer das gesicht nit verstünd der hette nit die offenbarung des gesichts. Daruon spricht Daniel an dem. x. Die verstendigheit ist not zu de gesicht. vñ wa ein klerliche verstendigheit ist da ist auch ein höchrer grad der offenbarung. so doch das pfat d weiffagung nit überdruben wirt. Der erst grad des gesichts ist der. wañ etwen ein leiplich ding schowet vñ verstet was das bedeüte. vñ das mag zwifaltiglich beschehen. inwendig mit de gesicht des bedencken. vñ außwendig mit de leiplichen gesicht. Mit de ersten sache Jeremias ein prinnenden hasen. Jeremie am ersten. vñ verstünd dabey das des künigs hör von Babilonia künfftig wär. vnd wurd verpremen den tempel vñ die heilig stat Jerusalem. Mit de an

98 in vnder Jerem.
ollaz sünnerfay

den sach Daniel geschribē an der want. Manatechel phares
 Danielis am.v. vnd dabei verstünd er das dem künig Baltas-
 far genomen wurd sein reich. als an d selben nacht geschach.
 wan mane bedēit das aufflügen die zal. techel bedēit das an-
 hangen. vñ phares die teilung. Der ander grad ist sunderbar
 d ein ding nit sicht vñ verstat doch das ding. als yetz geschri-
 ben ist. Aber nun das etwer ein stim hört die etwas leret vber
 die natur. Also hört Samuel ein stim do der herr mit ym redet
 j. Zegū. iij. Samuel sach niemant vnd hört doch die stim des
 herren die ym zu dreien malen rufft. vñ das ist klerlicher denn
 das vorig. vmb das die stim ist mer aufwendiglicher d war-
 heit dan die figur. Der dritt grad d offenbarung ist. so nit al-
 lein ein stim erhört wirt die da leret vñ vnderweist. sund auch
 die redet person gesehē wirt. vñ das geschicht in dreierlei wei-
 se. darumb das die scheint person ist heilig. als erschien Ony-
as Juda machabeo. ij. Machabeo. iij. xv. vnd erzeigt ym Jere-
miā vnd sprach. Das ist der man d vast bitt für das volck vñ
 vmb die stat Jerusalem. etwen so ist das ein heiliger engel. als
 Lucas spricht am ersten von d engel Gabriel d Zacharie vñ
Marie erschain. Etwen so ist das ein bildnuß die got betzeich-
 net. davon Ysaias an d. vj. spricht. Ich hon den herren sitzen
 sehen auff eine hohen stül. vñ der grad d offenbarung die hal-
 ten sich in söllicher ordnung. das d letst höher ist wen der vor-
 der. vñ die vordere gesicht alle die geschehent etwen im schlaff
 vnd sind dann geheissen offenbarung der treüm. ¶ Was
 aber von den gehalten sei spricht sanctus Thomas. ij. ij. q. xcv
ar. vj. Etwen so geschehent die wachent. so heissent sie dann
 gesicht. vnd das selb ist höher wenn das das in dem schlaff
 geschicht. Der vierd grad ist. wann ein erscheinung einer fi-
 gur oder eines enpfintlichen zeichens begreiffen wirt die ver-
 stentlich warheit von heimlichen dingen mit der götlichen
 vermeldung. als der heilig sant Augustin spricht. libro duode-
 cimo super Genesim. ad litteram. Et hoc est secundum Zich-
hardum super Apocalipsim. Vnd das ist so der menschlich
 geist berürt wirt mit der inniglichen eingestung vnd der mit

mane got

5
 d Manifesta-
 tion sommig

Keinerlei mietung der enpfintlichen figur geistlich erhebt wirt
zū der himelischen beschowng. vñ den grad ist der aller höchst
vnd mit dem ward herr Dauid die heimlich dogenheit gotes
geoffnet. Vt dicit in principio glose super psalteriū. Du solt
auch wissen wie wol etwen die weissagend offenbarung ge-
schicht allein durch die einflussung des liechts. etwen durch
die gestalt die anders von nūwen dingen geordnet sind. so ge-
schicht doch das nymex on das götlich liecht. vñ on das über
die natur ist. wañ das götlich liecht ist das also schicken in d
weissagenden vermeldung damit das gemüt über sich erhebt
wirt in got zū enpfahen die gotheit. vñ das wirt also getzeigt
Ezechielis an dem. ij. Ste auff dem fuß du menschen kind das
ich zū dir rede. Vñ die selb erhebung geschicht mit der beweg-
ung des heilige geists. als er daselbs mer spricht. vnd der geist
der gieng in mich vnd satzt mich auff meinen fuß. vnd wann
das gemüt also erhebt wirt. so wirt dann vernomen die gotz-
heit. Vnd dauon so stat daselbs geschriben. Vnd hört yn re-
den zū mir. doch so verstat das gemüt nymex alle weissagung.
das dem ewigen wort zū geaint ist. Wann mit solicher durch-
leuchtung mag die erst warheit in ir selbs nit erkant werden.
Vnd darumb so erkennen die waren propheten nit allweg
alle ding was got der heilig geist maint in iren Worten werck-
en vnd gesichten. wie wol sie des etwen erkennen. wann sie
sunst nit propheten wären. mit solichē sehen vnd hören. Auch
darumb das man sprechen möcht das die propheten nit bet-
ten verstanden ir weisagung das ein irrsal vnd ein ketzeri ist
Montani des ketzers. **S** Hie bei d materi der offenbarung
werden etlich frage gesetzt. vñ ersten ob die tūfel etwas künf-
tigs erkennen vnd wissen. So merck das sie etliche künffage
ding erkennen. wañ die künffage ding stont in dreierlei vnder-
scheid. etliche die habēt ein geente vsach vñ ein vnbetrigliche
als d planeten lauf vñ die verkörung d sunn vñ des mons. vñ
sölliche ding waist d tūfel wol mit d scherpfte seiner sinn vnd
mit d auffmerckung. Etliche künffage ding habent ein geente
vsach die nit gehindert wer dē. als d regen vñ das ungewitter

Zu dem dritten so sind etliche künfftige ding die nit haben geendet vrsach. vnd die do wöllent als die ding die der wilkürung anhangent oder die geschehen sollen. vnd also mit der ersten vnd andern weise erkennen die teüfel künfftige ding. Als sant Augustin spricht libro. ij. super Genesim. ad litteram. vnd das mit der aus meinung oder andere lere der englischen offenbarung. Die ander frag ob die propheten der teüfel etwen war sagen. So wif das solichs etwen geschicht von yn. als offenbar ist von dem Balaam. Numeri an dem. xxiii. der sprach. Es wirt erscheinen ein stern aus Jacob. vnd wirt er ston ein gert aus Israhel. Vnd auch die Sibilla die hat vil künfftige vnd ware ding gesagt vñ cristo. als Crisostomus spricht vber Matheum. Dem teüfel ist verilhen worden das er etwas war sag. darumb das er sein lüg mit feltzammer warheit lob oder verberg. Davon Beda spricht. Es ist kein falsche ler nit die mit der warheit nit vndermischet sei. Sprechst du dann ob der heilig geist geredet hab durch Balaam vnd Caypham. So wif ia. Aber der heilig geist ist nit in yn gewesen. darumb ist zewissen das etwen der heilig geist redet durch etwer. aber er ret in ym nit darumb das er mit den genaden nit in ym ist. vnd also hat er geret durch Caypham. Etwen redet er in einem vnd redet doch nit durch yn. also wann er inwendiglich etwas dem gemüt ein geüß das er außwendiglich nit ertzeit als herr Dauid spricht. Ich hör was got der herr in mir redet. Zu dem dritten. so ret der heilig geist in etwer vnd redet auch durch yn. als er getün hat in den gütten propheten inwendiglich mit der geistung vñ mit den außwendigen zeichen der warheit die er offenbart. Die dritt frag ist warumb got verheng das des teüfels porpheten warsagen dardurch die einfeltige oft betrogen werden. so wif das geschicht von dreierlei sachen wegen. Von ersten darumb das die warheit gelaublicher vnd darzu auch loblicher werde die von den seinden zeügnuß hat. Zu dem andern so die gütten also sehent der bösen warsagen vnd ir offenbarung der künfftigen ding das sie solich ding nit allweg von got dem herren begern sunder der waren

260m

Comarckens
mittel dya

Zum den Zauber
verer Lage

627

güt. das ist der lieb vnd der gerechten tugent. Zu dem dritten
darumb das die gütten do mit bewärt werden ob sie rechtlich
got lieb haben. vnd das brüfft man so sie in dem dienst gottes
nit law werden. von der boßheit wegen der zauberer vnd treü
me der bösen propheten. Zum fierten. darumb das die predi-
ger do mit betrogen werden von ir boßheit vnd sünd wegen.
do mit sie die betriegnuß verdient habē. als die soliche ding be-
geren. oder hören wöllē gefellige ding. des wir ein exempel ha-
ben. ij. Regū vltimo. von dem künig Achab in Israhel der den
propheten gottes nit gelauben wolt vmb das sie ym weissag-
ten das vbel. vnd volgt nach dem propheten Balaam den er
nit für böß oder falsch schetzte. vnd kam also in die hend seiner
feind. vñ ward von yn getöte. Die fiert frag. wie die weissa-
gung oder offenbarung gotes des heiligen geists müg erkent
werden von der offenbarung der teüfel vnd seines propheten
So wiß man schetzt drii ding. von ersten wem die offenbar-
ung geschicht. zum andern die maß durch wen die geschicht.
zum dritten wie die offenbarung sei. Nun von dem ersten zere-
den so ist zeschetzen die person düfeliglich. anfangs ob die nit
grosse lieb hab. zum andern ob sie sei ein prelat der kirchen od
nit. zu dem dritten ob die person hab ein lautere gewissen vnd
die abscheidung von den mensche. Von dem ersten merck bey
der person die volkumen lieb sei die ein sundere ware vsach ist
des götlichen gesprechs vñ macht das d liebhaben zu nechst
dem lieb gehalten also nahet ob das ges ein möcht das er das
wär das die liebe ist. T Davon spricht Hugo super. vij.
angelice ierarchie. Die liebe übergeit den liebhaber in die lieb-
habung. vnd darumb so die lieb ye neher ist dem liebhaber so
vil ye warhafftiger hübschlicher vnd volkumenlicher thüt er
kunt sein heimlichkeit dem geliebten. Et Richardus dicit libro
de minori contemplatione. Aus der übergrossen lieb gotes kus-
mbt die maß der götlichen offenbarung. vñ Augustinus li. viij
de tri. spricht. So wir ye behend got lieb habē als vil schier vñ
leüterlicher sech wir yn. vñ des habē wir mengerlei vsach. vñ
ersten vñ das die inbrünstik eit d liebe stilet die vngestümik eit

des flaischliche gelust in dē vntzūchtige. Zum andern so macht die lieb das der liebhaber fleissigliche fragt vmb den stand des geliebten. Die drit sach. wann die lieb ist ein kosten & aus vernehmung des liebhabers. darumb so wirt völig erkant die liebhabung durch die starcken liebe. wann ein ding wirt mer erkant. so das mit einader geschehen vñ versucht wirt. dan das allein ersehen wirt. Die vierd sach ist wann allein so die hitz wechset so entspringt herfür das durchflamet liecht. also so die lieb brinnen wirt so entspringt der schein & weisheit vnd & verstendigkeit do mit die sel geröst vñ geprent wirt. als das glüent eisen. Die fünfft sach. wann die lieb gottes die verdient lauterlich recht. als sund die lieb von dē liebhaber. das ist die lieb schickt ir küntschaft in got in aller ordnung. Aber sprechstu. seid die vokumen lieb ist ein sundere vsach & götlichen offenbarung. wie mag man aber erkennen das einer ein soliche lieb hab. Davon stat geschribē Ecclesiastes an dē. ix. Niemand wais werdes hab oder & liebe gots wirdig ist. Wis das niemant sicher mag gewissen nach & menscheit mit einer besundern offenbarung ob er sei in & liebe. aber wol mit versehenlichkeit. oder mit besundern zeichē die etwen gebē sind von dē andern so merck bey & person der die offenbarung geschicht so man zweifelt an seinem gesicht ob das sei von einē güten geist. Auch sol man sehe was stands er hab in & kirchen. ob er ein prelat. ein künig. ein fürst. vogt. oder mit erlaubung & kirchen. ein leter. ein prediger von den mer gehalten ist weñ von den schlechten vñ einfeltigen vñ des ein vsach das aller gewalt ist von got dē herren ad Romanos. xiiij. darumb das Cayphas ein bischof was des selbē iars. spricht Johannes an dē. xj. weiffagt er wann gar zimlich was das cristus solt sterbē. wie wol Cayphas böß was. also sach auch Nabuchodonosor Danielis am. ij. ein traum eins künffigen zeichen. vñ Genesis am. xli. sach künig Pharaon ein traum der bedeuten was künffige ding. vnd dauon sprechen die Philosophi das die traum der künig vnd der richter den die sorg einer gantzen gemain enpfolchen sei die bedeuten mer vñ sind auch bas zu behalten. nit von irs güten

Handwritten notes:
 Die lieb ist ein
 kosten & aus vernehmung
 des liebhabers
 darumb so wirt völig erkant
 die liebhabung durch die
 starcken liebe
 wann ein ding wirt mer erkant
 so das mit einader geschehen
 vñ versucht wirt
 dan das allein ersehen wirt
 Die vierd sach ist wann
 allein so die hitz wechset
 so entspringt herfür das
 durchflamet liecht
 also so die lieb brinnen
 wirt so entspringt der
 schein & weisheit vnd &
 verstendigkeit do mit die
 sel geröst vñ geprent wirt
 als das glüent eisen
 Die fünfft sach
 wann die lieb gottes die
 verdient lauterlich recht
 als sund die lieb von dē
 liebhaber
 das ist die lieb schickt
 ir küntschaft in got in
 aller ordnung
 Aber sprechstu
 seid die vokumen lieb
 ist ein sundere vsach &
 götlichen offenbarung
 wie mag man aber
 erkennen das einer ein
 soliche lieb hab
 Davon stat geschribē
 Ecclesiastes an dē. ix.
 Niemand wais werdes
 hab oder & liebe gots
 wirdig ist
 Wis das niemant
 sicher mag gewissen
 nach & menscheit mit
 einer besundern
 offenbarung ob er sei
 in & liebe
 aber wol mit
 versehenlichkeit
 oder mit besundern
 zeichē die etwen
 gebē sind von dē
 andern so merck bey
 & person der die
 offenbarung geschicht
 so man zweifelt an
 seinem gesicht ob das
 sei von einē güten
 geist
 Auch sol man sehe
 was stands er hab
 in & kirchen
 ob er ein prelat
 ein künig
 ein fürst
 vogt
 oder mit erlaubung
 & kirchen
 ein leter
 ein prediger
 von den mer
 gehalten ist weñ
 von den schlechten
 vñ einfeltigen
 vñ des ein vsach
 das aller gewalt
 ist von got dē
 herren
 ad Romanos. xiiij.
 darumb das
 Cayphas ein
 bischof was
 des selbē iars
 spricht Johannes
 an dē. xj.
 weiffagt er
 wann gar zimlich
 was das cristus
 solt sterbē
 wie wol
 Cayphas böß
 was
 also sach auch
 Nabuchodonosor
 Danielis am. ij.
 ein traum
 eins künffigen
 zeichen
 vñ Genesis
 am. xli.
 sach künig
 Pharaon
 ein traum
 der bedeuten
 was künffige
 ding
 vnd dauon
 sprechen die
 Philosophi
 das die traum
 der künig
 vnd der
 richter den die
 sorg einer
 gantzen
 gemain
 enpfolchen
 sei die
 bedeuten
 mer vñ
 sind auch
 bas zu
 behalten
 nit von
 irs güten

verdienes wegen. Sunder von 8 güt wegen einer gantzen ge-
main. den got will zu staten kumen mit seiner fürsichtigkeit vñ
mit seiner lere. vmb das so will er den mensche leren durch den
menschen. vnd des zu einem zeichen sant got dem latro zu dem
Moyse. Exodi. an dem xviii. den er wol selb het mügen leren
vñ sant Peter sant er zu Cornelio. Actuu an dem. x. den er wol
durch ein engel gelet hette war es sein will gewesen. vñ sant
Pauls sant er zu Anaya. Actuu an. ix. vñ doch lernt sant Pau-
lus das ewangeli mit vñ ein mensche sunder mit offenbarung
gottes ward er des vnderweist. ad Gallathas. j. Sant Pauls
wolt dar pringen sein ewangeli mit den zwelfboten das er nit
lar lieff noch geloffen war. Sat geschribē ad Gallatas. ij. Ist
aber das die ein besunder person ist vnd hat kein mercklichen
stand in 8 kirchen gots. So sol man dabei drii ding vermerck-
en. von erst ob die person vnder 8 gehorsame eines bescheiden
alten man vñ der tugenth afftig sei. vñ das er treffig sei in der
geistlichen lere vñ dem er aus diemütigkeit sag die sichtigung
oder offenbarung. vñ der sich in solichē sachen nichts bekümer
oder rüme. sund das er sich des mer verlütz den überheb. Vnd
das vorpild list man in de leben 8 altuätter. Zum andern mal
sol man sehen ob die person sei ein güter crist vñ recht glaub.
vñ gehorsam sei den prelaten 8 kirchen. Zum dritē ob die per-
son hab ein güte gesunde verstendigkeit. vñ das vrtail 8 rechtē
vernunfft vñ nit fantesigig sei. Vñ nun welich also geschickt
sind vñ den ein offenbarung von got geschicht. so ist von den
selben personen zehaltē solliche offenbarung. aber noch ist nit
vast not die zu glauben er betzeüge dan das mit war vñ ge-
rechten zeichen. Zu dem driten sol man sehen bei den personen
ob ichts zweifelhaffigs an irē sage sei ob sie von aller vppig-
keit der welt abgescheiden seien vnd nit begere reichumb er-
wirdigkeit vnd des fleischlichē gelust vnd ob sie nit liebhaben
zu den selen das die wol gereguliert seien. Auch ob die nit et-
wen entzückt werde vnd von leiplicher arbeit laß vnd der na-
türlichen sinne nit enpfinden. als eines das entzückt wirt vnd
von ym selber kumbt. Vnd ob das ist das der mensch solliche

ding an ym nit hat so ist ym nit leicht zeglauβē das 8 den geist gottes hab. wan der geist des lebens 8 flucht die trügnuß des flaischs vn̄ tüt nit gnad in 8 vnstümigkeit. V Nun zereden von dē andern 8 vordern außteilung das ist von 8 maß do mit die offenbarung vn̄ die heimlichen gesicht ertzeigt wer dē. so merck ob das geschäch mit 8 ersten maß oder mit 8 andern. der dritten der fierten als ob stat. vn̄ ist das got mit 8 person redet in welicher maß das wäre do ist nach zefragen. wann got redet mit den menschen in mengerlei weis. Vnd wiß sunder in fierlei weise. vn̄ des zū einer verstendikeit. recht als ein mensch zū dē andern redet wan es ym offnet was sein gemüt empfangen hat. also redet got mit dē mensche. wan der mensch macht das dē anderen menschen kunt. mit worten. mit botschafft. mit schreiben. oder mit zeigen. auch etwen vil mit einē werck. vn̄ also so gange wir von dē letsten vntz zū dem ersten. Got der rett zū vns von ersten mit seinen wercken. als mit zeichen. vnd mit wincken. vn̄ mit den wercken seiner hand. Zum andern durch die heiligen geschriff. recht als ob er vns verschrib vnd b̄reffsante. Zum dritten durch sein zwelffboten. propheten. vn̄ lerer 8 heiligen kirchen. als ob er boten zū vns sante. Zum fierten. mit sein worten inwendiglich vn̄ außwendig wie er will. Außwendiglich macht er offenbar sein stim den leiplichen oren des menschen. vnd das hat er etwen getün in einer gestalt do mit er sich ertzeigt hat den leipliche augen des mensche. als er nach seiner vstend getün hat. Etwen so ist allein nun die stimme gotz erhört worden vn̄ ward doch i keiner erscheinung 8 bild nuß gesehe. als sant Pauls geschäch in seiner bekdrung. Actū an dem. ix. Sie horten wol ein stim aber sie sahen niemant. Inwendiglich so wirt ein soliche stim zwifaltiglich erhört mit dē gesicht der bedenkung. vn̄ etwen allein in 8 verstendikeit. also wann got zū der sel redet mit einer vnuerschetzliche maß so die warheit für sich dar von got geoffnet wirt vnd hie durch die sele. also on wort vnd sprüch der geschriff geleert wirt. die selben fierlei weis der red findet man an mengen orten in der geschriff. Als sanctus Augustinus libro. xvj. de ciuitate dei. c. vi.


spricht. Die selb warheit redet durch sich selbst mit vnuer schetz
lichkeit zu der vnuer nünfftige creatur. Oder er redet zu vnserm
geist mit geistlicher bildnuß on die leiplich stimm. vnd dauon
sind in der weise die sehenden in d besichtigung versichert das
sie nit mügent betrogen werden. von ersten wann der sehend
empfindet den einfluß des liechts über die natur der verstendig
en warheit. aus dem selben liecht das ym ein gegossen ist be
greiffet er die waren red was er gesehen vnd gehört hat. vnd
wan sein verstendige empfindung durchleücht ist do mit sich
aufftüt zuuerston die warheit. vñ das mag nit geschehen von
dem teüfel den die verstendigkeit nit durchleüchten mag. Zu
dem andern wann die sel empfindet zu der zeit des gesichts oder
offenbarung das sie gantz durch flamirt ist der götliche liebe
Zu dem dritten ob die sel nach der offnung erfüllt werd mit vn
betrechtlicher süffigkeit vnd das die truncken wirt mit dem ge
schmack der innige süffigkeit. vnd wo also dise driu ding in der
sel sind so wirt sie nit betrogen dan der teüfel dero keins geben
mag. Also sind auch die propheten vnderweist gewesen von
dem heiligen geist von de sie in der offenbarung gesichert sind.
Darumb spricht Jeremias. In der warheit hat mich der herr
gesant das ich sol reden alle wort in eüwer oren. Jeremie. xxvj.
Aber do sol man gar weisiglich mercken was d heilig geist vñ
vnser geist redet in vns. vmb das der propheten gemüt das in
wendig vnderweist wie wol das dennocht offt in zweifel kum
mbt. als ob geschäch mit dem geist gottes oder durch sein eige
geist. vnd darumb schöpft offt eins ein ding aus seiner versten
digkeit vñ maint es geschech mit vnderweisung gots oder mit
inwendiger rede gottes. als Nathan der prophet sprach zu de
David der ein fürsatz het zebawen got ein tempel. Was du in
deinem hertzen hast das tü dann der herr ist mit dir. ij. Ze. xvij
vnd gedacht wie er das sprach aus der götlichen eingestung
vnd was doch nit also. vñ das ist kund vmb das der herr dar
nach sprach zu dem propheten Nathan. Gang vnd sag dem
David das er mir kein tempel baw. als do selbs geschribē stat
X Aus dem mag man gar wol vernemen wie gar hart zu er

Kennen ist den waren geist der weiffagung. vnd ist auch gar
 schedlich dem der die offenbarung hat. wann es muß ye sein
 das sich der mensch vast besorg vor dem geist der betriegnuß.
 oder vor seiner natürlichen vnderweisung. das er gedechte er
 hette das von dem götlichen geist. vnd nit etwas schöpff aus
 seinem eigem sinn. darumb so was die erwidig frau Doro-
 thea von Mexan worden ein Kleüßnerin. die was offt gar fleiß
 sig das ir in der offenbarung des heiligen geists nichts vnder-
 mischt wurd von irem geist. die von irer beichtuatter nach ir
 lere durchforst ward. vnd allweg gelaubig vnd vernünfftig
 von ym erfunden. Nun von dem dritten zeschreiben. von der
 wietänigkeit der offenbarung. so wiß das die geoffenbarten
 ding gleich heilig sind dem glauben vnd der heiligen geschriffte
 vnd das also was geoffenbart ist es sei züglauben oder zütun
 darumb die menschen aus der grosse barmhertzigkeit gottes
 gefürt in die verstendigkeit vñ in die erkantnuß was züglaub-
 ben vnd zütun sei. vnd nach dem das irem heil fügsam ist. also
 ob ir verstentnuß mit der offenbarung erleucht werd. oder ob
 der mensch in dem zweifel wiß was zütun oder zulassen ist zü
 dem sichersten geschickt. oder das er sunder gestrafft werde vñ
 beköze sich. so ist dan zübekennen das die offenbarung gesunt
 vnd vnerdorben ist. Zü dem andern sol man sehen ob die of-
 fenbarung bring das künfftig lob des menschen weltlichen
 rechten oder exe. als erhebung zü den eren oder ob die bring vn-
 züchtig sitten. oder das sich der mensch des öbernem vnd sein-
 em eigen verdienen zünil vertraw vnd dardurch hoffart ent-
 pfach. Zü dem dritten. ob die gesicht vnd offenbarung den
 menschen nit bring zü diemütigkeit oder zü getrüwer gehor-
 same seinem obern. als ob von söllichem gesicht an ym nit wi-
 derspenigkeit erwachse. oder ichts volbring das wider die ver-
 nunfft oder heiligen geschriffte wäre vmb das alles söllich ge-
 sicht vnd offenbarung züuerschmähen wäre. Mathei. viij. Bei-
 den fruchten erkennen ir sie. Zü dem fierten. so sol man sehen
 ob das gesicht war sei vnd nit erlogen. wann der heilig geist
 ist allweg ein offenbarer der warheit vnd nymet der falscheit
 m j

89. Blatt
 Künst
 .3. bis zu
 mit
 Buchhandl.
 Einhandl.
 in Duss. Ludwig
 3. Blatt
 Künst

darum ob etwas falsch geoffenbart wirt. so ist es nit von dem heiligen geist vñ für sich dar wenn dan die selb person ein and ding geoffnet wirt. so macht yn das verdecktlich. vnd sunder ob er das recht verstände das er für falsch begriffen hat. als geschribē stat. Deutromij am. xvij. Ist das du mit den gedēcken anfahest so wirt dir mit schweigen geantwort. Sprichst wie mag ich das fürwar erkennen das got nit geredet hat. so hastu des ein zeichen was der prophet in dem namen des herren geret hat vnd hat sich also nit erfunden das got das nit redet Aus solichen sache magstu fleissiglich mercken vñ ein teilung mache zwischen der offenbarung des heilige geists vnd zwischen den der bösen geist. vñ wer von der materi vnderweist will werden der sech das an was sanctus Thomas setz. ij. ij. q. clxxj. et sequentibus quibusdam. et doctores circa distinctionē li. ij. sen. zē. et legat tractatū hunc compilationē annexū de probatione spirituum. Bei dem achten artickel werdent sunderlich fünff irrsal außgereüt. Der erst ist der Kirchen. als die sprechent der heilig geist kumb von dem vatter vnd nit von dem sun. Der ander der macedonianorū. die verlögnent das der heilig geist nit got sei. sonder ein diener des vatters vnd des suns. des irrsals was Macedonius ein ursach. Der drit der Origanianorū die sprechent das der heilig geist nit gesehen möcht got den sun. wider das ist sant Pauls. i. ad Corinth. ij. vnd spricht. Der geist der durch forst alle ding vñ darzu die tieffe gotes. Der vierd der ist Pelagian der sprach das der mensch für sich dar mit seiner freien willen on die gnad des heiligen geists möcht erfüllen die gebot gottes. Huius opinioni dictum ē supra. et habet manifestius di. viij. libro sen. Vñ daselbs wirt gesetzt der fünfft irrsal der da spricht das vns gebē werd die gnad des heilige geists damit wir von den sünden erlöst werdē. nach dem vorigē verdienen des irrsals falscheit brüfe wir aus den vorgemelten sachen die achtendē artickel.

Den neunden Artickel setzt vns sanctus Matheus vñ spricht.





Anteam ecclesiam Catholicam. Diſer
nünden artickel hebt ſant Matheus all
ſo an. Die heilige Chriſtenlichen Kirchen.
A Hie wiß das nit züſprechen iſt. ich
glaub in die Chriſtenlich Kirchen. wann
züglauben in ein ding das iſt des glanz
bens vñ der liebe der von ſein ſelbs we
gen achtung hat zügon in das ſelb vñ
iſt nit zütun vmb das der dienſt vñ die liebe die allein got zü
gehört keiner creatur erboten werde. Nun iſt die Kirch ein cre
atur vmb das ſie ein beſammüg aller glaubigen iſt in den gna
den die gñdsamig macht. der ſel Chriſtus ein haupt iſt nach d
menſcheit. als ſant pauls ſpricht ad Ephesios. v. Der man iſt
ein haupt des weibs. ſo iſt Chriſtus ein haupt der Kirchen. dar
umb ſo glaubē wir nit in dy heilig Chriſtenlich Erichen. Nun zü
einer verſtendigk eit. ich glaub in den heiligen geiſt der die hei
lig Chriſtenlich Kirch heilig macht. aber wir glauben wol das
die heilig Kirch ſei heilig vñ Chriſtenlich. Hie ſoll man vermerck
en dñü ding die in dem artickel vermerck̄t werden. das iſt die ei
nigk eit. die würdigk eit. vñ die stetigk eit der Kirchen. Nun wirt
gemeldet die einigk eit in dē namen d̄ geheiffen iſt Kirchen. Die
würdigk eit in dē ſo man ſpricht Chriſtenlich. Die stetigk eit in dē
der do heiſt heilig. Zü ſchreiben von dē erſten das die Kirch iſt
einig. wann die gruntfeſt hat ein haupt. ein glaubē ein tauff.
ein leib. ein geiſt d̄ lebendig macht. Von der gruntfeſt ſtat ge
ſchribē. j. ad Corintheos. iij. Niemand mag kein andere grunt
feſt ſetzen on die die geſetzt hat ihesus chriſtus. Von dē haupt
das chriſtus iſt. ſtat geſchriben ad Colocenſ. j. Er iſt ein haupt
des leichnams d̄ Kirchen. ad Ephesios. v. er iſt ein haupt über
die gantzen Kirch. Das aber der glaubē ſei einer das iſt kund
aus dē wann aller meniglich die chriſto ſind fürkomen vñ alle
die ym ſind nachkomen die habent all ein glaubē gehebt vñ
werdent auch ein glaubē haben. Spricht d̄ maiſter di. xxxv. li.
ij. ſen. Wann die do habent Chriſtū fürkomen der habent etlich
gelaubt was künffig was. als wir yetzo glaubent was ge ge

würtig ist. vnd das also. sie habent gelaubt auferlich oder inn
 erlich das gottes sun solt mensch werden vñ solt leiden vñ ster
 ben begraben werden von dē tod erston gen himel farn. vnd d
 ding die wir nun glaubē geschē alle yetz gemelte ding. B
 Vnd dauon so wiß das die Kirch angefangē hat mer an dem
 Abel dem gerechten weñ an Adam. vmb das Abel ist gewesen
 der erst mensch der gerecht was mit d gestrackten gerechtig
 keit vñ nit mit einer zerrütten. vñ was ein gerechte iungkfrau
 vñ ein martirer. Dauon stat von ym geschribē Mathei an dem
 xxij. also. Das über eüch kumbt aller d gerechten plüt das
 vergossen ist auff dē ertrich von dem plüt Abel des gerechten
 vntz auf das plüt Zacharie des suns Barachie d getöt ward
 zwischen dē tempel vñ altar. Auch ist der Kirchen nun ein tauff
 da mit alle menschen in diser welt geboren geistlich werden. so
 sie stat haben. die müßent anderwaid wider geboren werden.
 durch dē tauff geistlichen. wañ der tauff ist ein tür aller sacra
 ment darumb on das kein anders nit züempfaben ist. Auch ist
 der Kirchen ein liebe nach der gestalt recht als die gnad ist die
 gnadsamig macht da mit alle die in d Kirchen sind durch den
 heiligen geist lebendig werden zü dienen einē waren got vnd
 herren. als Actuñ an dem. iij. stat. Es was ein hertz vñ ein sele
 aller glaubigen. zübedeutung aller glaubigen einigkeit vnd zü
 der behaltung d einigkeit warent gar fleissig die glaubige. all
 so sollen wir vns noch heüt der selben einigkeit fleissen. als sant
 Pauls spricht ad Ephesios. iij. Ich bit eüch das ir wirdigk
 lichen gangent vñ fleissigliche behaltent die einigkeit des gei
 stes. das ist die einigkeit d Kirchen die d geist macht d ein Kno
 pff ist der liebe. vñ do selb in dē band des freids ein leib vnd ein
 geist. das ist das ir seient ein geistlich leib cristi. wañ der heilig
 geist wont in eüch. vñ spricht mer. als ir gerüfft sind in ein ge
 rüffte hoffnung. das ist souil. ir sind gefordert zü einē hoffen
 den ding das ist zü einē got d ein lon ist aller meniglich. Gene
 sis. xv. Ich bin dē übergrosser lon. ein herr. ein glaub. ein tauff
 Es ist nun ein herr. Mathei. vj. Niemand mag zweien herren
 gedienen. Zacharie. ix. In dem selben tag wirt nun ein herr

sein vñ einig ist sein nam. ein glaub damit die glaubigen glau-
ben die artickel die do sind von 8 gottheit oder von 8 menscheit
wann es ist nun einer das ist got vnd mensch cristus der herr.
Deutromij. vj. Got dein herr 8 ist einer. C Ein tauff 8
ist fierfaltig einig geheissen. Von ersten von 8 einigkeit wege
8 materi. Johanniis. iij. Nun wir werdent dan anderweid ge-
taufft mit de wasser vnd mit de heilige geist sunst gen wir nit
in den himel. Zu de andern von 8 einigkeit wegen der form do
mit man taufft. Mathei vltio. Tauffent sie in dem namen des
vatters vñ des suns vñ des heilige geists. Zu dem dritten von
einigkeit wegen 8 krafft. das ist cristi die inwendiglich taufft
Johannis. j. Hie ist der do taufft. der mensch taufft nun allein
aus dienstperkeit. Zu dem fierten von 8 einigkeit wegen des
ends. Marci vltimo. Wer getaufft wirt vñ glaubt 8 wirt heil
wertig Vñ also ist auch nun ein kirch. auserhalb 8 selben nie-
mant heilwertig mag werden. Ut dicat extra de fide. c. firmiter
credimus. Darumb so ist gar schedlich das etwer auserhalb
der kirchen ist. Aber wif das etwen eins von der kirchen abge-
schniten wirt. von totsünd. von ketzeri. oder von des banns
wegen. vnd wer in sollichen dingen sturbe der soll nit bey den
glaubigen begraben werden. noch für yn nit bitten mit kein-
erlei opffer. Nun zuschreiben von dem andern das ist von der
würdigkeit der kirchen die billich züwürdig ist. vmb das die
von cristo vnd den zwelffboten vnd iren nachkomen gepaw-
en vnd gewürdiget ist. Marci vltimo. GOND aus in alle welt
vnd predigent das ewangelium aller creature. Zu dem an-
dern mal so hat die kirch gedrücke gelaubige gebott. wa die
der mensch behalt so wirt er hellwertig. Mathei an dem. xix.
Willt du eingon in das ewig leben so behalt die gebot gottes
Zu dem dritten so hat die kirch die ertznei allen menschen zü
heil das sind die siben sacrament do mit sie allen menschen die
krankheit irer selen geheilen mag. als der tauff. vnd die firm-
ung. auch der zart fronleichnam vnser herren Ihesu Cristi.
des allmechtigen. die büß. die ordnung der priester-schafft. die
Eunt-schafft. vnd die heilig slung. vnd die selben sind götlich

auff gesetzt vmb das die gebē vñ geraicht wurde. als die ertz
 nei in d̄ bedeckung enpfintlicher ding die die götlich krafft do
 genlich würckt. also das die selbē sacramēt mit sollicher gleich
 nuß aus zeigē was sie mit der auffsetzung bedeuten aus ir heil
 ligkeit gebē sie die geistlich gnad damit d̄ mensch geheilt wirt
 von d̄ krankheit der sund. vñ darzü sind sie sunderlich geordnet
 als zū d̄ letzten end. Auch frumet sie zū d̄ diemütigkeit zeleren
 vñ zū vben. wan die heilsam gnad wirt mit gebē den hoffarti
 gen den ungelaubigē vnd den vppigē. vnd daruñ so die sacra
 ment enpfangē werdent so wirt diemütiglich aufgetribē die
 hoffart von d̄ ernstlichkeit. vñ der mēsch wirt vnderichtet was
 die bedeuten vñ hiemit hindan genomen die vnwissenheit vñ
 dem gewalt der vernunfft vñ wirt auch vertribē die tragheit.
 von d̄ macht d̄ begirlichkeit. damit die sel gantz heilwertig mit
 den gnaden des heiligē geists in den sacramenten gegebenē wirt.
 vñ auch allso d̄ mensch nach den dreien gewälten d̄ sel zū der
 bildnuß d̄ heiligē trinitet geformiert wirt. Zum vierden so ver
 diebt in der kirchē keiner. noch yemat wirt daruñ verdampft.
Her wideruñ so wirt aufferhalb d̄ kirch niemand geheilt. das
 antzeigt vns wol die figur d̄ archanoe. wer darinne was der
 beleib heilwertig vnd die aufferhalb waren verdurben in dem
 wasser. Zum fünfften. so ist sie gemain vñ güt. wan das güt
 spricht Phs. j. Eth. so das ye gemeiner ist. ye köstlicher ye bess
 er ist daselb güt. Die gemeinschaft d̄ kirchen die wirt da
 bei geprüfft das sie die ausspreit zū allen gestaltē der menschē
 vñ zū allen stetē. spricht sant Pauls ad Ro. j. Erw glaub wirt
 verkündt in aller welt. Malach. j. An allen steten so wirt geopff
 fert in einē namen das rein würdig opffer. vñ auch nach dem
 wan in alle welt ist aus gegangē ir gedōn. vñ zū allen zeiten.
 wan alle glaubigē die gewesen sind von d̄ ersten gerechten
 menschē Abel. vñ die biß auf das end d̄ welt beleibent die helt
 die kirch all auff. zū aller gestalt das ist zū weiben vñ zū man
 nen. daruñ ward vor langer zeit gesprochē. got d̄ was erkant
in iudea. vñ auch ward das gesetz d̄ beschneidung allein gebē
 d̄ geslecht oder d̄ manlichē gestalt. als die von Abrahā geborn

wurden. Aber das gesez d̄ neuen ee das ist gebē worden allen
geslechten die got f̄chten. Actuū. x. vñ das gesez d̄ tauiff ist
gemain den weiben als den mannē. spricht sant Pauls ad Co
locenses. Es ist weder d̄ iud noch d̄ Kriech. der aige noch d̄ frei
noch das kneblin für das medlin nit auß genomen. wañ wir
all ainer seien in xpo ihu vnserm herren. spricht sant Pauls ad
Gallat. iij. Noch mer ist offenbar vñ kund die gemeinschafft
vñ würdigkeit d̄ Kirchen mit dē das sie verstrickt die drei stend
der glaubigē. das ist d̄ s̄ghastigē kirchē darinn all heiligē dort
in den himeln vñ den stand der ritterliche kirchen die noch hie
pflegent der ritterschafft darinn noch all lebendig sind. hie im
t̄tlichen flaisch zū fechten wiß das verderbē der feind. vñ den
stand aller d̄ selen die noch in dē fegfeur sind. v̄ den man sich
er ist das sie k̄men zū ewiger glori. Nun merck ein yeglicher
wer das gemerckē mag das vñd got nichs würdigers ist wañ
die gemain kirchen die xps auff helt. nach dē vñd er ir haupt
ist. vñ die aller seligst iunckfraw Maria. vñ gemeinglich all
heiligē die vergangē gegenwertigen vñ k̄nffigē. Nun
zeschreibē von dē dritten teil des artickels d̄ ersten anlegung.
das ist von d̄ sterck̄ od̄ stetikeit d̄ kirchen. so wiß das das reich
d̄ kirchen gar stark̄ ist. durch das sie nit gekrenck̄t noch vñd
truckt wurd̄ v̄ den aller gr̄osten w̄trich. v̄ Nero. Diocleci
ano. Juliano die so grimiglich habē bestriten vñ angesochten
die kirchen die vndertruck̄en vñ aus zureuten vermainten vñ
vermochtē doch das nit. dan̄ ye mer sie d̄ glaubigē verderbtē
vñ marterten ye mer ir ward. als die kind̄ v̄ Israhel die d̄ k̄nig
Pharo besw̄rt vñ k̄mert ye mer ir wurdē. Exodi. j. wañ
sant Peters schiff lin das senck̄t sich wol doch extrinck̄t es nit
das hat xps der herr selbs geret. Luce. xxij. Petre für dich hab
ich gebeten das dein glaub nit abnem. das ist die kirch. vñ als
du etwen bist bek̄ort worden also sterck̄ dein pr̄uder. vñd vmb
das so die kirch ye mer an gesochten ward v̄ den ketzern. ye
mer sie ward durch leucht mit hochwürdigē lehren die sie be
hielt vor den grimigē vñd erleucht wurdē ir irsal. vñ die war
heit d̄ kirchē erklet vñ mer bestat den̄ vor ye. Auch so die t̄ufer

ye mer die kirchē das ist die glaubigē ansacht so die ye lüttere
 vñ klerer bewert ward. als das gold im feur. Aber wie wol et
 lich ketzer d kirchen etwē ein zeit auff hört widertrang zūtūn
 so ist doch laid der som vñ der ketzer bosheit yetz mer so vil als
 die kirch ye gehabt hat. vñ sund mit offenbar betriebruß vñ
 ansechtung. als von den hussen vñ ir heimliche anhangen. die
 all am iungsten tag geoffent vñ geschent werde. wellicher nit
 darū büß würckt. als sant Bernhart spricht in ser. xxxiiij. su-
 per can. et super psal. Qui hitat **F** Es sind hier vsuchung d
kirchē. Die erst hat sie gelitē von dē wütrichen zū d zeit d mar
trer. da ein yeglich gedacht zūtōtē die cristē ein dinst got dar
an zūtūn. Johan. xv. vñ die selb achtung hat überwundē die
kirch mit dē glaubē vñ der gedult. in d selben vsuchūg nam die
kirch fast auf. Die and ansechtūg was zū d zeit d lere. die selb
ketzer ei ward überwundē durch die geschrifft vñ mit d weis-
heit. Die drit leit sie vō den hauf genossen vñ yetzund vō den
falschen cristē vnd vnd den nimbt leider die kirch mer ab dan
auff. als sant Bernhart spricht vbi supra. ob ein offenbar ket
zer auff stünd. so lieb sie das liecht danor das er dorret vñ ver
durb. od ob sich erhüb ein frefenlich feind so vberg sie sich lei-
cht vor dē. aber wen vdirbt sie yetzo. sie sind all freünd vñ all
feind. all noturffig vñ wid die predig all haufgnosen vñ kei
fridsamig. sie sind all nechst. vñ ein yeglich sucht was sein ist.
sie nenent sich diener gotz vñ dienen dē anticrist. vñ darnach
spricht der selb. etwen ward das gesprochen vñ ist nun erfult
wordē. nement war in dē frid ist mein bitterste bitterkeit was
bitter sei in der pein d martre noch vil bitre in dē getzantē der
ketzer. aber aller bitterst nun in den siten d hauf genossen. wan
die kirch mag die selbigē nit gefliehen noch vtzage. also habē
sie zūgelet vñ gemert vber all maß. so vnheilsamig ist d slag d
kirchen. vñ daud spricht sie in dē frid ist mei bitterkeit aller bit-
terst. aber in welichē frid vñ doch nit ein frid heist. sie hat frid
vō den heidē. dē ketzern vñ kein vō irē eigē kindē. darū die kirch
sich wol beklage mag. ich hon sie ernext fur meine eigne kind
aber sie hond mich vsmecht vñ vermalget mit was vmalgūg

mit dē schōden gewin mit schōder narung vñ mit schōder
kauffmanschaft. Die siēd versūchung wirt sie habē in d let-
sten zeit durch den anticrist vñ von den sein mit solicher betrie-
gnuß das die erwelten bewegt werdē aber in d selben versūch-
ung wirt fast auff nemen die kirch. Spricht sant Bernhart.
so wirt dan war die weissagūg Ysaie vñ die zal der kind von
Israhel. als das griē in d mōz. So werdēt doch die ūberigē
heilwertig. spricht sant Pauls ad Ro. x. vñ die selb versūchūg
wirt ūberwindē die kirch mit d mehtait xpi der den anticrist
wirt tōten mit dē geist seins munts. ij. ad Thes. ij. Aus dē allen
mag man brūfen die fest stātlichkeit der kirchē der reich ewiglich
beleibt. als Daniel spricht am. vij. Das reich die macht d ge-
walt der vñd allen himel ist wirt gegeben dē heilige volck. des
zū einē zeichen werdēt dē hōchsten all künig ewiglich dienen
vñ gehorsam sein. Auch spricht Daniel am. ij. Zū den selbē ta-
gē wirt got erkūcken das reich das nymer ergat. vñ sein reich
wirt keinē andern nit geben. dasselb reich verprent die andern
all vñ es bestat ewiglich. Nach dē als du gesehē hast das der
stain abgeschnitē was von dē perg on all hēnd das was xps
d geborn ist von d iunckfrawē on allen manlichē somen vñ er
brach den tāst das eisen die erinspeis das silber vñd das gold.
von dē selbē stat geschribē. der selb stain ward ein grosser perg
vñ erfūlt das gantz ertrich. das mag man von xpo vñd seiner
kirchē auflegē nach dē sinn d geschriff. mit nach dē text. Aus d
materi des articckels mūgē wir erkenē fünff irrsal zūerreiben
Der erst ist wan aufferhalb d kirchen mag niemant heilwertig
werden. aus dē brūff den irrsal d die da sprechē das ein yeg-
licher in seinē glauben mūg heilwertig werdē. Zūm andern so
wiſ das die sinagog d inden nit ist die kirch. Zūm dritten so
erken aus dē das die kirch d bösen nit ist die heilig kirch. Zūm
siētē das die besammung d ketzer nit ist die heilig kirch. Zūm
fünfften das wed die krieckē noch die sarraceni sind in d heil-
lige kirchē. aber sie sind von d selbē abgeschnitē von vngeloz-
samkeit wegē irs vnglaubens. Also hat d articckel ein end.

Den zehenden Articckel setzt Symon. Cananeus vñ spricht.





Anctorū communionē remissionē peccatorū. Diesen zehenden articel schreibt vns sant Symon Cananeus 8 heilig; welffbot vñ spricht. Gemainschafft 8 heiligen. vergebung 8 sünd. A Die gemainschafft 8 heiligen ist ein besamnung der geistliche gut das die heilige gesücht habent 8 selben geistliche gut sich ein yeglicher teil afftig macht der in 8 Kirchen ist mit der zal vñ mit dem verdienen als vil sich der begriffenlich macht. mit hilff 8 götlichen gnad das ym mit geteilt wirt das verdienen cristi vñ der heiligen im himel vñ auff erden zu 8 blossen notturfftigkeit. des yetzigen zübegreifen gehörent zu dem mindesten drü ding zü. das ist 8 glaub. die gehorsam. vnd die liebe.

Wer teilhafftig will werden 8 gemainschafft der heilige der soll getrewlich glauben. diemütiglich gehorsam sein. vñ warhafftiglich liebhaben. wer den glauben zerbricht 8 wirt ein ketzer. wer die gehorsam pricht 8 wirt ein abschneider vñ wer die liebe zerpricht 8 kumbt in den ban. vñ werdent also abgescheide von gemainschafft 8 heiligen. Wer aber die yetz gemelt dreü ding recht behelt 8 hat den drifaligē strick. durch welchen er teilhafftig wirt alles guts 8 Kirchen. wann recht als in 8 kirche 8 glaubigen ein hertz vnd ein sel ist. also sind in allen geistliche güter gemain wie wol 8 selbe güter einer mer teilhafftig wirt wenn 8 ander. nach de sich einer für den andern darzü schickt. vñ sein straff darspannt mit inhitziger begir vñ arbeit. also das er hab den glaubē geformirt mit 8 lieb. die gehorsam mit 8 diemütigkeit die lieb die wol bewart sei zü 8 sol sich ein yeglich fleissen das er müg frumen 8 Kirchen das 8 selb etwas guts zütrage 8 gemainschafft der heilige damit er 8 andern gut desten teilhafftig müg werde. aber wiß. die lieb ist ei vrsach warü dy geistliche güter der kirche gemain seien. wann die lieb sücht mit was ir ist sünd was menglich nutz bringet die lieb ist ein vngofne außgeteilte gut die die gut 8 kirche in alle gelid des leichnā xpi ver güst vñ mitteilt. das mag dir mit d. eien exēpel erzeiget

dem stich

fides / obediencia / caritas

verwiltig glauben

diemütlich gehorsam sein

vnd warhafftiglich liebhaben

67

werden. Das erst ist in de menschen wann die speiß wol gedawet ist in ym. die geit sich allen seinen gesunden gelidern. Das ander der baum der mit d wurtzel die feuchtigkeit ansich zeucht teilt die aus in all ast welliche nit dürr vn̄ ab gerisen sind. Das drit der prunn d do flüst in vil bechlin vn̄ teilt sich darein welliche nit verschopt oder abgraben werdent. vn̄ also wañ von de menschen ein glid vn̄ von ein baum ein ast abgeschnitten oder gehawen wirt so mag die speiß die feuchtigkeit ir narung zu den selben nit senden. vn̄ des gleichē wenn etwer von der kirchē durch ketzer ei oder anders ab geschnitten ist. so wirt der beraubt vn̄ entsetzt von d gemainschafft der heilige. vnd von d teilhaffigkeit aller der kirchen gut. vn̄ darumb so fliech ein yeglicher cristen mensch vn̄ hab ein grausen darab damit er nit also enterbt werde. vn̄ in den stand d verdammus kome vn̄ alle gnad vn̄ ablas vnerlangen möge. V̄ Dñ darauff so merck das vnder andern dingen drei hilff sind mit den züerwerben gemainschafft d heiligen. das ist den antlas. so die prelaten geben. vn̄ das gebett d heiligen die in den himel vn̄ auff erden sind. vn̄ die hilff aller glaubigē sele. V̄ darumb so wiß das d antlas kumbt von de schatz der kirchen vn̄ von der gemainschafft d heiligen. den habent aus zügebē die prelaten d kirchen mer vn̄ minder sund nach einer vernünfftigen versach. doch sind fierlei sach warumb d antlas hilff. Im sanctū Tho. super. iij. li. sen. di. xx. zwü sach sind von des außgebers wegē. der den antlas geit. die erst ist d gewalt vn̄ die vernünfftig pillich sach der kirchen. vn̄ nun soll der einnemer auch zwü sach haben. das ist reu vnd andacht. vn̄ das der auch sei also in de stand des verdienen. vn̄ hab das zetun darumb der antlas geben wirt nach der offenbarung des antlas form. Vnd dauon möchstu also frage ob d ablas als vil helff als vil er antzeigt. So wiß das de also ist züergebung d pen. aber nit zü de verdienen des ewigē lebē mit d nachfolg. es helffent die. xl. tag des antlas ei yegliche der es v̄dient. als vil denselbē. xl. tag helffent d büß vn̄ ein iar antlas als vil als ein iar d volbringenden büß nach auffatzüg od nachlassüg die ym geschicht v̄o prister es

*Complex exemplum
pno 2*

3°

no

Jud. gerie und v̄on

Heil. r̄m. d. m. j. d. d. e

*Einnehmer
von v̄nd adag
v̄nd das er sey
in dem stande
des verdienen*

sei von recht oder von der götlichen gerechtigkeit wegen vnd die selben tag vñ iar sind nit tag vnd iar des himels noch des fegfeürs. sunder der zeit. wann hie in der welt ist ein aufteilung der iar vñ tag das im himel noch im fegfeür nit ist. Zum andern ob die .xl. tag ein als vil fromen als dem andern. So wif nain. wann das werck der würckenden ist nun des der darzu geschickt ist. nun weil sie nit im verdienen gleich geschickt sind so frumt auch d antlaf nit ebengleich. Aber einē yeglichen nach dē er sich darzu berait zū vergebūg der pen vñ verdienung des ewigen lebens. wann recht als .xl. tag der büß ein mer frumet d die mit grosser inhitziger liebe vñ andacht volbringt wenn ein andern d des minder fleiß vñ arbeit hette. also frumt auch ein yeglichen der sich schickt vñ berait. .xl. tag des antlaf. Zu dem dritten. ob du sprechest ob zū einer sach drei bischoff antlaf geben. also das ir yeglicher gebe .xl. tag ob dann daselbs sei .c. vnd .xx. tag. So wif das das nit ist. sund nun allein sind do .xl. tag die der bischoff des selben bistums dar geben hat. wann d gewalt der bischoff der ist getzilet bei dē antlaf. also das zū einer sach mer bischoff nit mügen geben wenn .xl. tag. vñ an dem tag der kirchweiche mügent sie auch nit mer geben wenn ein iar. Hoc probat per conciliū generale. extra de pe. et re. cū ex eo. Zu dem vierden ob einer der den antlaf er würbe solt oder möcht er darumb sein auffgesetzte büß vnderwegē lon. Darüber antwort sanctus Thomas in .iiii. li. di. xx. vnd spricht. das den menschen züraten sei welche den ablaf er werben das sie von den wercken der büß dennoch nit auff hören sollen. vmb das yn von des antlaf wegen nachfolg die artzney wider die künfftigen sünd. vnd ob sie der pflichtigen pen nit schuldig werdent. aber vmb das die menschen oft vil vnd mangerlei pen schuldig seiend mer wann sie vermainen noch glauben so ist yn auch fast züraten das sie hie in dem leben nit nützen seien solliche vergebung durch den antlaf. sund sparen vñ behalten vntz in das fegfeür. Zum fünfften ob ein lebendiger mensch dē andern ledendige müg den antlaf verdienen. über das antwort sanctus Tho. super. .iiii. di. xx. vñ spricht

20
Selignt 20

3^o pbat² p^occalū generale

4

Das es nit sein m̄g. es sei dan̄ der selbig antlaf in der form ge-
 gebē wer ein s̄llichs t̄t. oder für wen er das t̄t z̄. der soll ha-
 ben vñ teilhafftig sein diß antlaf. dan̄ so frumet es den für den
 das werck volbracht wurd. vñ hette dan̄ solichen antlas nit
 von dē das werck für yn geton hette. sunder von dē der den ant-
 laß geben hett in vorgemelter form. Die sechst frag. ob d̄ ant-
laß frume den die in dē segfeur sind. Spricht sanctus thomas
super di. xlv. li. iiii. sen. Schlechtlich zereden so frumbt der ant-
laß nit noch niemant mag in des verdienen. es geschēch dan̄
 also das sollicher antlaf in voriger weise geben wurd. ob et-
 wer das oder das tete für vatter m̄ter schwester br̄der. oder
 ander die ym empfolhen weren. vñ der selben sele in dē segfeur
 seien die s̄lent habē den antlaf. so frumbt dan̄ mit allein d̄ ant-
 laß den lebendigē sunder auch den toten. So m̄chstu sprechē.
 ist dem also so mag der babst oder ein bischoff nach seinē wil-
 len die selen aus dē segfeur erlösen. vñ hette auch also z̄bindē
 vñ z̄erlösen die vnder dē extrich sind. So wiß das solichs nit
ist wann z̄ dem geh̄rt ein vernünfftige sach vnd ein zimliche
vmb die der antlaf geben wirt. vñ darumb so erlösent sie nit
 die selen die vnder dē extrich sind. aber sie sendē yn wol ir gros-
 se hilff. Noch w̄r gar vil z̄schreibē von dem antlaf das ab-
 er nit not t̄t. wañ diß ist gn̄g z̄ dē glauben des zehenden ar-
 tickels. D̄ Nun z̄schreiben von dē andern das ist von dem
gebett der heiligen. so wiß das gebet d̄ kirchen kumbt yn z̄sta-
 ten mit der lieb des bitten oder des gebet d̄ lieben heiligen. wañ
 die s̄ghafftig kirch das sind die heiligē in den himel die bitent
 got vmb die kirchen d̄ ritterschafft. das ist hie in d̄ welt vñ in
 dem segfeur sind. wañ in dē vatterland sind sie mer d̄ inpr̄n-
 ftige lieb dan̄ sie hie gewesen sind. aber auff extrich hond sie
 gebetten für die lebendigen vñ die toten. vñ darumb das die
 lieb nit aus dritt so bittent sie in dē himel noch für lebend vñ
 toten die in dē segfeur sind. vñ wer darwid rette d̄ kem in den
irfal der ketzer die da sprechent das die heiligen nit für vns
bittent. Darwid wir offenbarlich sprechen. in der letanei sant
 Peter bitt für vns. sant Johannis bit für vns z̄. Auch spricht

p^o

wo t̄ vernünfftige sach vnd
 ein zimliche vmb die d̄
 antlaf geb̄ wirt

Das. xxvj. Blat

Gete peter
 Gete johanne

sanctus Thomas super. iiii. di. xv. Die selbē Ketz̄er die darwi-
der sprechen die sündent wider den artickel des glauben der do
ist von der gemeinschafft der heiligen. Darumb so werdent do
fünff frag gemeldet. Die erst. Seid das die heiligen in dem hi-
mel für vns biten. Mügen wir vnser gebet zu yn schicken vnd
anruffen für vns zubitten. Antwort sanctus Thomas super
iiii. di. xv. vnd spricht. Das darumb wir petlich bitten das ist
das selig leben. Spricht sant Augustin. Wann alles das dar-
umb wir bitten. so bitt wir mit anders allein nach dem das zu
dem seligen leben geordnet ist. vnd das selig leben hat allein
got zugeben. Aber die lieben heiligen die mügent vns helfen
mit irem gebet vnd verdienen das vns das verlihen wirt. vnd
darumb so wirt das gebett eigentlich allein gott zu geschickt.
von dem wir wartent sind das wir betlich erbieten. Auch ge-
schicht das gebet zu den heiligen vmb das wir mit irem gebet
vnd verdienen erwerben ewiges leben. Darumb spricht Job
an dem. v. Ruff ob etwer sei der dich hör. vnd hör dich zu ein-
em heiligen. vnd bitt den das er für dich bit. wann vnser ruff-
en. spricht da selbs sanctus Gregorius. das ist das wir ein die
mütigs gebet got an vordern. Vnd wenn wir got wöllen bit-
ten so sollen wir vns hören zu den heiligen das sie für vns bit-
ten seien. Zu dem andern möchstu fragen. ob ein grosser heilig
mer an zuruffen sei dan ein kleiner oder mindrer. Darüber ant-
wurt sanctus Thomas super. iiii. di. xlv. vnd dieselb erlöst drei
ander frag vn̄ spricht. Wie wol die obersten heiligen sind mer
got genemer. so ist doch gar nütz das man etwen die mindern
heiligen bit von fünfferlei sach wegen. Die erst. Dann etwen
so hat ein mēsch mer andacht zu einem mindern heiligen dan
zu dem grössern. vnd aus der andacht kumbt grösslichen die
krafft des gebets. Zu dem andern. von des auffhebens wegen
des verdriessen. wann das teglich ding das macht ein verdrie-
sen. aber mit dem das wir mengerelei heiligen bitten so wirt ge-
eügt als in einem yeglichen heiligen besunder die impünstig
andechtigkeit. Die drit sach ist. das etliche heiligen ist von got
besondere hilff verlihen worden zutun. als sanctus Antonius

1^o

voca sigb d q tibi Rebat

Secundo

2^o

3^o

3^o

der von dem hellischen feur erlöset. Die vierd sach ist. vmb das allen heiligen von vns ere erbotten werde. Die fünfft ist. das wir erwerben mit vnserm gebet ein ding von vil heiligen das etwen von einem durch gebet nit erworben mag werden. **E**
Zu dem dritten so möcht man fragen ob die heiligen vnser gebet hören vnd verstande. auch vnser begir gegen yn vermercken. **S**o wif das ir erkantnuß ist zwifaltig. die erst heist vesper tina. oder die natürlich der ding in eigener art. vnd mit der erkantnuß sehen sie nit was bei vns getün oder gewürckt wirt. oder was wir beten. **Die ander erkantnuß** heist matutina das ist das sie erkennen die ding in dem wort. vnd mit dem sehent sie vnd verstand die ding die zu ir glori gehören. vnd das gehört zu irem lob das sie hilff tüent den dürfftigen zu heil ir sel. vnd also erkennen sie in dem wort das gebet vnd andacht der menschen die zu ir hilf zúflucht habent. vnd des gleichen erkennen sie auch in dem wort etlich gedencken der menschen hertz. oder in einer andern weise da mit in got das kund vnd offenbar machet. aber doch soltu nit gedencken das sie alle die ding sehen in dem wort wann sie das nit sehent nach der gantzlicheit ir krafft. aber alle ding sehent sie die da zu ir seligkeit gehören das sie von aller menglich gelobt vñ angefochten werde vnd yn dann zústaten kómen. vnd dauon so erkennen sie das als in dem wort. Zum fierten. ob der heiligen fürbittung für vns allweg von gott erhört werde. **S**o wif das gebet der heiligen das geschicht für vns zwifaltiglich. **E**inest besunderlich vnd offenbarlich. **Zu dem andern** mit dem bedeuten. vnd das geschicht mit dem verdienen mit dem ersten maß was sie bitten das werdent sie gewert. wann sie nichts offenbarlichs bittent sie wissen dann das yn got das geben wöll. vnd des gleichen denen die solichs zu erlangen von yn begeren. **Auch** werdent sie mit der andern maß irs gebets erhört als vil des ist von des verdienen wegen. aber sie werdent nit allweg erhört von vnserm verdienens wegen. **G**leich als got will das alle menschen heilwertig werdent vnd werdent doch nit selig von vnserm verdienens wegen. **S**prichstu dann. **S**eid das sie nichs bitten offen:
 nj

1°
 7°
 Tercio

Quarto

barlich̄s von got. sie wissen dann ynen verlihen werde. Was
bringt dan ir gebet. seid got das on gebet verlihe hette. so wif
das sie erkennē das got von irs gebets wegen geben will. vñ
darum̄ so bittent sie. wañ got der will etwen auch gebet d̄ hei-
ligen vñ yn besunder tū vmb das bitten sie nit. aber was er
vmb ir bittung tū will. darum̄ sind sie bitten. Zum fünfften
seid die heiligen antzüruffen sind ob dan̄ nit cristus der herr d̄
ein heilig aller heilige ist zūbitten sei got sein himelische vatter
für vns zūbitten. So wif das flechtlich das nit zetund ist.
dan̄ cristus ist ein person oder ein vnderatz der gottheit vñ der
menschheit. vñ darumb ob etwer sprach. cristus bit für vns den
vatter vñ satzte nichts darzu. so wurd ein sollich gebet zū ge-
tragen der person cristi. vñ das wurd dan̄ gleich mitheilig dē
irrsal Nestoron. der schied in cristo die person des mensche sun.
von d̄ person des sun gottes. oder des vatters. als dem irrsal Ae-
ri d̄ satzt die person des suns wār minder wenn der vatter. vñ
darum̄ zūuermeiden den irrsal so spricht die kirch nit criste bit
für vns. sie spricht aber criste erhör vns. od̄ criste erbarm dich
yber vns. wer aber also sprach. criste nach deiner mēschheit bitt
für vns dein gottheit. vñ das möcht wol gesein. aber besser vn-
derwegen gelassen von d̄ einfeltigen wegen. wañ sie das nit
bescheiden künden. noch kein person in der gottheit ist zūbitten
von der zūachtung wegen. als die sū die gütigkeit gewaltig-
keit vñ die allmechtigkeit. vñ darumb sprechen wir zū keiner
person bit für vns. aber wol erbarm dich yber vns. ¶ Nun
zūschreiben von dē dritten das ist von d̄ hilff der toten. so wif
das den toten das gebet d̄ heiligen vñ auch vnser gebet frum-
met vñ hilfft den selen die in dē fegfeur sind. aber doch anders
vñ anders. wann das gebet d̄ heiligen kirchen vñ die hilf sind
recht als ein besunders gnüget d̄ lebendige an der stat der to-
ten. vñ mit dem erlöst sie die toten aus dē fegfeur von d̄ pen. die
sie noch nit vergolten habent. Aber die heiligen dort in dē vat-
terland vmb das die nit sind in dē stand des verdienes vñ der
gnüget. vñ dauon so erlöst ir pittung nit die die vnvergolten
haben. aber sie erwerbent wol ein ringerung der pen wa sie er-

De p̄fegys moethoz

Kennet das es̄ geuel der götlichen gütigkeit. als Augustinus
 spricht in li. de predesti. san. Den fürgeschnen zu dem ewigen
 reich den hilfft das gebet d̄ heiligen. wann das liecht vorhin ge
 ordnet ist das die mit d̄ gebett der bitter erlöst werde. von der
 hilff der toten ist vor geschribē worden in d̄. iiii. artickel des ge
 laubens wem das gebet vñ hilff zūstaten kumb oder nit. Wie
 möchstu fragen ob die selen in d̄ fegfeur erkennen die die yn
 zūhilff komen. So wiß das sie die selbē erkennen. ob aber die
 hilff geschehē sei oder nit das vermercken sie an d̄ kurtze d̄ pen
 oder senffügkeit. Aber wie sie erkennen die von denen yn hilff
 geschicht. Spricht sant Augustin in li. pro cura pro mortuis
 agenda. Entweder aus götlicher offenbarung. Oder das yn
 d̄ güet engel das kunt mache. oder das yn das sagen sei die sel
 en die neulich von d̄ welt gescheide sind. Zum andern möchst
 du fragen ob die selen in d̄ fegfeur auch für vns bitten seien
 So wiß das es der warheit gleich ist das sie für vns bitten. vñ
 sunderbar die die yn zūstaten komet. davon geschribē stat in
 li. celstiu reuel. beate Brigitte. Auch spricht Richardus de me
 dia villa. hoc idē dicit super. iiii. di. xlv. vñ sanctus Thomas su
 per. iiii. d̄ spricht das des nit sei vmb das sie nit sind in d̄ stant
 des v̄dienes. auch daruñ das sie sind in d̄ v̄bergrossen kestig
 ung. vñ bed̄offen mer für sie gebeten werde wenn das sie für
 vns bitten. Aber die vsach mit v̄laub einer bessern vnderweiß
 ung versich ich mich nit das daruñ das gebet d̄ toten soll ge
 hindert werden. es wär dan̄ ob die selbigē in d̄ fegfeur in sol
 licher grossen pen vñ bitterkeit weren das sie nit westen ob sie
 selig oder verdampt weren. vñ dauon so bitten wir das sie v̄
 der selbē pen erlöst werden so wir spreche. erlöß sie von d̄ rach
 en des löwen vñ von der tieffe d̄ see das sie die abgrund d̄ hell
 nit verschlicke. das ist die scharpf pen. ¶ Nun von d̄ dritten
 teil des zehenden artickels zeschreibē. so wiß das außserhalb d̄
 kirche vñ der gemeinschaft d̄ heiligē nichts geschicht zu er
 langen vergebung d̄ sünd. daruñ außserhalb d̄ kirche nit mü
 glich ist das got nieman gefall on den glaube. ad Hebreos. xi
 Es sei die sünd angeboren od̄ gewürct so mag sie doch in der

*extra unitate etne mltis
 postea place deo*

Kirchen geertznet werden. wann mit de tauff weident auff ge-
hebt all sund. de der nit betrogē getauft wirt. alt vñ iung groß
klein. mann vnd weib. aber nach de tauff wie offft er in die ge-
würcken sund felt. sie sei tötlich od leblich. so mag er mit einer
waren büß widerpracht werde die das and schif in ist nach de
tauff. Die gantzen teil d büß das sind die reu des hertzen. die
beicht des munds. die genügtet d werck. mit dem wirt die büß
gantz. so der sündler sein tötlich begangē schuld vñ das werck
verlet vñ sich mit de wort verklagt. vñ mit de gemüt versmā-
het. vñ setzt ym für kein sund nymmer mer zetun. vñ so dan die
ding also rechtlich besammet werden vñ das der ablas gesch
icht von de darinn die priesterlich ordnung ist der schlüssel vñ
das recht mit de wirt der mensch erlost von seinen sünden vñ
wirt gegebē der kirchen vñ zūgefridet cristo mit de schlüssel der
priesterschaft. Hie soltu mercken das vnder den stücklin der
büß ist schlechtiglich die reu der notturfft. aber die beicht vnd
das gnügtun die sind auch des wesen d büß weñ die zeit vnd
stat habe. wann vnser herr Ihesus Cristus d widerbringer d
menschen d ist der gütigest bischoff. d cristenlichst artzet. vnd
der aller gerechtst richter. sein höchsten güte die ist der schein in
de das er vns mit der büß heilet von d tötlichen schuld. die selb
güt übergat all vnser sund wie die sind was der sind vnd wie
offft die volbracht werden. vñ das ist der aller gütigest bischoff
das er auff nimbt zū gnaden den sündler. vñ nit allein einest od
zweier sündler wie offft sein gütigkeit angerufft wirt. vñ darun
so wirt er warhafftiglich angerufft wann der mensch zū büß
kumbt. vñ zū der mag sich ein yed tören als lang er in de stand
ist des gegenwürtigen lebē. wann der selb ist bekölich zū de gü-
ten vñ zū dem bösen. vñ darun wie offft wie groß der mensch
sündet so mag er sein zūflucht habe zū dem sacrament der büß
dardurch ym sein sund vergebē werdēt. vñ die höchsten güti-
keit gots wirt gar offft ertzeigt durch die geschriff. als von er-
sten ysaias spricht. ob das weib mag ver gessen des kints. al-
so das sie sich nit erbarme über den sun irs leibs. vnd ob sie des
ver gesse so mag ich doch dein nymmer ver gessen. nimb war in

Die keru des
Geogen
die beicht des
munde
die gemien des
werck mit
dem hertze die
pueß ganz.

mein hent hab ich dich geschribē. vnd Jeremie an dem .iiij. stat geschriben das zu dem solck gesprochen ward. Ist das der man sein hawßfraw läst vñ das sie von ym zeücht vñ nimbt ir ein andern man. maint ir sie kōz wider zu ym. vnd maint ir nit das das weib vnfauber vñ vermalget ist. Aber du hast der vnkeüschheit pflegen mit vil deiner liebhabern. noch kōz wider zu mir vnd ich nimb dich auff. spricht der herr. Auch stat geschriben Ezechielis. xviii. Bekōrent eüch zu mir vñ büßt all ewer misstat so beleibt eüch kein boßheit nit. vñ darnach spricht er. Du hauf vō Israhel was sterbent ir. wañ ich will des sünders tod nit. sunder das er sich bekōz vñ lebe. Also kōrent eüch wider zu mir vñ lebent. Nement war wie groß ist die barmhertzigkeit gottes des aller gütgisten bischoffs vnseres herren Ihesu Cristi der den sündler nit vertzagen lat. Auch ist nit klein die weisheit vnseres artzts d artzney geit dardurch nit allein die krankheit geertzneiet wirt. sunder auch die vrsach d gantzen sucht. abgehawen wirt. vñ also wie die sünd wider gott volbracht wirt. mit gelust. mit verhengnuß. oder mit dē werck. so hat doch der aller weisest artzat die artzney darsfür das der mit der büß werde widerbracht. mit reü wider den gelust den er im hertzen empfangen hat. mit gerechter beicht des munds wider die verhengnuß des willens. mit gnügtun wider das werck der vnordenlichkeit. Das aber wie ob stat der büß not sei ware reü das brüß bei dem. wañ on die mag die krankheit der sele nit geheilt werden. Vñ das die ein ware ertzney sei wid die sünd so merck driü ding die darzu gehōrent. das ist reü vmb all vergangen sünd. aufhören von allen gegenwertigen sünden. vnd ein starcken fürsatz wider all künfftig sünd. Vñ also wa der mensch ym diß fürsatz vñ annimbt sich sünd zehüten. vñ mit der büß sich gantz von sünden ziehe. so behalt er die gnad vñ erwirbt den ablaß aller seiner sünd. vñ also dan nach vnser heilung sol ertzeigt werden das reichthumb vnseres herren Ihesu Cristi des gerechten richters. Vnser herr Ihesus Cristus den menschen zügüt hat besunder richter gesatz vor dem letzten gericht das sind die priestere die zwischen got d geleidiget ist von dem sünd

der. vnd zwischen dem selben sündler gegen got vnd ym zwifal
tigen schlüssel vnd gewalt zu entbinden vnd zu binden enpfol
hen den sündler zuurteilen vnd zugeben die güttat des ablas.
Bey dem ist zuhalten wie wol ein yeglicher priester die ord
nung vnd den schlüssel hat. so ist aber doch der gewalt allein et
lichen von den obern verlihen vnd entfolhen das sie aufteil
en die güttat des ablas. **H**ie wif wie ein mensch schul
dig ist reu zuhaben über all sein sünd. Also ist er schuldig das
er einem priester beichtig werde aller seiner sünde. die er dann
gedencken vnd ertzelen kan vnd mag. vnd soll nit teilen sein
beicht. teilt er sie aber so ist er schuldig von nūwem einem zu
beichten. Sprichstu dann was ist es nütz da einer ein ding ei
nem schlechten priester beicht. das an ein höhern gewalt ge
hört. vnd waist das ym der selb schlecht priester mit hat zu ab
soluiren. sunder so muß er für ein bischoff. So wif das du all
dein sünd deinem selforger oder beichtuatter solt beichten. oder
den du dir erwelest. das ist nütz von ersten von des gebots we
gen der kirchen. Zu dem andern von der grössern scham weg
en durch die du destet ringet magst er werben vergebung der
sünd. Zu dem dritten. das du nit ein gleichner seiest. da mit du
für ein kleinen sündler geschetzt werdest. Vnd der selb schlecht
priester soll dich von deinen sünden von den er dich zuentpin
den hat absoluiren. vnd mit den grössern die über sein gewalt
sind zu einem höhern senden. Oder also das gefellet vil lerern
das er dich von ersten mit den grossen sünden send für den ge
walt dorthin es gehört. vnd dir erst dar nach die gütet des ab
blas mitteile. Noch mer so wif das gott der herr nit vergibt
ein totsünd on die ander. damit er ein gantzen menschen geist
lich heile. wann sunst wär er ein laidiger des menschen. vnd
wurd nit von den menschen gelaidigt. Auch mag nit sein das
ein yegliche totsünd auffheb die gantzen wat der eingossen lie
be. vnd bei dem magstu allso fragen ob die teglich sünd on die
tötlichen vergeben werde. Dar über antwurt sanctus Tho
mas sunper. iij. di. xvj. vnd über fünf ander frage vnd spricht
das got nit tu. wann die teglich sünd widersetzt der inhitzig.

An Sitt. p. v. sine mac.

Zeit der liebe. aber die totsünd setzt sich gericht wider die liebe
 die genomen wirt als die vorderst tugent. vnd dann so wirt
 auffgehebt die inbrünstigkeit der liebe. vnd nit herwider. dar-
 umb so mag die inbrünstigkeit der liebe nit wider geben wer-
 den on die lieb. vnd des gleichen. so mag die teglich sünd nit
 on die tötlich vergeben werden. aber die tötlich mag vergeben
 werden on die teglich. wann die liebe mag wider geben wer-
 den on die inbrünstigkeit der liebe. Zu dem andern. ob die teg-
 lich sünd müg vergeben werden mit dem so der will darbei be-
 lebt. So wif nain. wann die schuld wirt nit vergeben on die
 widerordnung des willens. vnd darumb soll die sünd vergeb-
 en werden so muß ye die vnordnüg des willens vergeben wer-
 den. aber do wirt nit aus als lang der will beleibt zu der selben
 sünd von der wegen der will ist vngeordnet beliben. Zu dem
dritten. ob ein teglich sünd on die andern müg vergeben wer-
 den. So wif wann zwü teglich sünd bei einander tötlich wa-
 ren so mag keine vergeben werden on die totsünd noch on ein
 ander als lang die mit der tötlichen sünd ist. Auch ob ein men-
 sch abgieng mit dem tod in einer totsünd da bey auch teglich
 sünd wren. die selben teglichen sünd würdent ewigklich nit
 vergeben. vnd würden auch mit der zu gehörung ewigklich
 gebessert. der doch von ir selbs wegen nun ein zeitliche pen vn-
 nit ein ewige zugehört. wann aber zwü teglich sünd oder mer
 bei einander sind on ein tötliche. so mag eine on die andern ver-
 geben werden. wa sie kein anstos habent. vnd vertreibt auch
 nit die liebe. Zu de fierten möchstu fragen ob die teglich sünd
 müg vergeben werden on ein nürwen einguß der gnaden. So
 wif ia. wann die teglich sünd hebt nit auff die gnad die ge-
 nadsamig macht. oder die wat der liebe. aber nun allein das
 werck der tugent. wann diesel teglich sünde köret den menschen
 nit von dem letzten end. vnd verwandelt auch nit die vn-
 uerwandelten güet. aber er hindert wol das werck zu dem letzt-
 en end. vnd dauon so gehört nit ein nürwe gewonheit zu irer
 aufstreibung. sunder so ist gnüg an der nürwen bewegung der
 liebe zu dem letzten ent mit der mißfallung der selben teglichen
 n iiii

6^{to} an p. von le

sünd. Zu dem fünfften so möcht gefragt werden. Ob ein tegliche sünd müg on reü vergeben werden. So wif nain. als gesprochen ist in der auslegung der andern frag. das die teglich sünd mit vergeben mag werden als lang der will darbei ist. vñ vmb das soll der will dar von weichen so ist not das ym die mißfall. vnd ein solliche mißfallung heist ein reü. wann die genad also geschickt ist. 3 Snd dauon so merck das zu vergebung einer yeglichen willigen sünde do gehört zu der will der do abwendet von den sünden. darumb so mag zwifaltiglich ein sünd mit willen gesein. Einest so sind ettlich gantz vnd gar willig. als die tötlichen sünd. vnd zu den gehört das abwenden den willen von yn vnd das also in der besunderheit Ettlich sind ein teil mit willen vnd ettlich nit. als gemainglick die teglichen sünde. vnd zu der vergebung ist genug das abwenden des willens. vnd das in der gemain vnd als inwendiglich. vnd wann denn mit der inprünstigkeit der liebe ein abwenden von allen sünden geschicht. vnd so der mensch in der gemain ein aischung hat vber all sünd so wirt dann inwendiglich ein mißfallen vber all teglich sünd. vnd wa etlich sünde mit sollichem aufwendigem mißfallen dem menschen in sein gedechtnuß kommen. so wurdent dann die selben sünd aus inprünstigkeit der grossen liebe vergeben. auch so möcht da sein ein solliche inhitzige bewegung der grossen liebe da mit all teglich sünd vertzeret wurden on alle würckung der ged. nck. die ist aufteilen. Zu dem sechsten ob man schuldig sei die teglichen sünd zebeichten. So wif das des nit not ist von notturffigkeit wegen des heiles. aber wol von der vollomenheit wegen das ir der mensch beichtig wirt. Auch ist dem menschen dauon ein büß zu haben von des zweifels wegen. vnd sind auch zubeichten. vmb das man nit waist ob die teglich oder tötlich sind. auch von der auffatzung wegen das ein yeglicher mensch beichten soll wie wol er nit dann von tötlichen sünden zubeichten hat. Auch von der schädlichkeit wegen. also wann ein läßlicher gelust dartzu kumbt. der mensch die sich

6^{to} an p. von le

Dann darvon ablözen so wirt es tötlich. Aber doch nymmer mag das selb werck das in der zal läßlich ist tötlich werden. Aber wol das selb werck in der gestalt. **K** Nun bey dem articke so wiß was die totsünd sei vnd auch was die teglich sünd sei. Zu dem ersten was die sünd sei. Zu dem andern die auflegung der sünd. Zu dem dritten die zusamen fügung der sünden zu einander. Von ersten so spricht sant Augustin xxij. libro contra faustum. Die sünd ist ein gesprochen oder ein gethün oder ein begerung wider das gesatz gottes des herren. vnd also ist die auflegung der tötlichen gewürckten sünde. wann sie ist der gewürckten sünd. Als er daselbs spricht. nach dem werck drifaltiger macht. das ist der bedeutung. der würckung. vnd der begerung. vnd die ist tötlich so sie wider das gesatz gottes des allmechtigen ist. aber die teglich oder läßlich sünd die ist geheissen ein sünd von der vnuolkommenheit wegen. vnd in der ordnung zu der tötlichen sünd so ist sie nit wider das gesatz gottes des herren. wann wer läßlich sündet der tüt nit wider die gebietung wider das gesatz. vnd lat dartzu nit vnder wegen das das gesatz bindet mit dem gebot. aber er tüt on das gesatz wenn er helt nit die maß der vernunft was das gesatz maint. vnd der sin ist also das ein yegliche sünd einweder ist gesprochen. gethün. oder begert. vnd die auflegung ist von der volbrachten sünd vnd nit von der verlassung. oder aber dasselb thün wirt genommen gemeinglichen nach dem vnd sich das also strecket zu der würckung vnd auch zu dem auffhören. Nun von dem werck gemeinglich züreden wann man einen menschen oder aber ein arbeitler fraget was er mach oder thü. so spricht er ich rüwe. **Hec Richardus**. Du magst auch wol fragen ob all sünd willig geschehen. so wiß ia. als sanctus Augustinus spricht in libro de vera religione. darumb die sünd des willen ist. wann ist sie nit willig so ist sie auch kein sünd. **Hec Augustinus**. wann die angebozen sünd ist willig mit eines andern willen das ist mit des adams. wann ein sünd ist willig mit eignem willen vñ schlecht

und für .p. 200
quid velle

Am 22. p. für vollen

lich als die mit gedechtnuß geschicht als ein schimpfliche lüg.
Etliche sünd ist willig in einer mittlen maß das ein teil mit des
adams willen der das bedechtlich also wolt dem der leichnam
nach kam aus dem in vns sterbent die vngeordneten beweg-
ung die do leflich sünd heissen ein teil des eignen willen als dy
do aufstat aus dem kampff des flaisch wider den geist oder mit
zerstörung der krefft der sel. vnd ob ein sölliche sünd nit ist an-
fangs von eignem willen so entspringet sie doch aus dem mit
nachfolgendem willen der sich nit gewöret oder gehüt hat so
er wol getün möcht haben. wiewol etwen ein stant ist in dem
not ist das der mensch in ein geendet sünd vellt. so mag er sich
aber von sollichem stand hüten. vnd vmb das so hat er dar-
inne gesündet. so wirt es zügelegt seinem willen vnd heist dar-
umb willig von der schuld wegen. spricht sant Augustin. von
der schuld wegen vnd ettwas von der pen wegen. wann der
mensch nit hat meiden wöllen die sünd weile es in seinem ge-
walt stond. Sprichst du dann über das Proverbiorü an dem
xxiiij. Der gerecht vellt sibemal in dem tag. Spricht die gloß
Alle tag teglich ob wir ioch nit gern wöllen so sünden wir do-
ch aus notturfft oder aus plödigkeit des flaisch. So wif das
daselbs gesprochen wirt das etwer vnd anck's sündet. nit mit
der beraubung on die begir. oft misfellt vns das wir allso vn-
ordenlich bewegt werden. do redet er auch von der notturfftig-
keit der läflichen sünd gemainklich von yn allen vnd nit auff
ein gantz end von der oder der oder auch zü etlichen läflichen
sünden. als in einē starcken iungen menschen der nit gantz ge-
meiden mag die bewegung des flaisch wie wol er zü zeiten die
selbigen bewegung mag gemeiden. Spricht Bonauentura
in. ij. li. di. xli. Des hast du ein exempel bey dem scheff auff dem
möz das an mangel enden klunsen oder schrentz hat. aber die
selbigen löcher ettliche mag der schiffman verschoppen vnd
vermachen welliche ym getzeitet werdent. vnd doch nit alle
mit einander. vnd darumb wie wol er gewözen mag das das
wasser an einem ort nit in das schiff dringe. so mag er das
doch nit allenthalben gewözen. wann so er yetzund eines

159 seyrieb m. die

vermacht so gat es zu dem andern ein . also wirt gesprochen.
 das all sünd des willen seien. darumb das allein des werck des
 willen das ist der do will das ist sünd nach der schickung doch
 als wesenlich ist des sünd vnd nit allein das werck des willen.
 auch der andern kreft die do gewözn mügen die vntugent der
 lasterlichen werck die in ym sind . aber als ein werck züg vnd
 der materi als die werck sind der gelider das in der materi ge-
 nommen wirt. als manschlacht vnd vnlautterkeit sünd sei. vnd
 das ist die sach wann die sünd ist ein abkörung von got. vnd
 ein vnordenlich zükörung zu der creatur. Als sanctus Augusti-
 nus spricht in li. de li. ar. die sünd ist ein verschmechung des vn-
 uerwandelten güts. vnd ein anhang der verwandelten ding .
 auch nit allein der will sunder auch die verstentnuß mit irem
 werck die sich mischwet von got vnd kört sich zu der creatur
 des gleich die ernstlichkeit vnd die begirlichkeit wie wol sich die
 von ir selbs wegen nit von gott körent vmb das sie got nach
 dem sie krefftig sind der sinne nit beraichent aber nach dem vñ
 wie mit dem willen bewegt werden . vnd als vil sie etwas be-
 raichent das wider das gebot gots ist. vnd also körent sie sich
 in dem oder in andern von gott . Hec Wilhelmus. **L** *Nota*
 merck das man do setzen mag ein vnderscheid zwischen des la-
 sters der sünd vnd der schuld vnd vnuerdienes . wie wol offft
 eins für das ander genommen wirt. die vntugent oder laster ist
 die nit hat dy wol gewonlich schickung dy do sügen ist der na-
 tur der ding. Wann sanctus Augustinus spricht. iij. li. de li. ar.
 Was der volkomen natur abgat das heist ein laster. aber das
 heist ein sünd das nit hat ein gerechts werck also nach der sün-
 de des verlasnen od das nit hat die gerechtigkeit in de werck
 mit dem das sich das naiget von seiner regel . aber die schuld
 ist in dem werck nit gerecht als vil die ist in der macht des wil-
 len . aber das vnuerdienen ist ein schuld mit der zükatzung
 der widerkörung. Nun wif von de andern das ist von der auf-
 legung der schuld. das der meister sententi arū. li. ij. di. xlij. zu er-
 kennen geit siben auflegung der sünde . von ir sibenfaltigen
 schatzung wegen. Von ersten so mag die sünd geschetzt wer-

den zu der sach dar aus sie ein vrsprung hat. vnd also wirt sie
geteilt in die angeborn vñ in die gewürckte sünd. Zu dem an
dern zu 8 pein darzu sie geendet ist. vñ also heißt sie tötlich vñ
läßlich wañ sie etwen mit den sünden abkört von de letzten en
de. als vil das ist aus 8 natur der sünd vñ der krafft des sünders
der welt vnwiderpringlich. daruñ in de anfang des lebens en
zogen wirt. dauon wirt gesprochen das der selb tötlich sünde.
vñ ewiglich darumb gebessert werde. Wer aber sündet 8 ab
körung von got von der sünd wegē die widerpringlich ist vn
geordnet daruñ der anfang des lebens geheilt wirt so wirt ge
sprochen das der läßlich sündet. wañ er sündet nit also das der
die vngente pen verdiene. als sant Augustin spricht über Jo
hannem. das ist ein laster die die ewig pen verdient. vnd das
ist läßlich die nit verdient die ewig pen. das laster heißt ein tot
sünd. vnd dauon so werdent gegen einander geschetzt die töt
lich vñ die läßlich sünd. als ein vnwiderpringlichs vñ ein wi
derpringlichs. vñ da sprich ich. durch den inwendigē anfang
aber nit mit 8 schatzung zu der götlichen krafft die all krank
heit widerpringen mag. vñ dauon so wirt die sünd geschetzt
zu der bewegung. vñ ob dy geteilt wirt in die sünd die aus bö
ser liebe entzündet vñ in die sünd die sich aus böser forcht die
mütig macht. als die teilung von sant Augustin gesetzt wirt
über den psalm. *Inmensa igne et suffossa.* so wirt das auch bei
denthaltē getzogen zu seiner lieb. vñ von des wegē begert 8
mensch das güt vñ flücht das übel. daruñ das er sich lieb hat
spricht sant Augustin *de ciuit. dei. c. vlt.* zu einer stat Babilo
nia macht sich sein lieb vntz an die verschmächung gots. Zu
dem fierten. so wirt die sünd geschätzt zu einem abgetzogenen
werk. vñ teilt sich also in die sünd des hertzen. des munds. vñ
des wercks. als Jeronimus spricht *super Ecclesiastes an de. v.*
der schätzt die sünd zu der person die gelaidiget wirt. vñ also
ist die teilung 8 sünden in got. in sich selb. vñ in sein nechsten.
als auch Ysidorus spricht in *libro de summo bono. ca. vj.* das
sich die sünd setzt wider das gebot. vñ damit so wirt sie geteilt
in das versünden. vnd in das volbringen der sünd. oder in die

sünd des verlassnen. Das erst ist wider das gebot das allweg
 bint. das ander wider das gebot das nit allweg bint. vnd ist
 die schuld die nit hat ein rechts werck. die volbracht sünd ist
 die nit hat ein rechte güt etwen in ein werck des willens wan
 nit not ist das die schuld etwen nach der materi stande in einē
 werck dē entzogen ist. Noch auch als Richardus spricht. das
 die sünd fürsetzt die notturfft. oder das die siele etwen in ein
 werck als ob das selb werck ir vsach wär. In Sprechstir
 aber also. das die schuld ist ein gewürckte sünd. vñ dauon so
 stat das etwen in einē werck vñ das wider den vsprüg ist des
 willens. So wif das die gewürckte sünd nach dem sie geteilt
 wirt wider die angeborn. die ist nit allein ein vngestalts werck
 oder ein schdwichs. sünd auch das verlassen pflichtig werck
 zu der zeit so das des willens ist. vnd ist nit allein geheissen ein
 werck des willens sunder auch das das in vnserm gewalt ist.
 also das es geschech oder nit. iij. Ethic. c. viij. wan des willen
 mag geheissen werden des willen nach dem vnd die das wöll
 oder nit wöll. Zum sechsten vñ zum sibenden so wirt die sünd
 geschetzt zu den vntügenden die daraus ein vsprung habent.
 vñ also wirt die sünd geteilt in sibē haupt sünd. auch werdent
 an der aufteilung erfunden die zu den getzogen mügen werckē
 als die Johannes in sua canonica auftheilet. in die begird des
 flaisch. in die begird d augen. vñ in die hoffart des lebens. vñ
 die aufteilung wirt getzoge zu den die do eins teils sind der be
 wegung vñ des gleichē. dauon ysidorus spricht. d teilt die sünd
 in die sünd. aus d bofheit. aus d krankheit. vñ aus der lastheit.
 Aber die aufteilung die Gregorius setzt. xxj. moralium. der teilet
 aus die sünd also. in die flaischlich. vñ in die geistlich sünd. vñ
 die wirt getzogen zu den die nechst d gewonheit sind der ver
 zogen werck. als sanctus Gregorius daselbs spricht. vnd teilet
 die sibē haubtsünd also. das ir fünff geistlich sind vñ die zwü
 flaischlich. die sünd die da geistlich heissent die werdent vol
 bracht in dē gelust des geists. vñ die flaischliche in dē gelust des
 flaisch. das sind frasheit vñ vnlautekeit. als sant Pauls spr
 cht ad Cor. vij. wir sollē vns reinigē vō allē vnflat des flaisch

vñ des geist. Des gleichē stat ad Gal. v. da spricht sant Pauls
offenbar sind die sünd des flaisch. wann das flaisch spricht die
glos wirt daselbs genomē für das fleischlich lebe. darumb wer
dent die selbē geheissen werck des flaisch vmb das sie geschelē
von dē fleischliche mensche. darumb stat sunderlich von d vn-
keusch. j. ad Corint. vj. Wer vnkeusch ist d sündet in seinē eig-
gen leichnā. wann mit d selben sünd geschicht etwas ein vn-
recht dē leichnam so d vnordenlich vermalget wirt aber die gi-
rigkeit die den fleischlichen sünden zūgesetzt wirt. spricht sant
Pauls ad Eph. v. Nach dē so das ding da mit d girig sein ge-
lust hat leiplich ist. Aber der selig gelust gehört zū dē geist. vñd
darumb spricht Gregorius das die gerechtigkeit ist ein geist-
liche sünd N Nun zūschreibē von dē dritten das ist wie die
gege einand geschetzt werde. Bei dem so wiß das ein sünd ist
schwerer vñ mer geheissen weñ die ander in zwelfferlei weis.
Von ersten von des vorsprungs wege. als die sünd des tūfels.
von desselbē neids wege kom d tod in die welt. Zūm andern
von d gantzē gemain wege. als des adams sünd was die sich
vergoß in alle mensche. Zūm dritten von d aller gröblichistē
sünd wege. als die sünd Jude d sein got vñ herren in tod ver-
riet. Zūm fierten von d vñdankperkeit wegen. als d sünd ist
die vil genad von got genomen hond. Zūm fünften von der
scheidunglichkeit wege. als die sünd d vnwissenheit. Zūm sechsten
von d vnuerscheidenlichkeit wege. also das die sünd d geitikeit
die mit dē mensche exaltet biß in sein grüb. Zūm sibentē von d
vngestimkeit wege. als die sünd d hoffart ist die auch etwē
aus den gūten wercken erstat. Zūm achten von d behendig-
keit wege. als die sünd der vnkeusch ist dar zū gar bereit vñd
bald d mensch ist. Zūm. ix. als die sünd d grossen anfechtung
als die sünd ist in den heiligē geist. Zū dē. x. als die sünd d laid-
igung d mayestat das ist die abtgötteri. Zūm. xj. von d gros-
sen vnfrümkeit vñ gailē wege. Zū dem. xij. mag ein sünd mer
vñ gröffer sein weñ die and von d art wege. ein yegliche sünd
vñ die yegemelt maß all sind gewonlich vermerckē. als Bona-
uetura spricht. auch mag zū den geschribē weise gesatzt werde

Das ein sünd mer vñ schwerer ist wen die and zu gleicher wei
 se einest von des vordersten fürwurffs wegen . auch werdent
 noch wol ander weis gefunden . aber dero ist gnüg zu der gegē
 wertigkeit . als die mer auch gewonlicher sind . vnd das von
 kurtze wegen . Sprechstu als in de . viij . gemelt ist das die vn
 keusch ein grosse sünd sei von d behendikeit wegen . wañ Gre
 gorius spricht in moralibus das die flaischlich sünd sei minder
 sünd wen die geistlich . vñ doch die vnkeusch ist nit ein schwe
 rer sünd wen die geistliche . über das so wif das die wort sanz
 cti Gregorij nit allso verston sind das ein yegliche geistliche
 sünd grösser sei wen ein leipliche . aber wañ allein gesetzt wirt
 die vnderscheid der geistlicheit vnd der fleischlicheit so sind die
 geistlichen sünd schwerer zu gleicher weise wañ so die gech
 linger anklopffen ist das ist die begird des flaisch die vns an
 geborn ist . vnd so die ye gecher treibt ye minder die schuld ist .
 als aber vor stat das die vnkeusch ist ein schwere sünd von
 des wegē das man gar schnell vñ berait darzu ist . so verstand
 nit das sie schwär sei von der laidigung wegē aber von d gro
 sen behendigkeit wegen . wañ wa ein grosser kampff ist da ist
 auch minder schuld . wie vor geschribē ist . Das aber Philoso
 phus spricht . iij . Ethicorū das die sünd der vntzüchtigkeit sei
 grösser schanden das ist die frasheit vnd die vnkeuscheit . vnd
 das spricht er darūm das die bei den gelusten sind die vns vñ
 dem fiech der tieren gemain sind . vnd also das der mensch mit
 den fiechisch wirt . vñ danō spricht Gregorius das die grösser
 schanden sind vnd minder pen . **O** Nun wif bei den vorge
 schribē . x . artikel in was gewalt od macht der sel die sünd sei .
 vñ was vndersatz d sünd sei . darbei wif das in d sünd mügen
 drii ding gemerct werde . Das erst ist das werck oder das ver
 lassen der selben . Das ander ist die vnoordnung der selben wür
 ckenden verpringung . Das dritt ist die strafflicheit der vno
 denlichen vernunfft . vñ da nemen wir die sünd für die schuld
 Nun von dem ersten zeschriben der yetzigen dreii ding die sel
 ben gewält sind . fürwurff der sünd daraus das werck kumbt
 das die sünd ist . Zu reden von dem anderen so wirt da selbs

gesprochen als vor aus genommen das das vngeordnet werck
ist in der selbē macht das dar aus kombt. recht als in einē vn-
dersatz für sich dar vñ mit der mittung des selbē wercks. das ist
mit dē gewalt als in einē vnderatz. Zu reden von dē driten. so
wiß das alle sünd allein in dē willen sind. als in dem vnderatz
Spricht Augustinus de ducibus. das man nit sündet dan nun
mit willē. aber doch das böß werck das hat die schult von des
willē wegen vnd nit als das in dē willen ist. aber als das von
dē willen ist. wann sanctus Augustinus. j. d. libero ar. die schuld
ist böß die wir tün. aber die pen ist böß die wir leiden. Hec Ri-
chardus. Was ist zü reden von d vnoordenlichen bewegung d
empfindlichkeit ob die icht sei in der empfindlichkeit als in dem vn-
dersatz. So wiß das die empfindlichkeit zwifaltiglich geschetzt
wirt. Einest von ir selbs wegen. vnd also ist die nit ein vnder-
satz der sünd. wann sie ist gemain vns vnd dem fiech. Des an-
dern in der ordnung zü der vernunfft. das ist als von der ver-
nunfft geratten wirt. vnd allso mag die sünd in ir sein. Aber
doch wiß das in der vnoordnüg der empfindlichkeit ist etwen on
all schuld. vnd mag allso nit gemitten werden. wann der will
nit ein vrsach ist der selben vnoordnung weder mit tün oder mit
lassen. weder mit der fürkunfft oder mitfolgung. Aber etwen
ist die schuld läßlich nach der materi in der empfindlichkeit. aber
nymmer nach der schickung sunder in dem willen. vnd das ist
wenn sich hefft die vnoordnung in die empfindlichkeit mit der
versaumnus des willes. so wirt dan das geschetzt dem willen
für ein tötliche schuld von der hertigkeit wegen der zämung
vnd regierung der empfindnus. Vnd allso spricht der maister
sententiarū libro. ij. di. xxiiij. Ist das in der bewegung der ent-
pfindnus allein die bewegung gesetzt wirt. so ist das ein läß-
liche vnd gar ein ringe sünd. Auch wirt etwen die vnoordnüg
der empfindnus dem willen gesetzt für ein tötliche schuld. Also
wann die ist wider ein verbotes werck wann sich das erhebt
aus dem willen mit wol bedachtē gemüt. so ist allweg die vn-
ordnung d empfindnus in vns ein vntugent vñ ein sünd nach
dem das die sünd geschaiden ist wider die schuld vnd das vn

uerdienen. vnd nach dem spricht sant Augustin. li. iij. de ar. Etlich die teilent gar kurtz die bewegung des flaisch die geschehen mag. eint weder mit der hitz des leichnams on die begreiffung des gemüts als das schlaffent geschicht. vnd also ist das kein schuld. geschicht es aber mit berührung des gemütes so ist es ein schuld. Doch so wif das die geistlichen sünd vnd auch die leiplichen die mügent geschehen mit vernunfft oder in der vernunfft on das die ein vrsprung hab aus der entpfintnuß. als sant Augustin spricht an dem. xiiij. de ci. dei. Wellich mainent das alles vbel aus de leichnam kumb die irrend. Hec Augustinus. Im mag d mensch erwellen das werck der frashheit oder der vnkeüschheit der von keinem leiden nit darzu erwecket wirt. aber gemeinglich werdent die leiplichen sünd erwecket aus der entpfindnuß. Davon sant Augustin. xij. de tri. c. xij. In der auflegung der sünden gleicht er die entpfintnuß der schlangen das vnderst teil d vernunfft dem weib vnd das oberst teil der vernunfft de mann. do ret er nit anders dann aus der sünd die iren vrsprung hat aus dem leiden. Aber die glos die do spricht vber den psalm Altaria tua dñe. In dir mag mit nicht kei böser rat entspringen dich beweg dann die begir deins flaisch vnd das versag ye die glos von der leiplichen sünd vnd von irem vrsprung als in vil dingen. ¶ Auch wif das der oberst teil der vernunfft sünden mag on den vndersten tödlich vñ läßlich als wol mit flaischlicher sünd als mit geistlicher. vnd die vrsach wirt genomen nach dem das die begreiff die verstandigkeit vnd den willen. Hec omnia Richardus. Ob aber ein totsünd müg sein in de vndersten der vernunfft on die vrsprung des obersten teils. So wif nain. es geschēch ioch offenbarlich oder bedēütlich. Sant Augustin. xij. de tri. c. vij. der spricht. Ist das allein der vnflat der sünd mit dem gelust der gedēck gehalten wirt vñ das sich die gelider auffhaltent damit sie den gelust der boßheit nit volbringen nach dem rat vnd gewalt des obersten teil der vernunfft. So wān ich das die sünd nit anders zūschätzen ist wann allein als die verbotten speiß. die das weib allein aß. Aus dem magstu brüfen das nimer al-

lein mit der würckung des vndersten teils erboten werden die
gelider der boßheit zu den waffen der sünden das etwer thut so
er tötlich sündet. vñ das wirt also beweist als Bonauentura
spricht. das die tötlich sünd ist dauo geheissen ein vnrordnung
die mit der verschmechung vñ mit der verhengnuß ist. vnd ein
solliche vnrordnung ist mit der abkörung von got der höchsten
güt. vnd das ist des obersten teil. vnd ist das abkören das wi-
dertziehen. vnd das verhengnen ist des d zürichten vnd züregi-
ren hat vnd ist des obersten teil. vnd darumb so mag kein tot-
sünd in vns nit sein die mit dem obersten zügeschetzt wirt vnd
in dē sie nit vngeordnet wurd. aber doch so mag das vnderst
teil d vernunfft on das oberst essen das ist sündē. als das weib
on den man aß durch lusts willen. vñ ist kunt an dē angang d
versüchung vñ des leiplichen gelusts. wañ die anfäng an der
entpfindnuß so hat dan die entpfindnuß vō erst ein gelust in d
begreiffung vñ das geschicht mit einē vberigen begreiffen. so
ist dan die sünd läßlich. das erst teil d vernunfft das des vnder-
sten teil ist die hat zürteilen vñ zürkennen die inwendig be-
wegung vñ dy begir. vñ das ist nit d macht der entpfindnuß.
die der gelüst achtung hat. vñ dann eintwed die selben gelüst
werden pald aus geslagen so belebt die läßlich. wirt sie dan
behalten das mag dufaligēlich gesein darumb eintwed es ge-
fall der selb gelust vñ die volbringung des wercks ob das ver-
mögen do wäre d verhengnuß der vernunfft des obersten teil
so ist das ein totsünd. vñ also kumbt zu einand weib vñ man
mit irem ersten. vñ das sprich ich von der art der sünde die von
art tötlich sind. oder es gefall d glust vñ sunder das die volfü-
rung des wercks mißfall. so ist dan die verhengnuß nahent vol
so wirt dan gesprochen. spricht Bonauentura vñ Alexander
Anglicus. das allein das weib esse. doch so ist do ein totsünd
wañ nit allein die vernunfft des vndersten teil. sunder auch die
obersten die verhengt den selben glust. oder aber es mißfelt bei
denthaltē das ist d selbig inwendig gelust vñ die verbung-
ung des wercks. vnd dan eintweder die hat nit abgewendet
den schaden des gelust. noch sie hat den nit vertriben. so sündet

sie dan̄ aber nit tödlich̄. aber schwärlich̄ sündet sie ob sie das von erst hett aus geslagē oder abgewent den selbē schaden vñ doch den glust nit aus geslagē. sunder das gemüt mit sollichen gedenc̄ken verwickelt. so sündet sie dan̄. als die meist̄er sprechēt tödlich̄. wie wol die verhengnuß do nit geoffenbart ist. so ist sie doch bedeutlich̄ vñ allso allei das weib. spricht Bonauentura aber doch wirt die sünd zugeacht dē mann das ist dē obersten teil d̄ vernunfft vmb das der das weib zustraffen hat vñ tüt das nit. aber etlich die vermainen das nit das die verfaumn̄g d̄ selben straffung totsünd sei. aber wie die sünd sei d̄ des verderben achtung hat d̄ nem für sich den sichern weg. vñ wann ein sollichs geschech d̄ nem dar über ein gefunden rat vñ büß die als ein totsünd ist. aber wir redē nit von allen gelüsten damit sich et wer inn erlüstiget aus d̄ schōnen gestalt des weibs. sünd von den die do auff stond mitt den gedenc̄ken des fläischlichen werck̄s. aus dē kunt ist das on den man das weib geessen mag vñ dann isst der man so die verhengnuß vol ist damit die waffen d̄ boßheit gleichē wer ernt der sünd ¶ Niemand mag tödlich̄ sünden on den man. wann die totsünd mag nit sein on die verhengnuß des manns fürwar oder bedeutlich̄. wann des ist kunt bei dē das die verhengnuß wirt in den gelüsten zugeacht dē weib. wan̄ die selb̄ verhengnuß ist nahet vol. aber die verhengnuß zu dē werck̄ wirt geacht dē man wan̄ sie ein erfüllte verhengnuß ist. aber die sünd allein in dē gelust. so mag sein die verhengnuß zu dē gelust der gar erfüllten verhengnuß. vñ das ist nit allein des oberstē teil sünd auch des vndersten. wan̄ nit allein verhengt d̄ man vmb das er die aufwendige gelider bewegt sünd auch das sich der mit dē erfüllten willen bewegen ist. vñ das umbredet sant Augustin mit dē do er spricht. d̄ man isst damit die waffen d̄ sünden erbotten wirt. Hec Bonauen. Nun soltu merck̄en spricht Richardus. wär das der will als lang blib in dē wolgefallen d̄ vnordenlichen erdachten gelust. das ebē gleich geordnet wurd als die fürsicht̄er verhengt het zu dē werck̄. so verhengt dan̄ der oberst teil bedeutlich̄ darumb wirt dan̄ ein solliche verfaumn̄g ebengleich einer offenbaren

verhengnuß. ist aber das 8 oberst teil verhengt zu erfüllung eines wercks das vnordenliche erdacht ist. eintwed das ist von seiner art läßlich als ein schimpflich wort. so verhengt dan der oberst teil bedeutlich oder offenlich. noch dan so sündet 8 darun nit tötlich. es sei dan von seiner art tötliche. als von vnkeüsch töte oder rach gebē vñ des gleichen. vñ wa dan das verhengt der oberst teil es sei bedeutlich od offenbarlich so ist es tötlich. vñ dasselb wolgefallen ee das die vernunfft verhengt bedeutlich oder sunst ist ein sünd des obersten teil von ymselbs vñ ist läßlich. Aber das sant Augustin spricht. xij. c. de tri. der will vñ ob das weib allein isst das ist 8 vnderst teil vñ ein vnzimliche ding so wirt der gantz mensch verdampft vñ das verstet er. wañ das weib essen ist mit 8 verhengnuß des manß. Hec rich. et Alex. angli. vñ sanctus Thomas spricht. das bei den die alten in mengerlei weiß gedacht habent. Etlich sprechent das die verhengnuß zu dē gelust wär allein ein läßliche sünd. Die andern vermaintē sie wär tötlich. vñ die selb betrachtung als er spricht die ist gemainer vñ warhafftiger. vñ wolt doch die selben also verainen. vñ spricht das etwer 8 ym vnkeüsch gedenc̄ der mag sich in zweien dingē erlusten. eintwed so bringet 8 gelust der selbē gedenc̄ ein naigung. vñ das ist von ym selb nit ein totsünd. aber etwen ist sie läßlich so man dauon predizen oder disputiren will. vñ dauon so ist des gleiche das begern oder 8 gelust die in den gedenc̄en 8 vnkeüsch vñ seiner art nit ein totsünd. aber etwen läßlich vñ etwen gar nit. vñ auch so ist die verhengnuß in einē soliche gelust kein totsünd. vñ nach dē ist gar war die erst betrachtung 8 lere. wa aber eins etwē gern gedenc̄ 8 vnkeüsch vñ hat lust darin oder von dē werck. das er gedacht hat durch das naiget sich sein begern zu dem werck vñ verhengt dē selben gelust zu dē darzu sein begern genaigt ist. vñ ym betrechtlich er wellet das seinē begern gleich geformet ist. so ist 8 gedenc̄ ein totsünd. Dñ also ist die verhengnuß zu dē gelust ein totsünd. Mit dē ist auch sanctus Augustinus. xij. de tri. vñ spricht. das 8 gantz mensch verdampft wirt allein dy nit die on den willen getün werdent. wa sie aber

mit dem willen söllicher ding durchlüstent vnd volgent nach iren gedencen. das ist sünd. vnd das muß yn durch die gnad des mitlers vergeben werden. oder sie wurden verdampt. vnd damit ist kunt das in der fürlegung sanctus Thomas Bona uentura eins sind. nun zü dem als ob stat. ¶ Von der vnordenlichen bewegung der entpfindnuß möcht gefragt werden ob die vngeordneten bewegunge sünd seien. Zü einer grössern verstendigkeit ist zü wissen was die erst bewegung sei. Darüber spricht Alexander Anglicus. Die bewegung der entpfindlichkeit ist ein vngestümes anknopffen des gemütes. die achtung hat zü dem niessen der lustperlichen creatur. Mit dem das er spricht der entpfindlichkeit. damit berürt er den vnderatz darinn die erst bewegung ist. Doch so wiß das etwen die entpfindlichkeit bewegt wirt nach dem regiern der vernunfft zü einer auffhaltung der natur. vnd ein solliche bewegung ist nit vngeordnet. etwen nach dem anknopffen des gemüts das der selb sei die erst bewegung dauon wir nun reden vnd ist geordnet. darumb setzt er darzü nach dem anknopffen des gemütes das verstand recht. als sich hellt der sin zü der vernunfft nach dem weg der erkantnuß. also hellt sich die entpfindnuß zü dem willen nach dem weg d bewegung. wann als die erkantnuß nach dem sinn vorgat der erkantnuß nach der vernunfft. also ist die bewegung der entpfindnuß ee die bewegung des willen vnd darumb wirt gesprochen das die erst ist ein bewegung der entpfindnuß. Zü der fürgelegten frag antwurtent etlich vnd sprechent das zwischen d bewegung sei ein solliche schidung. also. die erst bewegüg die do kumbt ist nit sünd. aber die ander bewegung die der ersten begegnet die ist sünd. darumb das sich die nit widersetzt so sie der ersten entpfindet. Die andern sprechent das ein yegliche bewegung sünd sei. aber es heiset nit die erst bewegung vntz das sie den willen raicht. wann bas möcht gesprochen werden das ein vngeordenter gelust od ein gailen der do kumbt aus der entpfindnuß nach dem das der zerrütt ist. mit der angeborn sünd heist die erst bewegung vnd ist sünd darumb das der vnderrenig solt sein der vernunfft. vñ

Darum̄ so bewegt sich 8 vnwilllich on die maß 8 vermunfft. vñ
wirt doch von 8 etwen vil berüret. noch tüt er das nit sünd ee
verhengt. Sprichstu aber. warumb sagt Dauid in de psalter.
Zürnent vñ sündent nit. Spricht die glos das die erst beweg
ung nit sei in vnserm gewalt. Aber niemant sündet in de das ee
nit gemeiden mag. Spricht sant Augustin in li. de cor. et gra. vñ
daus so ist dy erst bewegung nit sünd. Soltu wissen das wol
in vnserm gewalt ist zu meide die bewegung od die aber doch
nit all on ein besondere gnad. S Noch ist baf zumercken
bei de artickel durch 8 einfeltigē willen was totsünd oder läß
lich sünd sei. vñ das gar kurtz. Meister Kristan clencho in scri
pto super. iiii. sen. descripsit. die läßlich sünd ist nit anders weñ
ein vnordenlicher gelust. oder ein vnordenlicher schmerz in de
verlust eins dings das zimlich gelike ist do kein irrsal wid das
heil zugefügt wirt. vnd do cristus in de hertzen für ein grund
fest gehalten wirt. Das meldet auch sant Augustin in ench. c.
lxvj. vñ sant Pauls. j. ad Corinth. iij. vnd spricht. Kein andere
gruntfest kan niemant gesetzē on die gesetzt ist. das ist vnser
herr ihesus cristus. wer darauff bawet gold silber edelgestein
holtz heu oder anders 8 findet das. Darum̄ soll sich der mensch
fleissiglich hüten das in 8 sünd nit sei verschmechung gottes.
darumb so möcht dan nimer oder selten die totsünd gemiten
werden. Sprechstu dann ob icht wissenlich ein läßlich sünd
volbracht werde. so wif ia. aber doch nit on ein erfülte durch
forschung. wan ob die geschch mit einer wolbedachtikeit vñ
wolgefallen. so wirt dan ein verschmechung vñ wurd die sünd
tötlich. Davon spricht sant Augustin de igne purgatorij. Ist
das dir die läßlich sünd gefellt so wirt sie tötlich. ein yegliche
sünd ist etwas ein vnordnüg des willen. vñ die selb vnordnüg
eintweder ist als gros das sie die gerechtigkeit aus reit. vñ so
ist sie tötlich. wan die nimbt 8 sele das lebē vnd scheidet sie vō
gott von de die sel lebendig wirt mit der gnad die gnadsamig
macht. oder die vnordnung 8 gerechtigkeit nit verderbt. sünd
das sie sie etwen vil betrübt. so ist die sünd läßlich vñ mügen
ymb dasselb pald ablas erwerbē. dauon das die gnad durch

Die nit auffgehebt wirt . auch kumbt d mensch durch die läßlich
 sünd nit in die feintschafft gottes . vñ noch klerlicher redet
 von d totsünd vñ teglich sünd Bonauetura super . ij . li . sen . di .
 xxxv . ein yegliche gewürckte sünd die zücht iren vrsprung vō
 dē freien willen eins yegliche menschen mit dē zufallen mit den
 gelüste . verhengnuß vñ mit dē werck . als Jacobus spricht . ein
 yeglicher d wirt verlücht vō seiner begird . vñ darnach spricht
 vñ wañ die begird entsacht so gepirt sie die sünd . so dan die
 sünd volbracht wirt so gepirt sie den tod . Ist aber das d zufal
 vñ der gelust beleibt zūnechst dē verhengē so ist es läßlich . vol-
 get aber die dē verhengē vñ dem werck in den dinge nach dy
 in dē gesetz gotes verlorñ sind so ist das tötlich . geschicht das
 aber in mitler maß also das d gelust eingat mit d verhengnuß
 in den gelust vñ will doch mit dē werck nit weiter komē . allein
 sich mit dem gelust inwendiglich erlustigē . als in vnlautekeit
 oder in einer sollichen sünd . so ist die sünd aber tötlich . wie wol
 sie volbracht ist . wölt aber d mensch zū dē werck wa er möcht
 so ist es swerer tötlich gesündet dan ee daruñ das der will für
 das werck gesetzt wirt . Mathei . v . Wer das weib ansicht vñ
 begert d ist mit ir in seinē hertzen eprüchig worden . Sprichstu
 dan . was ist die ordnung d gerechtigkeit die die totsünd aus
 reit vñ vertilget . Antwort Bonauentura vñ spricht . Die ord
 nung d gerechtigkeit die ist die das die vnuerkerlichen güte d
 verkerlichen vñ die ersamen güte vñ der nützlichen vñ der will
 gottes werde fürgesetzt vnserm willen . vñ das das gericht d
 vernunfft rechtlich ob sei d menschlichen entpfindlichkeit . wañ
 das gesetz gottes das gebeüt ein rechte ordnung vñ verbeüt
 was nit gerecht ist . wa aber dy verkerliche güte fürgesetzt wer
 dent d ewigen ersamen vñ nützliche güter . vñ vnser will wirt
 fürgesetzt dē götlichen willen . vñ die entpfindlich begir d rech
 ten vernunfft . so wirt begangen ein totsünd . vmb das damit
 wirt aus gereüt die ordnung d götlichen gerechtigkeit . Am-
 brosius spricht . iij . li . de paradiso . Die sünd ist ein vbertretung
 des götlichen gesetz vñ der himelische mit der ungehorsamkeit
 d gebott . wañ aber die ver wandelte güter mit mer pflicht ge-

liebt wirt vñ doch nit für gesetzt d vnuerkerliche gute. noch d
nutz nit d ersamkeit das vnser wil mit mer pflicht werd d göt
liche willen nit für gesetzt. vñ das des fleisch begier mit fürkum
d gericht d rechten vnunft so ist die sünd nit tötlich sünd läß
lich. wiewol das on das gesetz geschicht so ist dz doch nit dar
wid. aber die empfindlich begier wirt nit d rechten vnunft für
gesetzt allein wañ ir von der vernunft vñhengt wirt. dauon so
wirt die totsünd on die vñhengnuß nit volbracht. Vm das spr
icht sant Augustin. in li. de du. aia. Das ist die sünd was d wil
len nachkumt T Nun wif wie ein sünd d andern vsach sei
sant Gregorius spricht die sünd die mit d büß nit vtilget wirt
dy zücht sich fürsichtar mit irē gewicht zū einer andern. dy sel
bē sünd sind begier hoffart die hauptsünd vnwissenheit krank
heit vñ boßheit. Vō den zūwissen des ersten von d geitikeit. des
andern von d hoffart. zūm dritten vō den hauptsünde. zūm vier
den vō der vnwissenheit krankheit vñ boßheit. Also ist vō yn al
len zūreden wie ein sünd d andern ein vsach sei. darumb so wif
vō ersten von d geitikeit stat geschribē. j. Thi. vl. Geitikeit ist
ein wurtz alles vñbels. das wirt vō etliche manigfaltiglich ge
nomē. Einst ist die geheissen ein vnordenliche begier des reich
tums. zūm andern ein vnordenliche begier zū ein yegliche zeit
liche güte. also ist sy ei geslecht aller sünd wañ in einer yegliche
sünd ist ei vnordenliche abkerung zū den vgenetliche güter. zū
d dritten wirt sie genent ei naigung zū d zerrüten natur zū d
leipliche güte. also heist sie dy geitikeit ei wurtz aller sünd. recht
als dy wurtz aus d extrich ir narüg zücht also kumt aus d lie
be des zeitliche güts alle sünd. Das ist war spricht Wilhelmus
vñ Thomas. als sant Pauls offentlich spricht von d geitikeit
nach d als die ei vnordenliche begierd ist d reichtum darumb
heist sy ei wurtzel aller sünd. nach d gleichnuß d wurtzel dy d
gantzen paum ir narüg geit. wañ mit reichtum mag ein yeg
liche sünd geschehe. Eccl. iiii. Dē gelt sind gehorsam alle ding.
Du solt wissen spricht Bonauentura das etwen gar gemain
lich die wurtzel genomē wirt als die gail od die gierigkeit ist
ei wurtzel die zwifaltig genent wirt. einest die lieb eins böser

zugangs von dē guten. vñ die forcht d bösen diemütigkeit vō
 des v̄bels wege. also mag sie auch dufaltig genent werde. giriz
 keit des flaisch girikeit d augē. vñ dz hoffertig lebē mit d züsch
 atzung dufaltig güt. dz vnder. dz eüßer vñ inner. V Zu dē
 andern so wiß vō der hoffart die eī anfāg ist aller sünd als ge
 schribē stat Ec. iiii. die hoffart ist fierfaltig geheissen. einest ist
 sie verſmehe etlich gefelſchafft nit vō natur wege aber vō des
 lebē vñ der siten wege. als Jeronim⁹ spricht ad Eustochiū. zū
 dē andern so heist sie eī vnordenliche erhöchūg der eigē begird.
 allso ist sie eī besundere sünd. zūm dritten heist sie eī wūckliche
 v̄smechūg gots. dz ist dz sie nit wolt vnderthenig seī dem gebot
 gotes. also ist sie eī gemaine gelegēheit aller tödtliche sünd. zūm
 fierdē heist sie eī zerrütte bewegūg zū einer solichē verſmechūg
 also heist sie ein anfang aller sünd. vñ hat vō der girikeit ein so
 liche vnderſcheid. wañ die ſelb ist in d sünd vō der zūkerūg we
 gen vñ heist eī wurtz der sünd vō des lusts wege den sie hat zū
 den ergendliche dingē. aber vñ dz sie heist vō der abkerūg we
 gen ein anfang aller sünd. wañ in dē abkern vō got ſecht ſich
 an als v̄bel. wie wol dz war als geschribē stat Ecc. vō der hof
 fart als sie in d andern weiß genomē wirt vñ spricht daselbs
 die stül d hoffertigē fürstē wirt er vmkern. darūm wirt sie pil
 lich geheissen eī anfang aller sünd. Auch wiß dz d anfang der
 sünd mag dufaltig genomē werde. darūm dz er eī hingang ist
 von dē geſetz d mayestat. also heist sie ein v̄smechūg von dē ge
 setz d warheit heist sie eī irrsal. von dē geſetz d gütikeit ein vn
 weißheit vñ dz sie wider die weißheit ist. also spricht Crifosto
 m⁹ super psal. A facie insipientie. Ein anfang aller sünd ist dy
 vnweißheit. Nun wiß von dē daten vō den hauptsünden dz ist
 eit el lob od ere. neid zorn tractheit od traurigkeit. als Johan
 es Damascenus spricht. li. ij. c. xiiij. Tragheit ist ein vnmüt der
 do mit beschwärt die geitigkeit die bauchfüll frastheit oder vn
 messigkeit die die keüſcheit verſenckē vñ vnkeüſch die heissen
 hauptsünd. recht als aus dem haubt flüſſet die bewegung in
 die anderen gelider der menschen. also ver gieſſent auch die
 hauptsünd die bewegung zū den andern vntugenden. vñ sünd

zu de dar;u die menschlich natur bereit ist von ir ersten zerrüt
ung. daru so meret sich die nach yn allen. behendit eit die ist
von d scheinenden gut wege. daru die selbe gut eintwed sie
sicht an den geist von sein selbs wege oder den geist des flaisch
vnd also mag das fierfaltig sein von fierfaltiger gelegenheit
wegen darzu vnser begir bereit ist. es begert etwer d gut von
deigenschafft wege. vnd das mit neid vō sicherheit wegen. et
wen mit zorn von d rü wegen. etwen das mit tr agheit. ist ab
er das von d gut wegen die den geist ansicht des flaischs. das
mag drifaltig geschelē von dreierlei gelegenheit wege vnder
der der geist des flaisch begert d gut oder d gnügsamkeit antzei
get die gütigkeit. d gelust. die vnkeüschheit. die narüg. die frasz
heit. Hec Bonanētura. Auch spricht er das die eitel ere einest
wirt geheissen das begern d würdigkeit vñ erhöschung. vñ ist
also mit ir selbs hoffart vñ ein hauptünd. sünd wann das ge
müt gericht nach hengt. Zum andern ist sie geheissen ein bez
gird des lebens vñ also ist sie ein tochter d hoffart X Nun
wif von de fierden das ist von d vnwissenheit d krankheit vñ
der boßheit die sind nit allein sünd sünd auch vrsach and sünd
daru wirt sie genent drifaltig. das ist die sünd d vnwissen
heit. die sünd aus d krankheit. vñ die sünd aus der boßheit. vnd
vñ das so ist die vnwissenheit ein zukomende vrsach der sünd
als ein erbernde bewegung darumb sie ein entsetzung ist der
kunst damit die vernunft solt aufnehmen die do wert de werck
der sünd nach de sie regiert das menschlich werck. aber bei der
krankheit wirt do verstande das leide der entpfindlichen begir.
Tullius li. iiii. de custodia. derselb heißt das leide der sel blödit eit
vñ das wirt mer geschobe auff die krankheit der sele dan auff
den leichnam. aber doch wirt die krankheit der sel geheissen ein
krankheit als vil aus der gelegenheit des flaisch das leiden der
sele stat auff vns darumb das die entpfindlich begir nützer
ist der krafft des leiplichen begerens. aber das selb leiden heiß
set ein krankheit. wann als die leiplich krankheit hindert des
menschlichen leichnam das der nit volbring sein aigen werck. all
so kranket das leiden der sele vnd hindert sie in iren aigenen

wercken. also wan die entpfindlich begir widerspenig ist mit
 etwas leiden & begerung der ordnung & vernunfft wie wol et
 wen die entpfindlich begir den willē naigt on den die sünd mit
 volbracht wirt vñ doch nit gnügsamlich mit & noturfft. wan
 in der sünd des willen ist die verhengnuß oder die vnuerheng-
 nuß dero darzu sich & will naigt. als gesprochen wirt Genesis
 an dem .iiij. Vnd dir wirt sein dein begir vñ du wirst ir hersche
 darumb wirt die sünd geheissen ein sünd aus krankē eit darzu
 sich die entpfindlich begir naigt zu begeren. aber die bosheit
 von der gesprochen wirt das etwer daraus sündet do mag ver-
 standen werden die gewonlich bosheit. vñ also sündet etwer
 aus bosheit wan es sündet aus benaiglicher gewonheit. Auch
 mag vermerckēt werden die zukoment bosheit oder die böß er-
 welung wa eins also dar aus sündet. So wirt sie auch genen-
 et ein bosheit von dē etwas ein schuld hergat & dann nachfol-
 get ein vbel. also wan etwer ansicht die himelische gnad von
 neids wege so ist dan das inwendig werck ein vrsach des auf-
 wendigen. aber & sündet swerer aus aigner bosheit in solicher
 maß den der aus blödigkeit sündet vmb das der will zu dē vbel
 bewegt wirt in ym selb. wiewol das ist das etwer aus krankē
 heit mit inwendiger treibung auch schwerlicher sündet weñ
 der aus vnwissenheit. wan die vnwissenheit beraubt die ver-
 nunfft des willens. als vor stat. vñ das tüt das leiden mit. *V*
 Auch wiß wie wol all sünd geschehē wider die gantz dreifaltig
 keit so wirt doch das geredet von zuaignung wegen der sünd.
das ist wer aus krankē eit sündet & tüt wider got den vater aus
vnwissenheit wider den sun. aus besunderer bosheit wider den
heiligen geist. wan es sind sechs sünd die eigentlich wider den
heiligen geist sind. das ist vertzagnuß. das vbernehmen. der ster-
ben. der neid der himelische gnad. die anfechtung der bekanten
warheit. das end & büß. vñ also ist es gnüg von & erkantnuß
der sünden. Mit dem artickel werden vberwunden sünff irrsal-
die erst die do sprechen es sey ein gespöt wer das gelaube das
der antlaß geben werd so man sprech. wer sein hilf an disen
bawe der kirchen gibt dem sagen wir ledig das dritteile oder

*rote put gada in
 hmsstn*

*pta
 Der put 1 hmsstn*

Das fünffteil oder das sibenteil seiner auffgesetzten büß. vnd
so geb man vergebung d sünd vmb gelt vñ wär verkeüfflich
Darumb so wif wann der prelat den antlas geit so soll er vor
aus acht haben zü dem gotz dienst den er mit dem antlas gros
macht. das lob vnd die ere gotes angesehen werd. vnd nit die
besamnung des gelts. Auch er werben nit all den ablas die all
so an den barw oder kirchen hilff tünd. sunder allein die der töt
lichen sünd ledig sind. vnd die aus andacht geben in ein rech
ten glauben mit grossen gedwren in die gemeinschaft d hei
ligen vnd in ir verdienen in d ere vnd würdigkeit die kirch ge
bawen wirt vñ mit sunderm verdwren der gnädigen hilff got
tes. Der and irrsal der ketzer waldensü die sprechent das die
heiligen nit für vns bittent noch das wir ir hilff nit sollen an
ruffen. vnd wider die selben hastu wol vnd gnüg vor in d ar
tikel gehd. vnd sunder so sie in der gegenwertigkeit für vns
bittent warumb wolt das nit in dem ewigen leben auch sein.
Die dzitt ist d ketzer die do sprechent das kein priester gewalt
hab zü erlösen noch zü pinden. allein got. als isaias spricht. Ich
bin der dir dein sünd vertilget. So wif das allein got die sünd
vergeit vnd erlost aus eignē gewalt. aber der priester hat das
zetun als ein diener gottes. Et patet. iiii. li. sen. di. xlviiij. den sel
bē gewalt zü erlösen vñ zü bindē den hat got verliche den zwelff
boten vnd allen iren nachkomen. Johan. xx. do er sprach. Ne
ment hin den heiligen geist. wem ir die sünd ablond dem sind
sie vergeben. vnd wem ir die behaltent dem sind sie behalten.
Mathei. xxviiij. Was ir auff ertrich bindent das sei gebunden
in den himeln. vnd was ir auf ertrich lösent das sei erlost in dē
himmel. Der fiend irrsal ist d ketzer die do sprechent das die büß
nit frummet zü der vergebung der sünden. darumb das got all
so nit vmsunst die sünd vergeb. sunder vmb das verdienen der
büß. So wif wie wol die büß nit mit krafft ein vrsach ist der
vergebung der sünden. aber got der herr vergibt mit seinē gnä
digen willen vmsunst die sünd. vnd allso ist gott ein krefftige
vrsach vergebung d sünden on die dē mensche die sünd nit ver
lassen werden er büß dan die. Der fünfft irrsal ist d ketzer die

2^{er} error wal.

3^{er} error wal.

4^{er} error

5^{er} error

do sprechen das die büß nit sol geendert werden. nach dem als
 sant Pauls spricht ad Hebreos. vj. Es ist vnmüglich das die
 die einest erleucht sind vnd widerfallent zu dē andern mal ald
 wider müge zu d büß gerüfft werden. vñ wider den irsal ist d
 meister sen. di. iiii. libz mults auctoritatibus. Dicit em̄ Ezechie
 lis. xvij. In wellicher weil d sinder sein sünd beweinet in d sel
 ben weil wirt er heilwertig. vñ darumb so wif das drifaltige
 art oder büß ist. Ettliche büß ist besunder vnd heimlich die do
 vmb heimlich sünd beschehen. Ein and büß ist die do vmb of
 fenlich sünd geschicht. Die dritt büß ist die hochzeitlich die
 an dē anfang der fasten geschicht. vnd damit d büßser aus der
 Kirchen getriben wirt vmb etlich schemlich sünd. di. v. decreti.
 in Ca in capite. Die erst büß die mag allweg geendert werde
 aber nit als oft. aber die dritt soll nit geendert werden. sagen
 die alten recht. et fm sanctū Tho. super. iiii. di. xiiij. der spricht
 das die dritt büß nit soll geendert werde damit sie nit für sch
 nōd gehalten werde. Aber wider das ist etwen die gewonheit
 vñ do selbs mag die drit büß geendert werden. vñ das ist hoch
 zeitlich oder die gar offenbarlich. wa aber des nit gewonheit
 ist vnd das der selb offenbarlich gebüßt hat vnd wider in grülich
 sünd fellt. so soll der in d vertzagnuß nit verlassen werde. noch
 die stat d büß soll vor ym nit verschlossen sein. sie sei heimlich
 oder offenbarlich. wie wol ym die hochzeitlich nit auffgesetzt
 soll werden. Aber d spruch sant Pauls den er vorgemelt hat d
 ist also zuuerston das die tauff mit d büß nit züendern ist. od
 das wort vnmüglich wirt also aus gelegt. das ist der mensch
 wirt gar vast vernüwert. das ist das er wider kumb in die vn
 schuld die er verlor hat. vñ wie wol all gewonlich eingossen
 tugent werdent widerpracht mit einer waren büß. vñ das der
 mensch zu der reinigkeit des vnschuldigen stants etwen wider
 kumbt. so mag doch die würdigkeit des selben vnschuldigen
 stants nit widerpracht werden.

Triplex e pnia

1

2

3

Den eilfften artickel setzt vns Judas Thatheus vnd spricht.





Arnis resurrectionem. Diesen eilfften artickel setzt vns Judas Thatheus sant Symons brüder vnd spricht. Vrstend des flaisch. A In dem artickel soltu sechs ding vermercken. Das erst ist die vrstend d warheit. das and die vsach das dritt ist die wietänigkheit. die vierd ist die seligkheit. die fünfft ist das alter.

vnd die groß. die sechst ist die vntzerstörlichkeit. wan seid das wir sollen glaubē das die vrstend künfftig vñ on allen zweifel war ist vmb das dē glauben kein falscheit widerston mag dar umb setzt man das in der warheit die vrstend gescheche. Hier umb möcht man von erste fragen. wellicher doch die vrstend werd. das and was sach das werd. das dritt wie die vrstend geschech natürlich od wunderbarlich. schnell od langsam. offenlich oder heimlich. Das vierd ob die aufferstond mit zal erston werden. das fünfft ob sie gantz erston werden. das sechst ob sie ebengleich in einer iugent erston werdent. das sibent ob sie dan seie vntzerstörlich vñ vntötlich. Von dē ersten so wif. das alle mensche erston werde vnd mit einand gemeinglich. vñ das sprich ich von vnser s herren wege vnd seiner aller heiligsten müter Maria dero vrstend nun erfüllt ist. Aber aller andern mensche vrstend ist künfftig. das bewärt Johānes an dē .vi. Es wirt komē die zeit darin alle die in den grebern sind hören werdent die stim gotes sun. vñ die yn hören die werdēt lebē. Sant Pauls spricht .i. ad Corinth. xij. Wir werdent alle erston vñ wirt auch kein grösser schickūg zū d vrstend werde einē leichnā wenn dē andern als vil das von dē kōrpel sei wirt aber die vrsted wirt geschehē nach d volfürung d götliche gerechtikeit dy eim yegliche gebē wirt in d vrstent an d stat zū d zeit was er vdiert hat ewige glori mit dē gnadē od iemerliche pen mit d schuld. also wirt dan die gantz besamnūg des leibs vñ der sel begabt. Auch wirt es not sein nach d ordnung d götliche gerechtikeit das d leichnam erstond vñ das ym die sel werd wiß zugefügt vñ das nit mer eim mēschē wen dē andern

darumb geschicht manigfaltiglich die vrsend aller menschen mit dem gemainen gesetzt. vñ das beweist vns beatus Gregorius. li. xiiij. moralium. vnd spricht. Wer den glauben der vrsend mit der gehorsame nit helt der soll vnd muß den aus den vrsachen halten. vnd setzt ein exempel von dem liecht das als sterbent des menschen aug entzogen wirt. vnd so bald das wider angetzündet wirt so sicht des menschen aug wie vor. Das ander exempel. Nimb war laub vñ gras das stirbt in dem winter vnd als pald der ein end hat so erstat es wider vnd grünet. Des gleich sich an. der som der fault vnd stirbt in dem extrich. vnd mit dem grünen erstat er wider. **B** Zureden von dem andern so wiß das cristus ein vrsach ist vnser vrsend nach dem das er got vnd mensch ist. Als er got ist so ist er die forderst vrsach der vrsend vnd dero auch ein bildnuß als er ein exempel ist aller meniglich. Aber nach dem als er ein mensch ist so ist er ein zwifaltige vrsach vnser vrsend. Er ist ein wolführende vrsach mit der gebietenden stim vnd das als ein werckzüg. vnd ist auch ein vrsach des ebenpilds in der selben art mit der eigenschafft seiner vrsend. wann wir sollen gleich geschicket sein seiner vrsend. Als sant Pauls spricht ad Phlilpenses. iij. er wirt widerschicken den leichnā vnser diemütigkeit 8 gefiguriert ist dem leichnā seiner Klarheit. Doch so wiß wie wol sich die krefftig vrsend cristi streckt zu der vrsend der guten vnd der bösen wann er ir aller krefftige vrsach ist als ein werckzüg. als sant Pauls spricht. j. ad Corintheos. xv. Ist cristus erstanden so erstanden auch wir. ad Romanos. v. Gleich als menglich stirbt mit dem Adam. also wirt alle menglich lebendig mit cristo. Aber nach dem ebenpild seiner eignen vrsend raicht sich die allein zu den guten die gleich geschicket sind den das er ein sun ist. spricht sant Pauls ad Romanos. viij. Nun möchst du fragen ob die stimm der drummetten sei ein vrsach vnser vrsend. So wiß das die selb wirt die ander vrsach sein vnd als ein werckzüg. wann etlich sprechent die selb stimm werd sein ein stimm cristi der do gebieten werd das die vrsend geschech do von herr dauid spricht. Er wirt geben seiner stimm die krafft

der stimm. Glosa. das ist er wirt geben die krafft zu der erkü-
 ung der kōzpel. Aber etlich ander sprechent das die stimm der
 drumetten werd sein ein offentliche antzeigung cristi des richt
 ers zu dem gericht in diser welt. davon Gregorius spricht in
 der omelei. Das erklingen der drumetten ist nit anders wann
 das er der welt ertzaiße sein gericht. ¶ Zu dem andern
 wirt gefraget ob die engel nichts tūn werden zu der vrsend.
 So wiß das das geschicht also zu der besamen der äschen. ab
 er zu leben pringen die kōzpel vnd yn die selen wider zueinigen
 vnd also glorifiziert werden. das geschicht allein von gott.
 on alle englische hilff. Von dem dritten so wiß von der wietā-
 nigkeit der vrsend in der drü ding wer dent sein. Die erst ist wi-
 derschickung der kōzpel aus dem puluer. Das ander die zūfüg-
 ung der sele zu dem leichnam. Das dritt das vnuerscheidenlich
 verknüpfen leib vnd sel. Von wegen des ersten vnd des drit-
 en wirt die vrsend mit wunder geschehen. wann das erst ist
 wider den lauff der natur. das dritt über die natur. Aber von
 des andern wegen so wirt die vrsend natürlich sein. nit nach
 der krefftigkeit aber nach geschicklichkeit. Doch schlechtlich zu
 reden so wirt gesprochen das die vrsende wunderlich geschis-
 cht vnd nit natürlich. vnd also wirt sie auch von dreier sachen
 wegen schnell geschehen vnd nit langsam noch gemächlich.
 vmb das die drü ding geschehen mit der krafft gottes die kein
 vertziehen nit bedarff in iren wercken. Aber die besamnung
 der äschen wirt geschehen mit dem dienst der engel. vnd die ge-
 schicht nit schnell vnd in einer vngeteilten zeit. sunder in einer
 zeit die ein weil geteilt ist. vñ darumb wirt von ersten gefragt
 ob die gemain vrsent geschich bei nacht oder tag. So wiß be-
 werlich das sie künfftig ist vor abent zu der mettin zeit in der
 tunckel so die sunn sein wirt in dem zeichen des widers vnd der
 mon in dem vnder gang. wann in einer solichen schickung ist
 beschaffen sunn vnd mon vñ auch in sollicher tunckel. spricht
 sant Augustin. ist cristus erstanden von den toten. Zu dem an-
 dern wirt gefragt ob man wiß die vrsend auff ein rechtes zil
 oder end. Darüber antwort sant Thomas. di. xliij. vñ spricht

Das niemant das gewissen mag noch künd gewissen werden
mit außrechnung der hymel leuff . noch mit der offenbarung
vnd das geschicht darumb das aller menglich fleissig sei vnd
sich darzu beraite wie er cristo wöll entgegen. Zu was zeit
der kommen werd ob man das gewissen möcht offenbarlich
oder mit natürlicher erkantnuß den tag der vstende vnd den
tag des gericht das nach der vstende geschehen wirt . wie
dann vor in dem achtenden artickel geschriben stat . den niemant
waist . als Matheus an dem .xxiiiij. spricht . Den tag noch
die zeit waist niemant weder die engel in dem hymel . vnd dar
umb so mügent yn die menschen auch nit gewissen . Dann ob
das möchten die menschen durch natürliche erspürung erfassen
vil mer möchten das gewissen die engel mit einer natür
lichen erkantnuß . vnd ob das die menschen erfüren mit einer
offenbarung so geschech es doch durch die engel . spricht Dy
onysius . c . iiii . celestis ierarchie . Vñ do die iunger cristi dauon
fragten . Actuū . j . do antwort yn der herr vnd sprach . Es ist
nit eüwer das ir söllent wissen die zeit vnd die weil die der va
ter gesetzt hat in seiner mayestat . Vnd darüber spricht sant
Augustin . li . de ciui . dei . Alle die das rechnend von den dingen
die wischen das ab mit iren fingern vnd haben rü . Seid das
got das sein iungern vorgehalten hat . vil minder verkündet er
das dem menschen . wann alle die die zeit vntz an das end der
welt gerechnet haben die sind all falsch vnd fleffig erfunden
worden . Ettlich spricht sant Augustin die sprechent das von
dem tag der auffart cristi vntz an das end der welt werdent fir
hundert iar . etlich fünffhundert . etlich tausent . das alls falsch
gewesen ist . Vnd des gleichen werdent auch die noch gefel
schet die das rechnent . vnd nit dauon auffhörent . Hec sanc
tus Thomas . Aus dem mügen wir priesen ir grosse torheit
welliche vermainen durch die geschriffte erlangen ein wissen
des ends vnd zukunfft des antacrist . das doch kein lex er hinder
ym gelassen hat . weder iar monat noch tag . die mit der zal ge
setzt sie . als in dem büch der tagen an dem . x . geschriben stat .
D Zu dem dritten möchstu fragen ob die gemain vstend

also allen menschen vertzogen werd vntz an das end der welt
 Oder ob etlicher menschen vstende on die vstend cristi vnd
 seiner werden mütter Marie soll geschehen vor dem ende der
 welt. als Enoch vnd Helie die der anticrist wirt töten. als in
 dem buch der tagen an dem .xj. stat. So wif das die gemain
 vstend allen menschen on die vstende cristi vnd seiner aller
 werdesten mütter. vnd als etlich sprechent sant Johannis des
 ewangelisten dauon ich nit fürpaf setz wirt gechehen an de
 end der welt. vnd werdent all von dem tod auff erston. als sie
 in Adam gestorben sind werdent sie wider leben dig in cristo.
 Spricht sant Pauls ad Hebreos .ix. Dem menschen ist auff
 gesetzt ainst zesterben vnd des gleichen. so wartent alle men
 schen der gemainen vstend. Spricht sant Pauls ad Hebre
 os .xj. et glosa ibidem in fine .c. xj. do sagt er die selbigen sind be
 wart mit der zügnuf des glaubens. die habent noch nit geno
 men das verheissen. das ist erfülte selligkeit des leibs vnd der
 sele damit vns got bas fürsehen will die do on vns nit vertze
 ret werden. das ist auffnemen. als die glos spricht. die freud al
 ler menglichs wirt mer wenn die freud eins yeglichen besun
 der. Vnd do merck spricht sanctus Thomas super .iiij. di. xliij.
 das die die mit cristo erstanden sind. Mathei .xxiiij. seien mit cr
 isto leiplich auffgefaren. Sed in .iiij. parte summe sue .q. liij. ar.
 iiij. damit auch gleich sagt sant Augustin in der epistel ad De
 nodium vnd spricht. das die wider entschlaffen sind nach der
 zügnuf der vstend cristi E Nun von der vstend Enoch
 vnd Helie vnd von ir auffart in den hymel dauon redent die
 lexxer vnd die ausleger der geschriff in mengerlei weise über
 das .xj. capitel in dem buch der tagen. vnd gar in widerwertiz
 ger maß. aber ich versich mich vnuertzigen eins bessern rats.
 vnd vrtail mit sant Augustin vnd sant Ambrosio vnd mit sant
 Thoma vnd Petro tharenthasio vnd mit Bonauentura das
 der selben leiplichen vstend zu dem vntölichen leben nit vor
 sei der künffigen gemainen vstend mit einer mercklichen zeit
 wann ir gemains vrtail ist mit vil der andern das alle mensch
 en die noch nit erstande sind werdent mit einander erston gar

in einer kleinen zeit. also das mit gemerck̃t wirt das keiner vor dem andern erstanden sei. Vnd darumb so spricht sant Pauls j. ad Corinthyos. j. Wir erstanden all. vnd daselbst beweist er das die vrsend mit einander gemainlich mit einander geschehe. do er spricht. schnell in einem augenblick. vnd des selben setzt Bonauentura super. iiii. sententiarum di. xliiiij. drey vrsach Die erst ist das verdienen des gelaubens. dann ob wir langsam sehen der menschen vrsend so hett wir des ein auf nemen der vrsend. vnd also hett der glaub kein verdienen. als Gregorius spricht in der omeley. wann des menschen vernunfft die aufnehmung hat wa ist dann das verdienen des glauben. Die ander vrsach ist die ainigkeit des geistlichen k̃rzel. wann wir all ein leib sind in cristo. vnd darumb ist pillich das wir alle mit einander erstanden zu einer ewigen glori der sele. das ein vnuerreglicher schad war. darumb geschicht das zu der glori des leichnams. Die dritt vrsach ist die hilff vnser krankheit. darumb das die heiligen begerten irer k̃rzel. desto gechlinger begereit sie auch vnser hailf. als sant Pauls spricht ad Hebreos. xj. das vns gott bas fursch. als vor stat. ¶ Nun zuschreiben von dem fierden. das ist von der seligkeit der vrsend also. wye ein mensch vor gewesen ist also erstat er Vnd das beweist Job an dem. xix. Anderward wird ich vmbgeben mit meiner heit. vnd in meinem flaisch wird ich sehen gott mein hailer. den ich sehen wird ich selb vnd kein anderer nit. Vnd spricht mercklich mit meiner heit. ich selb vnd kein anderer nit. zu einem zeichen der selben zal materi vnd leiplichheit. als er vor gewesen ist. wenn ob der mensch verdient so ist pillich das ym gelonet werd als recht ist. Vnd darumb so ist not das der selb leichnam vnd die selb sele in der vrsend wider zu einander gefüget werdent. als sie vor in dem leben vor dem tod gewesen sind. wann ob die sele ein anderen leichnam ansich neme so war das mit ein vrsend. sunder ein neuwes nemen eins anderen k̃rzel. Aus dem soltu brüsen das der selb leichnam in der zal eines erwelten vnd selligen der yetzund tödlich grob vergencklich zerprechlich vinstet leidlich vnd

schwär ist. der wirt dann in der vstend vntdlich vnuer genclich. Klar on allen gebrechen. vnleidenlich vnd ringfertigkeit sein. Snd sprich mercklich eins erwellten oder selligen. wann die Kdypel der verdampfen. wie wol die on gebrechen der natur erstond vnd vntzergenglich werdent. so werdent sie doch nit vnleidenlich noch klar noch ringfertig. sunder leidenlich grob vnd schwär. Nun zureden von der gantz dero die erston werden. So wif das alle menschen die guten vnd auch die bösen die alten vnd die iungen erston werdent mit der gantzen gantzni aller irer gelider vnd on geprechen der natur. on alle vngeschaffenheit. das ist on alle verrückung der gelider. als krumb hinckent oder des gleichen wirt als hind an gesetzt vor allemenglich von der vollkommenheit vnd freiheit wegen der natur. Snd darumb so spricht der zwelff bot on vndercheid vor aller menglich werdent die toten vntzerrütt erston. das ist mit gantzen gelidern. Sprichst du dann. Die bösen werdent erston zu der pen. vnd darumb solt an yn pillich die vngestalt beleiben. So wif darumb das sie erstond zu der ewigen pen vnd nit zu der zeitlichen. so ist pillich das die geprechen vnd vngestalt der natur von yn genommen soll werden. als das vil leser wöllent. wiewol doch sant Augustin in Enchiridion das in einen zweifel legt. S Snd also möchst du von ersten fragen ob die negel der finger vnd das har vnd alles das der menschlichen warheit ist. ob das in dem menschen erstande. So wif ia. als Lucas der heilig ewangelist schreibt. Kein har verdirbt nit von eüwerm haubt. die negel vnd das har des menschen erstond wann sie gehören zu der zirkheit des leichnams. vnd dann gesprochen wirt das von der warheit der menschlichen natur vnd nit gantz die gewurtzt feuchtigkeit. noch die gantz feuchtigkeit des somens nach der materi. aber wol die gantz feuchtigkeit nach der gestalt. wann die gantz recht figur vnd das bewegen der gelider des menschen leichnams die werden mit einander erston. aber nit alle materi die vnder der selben figur des menschen oder an der bewegung der gelider gewesen sind. aber in einem yeglichen das von ex-

sten vnd mer in ym gat zu dem wesen nach der gestalt. wann
in wellichem ein yeglichs gehebt hat ein edelers wesen vnd
das mer teilhaffig ist des menschen gestalt das estat mit ym
ist aber das ebengleich in mengerley so estat es in dem dar-
inn es von ersten gewesen ist. Nun so mochtest du fragen ob
die ripp Adams dar aus Eua geschickt ward. in Adam oder
in Eua ersten werde. So wih in Eua. wann sie daselbs ein
edelsten wesen teilhaffig was. Auch so ist die selbig ripp in
Adam nit gewesen nach der warheit der natur der menscheit.
aber wol nach der gestalt. Zu dem dritten so wirt gefragt ob
ein mensch erneret vnd gespeist wurd mit menschen flaisch in
wem das ersten wurd. weil es sich doch in die natur des ess-
ers verkört hette. So wih das das selb flaisch in dem erstünde
zu was gantzlicheit das mer gehörete oder in dem darinne es
mer teilhaffig war der menschlichen gestalt vnd nit anders.
aber der allmechtig ewig gott erfülte den geprechen des an-
dern menschen. wann die leib erstond nit allein als vil zu dem
gantzen wesen gehöret. sunder auch was zu dem wesen der zir-
heit gehört. Vnd ein yeglichs estat in seinem aller besten we-
sen. Vnd also wirt hindan gesetzt das vngeschaffen vnd die
natur wirt behalten. **H** Zu dem vierden sprechst du ob
nit das flaisch der ochsen oder eins andern thiers das von den
menschen gessen wirt mit ym erstande. So wih das die in die
natur des essers verwandelt ist. vnd also vor dem die gantz sei-
ner natur so estat das in ym. vnd nit anders. Zu dem fünfft-
en mochtestu fragen ob das erstand das materlich gewesen sei
in den gelidern vnd kumb wider an die stat do es gewesen ist.
So wih das in der menschen Körper zwifaltige gantzlicheit ge-
setzt wirt. Die erst die ist nach der gestalt. vnd das ist die gan-
tze der gelider. in der gelider form. in der ordnung. vnd in der zal
vnd das estat alles als die ander gantzlicheit ist nach der na-
tur. das ist die gantz materi die in der form der gelider all zeit
des menschen leben gewesen ist. vnd die estat nit gantz. wann
das selb übergieng die wietänigkeit der größ. dauon das vil
materi vergat vnd flüst über. vnd die kumbt nit herwider. sie

erstat auch nit . es wär dann ein teil das in einem gelid über-
 flüssig gewesen wär vnd darnach einem andern gelid wurde
 gegeben des selben gefelchten menschen . vnd das selb gelid
 wurd nit anders nach der gestalt . vnd also ist nit not das die
 gantz materi eines yeglichen gelids herwider komme an seine
 stat do es gewesen ist . aber wol ein teil der selben materi . als vil
 not ist zu auffenthaltung der gestalt des selben gelides darinn
 die selb materi gewesen ist das kumbt herwider . Zu dem sech-
 sten möchstu sprechen ob die feüchtigkeit des menschen nit er-
 ston werd . So wiß allein die zu der gentslicheit der menschen
 natur gehört . vnd kein andere nit . wann etliche feüchtigkeit
 ist überig die in dem gegenwertigen leben des menschen sind .
 als der schweiß vnd der harm . Ein andere ist überig . die do
 dienet zu behaltung der gestalt . als der som zu der behaltung
 der menscheit mit dem werck der narung . als die milich . vnd
 kein solliche feüchtigkeit erstat nit . Noch ein andere ist in der
 menscheit die vñ ist auch zwifaltig . Eine die hat die form die
 auff ein gantz end geschickt ist . nach dem die vnder den stück-
 lin des menschen leichnams gehalten wirt . als das plüt vnd
 die feüchtigkeit des schmalts oder faiste . die selben erstond . ein
 andere ist die in dem gegenwertigen leben nit überig ist . vnd
 doch in dem leben mit dem gon mit der form in die andern form
 der gelid . vnd ein solliche erstat auch nit . darnumb das nach der
 vrsend die teil des menschen leichnams bestetiget werden . Al-
 so das eins in das ander nit begeret . Zu einer auflegung der
 yetzigen wort so wiß das nach der dōwng die in der leber ge-
 schicht dauon wirt ein sundere feüchtigkeit erlöst mit der kra-
 fft der dōwng vnd der narung zübestrieken die gelider an de
 anfang seiner verwandlung . nach der selben verdōwng gat
 in ein andere gestalt das durch flüst dann die löchlin der klein
 äderlin vnd das selb heist ein taw roß . vnd nach dem so sie an-
 facht züweissen so heist sie cambium . das ist ein wechsell . vnd
 als es weis wirt vnd sich den gelidern zü leibt so heist das glü-
 ten . ¶ Nun zu dem fünfften züschreiben von dem alter
 dero die erston werdent . So wiß das aller menigklich erston
 p iij

wirt in dem alter als Cristus gewesen ist. der vor in dem hundertdreißigsten iar. vnd auch in der selben groß die dann ein yegliches gehebt hat das zu dem alter kummen war vnd nit gehindert worden. als sant Pauls sdricht ad Ephesios an dem. iij. Vntz das wir all lauffen in den volkommen man des erfüllten alters Cristi. darumb so magst du von ersten fragen. ob wir all erston in mannlicher gestalt. seid das sant Pauls spricht. vntz das wir lauffen in das alter des volkommen manes. So wif das ein yegliche gestalt beyde mann vnd weib also erston werdent on alle scham der blöpfung halb. gleich als vor der sünd kein scham was in den ersten menschen. vnd des ist ein vsach. wann die abscheidung der gestalt gehört zu der volkommenheit der menschlichen natur. als wol der menscheit als der gestalt. Zu dem andern ob alle menschen erston werdent in dem rechtlichen leben. vnd nützen das werck der narung vnd der perung. So wif nain. als Matheus spricht an dem. xxij. In der vrsend wirt nit mer pfliegen erckantschaft vmb das das der vrsend not ist zu dem das der mensch nachkumme der letsten volkommenheit die do stat in der kunst zu dem letsten ende. das ist zu dem höchsten güt. aldo sie gleich werdent den engeln gottes. vnd nit dem vnkeüschem leben. essen trincken vnd geperen. Zu dem sechsten vnd letsten von der vntzerstölicheit dero die erston werdent. So wif das alle menschen nach der vrsend werden einer ewigen vntzergerenlichkeit die bösen vnd güten. spricht sant Pauls. j. Corinth. xv. Es muß der tötlich an sich legen die vntötlicheit. Vnd aus dem magstu brüfen das weder essen noch trincken do wirt not sein. auch die geperung des gleichen. Bey dem artickel so wif das alles das in dem geschriben stat wirt begriffen in zweien distinctionen. iij. li. sen. scz. xliij. et. xliiij. per sanctum Thomam posita. **K** Auch merck das vns sunderlich der glaub der vrsend nützlich ist zu fünff dingen. Zu dem ersten wirt gesenfftet der schmerz den ein mensch hat von dem sterben seines liebsten freünds. Zu dem andern so wirt damit aufgeschlagen die grausamkeit des tods. Zu dem dritten so treibt er den mensch-

en zu gütten wercken. Zu dem vierden so bringt er den menschen in forcht der bösen werck. Zu dem fünfften so vertreibt er vil grosser irrsal. Von de ersten spricht sant Pauls .j. ad Thes. iij. Wir wollen nit das ir vergessent der die entschlaffen sind vnd das ir nit traurent als die andern die nit hoffnung haben. das ist der vstend vñ ains andern leben. Von dem andern stat geschriben .ij. Mach .vij. das siben prüder von d hoffnung wegen der vstend . von gottes gesetzt wegen bereit wurden zusterben . vnd darumb so sollen wir nach irem vnd andern ebenpild nit fliehen . sunder willigklich sterben durch der liebe willen Cristi . sunder das wir mer begern disaltigs ebenpild von de selligen Ciprian . die er setzt zu de Fortunato in seiner epistel . wañ recht als ein schiffman begert zügen von de schiff vñ ein pilger von de ellend . vñ ein man aus der zerbrochen herberg . vñ darumb sei wir hie in der welt als auff dem vngestümen mör . vñ der pilger in dem ellend . als sant Pauls spricht . j. Corinth . v. Wir gond nun von got dem herren in diser welt . vñ haben wonung in diser beüfelligen herberg . wañ die welt ist worde alt vñ naigt sich zu dem verderben . wañ was alt vñ krank ist das nähert sich zu de verderbe spricht sant Pauls ad Hebreos . viij. Das dritt brüff bei de . wann was wir hie güter werck tünd die volgent vns nach . spricht Johannes in Apoc . xiiij. Das wirt vns ertzeit in de wañ die hoffnung des ewigē lons in d vstend bringt vns zu gütten wercken . vñ vnszücht die forcht der hellischen pen von de vbel . Mathei . xxv. Zu dem fünfften so bringt vns d glaub der vstend von mengerlei irrsal . als menig mensch bey der vstend hebt hond . Die ersten waren Saducei die flechtlich die vstend nit gelaubten . als Matheus schreibt an de . xxij. Wañ ob nit ein leben were nach dem leben so wär wir doch yamerig das wir allso hie litten durch d gerechtigkeit willen . j. Corinth . xv . Ist das wir in de lebē nun allein in xpm hoffen so seien wir arm wen yendert ei mensch . Der and irrsal was d die do spreche das die kōppl nit erstündē vñ satzē das kein leiplich ding vō got nit geschaffen wär . Der drit irrsal was d die spreche der leichnā wurd erston

aber die sele gieng in ein andern leichnam. vnd der irrsall wa-
rent ettlich philosophi der alten heiden. als der Anaxagoras.
Der fiend irrsal was der die do sprechent das die bösen nit er-
stünden. darumb das herr David spricht in dem psalm. Im-
pij non resurgunt in iudicio. Die bösen erstond nit in dem ge-
richt. Das ist also züuerston. Sie erstond nit zü erhöchung.
sunder zü grösser beschwörung. vmb das sie darnach mit leib
vnd mit sele in abgrund der hell versenck't werden. Der fünfft
irrsall ist der Sarraceni vnd der Juden. Auch ettlicher newer
Ketzer die do Sibharten heissent die setzent das die menschen
nach der vrsend werdent essen vnd trincken vnd auch haben
darzū leiplichen gelust. das doch mit nichten zügelauben ist.
wann die menschen die werdent als die engel gottes. Mathei
xxij. Die werdent allein haben den geistlichen gelust. vnd nit
die vnrainen leiplichen gelust. das vns antzeiget der letst ar-
tichel so hie nach volget.

Hie endet sich der eilffte artichel vnd volgt hernach der zwölffte
vnd der letst artichel des heilligen cristenlichen glauben. Den
setzt vns sanctus Mathias vnd spricht.





Et vitam eternam Amen. Diesen artic-
el setzt vns Mathias vnd spricht. Vnd
das ewig leben Amen. In dem ar-
tickeel ist vil von den heiligen le-
xeren geschriben worden. Davon beatus Augu-
stinus spricht in simbolo libro. iij. Wir
mügen bas gereden von dem ewigen
leben was nit do ist wenn was do ist.

Da selbs ist nit der tod. nit das wainen. do ist kein müde. kein
Kranckheit. kein hunger noch durst. kein hitz noch frost. kein
seüle noch dürr. kein trübnuß noch iamer. kein schmerz noch
arbeit. kein forcht noch boßheit. kein versüchen der feind. kein
gewalt der sünd. kein stat des verdienen. Sunder ist da alle
rui von der arbeit. aller frid vor den feinden. sicherheit vor den
laidigern vnd wütrichen. vnd sind die menschen als die eng-
el gottes. vnd werdent erscheinen die gerechten in dem reich
der hymel als die sunn. Do ist allweg das leben on den tod.
der tag on die nacht. die stille on die arbeit. die kunst on irrsal
der frid on end. die sterck on Kranckheit. die schöne on mackel.
die warheit on falscheit. die lieb on boßheit. die seld on kümer-
heit. der war reichtumb on betriegenlicheit. die ere on vnwir-
digkeit. die liebe aller menigklich on den vnflat der vnlaut-
terkeit. die gedechtnuß on vergessen. der will on vnmütigkeit
vnd on all vnordnung. die freüntschafft mit lautterkeit. die
freiid on alles end. Do wirt gott der herr sein alle ding in all-
er menigklichen. Vnd darumb züreden von ir yeglichem be-
sunder so gebricht die verstentigkeit. vnd nit allein die mensch-
lich sunder auch die engellisch. als sant Pauls spricht. Kein
aug hat das ny gesehen noch kein oz nie gehört noch ist auch
in keins menschen hertze nye kummen. aufgenommen dich all-
mechtigen got. was du gemacht hast alle den die dich liebha-
bent. j. Corinth. ij. vnd grüntlich stat geschriben Ysaie. lxiiij.
vñ dauon spricht Augustinus in Enchi. Ist das wir bedenk-
en wieuil vñ was den heilige geben wirt an de tag des gerich-
tes was vñ wieuil des ist das vns versproche wirt in de himel

So wurd schön gehalten was auff erden were. wann die ir-
 disch substantz das der hymelischen sell gkeit wirt zu geleich
 das ist recht als ein schwere pürd vnd nit ein hilff. Das zeit-
 lich leben wa es dem ewigen leben wirt zu geleichet so ist es
 mer geheissen der tod wann das leben. Welche zung oder
 was verstendig eit mag das begreifen was freud seie in der
 hymelischen statt do die engellischen kōz sind mit den aller se-
 ligisten geisten. vnd stond vor der glozi des schōffers vnd se-
 hent gegenwürtiglich den anplieck gottes. vnd beschawent
 den vnbeschribenlichen gott mit kainer forcht des todes belas-
 den werden das sie sich frōwen der vntzerrütten gaben. Hec
 Augustinus. Der die freud vnd die glozi des ewigen lebens al-
 so erhebt vnd lobet. in libro de moribus ecclesie. in den wortten
 vnd spricht. Also groß ist die wunnsamheit des ewigen liech-
 tes das ist der vnuerwandelten warheit vnd weisheit. Vnd
 ob darinn nit lenger getzām zu beleiben wenn nun ein tag. so
 solt eins darumb etwen vil menig tausent iar übergeben die
 mit weltlichen gelüsten vnd allem zeitlichen güt wäre da mit
 er den selben tag in ewigem leben beleiben möcht. als auch Jo-
 hannes Crisostomus spricht in libro de reparatione lapsus.
 vnd ob wir teglichen litten grossen kummer. vnd ein kleine
 zeit das hellisch feur. darumb das wir cristum möchten gese-
 hen in seiner glozi. vnd möchten kommen zu der gesellschaft
 seiner lieben heiligen. So wär nit vnphilich ob wir litten alle
 trübselligkeit dardurch wir teilhafftig wurden der wunnigk-
 lichen freuden. wie der künig aller künig. vnd ein herr aller her-
 ren sitzet mitten vnder seinen lieben heiligen. Das mag kein
 stimm nit aussprechen. das veriaget alle red. vnd übergat alle
 natur des menschen sinne. die selb zier. die selb schöne. die
 selb krafft. die selb glozi. die selb anreicht. vnd die selb ma-
 yestat. Hec Crisostomus. **B** Vnd darumb du cristen-
 mensch begereest du zukommen zu einem söllichen selligen leb-
 en. so hör vnd thū ein kurtze lere die sant Augustin spricht vñ
 er den psalm Beati immaculati. Wiltu sellig sein so halt dich vn-
 uermalget vñ volg nach der lere cristi vñ sein tugenden die er

dir mit seinem exempel vortragen hat. Vnd also soltu bey dem articel mercken was die tugend in der gemain sei da mit der mensch verdienen müg ewiges leben. Zum ersten so wiß was die tugent sind vnd in was teil die geteilt werden. Zum andern von tugent der sitten in der gemain. Bey dem ersten so merck das die tugent ist ein gute wietänigkeit des gemütes da mit rechtlich gelebt wirt. die got on vns in vns würcket. Die auflegung wirt genomen in den Worten sancti Augustini in. ij. de libero arbitrio. vnd fügt allein den eingegossen tugenden. ist aber das darvon genomen wirt das lest püncklin das do spricht die gott on vns in vns würcket das sind die eingossen vnd die besüchten tugenden. Auch wirt gesprochen ein gute tugent wann darinn etwas güts ist vnd das selb güte wirt nit genommen für ein gemaines güte das sich mit dem ding vnkö: vnd ist do mer wann die wietänigkeit. sunder für das güte der vernunfft nach dem als Dyonisius spricht. iiii. c. de diuinis nominibus das güte der sele das ist ein wesen nach der vernunfft. Jedoch soltu mercken das etwer böflich genützen mag die tugent als ein fürwurff. vnd wann der mensch etwas böf darvon entpfindet oder das er die neidet oder hoffertig ist von iret wegen. aber die tugent mag nit böflich genützt werden als die vnderst niessung. also das das werck der tugent böf were. Die tugent wirt also geteilet nach dem als ich achtung hab dauon zeschreiben. in die tugent der sitten vnd in die tugent der geistlichkeit die von einander gescheiden sind zu nechst dem fürwurff. wann der fürwurff der sitten ist ein beschaffen ding. aber der fürwurff der geistlichen ding ist ein vngeschöpfftes ding vnd ein vernunfft vnder der sie auch des gleichen ist über vnser natur der natürlichen macht. Mit der tugent der sitten wirt ein mensch gegen ym selb geordnet. vnd mit den geistlichen tugenden gegen seinem nechsten vnd zu gott. Dauon so merck von ersten von den tugenden der sitten. vnd darnach von den geistlichen. vnd also steigen wir langsam auff von den vndersten vntz zu den obersten vnd zu den würdigisten. vnd also wiß du nun zureden von den tu

gent der sitten. Zu dem andern so wiß von tugenden der sitten in der gemain zereden. von ersten von der zwifaltigen art der selben tugent. des andern von irem vnderweisen. des dritten von ir zal. des fierten von iren namen. Nun das die tugent der sitten sind in zwifaltiger art. etlich die ordnent vns zu der höchsten stat. als sant Pauls spricht ad Ephesios. iij. Ir seit die hymelischen burger. sie ordnent vns mit dem das sie vns auff erheben zu den verdienenden wercken der hymelischen statt. vnd sind allein von den gnaden gottes. vnd darumb so heissent sie auch gnadsamig. Etlich sind die do gewonlich machen zu den wercken allein der sitten. aber nit zu den verdienenden. vnd die sind nach der wurtzen die vordersten. davon Damascenus spricht. li. iij. c. xiiij. das die tugent der natur sind ein erfülte entziehung zu den wercken. Et phus. iij. Ethicorū. c. j. vnd ist die pollicei der stet regierung von den gnadsamigen tugent der sitten. dauon tracht der geistlich vnd der glaubig. aber philosophus von der pollicei. Es sind aber die sittlichen tugent besücht vnd eingossen als ettlich sprechen in mengerlei gestalt. darumb das sie ordnent zu mengerlei sachen. als vor stat. Vnd des yetzigen vrtails sind gewesen sanctus Thomas vnd Richardus. Aber etlich sprechen es sei ein ding. wann so es ist das in einem menschen vorhin ist die gewonheit der sittlichen tugent vor den gnaden so werdent dannoch die selben in der zukunfft der gnaden gnadsamig. vnd des selben vrtail ist Bonauentura C Bey dem andern so wiß das alle tugent der sitten sind in dem teil der vernunfft des gemüts oder der sel das die begreiff die verstandigkeit vnd den willen. Vnd das will Augustinus. xij. de tri. c. xiiij. do muß man auch sprechen mit einer auß vernemung das etlich gewonheit sind in der begirde. das ist die ernstlichkeit. die begirlichkeit damit gar leicht etwer der vernunfft gehorsam wirt. vnd die müssen das sprechen welleicherlei tugent d vernunfft sie haben. wañ philosophus spricht. iij. Ethic. c. xij. von d sterck vnd von der zeitlichkeit wañ die selben werdent ersehen d vernünfftigen teil das ist d ernstlichkeit vnd der begirlichkeit. vnd das als vil sie teilhaffig

sind der vernunfft mit dem das sie sind der geparen zu der gehorsame. Bei dem dritten so wiß das der sittlichen tugent fier sind. als geschriben stat Sapientie. viij. Mit den tugenden der sitten wirt ein mensch geordnet vnd geschickt zu seinem nechsten vnd zu ym selbs. Zu seinem nechsten mit der gerechtigkeit. Gegen ym selbs mit der regirung. mit der klügheit in den wercken der vernunfft. mit der zeitlichkeit in den wercken oder leiden der begierlichkeit. mit der sterck in den wercken oder leiden der ernstlichkeit. Bei dem fierden so wiß das die vorgebant tugent heissent tugent der sitten. wann sie den menschen schickent zu guten sitten die einer rechten vernunfft zimet. Sie heissent auch gewonlich tugent vmb das sie gesucht werdent aus ernstigkeit guter werck. Sie heissen auch pollice. wann sie machen das der mensch wol geordnet wirt in den leuten. Sie heissent auch die vorderst. wann all ander tugent die werdent zu den gefürt. Sie heissent auch die angeltugent von dem angel also genant. wann recht als die gantz bewegung der türe in dem angel ist. also ist auch das gantz würckent leben des menschen das leben nach der rechten vernunfft. das stat als in den tugenden. Auch heissent sie die gemainen tugent. wann in ein andere yegliche tugent der sitten habent sie teile. **D** Nun merck von yeglicher tugent besund. von erst von der klügheit oder klügen weisheit. dauon redet Bernhardus ad Eugenium. vnd spricht. Die klügheit ist nit allein ein tugent. auch ist sie ein karr oder ein wägelin der tugent. des ander von der gerechtigkeit. das dritt von der sterck. das fierd von der zeitlichkeit. wilt du wissen von der tugent der klügheit so soltu auch wissen die vntugent die ir widerzarn sind. Es spricht sanctus Augustin⁹ iij. wider Julianum. das allen tugenden nit allein offenbar sind die vntugent die wider die bescheidenheit sind. auch wider die klügheit ist die torheit. auch die vntugent die nit in der warheit sunder in einer betriegenden gestalt sind. vnd des gleichen ist wider die klügheit die listigkeit. vnd darumb bei der klügheit so merck von ersten von ir selbs. des andern von iren stücken. des dritt von den vntugendē. des fierd von der verfaumnus

die wider die fleißigkeit ist . die der klügheit zugehöret . Das
 sunnfft von den vntugenden die ein falsche gleichnuß haben
 mit der klügheit . Bey dem ersten so wiß das die klügheit nach
 de als philosophus spricht . vj . Ethico . ist ein rechte vernunfft
 der würckenden ding . als sant Augustin spricht . in li . de mori-
 bus ecclesie . das die klügheit ist ein lieb bey den den von ir ge-
 holffen wirt . den sie weißlich mitteilt die erwellung . aber das
 wirt wesenlich verstanden . das ist also als vil die lieb bewegt
 zu dem werck der klügheit . Das werck der klügen weißheit
 wirt dzifaltigklich vermerckt . Von ersten in dem rat was ge-
 raten ist . vnd in dem erfinden des gerichtts was rat vnd gera-
 ten ist . vnd das zu dem selben das werck des gerichtts gesetzt
 werd . vnd das selb dritt werck ist das vorderst werck der klüg-
 heit . wann die andern zwei werck die werdent darzu geordnet
 danon philosophus spricht . vj . Ethicorū . Das ist der klügheit
 das sie verbring was geboten vnd weißlich erfunden ist . vnd
 das mag die verstantigk eit nit mit der klügheit sie werde dann
 bewegt mit dem rechten willen . wann der selbig zusatz ist des
 rechten willen . als eins bewegers . vnd das ist die vsach mit
 der klügheit . als einer der verständigklich schickt zū thun das ge-
 boht des vorgemelten zusatz . wann das vorderst werck der klüg-
 heit ist bey der würckung was geraten ist . vnd das das mit de
 rechten gericht geschafft werde . vnd darumb so gehört ir eig-
 entlich zu die fleißigkeit . als ysidorus spricht Ethymologiarū
 Der ist fleißig gebeissen als vil er etwen aus seinem gemüte
 fleis hat das er schnell verbring was zū thun ist . als philoso-
 phus spricht . vj . Ethicorū . Man muß schnell thun was getun
 oder geraten ist . Aber den rat soll man langsam haben . Auch
 ist die klügheit genadsammig in allen den die genad habent .
 wann wellicher die genad hat der hat die lieb . vnd des gleich-
 en hat er all ander tugent . von ir anhangung wegen . Auch
 spricht Gregorius . ij . moralium . Was die andern tugent beger-
 ent sie thuen dann das klügklich . oder sie mügent nit tugent
 gebeissen sein . E Doch so merck das zwifaltige fürsich-
 tigkeit ist . Eine der genüg ist zu denen die do sind von der not-

turfftigkeit wegen des hails vnd die ist in allen den die gnad
habent vnd die auch bedörffen das sie mit fremdem rat gere
gieret werden die ym anders wissen vnd künden raten. also
das sie die guten rat von den bösen mügen erkennen. vnd der
ist auch in den getaufften künden nach der wat vnd nit nach
dem werck. Es ist auch ein andere fürsichtigkeit vnd ist noch
mer mit der in etwer selb vnd den andern kan vnd mag fürse
hen nit allein in den dingen die zu dem hail gehören vnd dar
zu not sind. sunder auch von allen dem was zu des menschen
leben gehört. vnd die nit in allen den die gnad habent. wann
in den sünden ist nit ein ware volkomne klügheit die do zu ein
em guten gantzen end des gerechten lebens rat richtet vnd
schickt. die allein die klügheit heist. vnd des gleichen ob etwas
in ym ersehen wirt das der klügen weisheit ist. eintweder ist sy
falsch oder vnuolkomen. Spricht philosophus. vj. Ethicorū.
Es ist vnmüglich das einer klüg vnd weis ist das das nit ein
güt ding wär. Bey dem andern so wiß das der klügen weis
heit dzu stücklin gesetzt wirt Tullius in sua rhetoric a. der setzt
die gedechtnuß die verstentnuß vnd die klügheit. aber Macro
bius nach dem vrtail Platonis der schreibt der klügheit zu. vj.
stücklin. das ist die vernunfft. verstendigheit. sichtigkeit. klüg
heit. die lerehafftigkeit. vnd die bewarung. Als Aristotiles
setzt. vj. Ethicorū. der setzt. ix. stücklin. Ein ander philosophus
der setzt. x. stücklin. Von den allen gar lang zuschreiben wäre.
Auch bringent die nit vil nutz den einfeltigen. vnd darumb so
merck bey dem dritten das ist von den vntugenden die offen
lich wider die klügheit sind. das ist die vnklügheit vnd die an
dern vntugent die darunder sind. So wiß das die vnklügheit
besunder genomen wirt vnd widerwertig. doch wirt sie nit ai
gentlich geheissen vnghehellig. also das sie genent wurd ein ab
gang der klügheit. das sind die on sünd sind der abgang der
klügheit. oder einer yeglichen tugent der wirt verschlossen in
dem abgang der gerechtigkeit nach dem vrsprung die die sele
gantz volkomen macht. vnd nach dem mügent all ander ge
brechen der tugent zu der angebornen sünd geführt werden. in

der besunder wirt die vnklügheit geheissen. als vil als etwer nit hat die klügheit die ym angeborn ist. vnd also ist die sünd von der versaumnus wegen. damit der mensch nit fleiß hat das er hette die klügheit. widerwertig wirt die vnklügheit genomen nach de das die vernunfft widerwertig bewegt wirt vnd tüt wider die klügheit. also das die vernunfft nit recht rat vn tüt vnweißlich vnd vnklüglich vn versmecht den rechten rat vnd also auch in den andern wercken die der klügheit sind. darun ist also die vnklügheit ein sünd nach der ersten sach der klügheit. Proverbiorum .xxi. Der begirlich schatz das ist die gnad vn das öl ist in der wonung des gerechten. vn der vnklüg verzert das das der mensch tüt nit wider klügheit. nun er kōz sich dann von den regeln damit die klügheit gerecht wirt. ist aber das die etwas on sie thüt on die verschmehung vnd on iren schaden die von notturfft irs hails sind. so ist das läßlich. wie wol die vnklügheit ein besondere sünd ist. Recht als die klügheit darwider sie gesetzt wirt ein besondere tugent ist. so ist sie doch ein gemaine sünd. also mit der mittelhaßigkeit als vil in einer yeglichen sünd gebrechen ist. das ist etwen vil in dem vnuernunfftigē würdigkeit das der klügheit zūgehört. recht als die klügheit gehört zū etlich maß in allen tugenden als vil sie dar schicken ist. darun so ist vnklügheit ein gemaine sünd zūsetzen. also gegen etlichen sünden die ir gestalt sind. der etlich genomen werden nach den stücklin ir macht. vnd dasselb nach dreien wercken der vernunfft. als vil der gebrechen des rats ist bey den ist das außlassen vnd überwerffung vnd die dorischeit. do wirt gesprochen die überwerffung in dem alter. damit eins mit der vngestümigkeit des leidens oder des willens vertregt etwas zütun vnd gat für die mitte der gerede davon er ordenlichen solt herwid steigen mit de beraten der vernunfft vnd die selbē staffeln sind die gedechtnus des vergangen. verständigheit des gegenwürtigē. fleis in de vermercken das künftige ding vnd forst eins mit dem andern. vnd die lere damit etwer nach hengt der andere vteil. **F** Sonder dem überwerffen ist die torheit. vn also wirt die dorheit geheissen was mit

der vernunfft nit geregirt wirt. vnd das mag zwifaltig ge-
schehen. einest mit der vngestümigkeit des willens vnd des lei-
dens. zu dem andern von der versmechung wegen der regel die
do schickt zu dem besten. vnd nach dem bringt eigentlich die do-
rischeit den überwurff. vnd helt sich also beidenthalb wiewol
das mer geschicht das erst aber von der geprechen wegen des
gerichts bei dem die vermerckung ist darinn etwen eins in dem
gerechten gericht ein abgang hat vñ das er versmecht oder
versaumbt zumercken von de daraus ein rechts gericht kumt
aber gegen dem gebott das das erst werck der klügheit ist wi-
der das ist die vnstetigkeit vnd die versaumnus mit de so heist
etwen einer vnstät vnd versömig. Nun merck von dem fierden
das ist von der versaumnus die kumbt aus einer nachlassung
des willen. mit dem fügt sich das das die vernunfft nit fleissig
ist des überwerffen die do soll oder wie die soll das mag zwif-
faltig geschehen. einest vmb das die versaumnus vor her ge-
schickt ist zuversaumen das nottürffig ist zu dem hail. vnd so
ist das ein totsünd. zu de andern so geschicht das von der sach
wegen. ist das der will als fast nachlessig ist bei dem was got
zu gehört das damit die liebe gottes gantz abnimbt. so ist die
selb versaumnus tötlich. vñ das geschicht am maisten so die
versaumnus kumbt aus der versmechung. ist aber das die ver-
saumnus geschicht on die verlassung eines wercks oder eines
vmsands das nit ist von der nottürfft des hails. noch durch
kein versmechung. sunder nun von dem abgang der inbitzig-
keit die etwen gehindert wirt mit einer leflichkeit so ist die selb
versaumnus leflich. Nun wif von dem fünfften das ist von
den vntugenden die ein gleichnus habent mit d klügheit. das
ist die klügheit des flaischs listigkeit geferd vnd betriegnus. so
merck das die klügheit des flaischs genomen wirt nach einer
besundern klügheit. also das sich der mensch gantz darnach
setzt das er damit sein leben zu einē sollichen end bringen wöll
so ist es ein totsünd. wañ mit der klügheit kört sich der mensch
von got. dauon das vnmüglich ist das letzte end gesein müg.
als sant Pauls spricht ad Romanos am. viij. Die klügheit des

fleischs ist ein feindin gottes. ist aber das die klügheit genom-
 men wirt von eins teils wege der klügheit so ist es ein leflich
 sünd es geschicht wol das etwer ein vnordenliche begir hat zu
 einem gelust des fleisch on ein abwenden von got dauon das
 er nit sein gantz leben wöll bringen zu einem sollichen end des
 fleischlichen gelust. vnd also wann einer etwen fleis hat zu ei-
 nem sollichen gelust böflich so ist es ein lefliche sünd. ist aber
 das etwer das werck des fleischs will bringen zu einem ersam-
 en end also das er sich etwen fleist der speiß von auffhaltung
 wegen des leibs. das heist nit ein klügheit des fleischs. wann
 d selb mensch nützt die sorg des fleischs von auffhaltung we-
 gen des leibs zu einem end. Auch so mag etwen ein sünd hab-
 en ein falsche gleichnuß mit d klügheit vnd das wirt einest ge-
 sprochen wann der fleis d vernunfft geordnet wirt zu dem eit-
 de das nit fürwar güit ist. aber nun zu einem schein das gehö-
 ret zu der klügheit des fleisch. Zum andern mal wann etwer
 einer lebt zu einem güten od bösen end vnd nützt nit die rech-
 ten weg sander smeichent. das selb gehöret zu der lüftigkeit dē
 gefex oder betriegnuß. aber die lüftigkeit ist aigen mit den ge-
 den dēn sollicher weg. vnd das gefex vnd betriegnuß die hab-
 ent das zuuolfüren der werck. wie wol das gefex in wortten
 vnd in wercken vnd das betrieggen allein in wercken stat aig-
 entlichen. ¶ Aber was ist zuhalten von dem fleis der zeit-
 lichen ding ob der icht zimlich geschich. so wif das das drifal-
 tig geschicht. das erst der ainigkeit vnd der gütigkeit vnd die
 ist böf. die ander ist notturfft vn fürsichtigkeit vnd die ist güit
 die dritt ist des zweifels vnd des mistrawen vnd die ist auch
 böf. die erst ersüct die ander ordnet zu dem güten die drit die
 hindert. dauon cristus sprach Mathei. vj. Ir sollent nit fleissig
 sein vntz morgen. damit verbeüt er nit den fleis auff das ander
 aber auff das erst vnd auff das dritt den selben fleis verbeüt
 er also das ym der mensch mer getrawet wan gott. wan die
 arbeit vnd die fürsichtigkeit die verdampft nit. aber der fleis d
 er würgt den menschen. vn die yetzigen vntugent die koment
 auß der geitigkeit. als Gregorius spricht. x. moralium der setzt
 q iij

die betriegnuß zu einer tochter der gienigkeit.

Hie nach volgt das Capitel von der gerechtigkeit.

Vn zuschreiben von der andern tugent das ist von der gerechtigkeit. **H** Da bey so wiß in welcher maß die genomen wirt. des andern was die gerechtigkeit sei des dritt von dem werck der gerechtigkeit. des vierden von den vntugenden die wider die gerechtigkeit sind. Bey dem ersten. so wiß das die gerechtigkeit drifaltig genomen wirt. von ersten von des rechten wegen. wann etwen redent die menschen von iren gerechtigkeiten. Zu dem andern von dem werck zu geben einem yeglichen was sein ist. das dritt von der gewonlichkeit die sich naigt zu einẽ geenten willen yeglichem das ym gehört zu freuden d gerechtigen werck. als philosophus spricht Der hieß nit gerecht der sich nit frewet der werck der gerechtigkeit. In der ersten maß ist die gerechtigkeit nit ein tugent. aber ein fürwurff der tugent. des andern so ist das ein werck d tugent. vnd zu dem driten so ist sie ein tugent. Zu dem andern so wiß was die gerechtigkeit sei. da von sprechen die lex. die gerechtigkeit ist ein bestetigung des ewigen willen. der einem yeglichen geit das sein. Von de dritten das ist von dem werck der gerechtigkeit ist eigentlich geheissen das man yedem geb was sein ist. vnd dauon spricht Ambrosius li. j. de officiis. es ist auch ein werck der gerechtigkeit das gericht oder das recht. vnd das erst gehört eigentlich zu dem volsüren vnd offenzbarung der gerechtigkeit. Von de vierden das ist von den vntugenden die wid die gerechtigkeit sind das ist die vngerechtigkeit. bey dem so wiß sie zwifaltig. die ein ist an das gesetzt. vn ist wider die gerechtigkeit des gesatzt. vn also ist die nach dem wesen ein sundere vntugent. mit dem das sie das gemain güt versmecht. aber von der vsach wegen ist sie ein gemaine vntugent. wann mit dem versmechen des gemainen güts mag der mensch zu allen sünden getzogen werden. vnd auch also habent all tugent als vil die wider genomen güt sind ein vsach der vngerechtigkeit. recht als die vō der gerechtigkeit kōmen. Zum andern so heist die vngerechtigkeit ein vngleiche

ding zu einem andern. Also das ein mensch wölle mit haben 8
 güte des reichthums vnd 8 ern on mü ald arbeit vnd des schas
 den nymen. vñ also hat die ein besunderere materi vnd ist auch
 ein besunderere vntugent wider die gerechtigkeit. wann wer das
 vnrecht tüt das ist von seiner art ein totsünd darumb das es
 dem andern schaden bringt. das von ymselbs wider die lieb ist
 wer aber vnwissentlich ein vnrecht tüt der tüt kein vnrechts.
 nun mit der würckung darumb das er tüt on einen rechten sin.
 vnd das selb verdient die leflichkeit. vnd das sprich ich also
 zureden von der vnwissenheit des wercks. aber nit von der vn-
 wissenheit des rechten darumb das die nit berett. Wie merck.
 all vntugent die wider die gerechtigkeit sind. die erst ansehen
 die person. das aber das sünd sei so hör was got spricht Deu-
 tronomij. j. Ir sollent nit aufnemen ein yegliche person. die an-
 sehung der person ist wider got vnd wider die gerechtigkeit.
 als sant Pauls spricht ad Ephesios. vi. Bei gott ist kein anse-
 hen der person. wann ein gerechter mensch sicht an die sach.
 vnd nit die person 3 Sprichstu aber. sollich von der sünd
 wegen nit ere erbieten meinem nechsten. So wiser erbiets-
 ung ist nit anders dann ein zügnuß dem du es erbüßt seiner tu-
 gent. spricht Philosophus. vnd darumb so ist allein die ere 8
 tugent pflichtig. aber doch so mag etwer geert werden vñ nit
 allein von seiner eignen tugent wegen sunder auch von ander
 tugent. als die fürsten vnd prelaten geert werden. ob sie ioch
 böß sind dauon das sie tragen die person gottes vnd der ge-
 main über die sie gesetzt sind. vnd haben von gott den gewalt
 also spricht Alexander anglicus. Vñ des gleichen soll man er-
 en vatter vnd mütter vñ die herren von der teilhaffigkeit we-
 gen der götlichen wirdigkeit der aller meniglich vatter vnd
 herr ist. als Exodi an dem. xx. geschriben stat. Du solt ern dein
 vatter vnd dein nütter. vnd sant Pauls ad Timotheu an dem
 .vj. Wellich vnder dem ioch sind die sollent gedencken das sie
 iren herren ere erbieten. Aber die alten die sind züer en von des
 zeichens wegen der tugent des alters. als Leuiti. v. gebotten
 ist. Du solt auff ston vor dem grauen har vnd eren die person

des alten. doch so hat etwen dasselb zeichen ein abgang. als d
weis spricht. Sapientie. iiii. Das alter ist erwidig. mit die len
ge oder die zal der iar. aber die grae das sind des menschen sin
vn̄ das vnermalgt alter. Die reichen sind auch züeren vmb
das sie in der gemain habent die hōchern stat. wār aber das
sie allein von güts wegen geert wurden das eins gedechet sie
woren darum̄ besser oder reicher von kirchenlicher oder welt
licher wirdigkeit wegen. das ist ein sünd d ansechung der per
son. spricht sant Augustin in der glos das Jacobus an dem. iij
schreibt. Wer den reichen von d reichumb wegen eret d sün
det. spricht sanctus Thomas vn̄ Alexand anglicus. es sei dan̄
das etwer den reichen ere vmb das er damit meiden wöll sein
ergerung vnd der andern das doch d arm nit ver smecht werd
vnd der reich in den sünden nit verworffen werd. spricht Alex.
Die ander vntugent wider die gerechtigkeit das ist der wider
drief die einer wider sein nechsten tüt mit Worten oder werck
en. als lesterung vnd exentziehung. verwarung das gespödt
fluchen. vilreden zc. Nun bei dē ersten so wif d heist ein lesterer
der schneller gefwollner wort ist vn̄ vermaint mit schantliche
worten sein nechsten zū smecken. Fragstu dan̄ ob das ein tot
sünd sei. so wif die wort nach dē wesen das ist nach dem das
die sünd eins dorlichen gedōn kumbt vn̄ nit ander schaden bri
ngt dan̄ das leicht beküern das gehōr. also wān etwer gar
zilaut rett als die bedeutlich zeichē etwen vil schaden mügent
bringē den andern. vn̄ vnd den ist eins damit ein mensch scha
den nimbt an seiner ere vnd wirdigkeit die ym erbotten soll
werden. die selb bedeutung kumbt aus dē inwendigen begern.
vn̄ dauon so ist sie gröflich zū mercken in den sünden der wort
aus was begir die herkumb. vn̄ darumb das die lesterung in
ym hat ein besondere vnerung wa der mensch das in solichem
redet sein nechsten damit zūneren so ist es totsünd vn̄ nit min
der wenn diebheit oder raub vmb das d mensch sein ere mind
lieb hat dann sein güd das er besitzt vnd darumb verdienet er
ewige pen. als Matheus spricht an dem. v. Wer sein brüder ein
toren heist der ist schuldig des hellischen feurs. Ist aber das et

wer ein lesterig oder schentlich wort ausspricht gegen einem andern vnd nit in sollicher maiung yn damit züscheiden oder vneren sunder durch straffung willen das heist nit ein lesterung vnd mag wol geschehen on sünd. als cristus sprach zu seinen iungern. O toren vnd eins trägen hertzen züglauben. Et wen so mag das geschehen mit einer leblichen sünd. wan das ein klein lesterung ist die den menschen nit vast vneret. vñ wan das aus leichtfertigkeit gerett wirt oder aus ein klein zorn vñ doch in dem fürsatz da mit niemant züscheiden sunder mit ein klein zübetrüben wie wol das möcht in sollichem vnfürsichtigkeit geschehen er sündet tötlich. Das ander ist die exentziehung wa die mit verborren Worten geschicht. wann wer mit heimlichen Worten er entzücht seinē nechsten der macht das die zühörende ein böse betrachtung von ym habe. **R** Sprichstu dann ob die ein totsünd sei. so wiß wie ob stat. das die sünd der wort großlich sind in der achtung des aussprechers wan ein exentreicher der ordnet das in ym selbs wie er swechden andern an seinem leümde mit der nachred die er hinder ym tut. das ist gar ein swer ding. wann ob allem zeitlichen gut ist d leümde das kostlichst. mit desselben gebrechen wirt d mensch von vil güts zütun gehindert. als geschriben stat Eccl. xij. Du solt sorg haben deines güttens namens. wann das beleibt dir mer dann tausent schetz. vnd darumb so ist die entziehung ein totsünd. spricht sant Pauls ad Romanos an dem. j. Gott der ist geheßig dem entziehen. vnd das setzt er darumb dar zu das niemant gedechte das es ein kleine sünd sei vmb das das sie mit den Worten geschicht. aber etwen geschicht das eines etliche wort spricht mit denen des menschen leümde gemindert wirt vnd mainet doch nit in sollichem sein nechsten züscheiden bringen. vñ das ist an ym selbs eigentlich züreden mit ein entziehung. aber wol nach d materi. vñ ob das allso geschech vō güts od noturfft wege mit den rechten vrnstende so mag das nit ein entziehung geheissen sein. geschehent die aber aus leichtfertigkeit oder von and notturfft wege so sündet er darumb nit tötlich. es geschehen dan solliche wort dardurch des mensche

güter leüme mercklich genomen. vnd seinem er samen leben
schaden gebracht wurd. wann von der art wegen der selben
wort ist es ein totsünd. vnd ist der mensch gebunden vñ schuld
dig seinem nechsten sein ere die er ym entzogen hat wider zü
hören. spricht sanctus Thomas. iij. via. Die tugent das ist die
verwarung ob die ein totsünd seie in der materi ab gescheiden
von der entziehung vnd in der maß der rett das vbel von sein
em nechsten vnd tüt das heimlich vnd setzt oft eins für das
ander. als Eccle. v. geschriben stat. Du solt nit heissen ein ver
warer. wann die verwarer fleissent sich zü teilen die freünt
schafft. als sant Pauls spricht ad Romanos. j. Die verwarer
vnd die ere entziecher. spricht die glos. Die verwarer die sät
ent krieg zwischen den freünden. aber die entziecher die ver
lögnent des güten von iren nechste. oder sie machent des min
der. Aber ein schender der hat ein vndercheid von yn beiden vñ
der ein offenliche schand seinem nechsten zusetzt. also das er
yn verklagt oder yn lestert on des andern wissen oder zühören.
aber ein zwizunliger d heist eigentlich der sich fleist scheidung
der freüntschafft. Prouer. vj. Spricht Salomon. es sind sechs
ding die got hasset. vnd vber das sibent erbarmbt er sich ny
mer. vnd das ist der feintschafft macht zwischen den freünden
L Die fierd vntugent wider die gerechtigkeit ist der spot. do
möchstu sprechen ob spoten ein besondere sund sei geteilt von
den andern. als do mit Worten etwer sein nechsten beleidiget.
So wif ia. wann das end der sund ist geteilt von den andern.
das ist die smacheit vñ die scham der die den spot leiden. recht
als ein lesterer gedencet in der beswörung. vnd ein erentziecher
des vnleüms. vnd der verwarer der zwitrecht. vnd also ge
dencket ym der spotter der scham. ob aber das gespöt etwen sei
ein totsünd. so merck ia. wann das ein vbel oder gebrechē macht
zū einē spil oder gelächter. aber wann das in ym selb ein klein
vbel ist so ist das leflich vñ ein ringe sund nach seiner art. spr
icht sanctus Thomas. auch mag es leflich sein wa ein spot ge
schicht aus leichtfertigkeit vñ der da mit nit maint seins nech
sten vbel. Hec Tho. Die. v. vntugent wider die gerechtigkeit

Das ist fluchen. do möchtestu sprechen ob fluchen alleweg böß sei. so wiß das der fluch etwen einem geschicht der des segens würdig ist oder dem der segen zugehört. auch mag das geschehen von liebnuß wegen d gerechtigkeit oder der rachtung. oder von des wegen das es darzü gebürt ampts halben. vnd darumb ist das der fluch geschicht von des wegen der yn verdient mit den andern gerechten vinstenden so wirt der fluch gut. wiewol der böß ist dē der do flucht. geschicht aber dē der flucht der yn nit verdient hat. od das die gerechten vinstend nit do sind so ist das ein fluch vnd ein totsünd. Spricht Alexand. ob fluchen ein totsünd sei. so wiß ia. aus ir art nach dē das die ansicht die lieb vnserß nechsten. als sant Pauls spricht. i. Corin. vj. Weder die flucher noch die rauber besitzzen nit das reich gottes. vnd die sünd ist als vil sweter als vil wir gebunden od schuldig sind d selben person mer zilieben oder ere zū erbiten. als Leuiti. ij. geschriben stat. Wer seinem vatter oder mütter flucht der soll sterben des tods. Aber es geschicht wol das ein fluchwort leßlich ist eintwed von eins klein vßels wegen das eins dem andern zūsetzt. oder von des begerens wegen des der die fluchwort ausspricht mit einer leichten bewegung. es sey an einer kurtzweil oder schnell. wann die sünd der wörter die werdent großlich geschetzt aus was mainung die geschehent wie ob stat. vnd danö spricht Augustinus in der omely de purgatorio. das die sünd die geringest sei in den vorgemelten sünden. aber Alexand spricht. ist das solliche fluchwort bringent vñ bracht werdent in ein gewonheit so mügent sie tötlich werden von der verßmechung wegen. Hec Thomas. Die sechst vntugent wider die gerechtigkeit das ist vil reden. oder das verßweigen wann man reden soll. bei dē so wiß nach dē als Alexander anglicus spricht. etliche vilred ist also geheissen wann vil wort vberflüssiglich on not on nutz geschehen. solliche vil redung ist nit on sünd. Prover. iij. aber das wirt nit genomert in seiner gemain darin vil red geschehen mag wol on vbel. vil red muß man nützen zū der auß legung vñ erleüterung hertex sach. aber nach dem als das eigentlich ist vil red anders vnd

vil wort auch anders. aber das kles vil wort das lat zu der ver
smechung von dann die her koment aus überiger gewonheit
vnd der vnordenlichen rede. aber vil red endent als vil nit als
das vnnütz kles. aber das stat in seiner art. vnd dauon so ist
vil red ein lefliche sünd nach dem das die zünechst dem kles ist
darumb spricht sant Augustin von den kleinen sünden vñ setzt
vnder andern. als offft ein mensch mer rett dan notturfftig ist
das heist er vil wort oder kles. vnd das mügent totsünd sein.
als Job spricht an dem. xj. Mainstu der man der vil wort hab
wer de heilwertig. gleich ob er sprech nain. aber bei de stillswei
gen so wif das sweisen etwen ist ein werck d tugent. als Gre
gorius spricht. ein bescheidner munt d tüt zimlich zu zeiten sein
stimm auff vnd verfleüst auch den zu zeitten mit stillsweigen
zimlich. Etwen ist stillsweigen ein nam d vntugent. als Gre
gorius spricht. wer in dem vnmesfigen stillsweigen nit sündete
so hette der prophet nit gesprochen. wee mir das ich geswigen
hab. Ist aber das du fragest in was art die sünd sei das ist in
dem verlassen oder in dem wogen. so wif das die sünd ist in d
art des verlassen. wann stillsweigen ist nit anders dan nütz re
den in dem der gereden mag zu zeitten an steten vñ mit andern
vmstenden vnd redet nit der sündet vñ darumb ist das sweigē
etwen ein lefliche sünd etwen tötlich in de do der mensch ges
bunden ist zureden vnd verfleüst das der sündet tötlich in der
weise so ein mensch schuldig ist zubeichten sein sünd zu rechter
zeit vnd mit den andern vmstenden. vñ auch das er möcht mit
seiner red mit seinem nechsten gebessern mit allen vmstenden.
vnd tüt das nit der sündt tötlich. wer aber das nit schuldig ist
vnd füget sich doch so ist es leflich. Nun wif die stücklin die
der tugent der gerechtikeit zugehörent damit sich der mensch
nagt von dem vbel zu dem gütten vnd von dem übergon vnd
verlassung. dann das übergon ist ein besondere sünd. als Am
brosius spricht. Die sünd ist ein übergon des götlichen gesatz.
Sprichstu dann ob die lafheit oder das verlassen ein besun
dere sünd sei. So wif ia. wann die selv sünd des verlassen die
bringt ein vnderwegen lassen des ein mensch schuldig ist. vnd

aus dem kumbt müßigkeit . oder beidenthalben das übergon
vnd das verlassen totsünd sei . So wiß gleich als das vnder-
wegen lassen ist wider das gebot der bestetigung . also ist das
übergon wider das gebot d nach hängung . vñ darumb treget
ir yegliche eigentlich zu reden ein ursach der totsünd . es mag
auch ir yegliche gemainlich genomen werden nach dem das
sie etwas sei an der bestetigung oder d vorhængung das wider
sie schickt . vnd also müge sie leslich sein . Hec Thomas . Auch
wiß die stücklin die mechtiglich zu gehört d gerechtigkeit
vñ der selben anhangent d Tullius etliche meldet vñ sind die
geistlichkeit . die gütigkeit . gnadraichung d sünd behaltung . vñ
die warheit . die vntugent dar gegen das sind vngestlichkeit .
vngheorsamkeit . vnd anckperkeit . rachtung an sein feinden . vn
warhafftigkeit . gleissenheit . rüm vnd übermüt . falsche freunt
schafft . zütütung . vnmiltigkeit vñ gütigkeit vnd verßwelling
Solt man das besunder auflegen wurd zulang . wa du aber
die erkennen wilt so hab rat deines beichtuaters . Vnd also
gang wir zu der dritten angeltugent die heist die sterck .

Das ist das ander Capitel von der stercke

Arnach so wiß von d sterck vnd zeitlichkeit . In Snd
von ersten von der sterck was die sei vnd darnach von
ir vntugent . zu dem dritten von iren stücklin . Bey dem
ersten so merck das die war sterck ist ein ware tugent . wann
die war sterck ist als philosophus spricht . iij . Ethicorū . damit
ym etwer materlich forcht . vnd in dem getar ein ding tün dar
zu es aus gewonheit genaigt ist von eins gütens ends wegen .
die ein behaltung ist in dem verderben des tods der gütens ver-
nunfft wie wol aber ist das man ein sicht etwen stercklich ein
ding tün vñ würck doch das nit nach d tugent d sterck . vnd
dauon so ist sein sterck nit gerecht . sünd sie ist nun zu ein schei
vñ vmb das so mag die tugent d stercke zwifaltiglich geno-
mē werde . einest nach d sie geheissen mag werde ein festigkeit
des gemüts . also ist sie ein gelegenheit einer yeglichen tugent .
als geschribē stat . ij . Ethi . der krafft gehört zu das die sterck-
lich würck . zum andern nach d das die geheissen ist ein krefft-

tigkeit des gemütes zuleiden vnd zuuertreiben schweres ver-
derben. als Tullius spricht in sua rhetorica. Die sterck die ist
geschetzt bei dem empfangen des verderben vnd bei dem leiden d
arbeit. vñ also ist sie ein besondere tugent die mit ein geente ma-
teri hat. Auch so wiß das die tugent darzu berait die sele das
die gern leidet den kummer welcherlei der ist. aber sie mag nit ge-
nüg gebē das getrawen der entweichung des verderben wann
das ist vnd die selb krafft oder stercke güst ein der heilig geist d
die widerwertig forcht aus slecht. vñ ein solliche gedürwe ge-
hört zu der sterck die ein gab ist des heiligen geists. Auch merck
spricht Philosophus. i. de celo et mundo. Der nam der tugent
wirt geacht zu der letsten macht. wann ein natürliche macht
wirt geben nach dē das etwer mag widerston der zerstörung.
zu dem andern nach dem ein anfang ist der würckung. Ut dici-
tur. v. Metaphisice. vnd darumb so ist das ander als das ge-
nommen wirt gemainer. das ist d nam der tugent nach dē als er
spricht die letst macht vñ das ist gemain. wann die tugent also
manigfaltiglich genomen ist nit anders wann ein gewonheit
damit eines wol gemercken mag. aber nach dē er das heist die
letst macht als von erst gesprochē ist vnd die selb maß ist mer
besunderlich vñ die wirt mer einer besundern tugent zugeacht
das ist der sterck d zugehört das sie stercklich ste wider ein yeg-
liche anfechtung. als geschribē stat Sapientie. viij. Die weis-
heit leret dich nit. vnd die klügheit leret die gerechtigkeit vnd
die tugent. vnd also wirt die sterck spricht Philosophus. ij.
Ethicorū. die ist bei der forcht vñ bei der klügheit recht als ein
haubstraw in aller müglicheit. also das eins nit sei züforchtig.
noch züküne. Bei dem andern das ist von der marter dauon
stat hernach geschriben. Hie wiß das die vntugent die wi-
der die tugent der sterck sind. vnd die erst ist die forcht vnd die
vnforcht vnd die dritt die künheit. Do möchtestu fragen ob
die forcht ein totsünd sei. So wiß das vnordenliche forcht et-
wen stat in der begird der empfindnuß. vnd also ist die forcht
nun ein tegliche oder ein läßliche sünd. Etwen so berürt die
die begird der vermunfft die der will heisset. vnd so ist dann

So Mündt die
mit M. d. d. d. d.

~~_____~~
Zu a 3035

Die forcht etwen ein totsünd. also wann der mensch etwert von der forcht wegen allso geschickt ist das der tü wider das gebot gottes. vnd allso wirt den forchtigen geben die hellisch pein. als Johannes spricht in dem buch der tagen an dem. xxi. Die forchtigen werdent ein teil haben in dem see des feürs. Et wen so ist die läßlich wann ein von forcht wegen getzogen wirt von dem gütten das von der volkomenheit des rats ist. Et wen so ist es kein sünd als wann man ein vernünfftige vsach hat der forcht. als auch sprechent Thomas vnd Alexander anglicus. Bey dem andern möchstu frage ob die vnforcht auch sünd sei. So wif das alle vnforchtsamkeit ein vntugent ist. es sei dann das sie ein vsach hab aus dem gebrechen der liebe Allso wann ein mensch ist mer gebunden sein aigen leben lieb zü haben. oder sie hab ein vsach aus der hochstössigkeit des gemüts des sich ein mensch selbs vbernimbt vñ verschmecht die andern. oder wan das ein vsach hat aus der tragsamkeit. vñ ist das die vnüberwintlich ist. so wirt der mensch vor der sünd berett. Bey dem dritten das ist bey der klügheit so wif das die klügheit ein vntugent ist nach dem die ein vbertretung ist des leidens die ein künung heist. Als Eccle. an dem. viij. geschriben stat. do selbs wirt widerraten der kün gesellschaft vnd spricht Du solt nit gon auff den weg der künen. Dabey magstu brüfen das die künheit vnd die forcht sind wider die tugent vnd die sterck. N. Hie bey wif das stücklin der tugent das setzt Tullius in sua rhetorica fier stück der sterck. das ist die großmütigkeit. gedult. woltrawen. vnd die harrung. Nun züreden von der großmütigkeit vñ von ir tugent. als philosophus spricht. iij. Ethicorū. ist bey den grössern eren. Auch ist ein andere tugent bey den mitlen eren die vnnämlich ist dan die von den geerten genant ist phillotimo. das ist die lieb der eren. vnd apholotimia das ist do on die lieb die ere gelobt wirt. Etwen so wirt die ere gelobet das etwer der eren nit großlich achtet. das mag vberal mäßlich geschehen. vnd gehöret zü dem getrawen der großmütigkeit die Tullius setzt. wann die großmütigkeit die ist großlich vnd aigentlichen bey der hoffnung

eins genöttigen getrüen daraus ein starcke hoffnung kumbt mit einer schetzung die ein überige betrachtung macht nach zukommen einem gut. aber die sicherheit die heist ein vollkomne nürwe rü süfichtar von der forcht vnd gehörtet zu der sterck. Doch so wiß recht als die hoffnung ist ein vrsach der künheit also ist vertzagnuß. vnd dauon recht als das getrüwen mit der nachuolgunng gehörtet zu der sterck. als vil die künheit genützt wirt. also gehörtet auch die sicherheit mit ir nachuolg zu der großmechtigk eit. als vil sie die vertzagnuß vertreibt. Zu reden von dem andern das ist von der überenehmung oder dorischeit. Dabey wiß das sich die setzt wider die großmechtigk eit mit irem auftreten. als Philosophus spricht. Vnd bey dem mügen wir erkennen das die ein sünd ist. Sprichstu dan die dorischeit wirt gesetzt für ein gestalt der sünd in den heiligen geist. die also mit gesatzt wirt wider die großmechtigk eit. sunder mer wider die lieb. So wiß das mit ein yegliche dorischeit wirt geschetzt für ein sünd in dem heiligen geist. aber nun die do mit etwer verschmecht die götlich gerechtigkeit. Zu dem dritten züreden von der ergierigkeit. dabey wiß das sie ist gesatzt wider die großmechtigk eit mit dem auftreten. wann die selb bringet ein vnordenliche begir der eren. vnd das geschicht dufaltig. Einest mit dem das sie begert der gezeignuß von hocher erreicheit die sie nit hat. Das ander das sie solliche ere begert vnd schetzt die ir nit zügehört. Das dritt das damit ir begir rüwet in den eren vnd bringt die nit zü nutzperkeit der andern. vnd also ist die ergierigkeit allweg sünd. das auch kund ist bey dem das sie wider die lieb ist. als sant Pauls spricht ad Corintheos. xiiij. Die lieb ist nit ergierig. Zu dem vierden züreden von der eitel ere. also ob sie ein sünd sei. So wiß das zü der vollkommenheit des menschen gehörtet das er sich selbs erkenne. aber nit das er von den andern erkant sei. vnd darumb so ist die eitel ere nit von ir selbs wegen zübegern. aber sie mag wol begert werden nach dem das sie etwas nütz ist. Entweder das die andern darinne auffnehmen so sie in einem andern ein güts erkennen. oder zü dem das ein mensch selbs in

dem gütten das er in ym erkenet durch die zeügnuß der andern darinn fleißigklich harr vnd bleib vntz an das end. vnd das er darinn bah auffnem. vnd nach dem ist die eitel ere loblich das ein mensch sorg hab seines gütten namens. aber doch das er sich nit eitel erlüste in des menschen lob. spricht sanctus Augustinus. Sprichstu dann ob die eitel ere nit ein totsünd seie. so wiß das darumb ein sünd tötlich ist vmb das sie wider die liebe ist. aber in der maß wirt ersehen das die sünd wider die liebe gots ist zwifaltigklich. am ersten von des wegen dauon sich etwer rümbt das wider die ere gots ist. als sant Paulus spricht. Wes rümbstu das du nit nimbst. züm andern von des rümers wegen der in dem lob als in ein letsten end rüwet vnd der von des selben lobs wegen auch nit vnderwegen leß was wider got ist. vnd also ist es beidenthalb ein totsünd. ist das aber das die lieb des menschen lob wie wol die eitel ist nit geschicht mit den benannten zweien dingē so ist das nit wider die lieb. vnd ist leßlich. als Crisostomus spricht vber Matheum. das auch die eitel ere in den dienern cristi stat hat in den doch kein totsünd nit ist. spricht sanctus Thomas. Item Alexander spricht. die eitel ere wirt leßlich von vberring oder snelle wegen. oder von grosser begir aus leichtuertigkät betzeichnet bey dem puluer oder staub. dauon cristus sprach zü sein iungern. Mathei. Blast ab den staub von eüwern füßen. Spricht Gregorius. Die bredig die beschicht hart on die vermischung. des puluers. wenn wer do prediget der wirt vnwürdig ist das man yn versmecht. oder er kumbt in die eitel ere ist das er von den zühörern gelobt wirt. Doch so fielen die zwelffboten nit von ir vollkomenheit von solichs lobs wegen in eitel ere. Die töchter der eitel ere das sind vnghehorsamkeit. rümen vnd gleichnerei. Krieg vnd vppigkät. die zwaiung seins aigen vrtails.

Das drit Capitel sagt von der züchtigkät.

Ze fierd tugent das ist von d zucht vñ vntzucht. ①

Dabei so wiß das zucht mag zwifaltig genomen werden. einest nach der gemeinschaft ir bedeutnuß. vnd also ist die ein gemaine tugent. darumb das die ein zeitliche mes-

figkeit betzeichnet die die vernunfft setzet in den menschlichen wercken von dem leiden das gemain ist allen tugenden der sitten. Zu dem andern so wirt die genomen nach dē das sie zemet den würckern von den dingen die den menschen größlich zū laitet. vnd also ist sie ein besunderer tugent. als des menschen der ein besunderer materi hat daruon das die ist gar bei grossen gelüsten. vnd des gleichen als die gelüst sind des greiffens. der speiß vnd des trancks. vnd der scham. aber die ist nit bei den andern gelüsten der entpfindnuß zū dem vorersten. aber mit der nachfolgung das ist als vil sie gelait werden zū den selben gelüsten. Bei den andern so wiß die vntugent die wider die mesigkeit sind. vnd ist von ersten die vnachtigkeit nach dem austreten. vnd ist gar ein wider zū gleiche vntugent. als Philosophus spricht. iij. Ethi. darumb das die ist den gelüsten die gemain sind siech vnd leüten. vnd mag ein totsünd sein vnd etwen leßlich. als bei ymselbs kund ist. wer aber den gelust als vil vñ fast flüße das er die noturfft der auffhaltung d menschlichen natur vnderwegen ließ der sündet. wann der wär recht wider die natürlich ordnung. vñ das gehört zū der vntugent. der vnentpfindnuß. Doch so wiß das etwen gar loblich ist dē der sich enthelt vor sollichen gelüsten. vñ ist auch not das sich der mensch halt in züchtlichkeit durch eins güten ends willen. oder von leiplicher gesuntheit wegen oder vil von einer volfürung wegen eins ampts. als von selligkeit wegen der sele oder von götlicher spechung wegen. nach der yetzigen gehört keines nit zū der vnentpfindlichkeit. darumb das sie von einer gerechten vernunfft sind. Die stücklin der messigkeit oder d züchtigkeit in der gemain das sind die als Tullius spricht. enthaltung. gietigkeit. messigkeit. Aber Macrobius der setzt vil stücklin der züchtigkeit. als messigkeit. schamheit. enthaltung. lieb. keüßheit. ersamkeit. mittelheit. klügheit. Andronicus d spricht das die diener d zucht sind die scherpf od strengheit. diemütigkeit der schlechten Kleider. ein güte ordnung. vnd ir selbs genüge. vnd der selben tugent sind zwen gantz teil der züchtigkeit. das ist die scham damit etwer flücht das schöchtzlich oder grau-

same das wider die züchtigkeit ist. also das die scham nit genommen werd für ein leide sunder für ein gewonlichkeit vnd die ersamkeit damit etwer lieb hat die schön der züchtigkeit. aber die stücklin die d züchtigkeit vnderthenig sind der sind fiere. die zeitlichkeit die ist bei dem greiffen. der gelust der etlich geordnet sind bei der narung. vnd das ist als vil der messigkeit der speiß zü gehört. vnd als vil die nit antrifft des getrancks. vnd etlich sind geordnet zü den gelüsten der perhaffigkeit. vnd das sind künliche werck der keüßheit. Aber die gelüst der vntstend das ist küssen helsen greiffen. da bey wirt geschetzt die scham der zeitlichkeit müghaffigen. Die stücklin der züchtigkeit der sind etliche die die bewegung d aufwendigen begir zemet des gemüts. etlich die aufwendige bewegung des leichnams. etlich die reicheit on die bewegung der begier die do messiget vnd zemet die züchtigkeit. Drey bewegung werdent erfunden in der sele. die erst ist die bewegung des willen das ist die sach die begert wirt aus vngestümigkeit des leidens. vnd die selbig zemet die enthaltnuß das der mensch nit überwunden werd. das ander ist die bewegung der künheit der hoffnung die do nachkumbt der selben die zemet die diemütigkeit. die dritt bewegung des zorns die do achtung hat zü der rachung vnd die selb zemet die fenfftmütigkeit oder die gietigkeit. Aber die bewegung vnd das werck des leichnams das zemet die messigkeit. die Andronicus teilet in drü teil. vñ das erst gehört was oder wie vnd mit welllicher ordnung sie zütun vnd zulassen. vnd darzú setzt er ein gute ordnung. die ander ist das der mensch in dem das er tüt behalt die zimlichkeit. vñ also setzt die zierheit des gewands. das dritt ist d red der freuntschafft oder welich erlei ander ding vñ also setzt er die ernstlich scherppff. Bei den eüßern ist zwifaltige messigkeit zühabe. von ersten wider das überig vnd also setzt er die Klarheit oder das von ym selbs genüg ist vnd also setzt er die flechtigkeit die tugent oder die vntugent die der züchtigkeit sind das sind die yetzigen enthaltung vnd frabheit. wücherheit. drunckenheit. keüßheit. iungelrawschafft. vnkeüsch mit all ir gestalt. ebrechen. vnd die ledi

gen vnkeüsch. enthaltung vnd vnenthaltung. gietigkeit vnd
senfftigkeit. vnd ir vntugent. messigkeit mit ir gestalt in der ge
main. diemütigkeit vnd hoffart. fleissigkeit vnd hübscheit. die
messigkeit der aufwendigen bewegung des leichnams. auch
messigkeit des aufwendigen gewands. wie sich die halten zu
sünden oder zu tugenden darumb hab rat deins beichtuatters
wann die vntugent wid die tugent der züchtigkeit sei tödlich
oder leflich darnach heiß dich büffen. Nun wär hie züschrei
ben von der ersten geistlichen tugent das ist von dem glauben
des tüt nit not. weil dise gantze materi dauon gesetzt ist. Vnd
also schreib ich von den andern geistliche tugent das ist von d
hoffnung vñ vnhoffnung vnd d tödlichen überebung. Bei
d hoffnung so merck das die zwifaltig genomen mag werden
das ist die hoffnung nach dē das die on leiden ist. vñ vmb ein
werck der hoffnung vnd vmb ein ding das gehofft wirt vnd
vmb ein gewonheit das ein hoffnung werck bringt. In den er
sten drei massen ist die hoffnung nit ein tugent. aber mit der fi
erden weise ist sie ein tugent. vnd ob die ein gewonlichkeit ist.
der geformierten liebe. so ist die ein schlechte tugent. sie macht ei
nen vollkommen der sie hat vñ sie tüt vnd bringt sein werck mit
rechter weis in ein güts letsts end das do gehört zü einem er
füllten wesen der tugent. aber die selb zütragen geschicht völ
liglich mit der lieb. ist aber das die hoffnung ist vngeschickt
so ist sie allso ein tugent nach dē das die tugent gemeinglich
genommen wirt von wellicherlei gewonlichkeit wegen die die
macht d vernunft endet etwen zü einem werck von eins rech
ten fürwurffs wegen. vñ allso beidenthasben ist die hoffnung
ein eingossene gewonlichkeit. wann durch sie wirt gerückt die
begir der sel in ein genödtige güte. das ist zü der ewigen glori. die
do ist vber alle macht d natur. Doch so wiß das die hoffnung
milätiglich mag geheissen werden ein bewarte glaublichkeit.
nach dem das eins spricht von einem er hoffe das er in künff
tig zeit ein güter mensch werd. vnd der gleichen ding. vnd all
so gehört sie zü der erkantnuß. züm andern mag sie eigentlich
geheissen werden nach dem das die ein sterck ist der begirde zü

nötigen guter ding. wie vor stat. vnd also gehört sie zu der begird in der mainung. Haymo der legt die hoffnung also aus. als geschriben stat. iij. li. sen. di. xxvj. Die hoffnung ist ein sich eren warten der künfftigen selligkeit die do kumbt aus der götlichen gnad mit 8 fürkunnfft des verdienen oder des dings das gehofft wirt. vnd damit will er sprechen das die selben verdienung damit ein mensch geschickt wirt zu der hoffnung das die vorgang der hoffnung. eintweders in der warheit oder in dem fürsatz. vnd so er spricht die hoffnung ist ein sichere wartung der künfftigen selligkeit. so ist das sprechen nit mit dem wesen aber wol mit der sach. Nun merck das es zwifaltig wol fügt das etwer sein verdienen ansech. am ersten ob er ym die zuziech. so ist es der hoffart. des andern das er das der götlichen gnad zu leg. so ist das der diemütigkeit vnd der warheit. vñ in der weiß entspringt die bewegung des gedings ans der ansechung des verdienen. Bey der vnhoffnung oder vertzagunß soltu wissen das sie ist ein sünd vnd ioch der grossen siud eine. als vil das von vnser wegen ist. wann die vnglaublicheit vñ der neid gottes nach ir eigen gestalt sind swerer dan die vnhoffnung. darumb das die zwü sind wider got. das ist die vnglaublicheit die nit gelaubt der götlichen warheit. vnd der neid gottes der wider die götlich gietigkeit ist. aber die vnhoffnung ist wider got von ir selbs wegen nach dem das sie ir gut von vns teilhafftig ist. vnd wann die drü zu einander gleich vnd geschetzt werden. so ist die vnhoffnung schedlicher von vnser wegen. wann mit 8 hoffnung werden wir gerüfft von dem vbel vnd getzogen zu dem guten vnd dem nach zukomen. darumb so die hoffnung entzogen wirt so wirt der mensch gar vngetzemet vnd fellt also in die sünd vnd vermeidet also gute werck. Ysidorus de summo bono der spricht. zünvolbringen die sünd das ist der tod. aber zünertzagen in den sünden das ist ein absteigen in die hell. die vertzagunß spricht Gregorius. xxxj. moralium. kumbt aus der vnkeüsch. also das dem menschen ab dem geistlichen vnwillet vnd das er nit schetzet das gut für ein genöttig ding. aber sunderlich spricht der selb

Gregorius. so kumbt vertzagnuß aus der tragheit. die ein be-
fundere gestalt ist des vnmutts. die den menschen in vertzag-
nuß bringt. die vorderst ertznei der vertzagnuß das ist das wol
getrawen die ein mensch schetzen soll in Cristum der seinen
tod gelitten hat vmb das menschlich geslecht das in den sün-
den was. als sant Pauls spricht ad Romanos. v. Für die bö-
sen ist er gestorben. spricht die glos. Vmb das der mensch mit
vertzag an seiner mechtigkeit vnd das ertzeiget er sich in sein-
em tod das wir ein solliche gütigkeit von ym empfangen ha-
ben das er den bösen geben hat seinen tod. der den gerechten
behalt sein leben. Bey der dorischen vbernehmung. so wiß das
die sündig vbernehmung ist zwifaltig. eine die aus aigner kra-
fft kumbt vnd die ist ein gestalt der hoffart. vnd ist wider die
großmütigkeit darumb das die ir vberflüssigkeit ist vñ kumbt
aus dem eitel lob. dauon setzt Gregorius. xxxj. moralium. für ein
tochter die eitel ere. Die ander dorischeit die ist sündig. vnd die
kumbt aus dem versmehen der götlichen gerechtigkeit. ist das
die allein aus der wal kumbt so ist sie die ein sünd in den heilig
en geist. vnd das ist gerichtts wider die hoffnung vnd ein be-
fundere vnordnung der hoffnung die allein aus der wal her-
kumbt. aber Richardus der spricht das die gerichtts hercome
von der hoffart. also der sich für ein sollichen setzt als er vmb
die sünd nit gebessert werd oder das er von der glori gotes nit
gescheiden werd. wann die vbernemlich dorischeit die ist nit
als böß als die vertzagnuß. wann der will der weicht gantz
von gott durch die vertzagnuß. vnd sie acht nit der barmher-
zigkeit die sie versmecht nach der gerechtigkeit. als vil sie mag
nit fürchten. aber von ir dorischeit wegen die sie vnordenlich
wider got hat. doch so wiß mer das etwen die vbernehmung
genommen wirt für ein hoffnung. als Judith sprach an dem. ix
Erhör mich arme die sich deiner barmhertzigkeit tröstet vnd
vbernimbt. das ist ein vsach wan die gerecht hoffnüg die zu
got gehabt wirt die geschicht als ein dürstigkeit vñ die nach
der menschliche gelegenheit gemessen wirt. aber es ist nit ein
dürstigkeit so die gödlich vngemessen gütigkeit geschetzt wirt

Das vierd Capitel sagt von der liebe.

Ze wiß bei der dritten geistlichen tugent das ist von der liebe vñ von irem widersatz das ist d'neid. ¶ Bey dem ersten so merck das die lieb also wirt auß gelegt. als der maister spricht. iij. li. sen. di. xxvij. Die lieb ist ein lieb da mit got geliebt wirt von sein selbs wege vnd der nechst durch gots willen. wie wol die lieb vñ die liebnuß ein ding ist in der warheit. so habent sie doch ein vnderscheid in der vrsach. die liebhabung ist mer dann die lieb. wann gewonlich wirt gesprochen das die lieb ist der natur vnd die liebhabung ein bedachtes werck des willen. vnd also hat die lieb vnd die liebhabung ein vndercheid als ein ding das minder gemain ist. vnd ein ding das mer gemain ist. oder als ein gewonheit mit irem werck. das aber die lieb sei schlechtlich ein tugent auch für war ist sie die aller größt vnder allen tugenden. als sant Augustin spricht. xv. de trin. c. xvij. das kein gab als hoch ist als die gab der liebe. wann die allein ein vndercheid macht zwischen den kinden der glori vnd den kinden ewiger verdammuß. Auch ist die lieb ein form aller tugent. als Ambrosius spricht. das wir verstanden als vil die andern tugent achtung habent zu dem letzten end das sie all von ir nement. darumb wirt das volkomen verdienen der lieb zugeschriben. als sant Pauls spricht das zuuerston geit. j. Corinth. xiiij. vnd spricht. Vnd ob ich darzu geb mein leichnam also das ich prinn vnd hab nit die lieb so frumbt mir das nit. vnd die glos spricht über das ad Gallathas. die frucht des geists das ist die lieb. Spricht die glos. das mit nichten nit die ander tugent für ein tugent geschetzt werd. Von dem andern das ist von dem vnderatz der tugent der lieb. So wiß das sie ist ein eingegoffne tugent. als sant Pauls spricht ad Romanos. v. die lieb gottes ist vns eingegoffen in vnser hertzen durch den heiligen geist der vns gegeben ist. vnd nit eingegoffen wirt nach der natürlichen begriffenlichkeit. sunder nach dem willen des heiligen geistes der das aufteilt. als sant Pauls spricht. j. ad Corintheos. vnd das alles würckt der heilig geist der einē yeglichen geit was er wil

Auch mag die lieb gemert werden. also zureden von der liebe
des gegenwertigen leben. spricht sant Augustin über Johan-
nem. die lieb verdient das sie gemert wirt vnd das sie mit dem
verdienen der merung vollomen wirt. Auch mag die lieb hie
in dem stand verloru werden daruñ das sie nit hinnimbt von
der willkürung die verkö.lichkeit. vnd dauon spricht sant Pau-
lus Corinth. xiiij. Wer stand der sech das er nit fall. aber die
lieb wirt mit dem verloru das sich der will közet von gott das
durch ein yegliche totsünd geschicht. als sant Augustin sprit-
cht an dem. viij. super Genesim. das der mensch erleucht wirt
mit der gegenwertigkeit gottes. vnd als pald er nit do ist so
wirt der mensch finster der nit mit der vnderkunfft der stat von
got weicht. aber mit 8 abwendung des willens. die lieb wirt
widerpracht mit der büß die hebet auff die selb abwendung.
als sant Augustin spricht. die büß ist ein kost per ding vnd ein
volkomens die all geprechen widerrufft zu dem volkomen. es
wirt auch die lieb widerpracht mer vnd minder nach dem das
sich der mensch darzu beraitet vnd die götlich gütigkeit geit.
aber niemant mag für war gewissen nach dem gemain lauff.
die weil er hie in dem leben ist ob er die lieb hab. aber wol von
der besüchten gleichnuß wegen der lieb vnd der liebhabung.
Spricht Richardus. als von der liebe wegen der götlichen
abközung. mit dem gott die augen verfleußt seiner diener von
den dingen die ym das möchten ertzeigen. als Ecclesiastes
an dem. ix. stat. Niemant waist ob er des haf oder der lieb wie-
dig ist. das doch etlich sprechent das sei war. also zureden von
der letzten lieb vmb allzeit vnd schlechtlich. wenn wer sein fleis
thüt darzu mit den sacramenten die darzu gehören vnd en-
pfacht die zu rechter zeit. so mag er sicherlichen wissen ob er
die lieb hab des glaubens. Zureden von dem dritten. das ist
von dem fürwurff der lieb. dabey so wiß das der geschickt für-
wurff vnd der aller vorderst der liebe von des wegen der do ge-
liebet wirt alles das aus der lieb geliebet wirt das ist die hö-
chst gütigkeit. als Anselmus spricht. Die vermünfftig crea-

tur die soll nun lieb haben das höchst wesen. vnd von des sel-
 ben wegen sollen vil andere ding geliebet werden aus der lieb
 von der höchsten gütigkeit. oder vmb gottes willen vmb der
 höchsten güte wegen der selben zal vnd ordnung rechtlich ge-
 satzt wirt. Spricht sanctus Augustinus. v. libro de doctrina
 cristiana. c. ij. Vier ding seind lieb zü haben. Das erst ist das
 ob vns ist gott. Das ander das wir sein. Das dritt. das zü-
 nechst ist. das ist vnser nechster. vnd das vierd das vnder vns
 ist. das ist der leib. Vnd zü den vier dingen mügent die andern
 alle geführt werden. wann die engel die werdent gehalten vn-
 der dem namen des nechsten. als sanctus Augustinus spricht.
 .ij. de doctrina cristiana. Der leib vnser nechsten der wirt ge-
 halten vnder dem vierden stücklin das vnder vns ist. als vnser
 leib. Aber sanctus Ambrosius der legt sechs stücklin aus die ge-
 liebt sollent werden. Aus der liebe. das ist gott vor allen ding-
 en. vnd darnach vns selber. darnach vatter vnd mütter. dar-
 nach die kind. darnach die haubgenossen oder eehalten. vnd
 darnach vnser feind. Die selben fünf stücklin die werdent ge-
 zogen zü dem dritten nach dem als sant Augustin spricht. das
 die gehörent zü der liebhabung des nechsten. noch do ist kein
 widerwertigkeit. wann sanctus Ambrosius der hat gesetzt die
 vnderscheid der gemainen liebhaftigkeit. aber sanctus Augu-
 stinus der hat gesetzt die vnderscheid da mit man bas erken-
 nen möcht was geliebet soll werden. Vnd dauon so soltu wiss-
 en das etwas zwifaltiglich aus lieb geliebet mag werden.
 Einest von sein selbs wegen tzu dem sich die lieb endet. Des
 andern mit der zugehörung. als das güte das zü dem fürwurff
 aus der liebhabung geachtet wirt. wann dasselb beschleüßt
 vnd behalt das werck der liebhabung. Von ersten so wirt et-
 was geliebet aus der liebhabung der freüntschafft. Des an-
 dern mit der liebhabung der begierd. Von ersten so werdent
 lieb gehebt die tugent. die lieb. die gnad. vnd die ewig glori.
 vnd darumb das dann die zü gehörung kein zal mit mer-
 macht oder hat mit dem vndersatz. vnd dauon so wirt dann

die nit tetzalt. Augustinus vnd Ambrosius die habent achtz
tunq zu den dingen die aus der liebe geliebt werdent vnd da
mit set ent sie die zal der die geliebt sollen wer den aus der lieb
der freuntschafft. Auch mag etwas geliebt wer den aus der lie
be zwifaltigklich einest mit der gebietende liebe. also sollen wir
lieb haben mit der lieb alles das zu vnserm hail gehort vnd zu
dem götlichen lob. des andern aus der habenden liebe. also wirt
das geliebt aus der lieb ob das allso geformier et ist. vnd das
das aigen werck der liebe ist das ist die lieb der freuntschafft.
vnd ein solliche ist nit nun das höchst güc oder das was gese
ligen mag in dem höchsten güc. Mit der ersten maß die vnuer
nünffag creatur vnd die vnlebendige ding die werdent ge
liebet aus der ersten lieb aber nit mit der andern. sprechen etz
lich das ist als vil wir mit der lieb behalten wollen zu nutzper
keit der menschen vñ zu der ere gottes. vnd also hat dich auch
got lieb. als geschriben stat Sapientie. xj. Du hast lieb alles
das do ist. Richardus spricht. Die sündler die vnser nechsten
sind von der natur wegen. nach der sie begriffenlich sind der
ewigen glozi die sind aus d lieb zu lieben. aber von der schuld
wegen sind sie züneiden. vnd das ist ein volkomen neid dauon
der prophet spricht. Mit einem volkomen haf hon ich sie ge
neidet. vnd Prosper der spricht. also sind die menschen lieb zu
haben das ir irrsal nit lieb gehebt werde. vnd do ist nit umb
das in der heiligen geschriffte erfunden wirt wie die heiligen
den sündlern das vbel wünschen. als David spricht. Die sündler
werdent gekort in die hell. alle die gottes vergessent. wann sol
liche spruch dy mügent vns verstanden werden mit einer maß
der verkünden das der sündler allso sei bekören sich das ist be
kören sich die sünd. oder mit einer erwünschten maß vnd das
damit die begier entzündet werde. oder von der götlichen ge
rechtigkeit wegen als von des vertreibens wegen der schuld.
aber d teüfel oder d böß geist das ist ein nam d natur der in d
boßheit erstoct ist dauon ist nit zühellen. spricht Richardus.
das d aus der liebe geliebt soll werden nun von d natur wege
die natürlich güc ist. doch so ist sei natur nit aus d lieb züliebe

mit liebe der freuntſchafft da mit wir den geliebten das ewig leben wünnen. aber wol aus d liebe ſöll wir yn zu einer ewigen pein lieb haben die gerechtigkeit gottes das die allso beſeib zu lob gottes. aber was iſt zütun von den feinden ſöll wir lieb haben nach dem begern. ſo wiß das die liebhabung der feind mag drifaltig verſtandē werden. einſt nach dem das ſie feind ſind. des andern von der gantzen gemain wegen der natur. des dritten von der natur wegen in der beſunder. in der erſten weiß das iſt böß vnd wer ſie allso lieb wölt haben nach ir boßheit der ſündet tötlich. aber in dem andern ſölen wir ſie lieb haben vnd das iſt not zu dē hail. Mathei. v. Ir ſöllent lieb haben eürer feind. aber in dem dritten ob etwer in beſunder weiße bewegt wirt zu liebhabung ſeins feinds. das iſt nit ſlechtlich von notturfft d liebe. aber nach der zu beraitung allso das das gemüt darzu berait ſei ob das not wurd vnd wer das notturfftigkeit erfüllt das iſt die volkomen lieb. vnd allso ſpricht ſanctus Auguſtinus in Enchiridion. Die feind lieb zu haben iſt nit einer ſollichen wenig als wir glauben zu der mainung das die erhört werde davon das wir ſprechen in vnſerm gebett vergib vns vnſer ſchuld. Noch mer das begern der lieb iſt zwifaltig. das iſt der vnſchuld vnd der güttet. mit dem erſten begern ſei wir alle gebunden die feind lieb zu haben. allso das wir yn kein vbel wünnen. das iſt als vil die vbel ſind. aber wol mügen wir yn mit einer zugehörung vbel wünnen das iſt als vil wir mainen das yn oder einem gemainen nutz füget. wann aller weniglich iſt gebunden das yemant ſeine feind kein haß noch neid trag vnd das ſich der ſeines feinds vbel nit fröwe nun mit einer zugehörung. als geſprochen iſt Proverbiorū. xxv. Ob dein feind falle ſo ſoltu dich des nit fröwen. das ander begern iſt der güttet. vnd die iſt zwifaltig. die ein iſt die vorderſt die die lieb am erſten vnd durch ſich ſelber bringt. allso das die lieb wünnſch das geiſtlich güte das iſt die genad vnd das lob. vnd mit dem begern ſeien wir alle gebunden lieb zu haben. vnd auch die vns mit den wercken an feinden. vñ allso iſt anders die lieb der andern maß. die ſelb lieb die

wünscht nun das zeitlich güt vnd das kumbt aus dem gebiet
der liebe. also etlich sprechen das die nit die vorderst lieb sei.
sunder die zügehörig als vil sie mainet das der nott sei zu dem
hail der sel vnd das ist der andern begier da mit nit not ist das
wir vnser feind lieb haben. sie sind feind vnser person oder der
Kirchen. sind sie aber feind der person so ist das der vollkomen-
heit nun mit der zügehörung das ist als vil sie maint das ym
das geistlich güt schädlich sei. aber das man wünsch den feind
den der Kirchen das zeitlich güt das ist mer der vnuolkommen-
heit wenn der vollkomenheit nun mit der zügehörung. ob wir
aber nit gebunden sind das wir vnser feind mit krafft vñ mit
den wercken sollen lieb haben. so wiß als wir sie mit dem be-
geren lieb haben also sollen wir sie mit der krafft lieb haben vñ
das sie von dem begern herkumbt. aber mit sollicher bescheid-
enheit. wann die liebhabung der feind nach der begier die
ist zu dem minsten von der notturfftigkeit des gebotts schlecht-
lich nach der gemain. aber in der besunder vnd nit als schlecht-
lich allein mit der beraitung des gemüts. als ob geschriben ist.
des gleich wirt auch gesprochen von der liebhabung nach d
krafft. also nach der krafft der vnschuld seien wir all gebun-
de vnser feind lieb zühabe das den nit vbel geschach nun leicht
mit der zügehörung von einer gemain güts oder nutz wegen.
aber von der krefft wegen der güttet so wiß das etlich güttet
gemainlich der ander ertzeigen wirt. also wann etwer vmb
sein aiges volck in der gemain bitt. oder das er yn prediget od
etwen vil gütheit ertzeiget. vnd ob den feinden solliche güttet
erbotten wirt das ist aus notturfft des gebotts. wär aber das
die feind von sollichen dingē wurden hindan geschetzt so wär
das von schwerigkeit der rachung. wider das geschriben stat
Leuiti. xix. Du solt nit rach süchen vnd biß nit gedechtig des
vnrechtens deiner burger. ¶ Auch ist etwer gebunden.
spricht richardus das d mit krefft begrüß sein feind d gemain-
lich geschicht nun es wär dan ein sach do also das etwer be-
sorgt er raist damit sein feint wid sich od das ein vbel daraus
kem. etlich güttet werdent ertzeiget etliche in besund vnd ob die

den feinden erbotten werden das ist nit aus notturfft des heils allein nach der zü beraitung des gemüts. also das dem geholff en werd in notturfft. vnd so ist das mer ein werck der gerechtigkeit wann der freüntschafft. wann als geschriben stat. j. Johannis. iij. Wer die substantz diser welt hat vnd sicht seinen brüder in nöthen vnd erbarmet sich nit über yn wie bleibt die lieb gottes in ym. vñ also wirt auch das verstanden Prouer. xxv. Ob deinen feind hungert so gib ym die speiß. vnd ob yn dürst so gib ym zü trincken. wär aber ein solliche notturfftigkeit seinem feind die gütet ertzeigt das ist d volkomenheit. als geschriben stat Mathei. v. Tünd wol denen die eüch neident. darumb spricht die glos. wer seinem feind solliche gütet ertzeiget das ist ein hauffen der volkomenheit. das ist war nun mit der zügehörung. wa aber das wär das ein solliche gütet wär ein vsach eins andern züschaden. so ist dann das vertziehen besser vnd nützer. als sant Augustin spricht. Es ist sicher das etwer das brot vertzieh wa von der speis wegen die gerechtigkeit verfaumbt wurd. wann ob dem hungerigen das brot gegeben wurd das der mit dem vnrechten verfürd wurd. aber dem feind der kirchen soll die gütet vertzogen werden. das ist volkomner vñ besser. nun mit d zügehörung als vil man hofft das der mit der gütet der kirchen wider freünd werd. Die vor geschribē vndercheid zwischen den feinden der kirchen vñ den feinden der person setzt Petrus in suo. iij. Noch merck mer das man vorgeit dem feind den grimmen vnd den vnmüt das ist d notturfftigkeit. aber züuergeben dem feind den grimmen vnd die zeichen des grimmen das ist der volkomenheit. Hec Bona uentura. wann zü dem ist der mensch nit gebunden. allein von einer vsach wegen. also ob etwer aus andacht oder diemütigkeit vergebung bitt. aber Richardus spricht das der mensch nit gebunden ist züuergeben seinem feind. ob er yn ioch bitt vmb vergebung. on ein genügthün oder besserung vmb das vnrecht das dem geschehen ist. wann ym das zimbte von rechts wegen das er yn für gericht bring vmb das vnrecht das ym von seinē feind geschelhe ist. es wär dan das ein mensch ei

nes sollichen standes wäre. oder das der mit sollicher geltschuld
gebunden wär das er ym nit füget das er da mit für gericht
kom. als vor gesprochen ist Lenitici. xix. Mit süch rach deines
feind. wann mit sollichen dingen geschch wider den laidiger.
die rachung aus neid vnd has vñ mit aus gerechtigkeit. oder
es wär solich bewegung zu dem das ein überigs wär vnd nit
die notturfft. Hec Richardus. Aber welches ist ein grössere
volkomenheit vnd die verdienen den freünd oder feind lieb zu
haben. so wiß darüber vñ vil mangerlei geschriben ist das vñ
kürtze vnderwegen wirt gelassen. doch so spricht Bonauens
tura. ist das wir reden von den wercken die koment von ges
wonheit der liebe. vñ das die also etwas ebengleich seien vor
des substantzlichen lons wegen damit die mit einander über
gon von des würckliche lons wegen wan das die bewegung
der liebhabung bei den freunden die ist mer inniglicher. aber
die bei den feinden geschicht die ist pittter vnd hertter. vnd dar
um so ist die selb volkomen vñ besser. aber schlechtlich sprechent
etlich die selb bewegung sei besser bei den freunden. aber etlich
sagent sie sei besser bei den feinden. Als der maister spricht. iij. li.
sen. di. xxx. aber sant Augustin d macht das noch bewerlicher
in Enchiridion. c. xl. vnd spricht. das ist ein groß ding das du
gietig bist bei dem der dir vñbels nie getun hat. aber das ist noch
grösser vnd mer gietigkeit das du deinen feind lieb hast. Nun
züreden von dem herten das ist von dem lieb also nach dem ordnung
das ist das etwer ist mer zülieben wenn der ander. davon stat
geschriben Canticoz. i. v. In mir ordnet er sein lieb. vñ die selb
ordnung setzt sant Augustin vñ Ambrosius mit einand mit dem
zal der liebhabenden aus dem lieb in der form als vor stat am an
fang vñ der lieb. aber doch mit vñderscheid. wan die ordnung
sant Augustin die besicht die lieb von ir selbs wegen. vñ dar
umb so hat die achtung bei der vordersten vñderscheid der güt
das sind die das güt ob vns. das güt in vns. vnd das güt zü
nechst bei vns. vnd die vñderscheid die werdent gemerckt bey
dem gütten das mer güt ist vnd das aller gröst güt. Aber doch
die ordnung sancti Ambrosij die besüchet die liebe dann nach

dem die in der natur ist vñ die schickt vnd regiert. die ordnung wirt mit geschetzt allein bey der vndercheid des gütten. sunder auch bei dem aigen vnd bey den freunden. bey den nachenden vnd bei den verren. vnd die selb ordnung mer et sich in sechs vndercheid als ob geschriben ist. zu den die andern all mügen gefürt werden. das ist zu de flaischlichen vatter vnd zu den andern freunden. zu den kinde. der herr. der knecht. der maister. vñ der iunger. Auch spricht Petrus. die hawßfraw zu den eehalten. vnd dauon so wif das nach der ordnung die Augustinus vnd Ambrosius setzent. das ist das got für alle ding ist mit der lieb von sein selbs wege lieb zu habē dauon das er das höchst güt ist. als anhelmus spricht. iij. li. cur deus homo. c. xiiij. auch sol sich der mensch mer lieb haben wenn sein nechsten. als sant augustin spricht. xj. de ci. dei. c. xxvij. das ist die lieb in den geistlichen dingen. wann die pürd in den leiplichen dingen swäret vester den leichnam zu der stat die ym recht ist wenn yendert ein andern leichnam der ym zu gehöret. noch das ist nit wider das als sant Augustin spricht. xiiij. de tri. c. viij. Als vil lieb soll en wir ertzeigen vnserm brüder als vil vns von ym ertzeiget wirt. **E** Ob sich aber d mensch icht lieber sol haben wenn cristu nach dem das er ein mensch ist. Darüber antwort Bonauentura vnd spricht also. als vil die tregt die ainigkeit der person. vnd also ist cristus nach de als er mensch ist lieb zu haben. darüber das er ob vns ist. wañ er ist vnser schöpffer vnd erlöser. aber wann allein die gelegenheit der natur die er genommen hat geschetzt wirt so ist er also vnser nechster vnd soll auch zünechst vnser geliebt werden. des gleichen wirt auch gesprochen von der werden iungfrawen Maria. Auch soll sich der mensch mer lieb haben wenn die welt mit einander. als offentlich Hugo spricht. in libro de sacramentis. parte. iij. c. xx. Aber doch soll der mensch lieber haben sein nechsten wenn seinen aigenen leib. vñ das selb von des hails wegen d sele. auch soll der mensch einen nechsten mer lieb haben wenn den anderen mit dem begeren vñ mit der krafft. Gott der ist allein ein geschickter fürwurff der liebhabende liebe. vnd er zimbt voraus

Die liebhabenden lieb vor allen dingen. vnd darumb von der
größere nehung wegen d liebhaftigkeit die zu einem andern
ist der selben vordersten ding soll auch mer lieber gehabt wer-
den. wann in einem yeglichen dar inn erfunden wirt etwas
ein anfang das selb wirt geacht die ordnung mit dem zusatz
zu ym. wann ye souil herter ist ein ding zu lieben ye besser das
ist. vnd als vil eins got neher ist als vil mer ist es lieb zu haben
ceteris paribus. vnd des gleich so ein gleichs ding einem lieb-
haber ye neher ist in sollicher weis ye mer er yn soll liebhaben
Wñ also ist kund das ein mensch soll mer liebhaben in d maß
sein nechsten der mer besser ist vnd der ym auch mer zü gepürt
Ich sprich auch es möcht einer den andern als wenig fürkom-
en mit der gietigkeit. vnd also mit der nachheit zu der liebhab-
ung das der liebhaber mer solt liebhaben den der minder güt
wår. vnd des gleichen so möcht einer dem andern vorgon in d
gietigkeit vnd ym ein wenig fürkommen mit der nachheit das er
mer solt ein fremden liebhaben der besser wår. als sant Augu-
stin spricht. j. de doctri. cristi. das alle menschen sind ebengleich
lieb zu haben. das verstand von der gewünschten güt wegen.
das ist die ewig glori die wir sollen aller meniglich wünschē
doch so wiß nach d als Richardus spricht das von alles des
wegen so wir haben von vnsern eltern so soll doch etwer nie-
mant so liebhaben als sein vatter vnd mütter in wellicherley
frümkeit oder güt er yn vorgee das nit ein vorteil wåre. Vnd
das sprich ich von der gietigkeit wegen der menschlicher na-
tur Cristi vnd der seligen iungkfrawen Marie die mer geliez-
bet sollen werden denn vatter vnd mütter. wann aus ir gietig-
keit ist vns mer gütts komen. Nun ob vatter vnd mütter böß
sind was ist vns dann zütun. Darüber antwort Bonauentu-
ra vnd spricht. Die lieb ist zwifalig. das ist des wol gefallen
vnd der gütet. mit der lieb des wolgefällens hat etwer ein lieb
so er bewert vñ volgt seiner tat. aber mit d lieb der gütet hat
etwer ein lieb von des gütts tuns wegen. vnd liebt yn mit allei
das er güt ist. sunder das er güt sei in der ersten lieb schlecht für
die gietigkeit in d andern über wigt die nachheit. wan ob mein

vatter böß wär oder ist vnd ein ander freünd sei mer besser so soll ich doch wöllen begern vñ schicken das mein vatter sei vñ beleib güt weñ ein and freünd. wie wol ich seiner tat als lang er in den sünden ist nit soll nach hengen noch volgen. vnd soll auch mein vatter vnd mütter mit innerlichen begern vnd mit grosser krafft mer lieb haben wenn ein frumen freünd ein gütten oder ein größern erwünsten güt wegen vnd dasselb von des stands wegen darinn sie yetzund sind. vnd das will haben die gerechtigkeit die weil doch mein vatter ist in dem stant diß lebens so sol ich wöllen das er kumb zu einnem gütten vnd größern verdienen vnd lones. Nun wellichen vatter soll der mensch lieber haben den leiplichen oder den geistlichen. Ober das antwort Richardus. das mit aller schetzung der mensch soll mer lieb haben sein leiplichen vatter wenn den geistlichen. wie wol der mensch mer nimbt von dem geistlichen den von de leiplichen. so hat doch der geistlich vatter nichts anders geben wenn den dienst. aber der leiplich geit dem sun sein selbs natnr als ein vsach. aber aufwendiglich soll man eer er bieten dem geistlichen vatter. die nit dem leiplichen soll erbotten werden. als Philosophus spricht. ix. Ethicorū. Nit ein yegliche ere ist aller meniglich zu enbieten. noch auch dem vatter nit vnd davon so ist der vater lieb zu haben vber all ander nechst. vnd des gleichen die müter. wan die sölen mit der lieb mer geliebt werden wann die kind zu sollicher weise wie wol das ist das die kind mer geliebt werden mit d natürlichen lieb vnd mer weñ die hausfrau so alle ding geschetzt werden. aber der vatter soll mer geliebt werden wan die mütter in der mah vñ die kind mer weñ die erhalten. doch als d maister spricht sen. li. iij. di. xix ist aber das die erhalten frum sind so werden sie den bösen kinden fürgesetzt. vnd legent etlich aus nit nach dem begern ab. er nach der krafft nit ein yegliche sund allein die von de leben ist der gütet d kirchen oder die erhebung zu herschafft d andern es sei zeitlich oder geistlich. auch mag das aufgelegt werden spricht Richardus von des begern wegen wan der seligkeit sol gewünscht werde den erhalten. aber mit den bösen kinden

von des standts wegen dar inn sie sind. es mag auch solliche
boßheit sein in den kinden vnd solliche gütigkeit in den ehaltten
wan flechtlich aus größsern begern soll d nutz vnd frume den
ehalten geliebt werden. Auch merck das etwen mag ein für-
satzung geschehen mit d ordnung d liebe. als ob geschribē stat
vnd das geschicht von einer gerechten sach wegen. also wa
etwer ein gemain gut fürsetzt seinē aignen gut in zeitliche dinge.
nun wiewol dasselb recht ist als ein fürsatzung. so ist doch
mer ein vollkomne ordnung vñ des verdienen nach einer ge-
rechten sach. also ob etwer allein mit d miligkeit seins willen
mer erbüt einē fremden wen ein erhalten oder gebornē freünd
vñ auch seinē vatter. so etwer in dē mer merck die strengkeit
wen den willen gottes oder die wirdigkeit des verdienes vnd
in dem wirt nichts verdient. etwen so geschicht das wider ein
rechte sach. als ob mein vater durstig ist vnd ich verston den
vñ kumb einem andern zūstatten. Also spricht d maister. sen. li.
iiij. di. xxix. Der sündet daran d ein sollichen fürsatz macht. Zū
einē größsern fürsehen soltu mercken. nach dē als Bonauentu-
ra schreibt das drifaltiglich mag genomen werden das be-
geren. wann das begern ist ein leiden. das ist ein besondere web-
ische wolgefaltung damit sich etwer erlust in eins andern gut
vñ ist ein bewegung des begerns vñ ein besondere wal der ver-
nünffigkeit. vñ die ist zwifaltig. wan die ein kumpt aus d lie-
be damit etwer einē andern wünscht das zeitlich gut das ge-
ordnet ist zū der auffenthaltung des menschen natur. vñ dar-
umb so ist das begern drifaltig. die erst die besicht nit die vor-
betzeichnet ordnung der lieb als kunt ist das etwer mer lusts
hat vñ sich mer fröwet in dē gesicht seines gegenwertigen ge-
sellen wen der bedachtuñß sans vaters d nit gegenwertig ist
wiewol er den lieber hat. das ander begern sicht sunderbar an
das ym ein mensch guts soll mer wünschen für all die andern.
vñ darnach seinē vatter nach dē den andern. das dritt begern
das sicht nit an zū dē vordersten wan von mengerlei stathaff-
tigkeit vñ gelegenheit wegen mag die selb ordnung zū dē be-
geren geendet vñ fürgesetzt werden. des gleichen ist auch das

selbē krafft drifaltig. das ist die versorgung des ewigen hails. die hilff d̄ zeitlichen notturffigkeit. vñ das enpfelchen vñ leihen geistlicher güttet das ist d̄ kirchen. das erst vñ das ander die besehent die person. aber das dritt das besicht den gemain nutz. das erst beschawet die ordnung d̄ liebe daraus sol ym d̄ mensch versorgen sein hail vor seinē nechsten vnd von ersten seins vatters vñ darnach dē andern vñ also vō allen den andern. die ander krafft die besücht nit als zū dē vordersten wan nach mengerlei stathaffigkeit vñ gelegenheit soll vñ mag d̄ mensch mer oder minder den gehilfflich sein. die drit krafft die besicht gar nit die ordnung d̄ lieb in dē leihen der gotz gab soll gar manigfaltiglich geschetzt werden für die geborn freuntschafft die wirdigkeit vil verdienes. Noch merck die vor geschriben ordnung der liebe ist des gebots. als gesprochen wirt Deutro. vj. Hab lieb gott dein herren von gantzer deiner sele. vñ von gantzen deinē hertzen. damit wirt verstanden das got für alle ding soll geliebet werden. wann so er gebüt das man den nechsten sol lieb habē do setzt er sein liebhabung für das liebhabē des nechsten. damit betzeichnet wirt das die nehern mer geliebt sollen werden. j. Johannis. iij. Wir sollen setzen die sel für vnser brüder. das ist das zeitlich lebē. Dabey wirt vns zū erkennen gebē das wir vnsern nechsten mer dan vnser aigen leib sollen liebhaben. als sant Pauls spricht ad Gallatas. vj. Wir sollen ein güts tūn zū aller menigklich vnd größklich zū den ehalten des glaubens. dabei wirt vns kunt das wir die vnder den mensche sollen mer liebhaben. Nun sich von dē fünften das ist von dē werck der liebe. da bei wif das etliche werck d̄ lieb von ir komet nach der gebiet vñ der sind vil vñ haben nach d̄ gestalt ein vnderscheid. wan der will d̄ gebüt den wercken. aber and̄ tugent durch die lieb. als sant Pauls spricht. j. Corinth. xiiij. Die lieb die gelobt alle ding vñ tūt nichts vñbels etliche werck sind die die lieb macht vñ der sind auch mer die halten sich auch also nach der ordnung. aber das werck das als pald von der lieb herkumpt das ist begeren der künfftigen ding d̄ ewigen seligkeit vñ die freud d̄ gegenwertigē güt. die

ein wesen der gottheit vnd dreier person · des vatters · des suns ·
vnd des heiligen geists · noch das wesen der gottheit mag nit
plosser noch klerlicher ersche werden on das angesicht der per
son der gottheit · noch ein person in der gottheit mag nit kler
lichen erkant werdent on das gesicht der anderen personen ·
nach dem als Johannes spricht am · xiiij · Phillipe wer mich
sicht der sicht mein vatter · Es mag auch die sele nit nieslich
en rü haben in einer person on die ander · noch in dem wesen
der gottheit mag nit nieslichen rü haben des menschen sele · es
sei dann auch der person der gottheit · wann ein vsach ist der
niesung in dem wesen der gottheit vnd in den personen der got
theit das ist flechtlich die volkomē gütigkeit vnd die vernünff
tig begier in aller menglich begeret · vnd in dem selben letzten
end die rü entlich gesatz wirt · als herr Dauid spricht in dem
psalter · Ich wird gesattet so mir dein glori erscheint · wann in
dem selben wesenlichen lon vnd in dem seligen gesicht gesche
hent fünff ding in der ordnung mit einander · Von ersten so
werdent drei person in einem wesen mit aufgeteilter eigen
schafft mit einem schlechten ansehen vnd in einem gesicht er
kant · also das warhafftiglich die selbig sele mit einem ges
sicht des gemüts kennt die drei personen in der gottheit die do
fürwar geteilt sind in den personen · recht als ein mensch kler
lich vnd in der warheit sicht drei menschen · Petrum · Paulum
vnd Johannem in seiner gegenwertigkeit · vnd warlich getei
let sind mit dem aufteilen eines yeglichen seiner eigenschafft ·
damit man erkennet ein von dem andern · mit dem vnderscheid
der person · vnd also erkennet mercklich die selig sele das der
vatter in der gottheit nit der sun ist noch der heilig geist · her wi
der auch das der sun nit der vatter noch der heilig geist · des ge
leich der heilig geist nit der vatter noch der sun ist · vnd erkent
doch den vatter vnd den sun vnd den heiligen geist · zü sein ein
wesen · ein höchste gütigkeit · ein mayestat · vnd ein allmechtig
keit · Zü dem andern so wirt das vorgesprochen selig gesicht
da mit gott klerlich vnd plosslich von der seligen sele gesehen
wirt die wirt genennet in d geschriffte ein gesicht des anplucks

Als geschriben stat Genesis an dem .xxxij. von Jacob dem patriarchen der sprach. Ich hon gesehen den herren von anplück zu anplück vnd mein sel ist hailwertig worden. vnd Exodi an dem .xxxij. do Moyses sprach. Herr ertzeig mir dein angeficht. Do antwort ym der herr vnd sprach. Ich will dir ertzeigen alle güt. vnd .j. Corinth. xiiij. spricht sant Pauls. Den wir yetz und sehen durch ein spiegel vnd gleichnuß den werden wir sehen von angeficht zu angeficht. Zu dem dritten. wann von d seligen sele wirt die höchst gütigkeit klarlich vnd ploßlich gesehen vnd erkannt. darumb wirt er vollkommenlich geliebt werden vnd leiplich gesinuckt vnd starcklich gehalten. vnd in sollichem smucken kusstent sie der süffigkeit gottes vnd seiner gelist. vnd darumb so wirt die selig sel vnuerschutzenlichen durch lustet. vnd freüwet sich großlichen mit dem gelust. vnd misset also in lust die höchsten gelüst. vñ aus dem erscheint vns das in dem yetzigen gesicht die d bekantnuß d begir ein vrsprung wirt. vnd das begern wirt ein volkomenheit der erkantnuß. vnd also stat die seligkeit nach dem vrsprung vnd anfang in dem werck der verstandigkeit vnd gantz er füllet in dem werck des willen. Zu dem fierten so wirt die selig sel mit zwifaltigē liecht auffgehalten vnd gehoffen. das ist mit den geschöpfften der glori da mit sie geschickt wirt zu dem gesicht des vngeschöpfften liechts. als David spricht. Vnd in deinem liecht werden wir sehen das liecht. vnd in dem vngeschöpfften vnd vnguentem liecht das ist got der krefftiglich die sel über sich erhebt an zu sehen das vntzunahet liecht. da von geschriben stat. .j. ad Thessalonicenses. vj. Der hat wonung in dem vntzū gleichen liecht. vnd das selb vngeschöpffte liecht das an sicht die selig sele vnd das ertzeiget sich selbs fröwlich vnd miltgütlich vnd nit ein yeglicher ist dar zu geschickt das er eben gleich sehe das selb liecht. Vnd darumb so sehent nit alle die seligen eben klarlich. noch auch so werdent sie nit ebengleich teilhaftig der selben höchsten güt vnd freüd. aber einer der sicht klarlicher dann der ander. vnd einer freüwet sich mer wann d ander. nach dem das der teilhaftig ist der selben höchsten güt

vnd der sicht auch yñ klerlicher. Spricht sanctus Paulus.
Der stern der hat ein vnderscheid von dem stern in der klarheit
.i. ad Corinthyos. xvj. Zu dem fünfften mal so mag die selig
sel in dem vorgeantten gesicht des göttlichen wesen mit auff
genemmen. wie wol die auffgenemmen mag in der menig der
erkenntnuß vnd aus der vsach. wann möcht sie zu nemmen
in dem angezicht des göttlichen wesens. so möcht sie auch zu
nemmen in der wesenlichen selligkeit. vnd das mag doch nit
sein. aber das sie zunemmen mag in der menig der erkenntnuß
das ist darumb dauon das gott der allmechtig ein williger
spiegel ist. vnd nit in genötter weise. vnd darumb so mag er
hin nach vil ertzaigen das er vor nit gethün hat. vnd mag
auch das thün einem für den andern. ¶ Darnach so wiß
das zu dem ewigen leben oder zu der ewigen selligkeit die der
sele vor dem letzten gericht gegeben wirt. sind ettlich gab die
voraus die sel schickent zu dem leben der glozi die geben wirt.
vnd die heissent morgengab. vnd die selb morgengab die hei-
set ein zier der sele oder des leichnams die do schickt zu der ewi-
gen glozi. vnd die in ewiger selligkeit emffiglichen harret.
vnd die beschreibung der selben morgengab die ist worden mit
der gleichnuß der leiplichen morgengab der leiplichen kunt-
schafft. wann gleich als da selbs die morgengab heist sunder-
lichen ein heimsteüwer die von dem vatter der praut. oder von
einem andern gegeben wirt die der praut zu gehöret zu ir zier-
heit so sie heym in ir hauf gefürt wirt. vnd das wirt geben der
praut zu ir eigenschafft wie wol das dem preütigam gegeb-
en wirt zu dem aufgeben vnd zu der niessung. so wirt doch sol-
liche heimsteüwer erst gegeben so die praut heym in ir hauf
gefürt wirt. wie wol das vor hin versprochen ist. also ist ym
in der geistlichen kuntschafft Christi vnd der kirchen von der
gantzen trinitat die ein vatter der kirchen ist werdent ettlich
gaben der kirchen gegeben zu eigenschafft vnd dem preütig-
am Christi zu dem aufgeben vnd zu nutz. vnd das geschicht
dann so die kirch in das hauf des preütigams gefüret wirt.
wie wol vor der haymsfürung solliche gab versprochen wirt.

Vnd darumb so heissent sie pillich ein morgengab. Auch wiß
 das die gab nit eigentlich heist ein morgengab die der prawt
 gegeben wirt. aber sunderlich die gab von der sie vor aus leb-
 en soll vnd daruon ir narung haben. Aber die andern gab die
 heissent ein wytzal das zünechst der morgengab ist. zu sollich-
 er gleichnuß wirt nit ein yegliche gab die der sele gegeben so
 sie genomen wirt in die hymellischen glozi geheissen ein mor-
 gengab sunder die vordersten gab mit den sie geschickt wirt zu
 dem werck des glorifizierten lebens. vnd der selben sind ettlich
 von der sele wegen damit sie voraus gott dem herren mit dem
 leben zu gefügt wirt. Ettlich die sind von des leichnams weg-
 en die den leichnam der sele aus einem vrsprung seins lebens
 vollkommenlich vndertheniget das von seinem wegen die sele
 von dem werck der ewigen glozi nit gehinderet werde. aber
 von der sele wegen gehören drii ding. das ist das gesicht got-
 tes des herren dem der glaub nach kumpt. vnd die vollkom-
 men liebhabung die nach kumpt der liebe. vnd die ewig an-
 hangung achtung oder begreiffung die nach kumpt der hoff-
 nung. vnd die selb drit morgengab die heist von ettlichen ein
 niessung. Die erst morgengab das ist das gesicht gottes des
 allmechtigen die mag zu geaignet werden der verstentnuß.
 Die ander morgengab die mag zu geaignet werden dem will-
 en. vnd die dritt der gedechtnuß. Aber von des leichnams we-
 gen das der noch ein vollkomner vndersatz sey der sele vnd sie
 hindere in dem werck der ewigen glozi do gehören fier ding zu
 vnd der selben ding der gehören zwai zu dem sinn vnd die an-
 dern zwai die gehören zu der bewegung. Zu dem sinn do ge-
 hören zwei. eins das der leichnam sey eins ringen begreiffen
 der edlen leiden vnd besunder der entpfintlichen ding. vnd zu
 dem selben schick et sich die Klarheit. Das ander das ist das der
 leichnam nit auffnemme das vnedel leiden. vnd darzu schick et
 sich die vnleidenlichkeit. vñ allso von der bewegung wegen vñ
 nach dem das der leichnam ein würckung ist der bewegung.
 Von der sele wegen do gehören zwai ding. Eins ist das die

der benaigung des verfaumens oder widerung nit widerstand
yn etwen vil irem beweger vnd zu dem schickt die ringfertigkeit.
Das ander ist das ir die andern körpel nit widerston dar
durch ein bewegung geschicht vnd dar zu schickt die hübsch
heit. Aber ich hon gesprochen das die vordersten gab sind mor
gengab durch wellich die sel geschickt wirt zu dem werck des
glorifizirten lebens. wann in der fleissigen kuntschafft werda
ent geben über die morgengab etlich gaben von dem preütig
am oder freunden das von dem preütigam der praut gegeben
wirt das heist ein morgengab von der hochzeit wegen. Aber
die gab so von den freunden gegeben wirt die heist ein heim
steür. vnd also wirt in der geistlichen kuntschafft über die si
ben morgengab geben ein heimsteür d sele von cristo de preü
tigam von der hochzeit wegen. Et hoc erit gaudium quod
anima habebit. vnd das ist die freud die die sele wirt haben.
in dem gesicht cristi des menschen. Auch werdent etlich gaben
von den freunden geben de preütigam vnd der praut. vnd das
wirt die freud werden die die sele wirt haben von der gefell
schafft wegen der himellischen purger vnd obersten geist vñ
von der fronlockung wegen der selben seligkeit. Doch merck
wiewol die morgengab der sele sind von dem lon des wesen so
sind sie doch nit selb die seligkeit oder das ewig leben. vnd
das ist die vsach wañ die seligkeit heist ein volkomne würck
ung da mit die sel vollkommenlich gott dem herren wirt zuge
füget. Aber die morgengab der sele die heissent ein gewonlich
heit oder ein schickung oder wellicherlei wietenigkeit der sele.
welliche die sel ordnet zu sollicher volkomner würckung vnd
das also die morgengab mer ordnet zu der seligkeit wen das
sie stücklin weren der seligkeit. Auch so wirt die seligkeit nit
geordnet zu der fügung Christi des herren vnd der sele. Aber
die selb fügung der sele mit Christo gott dem herren die ist mit
der volkomnen würckung da mit got der allmechtig Klarlich
erscheinen wirt vnd gantz vnd gar volkomenlichen geliebet
vnd in der sicherheit gehalten wirt. vnd dann mit dem aller
größten lust genossen wirt. Aber die morgengab der sele sind

etlich gab die do schickent ein solliche zůsamen fůgung christi vn der sele. darumb so sind die nit die seligkeit. vnd dauon ob das gesicht genomen wirt für ein schätzung werck des göttlichen wesen. nach der plossen Klarheit vnd offenbarung so ist nit ein morgengab sunder die seligkeit selb. aber nach dem das gesicht ist ein morgengab so wirt dann das genomen für ein Klarheit der glori da mit die sele göttlich erleucht wirt für sich tar zů dem gesicht gottes das ist on alle ferre der mitlung das ist das ein mitt oder ein vnderscheid macht zwischen dem ding das ersehen wirt vnd dem seher vnd on alle mit des ỹbels. dar wirt hingenomen der spiegel vnd das ebenbild dardurch wir yetz in dem gegenwertigen leben gott ansehen. vnd das selbig wirt dann ein klar ansehen werden aller gelaubigen die yetz und sehen in dem heiligen glauben. vnd das ist die sach warumb dann die lexx sprechen ỹber das das herr David spricht. als wir das vor hin gehöret haben. also sehen wir das in der stat vnser gotts vnd herren die erkantnuß des ebenbildes die wir yetzund haben in dem leben in allen dingen die des gelaubens sind die wirt haben die nachuoget dort in dem ewigen leben das klar gesicht vnd ein offne erkantnuß. vnd aus de ist das kund das ob geschriben ist. das die selig sel in dem ewigen leben wirt klarlicher sehen vnd erkennen das wesen der gottheit vnd die drei person. vnd was ym zů gehöret nach der geteilten vnderscheid ir eigenschafft. auch erkent die selig sel klarlichen den werden leichnam ihesu Cristi wie der in dem sacrament ist vnd alle andere solliche ding die yetzund mit dem glauben gehalten werdent. **S** Doch so merck wiewol die selig sel gott ansicht on alle vnderscheid vn bedeckung so sieht sie yn doch nit on ein mitt der sie schickt das ist on das liecht d glori die yn erhebt. als vor stat. Von der andern morgengab die die lieb heist. So wiß das die zwifaltig ist mit der vnderscheid zwischen der liebhabung der tugent. vnd zwischen der liebhabung der morgengabe. vnd die ein die ist nach der gewonheit. wann die liebe nach dem das die ein tugent ist der gewonlichen sach. als die die do gat von dem stand der gnada

en in einem stand der glori. aber die lieb nach dem das die ein
morgengab ist die betzeichnet das in der liebhabung das vber
er das verdienen gegeben wirt. so die prawt ein gelaitt wirt
Die ander vndercheid ist zunechst dem fürwurff wie wol got
beidenthalben ist ein fürwurf nit doch nach dem das er got ist
aber nach dem das got ist die höchst gut so ist er ein fürwurf
der tugent die ein fürwurff ist der liebhabung. als sie ein tugent
ist. aber der fürwurff der liebhabung als die ein morgengab
ist der ist got als vil der ainig ist in die ainigung des vnder
satz das ist die person gotes. wann die liebhabung als die ein
morgengab ist setzt den liebhaber zu der besamlung des gelieb
ten dings. Die dritt morgengab ist die anhangung oder die
achtung. vnd setzt das ding das vor ab ist geschaiden von dem
das geschehen soll. vnd die selb morgengab die heist von den
andern ein begreiffung als das begreiffen souil ist als ein ding
das geschehen mag. vnd von den andern heist das ein niessung
nach dem das die niessung genomen wirt für ein vollkommen
anhangen. wann das niessen ist von lieb ein anhangen eins
dings von sein selbs wegen. vnd die selb anhangung heist ein
begreiffung. Vñ hienach möchstu von ersten fragen ob das
göttlich wesen müg von den leiplichen augen gesehen werden.
So wiß das es nit gesein mag. wann das leiplich aug mag
nit sehen die gotheit. als ein sichtig ding für sich selb. aber das
ist wol sichtig mit dem zufall. als der sun mag von ym selbs nit
ersehen werden mit dem leiplichen aug aber wol mit dem zufal
wann er in sollicher maß nit ersehen wirt damit er ein sun heis
set. aber wol in sollicher weiß damit er geferber ist vnd das ist
ein sehen mit dem zugehören. also wirt gott ersehen in seiner
creatur vnd vor aus in den glorifizierten Körper darinne die
Krafft der götlichen mayestat erscheinen wirt. vnd ein solliche
glori das aus dem offentlich erscheinen wirt das wesen der got
heit. vnd das wirt mer erscheinen in der glori der groß vnd
hochmütigkeit die der leichnam vnser herren Ihesu cristi des
waren allmechtigen gottes wirt haben. vnd das ist das se
hen gotes herren mit dem leiplichen aug der zugehörung. vnd

also wirt das genommen das Job spricht an dem .xix. Den ich
 selbs sehen wird. vnd meine augen beschen werden. also ob
 das von leiplichen augen verstanden wirt. Zu dem andern so
 wirt gefragt ob die selig seie mit dem das sie got sieht icht ein
 größern gelust hab. so wiß das die ein geistlichen gelust hat.
 vnd nit ein leiplichen. Zu dem dritten möchstu fragen ob all
 selig selen ebengleich werden got sehen vnd ein gleichen ge-
 lust hon der freüden. so wiß nain. wann sie sind nit eben gleich
 geschickt vnd begriffenlich zusehē zu dem durchlüsten vnd zu
 den freüden. So möchst du auch fragen zu dem fierden ob die
 morgengab nit sei in cristo. So wiß das die morgengab nach
 dem als sie sind morgengab nit werden sein in cristo. wann er
 ist der preütigam vnd die praut d eigentlich aus gezeigt wirt
 die miet d morgengab. davon das dieselben morgengab sind
 nach der substantz in cristo das ist das Klar gesicht die volk-
 men lieb. die aller durchlüstigste niessung die sind in seiner sel
 Vnd in seinem leichnam sind die Klarheit. die vnleidenlichkeit.
 die ringfertigkeit. vñ die hübscheit. Zum fünfften so möchstu
 fragē ob in den heilige engeln nit sei die morgengab. So wiß
 das die engel nit eigentlich werden haben die selben morgen
 gab von der morgengab wegen wann sie nit der selben natur
 sind. das ist der menschlichen mit cristo dem breütigam. aber
 sie habent wol die gab die in der morgengab gegengen wer-
 dent. Nun zuschreiben von dem andern stücklin als vor aus ge-
 teilt ist das ist von d substantzlichen lon der do stat in der glo-
 rifizierung des leibs vñ heist die ander stol so der leichnam die
 sel hinwider nimbt. mit der selben seligen seie vollkommenlicher
 hat achtung auff yn die höche der himel. wann so der leichnā
 also glorifiziert ist so wirt er dem geist gleich vnd wirt auch
 dem gantz vnderthenig vnd ein fügsame nachfolgung des geist
 damit der leichnā gesatzt wort in das reich der seligen. vñ das
 er hab die selb fügsamkeit. dar zu muß er hon fier morgengab
 das ist die Klarheit. die vnleidenlichkeit. die ringfertigkeit. vnd
 die hübscheit. wann in der schöpfung aller ding hat got den
 leichnam angepunden der seie vnd hat mit einer natürlichen

begier Leib vñ sel zu einander gebē. in den stand des verdienens
hat das got gemacht das die sele der regirung des leichnams
achtung hat vñ das mit ir der leichnā vbet die werck des ver-
dienens. dauon so mag das nit geleiden ein gerechter lon das
die sel gantz selig sei nun ir werd dan widergebē der leichnam
vnd zu dem selbē nemen ist ir eingeflochten ein natürliche be-
naigung. aber die ordnung des regiren mag das nit geleiden
das der leichnam widerstand dē seligen geist nun das d gantz
geschickt vñ vnderthenig sei dē geist als vil sich der leichnā dem
geist geformiren mīg. vñ darumb das der geist in dē gesicht
des ewigen liechts ist durch Klarifiziert daruon soll in dē wi-
dernemen des leichnams die Klarheit des liechts großlich er-
leuchten daruon das der geist mit dē behaben d ewigkeit ist ga-
ntz vnleidenlich worden vñ dauon soll in dem widernemen des
leichnams von dē geist gantz vñ gar dē leichnam die vnleiden-
lichkeit gebē werden. als wol von innen als von aussen. daruon
das d selb geist aus d liebhabung des höchstē geists ist gantz
vñ gar geistlich worden. vñ daruon sol der geist in dē leichnam
haben ein mithellige subtiligheit vñ geistlichkeit. mit dē allen ist
der geist gar behend mit seiner achtung in gott. Hierumb soll
in dē glorifizirten leichnā erfunden werden die höchst ringfer-
tigkeit. aus dem kumbt das maister Henricus schreibt de sanz-
dano in suo quottlibeto. q. xvj. et. xvij. das die morgengab des
glorifizirten leichnams sei ein besondere schickung vnd sei ein
gossen dem leichnā aus dem widerprehen d glorifizirten sele.
die hindan setzt die brechlich schickung das ist die tunckelheit
die leidenlichkeit. vñ die tragsamkeit oder grobheit. Bei der erst-
en morgengab des leichnams ist zu wissen das die zwifaltig
ist etwen heist sie Klar weñ das liecht ist als die sunn oder das
liecht. oder etwen heist sie durch fein. vñ also heist ir yegliche
Klar vñ ein glorifizirter leib beidenthalb durch fein vñ liecht.
wan zwei ding sind die ein vsach mache der tunckelheit in dē
leichnā. das ist die vnlauterkeit d materi. die Kleinigkeit des lie-
chts das wirt dan beidenthalb hin dan gesatzt. vñ daruon so
wirt d leichnam gar Klar. Do möchstu sprechen ob ein glorifi-

zierten leichnā müg ersehen werden mit den augen eins vnglori-
 fizierten. so wiß das das wol gesin mag. vñ wann das d sel
 gefellt die ein glorifizierten leichnā hat vnd als es gefellt das
 ist in ir eigen farb oder in ir glorifizierten Klarheit mag sich die
 selig sel ertzeigen. Von der andern morgengab das ist von der
 vnleidenlichkeit. So wiß das die vnleidenlichkeit ist ein gefatzte
 schickung die d glorifizierten leichnā ist an gegossen von der
 widerprehen derselb glori in d leichnā. vnd dieselb schickung
 setzt hindan den geprechen des leidens. vñ also entstat nit die
 vnleidenlichkeit des glorifizierten leichnams aus d natur die d
 wesen ist zugefügt das ist d himelische Körper. als etlich spre-
 chent das nit kom von d himelische Körper in die besamnung
 des vndersten Körper. aber die vnleidenlichkeit die kumpt aus d
 krafft der seligen sel die gewaltiglich iren leichnā hellt. also
 das wider die maß damit der von d sel gehalten vñ volbracht
 wirt das mag vō keim aufwendige würcken nit verkört wer-
 den. Die selig sel wirt halten den leichnā der ir anderwaid wirt
 zu gefügt das d fürbas nit mer leidet die zerütung leidenlichkeit
 vñ leet doch das selbig leiden das hailfamig leiden das d wi-
 dernemen fügsam vñ volkomen ist d selben leichnam als das
 auffnemen ist d entpfindlichen gestalt die er in sich nimpt do
 ist ein vndercheid zwischen d vnleidenlichkeit d heiligen vñ des
 Adams in d stand der vnschuldigkeit vñ den kindlin in d vor-
 hell die on den tauff verscheiden. wan die vnleidenlichkeit d heis-
 ligen die wörent das sie nit mügent leiden. aber die vnleiden-
 licheit Adās in d stand d vnschuld die was das er mocht nit
 leiden. aber die vnleidenlichkeit d kindlin in der vorhell die wirt
 sein das sie gar nichts leiden vñ das beschicht nit aus d macht
 des widerston d aufwendigen leiden die sie nit werdent habē
 sunder beschicht durch die ordnung d götlichen barmhertzig-
 keit die verhengt das sie nichts mügen leiden. Aus d ist kund
 vñ gewiß ob solliche kindlin nach der vstend in das feür ge-
 setzt wer d das sie do laidung empfiengē wa sie nit behüte die
 götlich gerechtigkeit. anders ist es von d glorifiziertē leichnā.
 vñ ob die in die hell gesetzt wurde noch empfindē sie kein leidē.

Hie möchstu fragen ob die vnleidenlichkeit sei eben gleich in allen heiligen. so wiß das die vnleidenlichkeit mag; wifalig geschetzt werden. eintwed in ir selb oder nach ir vsach. wirt sie geschetzt vñ ir selbs wegen so nimbt sie nichts mer noch mind vnd also ist sie ebengleich geschetzt in allen heiligen vnd also treget sie allein das verlögnen oder die entsatzung des leidens. ist aber das die geschetzt wirt nach ir vsach so wirt sie also in einē mer dann in de andern. wann d herrschafft d sele vber den leichnam ist ein vsach der vnleidenlichkeit wie vor stat. vnd ein solliche herrschafft hat ein vsach aus de das die sel misset vnuerkölich. vnd darumb in de das got volkomenlicher misset darin ist auch ein grössere vsach d vnleidenlichkeit. ¶ Von d dritten morgengab die heist subtilitas. so wiß das die ein vsach hat aus d herrschafft der geselligten sele vber den leichnā von des wegē wirt geheissen d glorifiziert leichnā ein subtiler Körper d gantz de geist vnderterng ist. wan das subtil ist zwifaltiglich also geheissen. als Philosophus spricht in li. de gene. et cor. Das heist subtil von der eingeng vñ die von einander teilung d selben teil. vñ also durchgat ein subtiler Körper ein groben Körper. Mit einer andern weiß so wirt der subtil Körper also geheissen allein von des eingangs wegē vnd mit von wegen d teilung ir teil darinn das gat. vñ also durchget d geist mit seiner subtiligkeit den Körper. die subtilitet d glorifizierten Körper wirt geistlich sein als ein geist. wann die glorifizierten Körper werdent geistlich. sprechen die meister vber den zwelff boten. j. Corin. xv. Der sichisch leichnā wirt gesäet vñ ein geistlicher der erstat. aber doch so werdent die leichnā der heiligen nit subtil mit d durchlüstigkeit. Als ein bischoff von Constantinopel sprach das vnser Körper nach d vstend subtiler werde dann d wind vñ der lufft. die selb ketzerei widertreibt Gregorius. xiiij. moralium vnd spricht das das nit gesein müg. dann d herr hett nach der vstend ein begreiffenliche Körper. als Lucas spricht an dem. xxiiij. das vor allen sachen zūglaube ist das der subtil gemessen ist. aber das er subtiler gemessen sei dan der lufft od wind so wär sein leichnam nit begriffenlich gewesen wiewol

D lufft ist anraichlich so ist er doch nit begriffenlich. vñ dauon
 spricht Gregorius das d glorifizirt leichnā ist subtil mit dē ge-
 walt der geistliche krafft. daruñ möchstu fragē ob der glorifi-
 ziert leichnā mūg sein an der selbē stat mit ein andern kōrpell.
 Ober das antwort sanctus Thomas. Das kein glorifizirtes
 leichnā mūg gesein mit andern glorifizirten leichnā an der sel-
 ben stat mit d krafft seiner glorifizirung. aber wol mit d krafft
 gottes. als der schat d von sant peter gieng macht gesund die
 francken. mit vō natürlicher krafft wegē aber durch die krafft
 gottes von des glaubens wegē der also auff erwūchs. also tūt
 die krafft gottes das d glorifizirt kōrpel mag mit ein andern
 gesein von d volkomenheit wegē der ewigē glori. doch sprech-
 ent die andern das der glorifizirt leichnā mūg mit ein andern
 ston an der selbē stat mit ein vnglorifizirten leichnam mit der
 krafft seiner glorifizirung. als Johannes Damascenus in li. iij.
 spricht. do iesus eingieng mit versperrter tür zū sein iungern der
 gab dar die krafft der glorifizirung. vñ also gehellent sie das
 ein glorifizirtes leichnā mūg gesein mit einē vnglorifizirten
 kōrpel on ein nūws wunder mit d morgengab d subtilkeit. vñ
 das geschicht on alle teilung des leichnams der nit glorifizirt
 ist sunder allein mit dē eingang das die teilung beleibt bei d ge-
 nossenheit. Aber zwen leichnā sie seien glorifizirt oder nit die
 mūgent nit beieinander sein an einer stat. vñ das durch die ge-
 en on ein nūwes wunder vñ on die krafft gottes die do sunder-
 lich würckt. vñ der ding aller ein gemain vsach ist. wañ die
 niessigkeit d kōrpel wellicherlei die sind die mūgent nit mit ir
 natürlichen krafft durch gon. aber ein besundere sach ist d glo-
 rifizirten kōrpel das die nit mit einand mūgent gesein an einer
 stat. wañ wār dē also so wār in ir ein die macht des eingangs
 d teil eins andern glorifizirtē kōrpels vñ in dē andern wār nit
 die macht des widerstands. vñ das ist vnfüg̃samig. wañ nach
 d natur gepürt das ein yegliche kōrpel d durch yn will gon
 also das es nit gesein mag das d mit ym sei an der selben statt
 zeichenlich. oder das mag geschehē mit d götliche krafft nach
 seinē willen das d sei mit ein andern kōrpel an d selbē stat das

er also nit widerste dē gemüt. also ist d̄ glorifizirtleichnā nach
seiner natur begreiffenlich vñ das hat er aus zweien. das ist der
greiffende wietenigk̄eit vñ mit dē das der wider stat dem an-
greifen das d̄ nit durchgang als die angreifent wietenigk̄eit.
das sind die hitz. kelt. feuch̄tigkeit. trunckenheit. die sind darzu
geschickt das sie verwandeln den sin des greiffen. aber doch ist
d̄ glorifizirtleichnā gantz vnder tenig dē geist in dē gwalt des
geist ist das regiren des leichnams das darnach dē vorgean-
ten wietenigk̄eit verwandelt den angriff oder nit verwandlet
vñ das gebürt ym zu aus d̄ krafft über die natur. also wann
d̄ nit will das der auch nit begriffen werd von ein glorifizirt
ten k̄öpel vñ wann er will das er angriffen werd. daruñ sprich̄
icht Gregorius in d̄ omely. das d̄ herr nach d̄ vrsend ertzeigt
hat das sein leichnā der selbē natur ist gewesen vñ einer ande-
ren glori. Die fiend morgengab des glorifizirtleichnams ist
die ringfertigkeit die hat ei vrsach aus d̄ volkomen herrschaft
die die sele über den leichnā hat. als Augustinus spricht. wo d̄
geist hin will do ist auch der leichnā. daruñ so mag die sel on
vnderscheid d̄ statt oder geliger das ist auff vñ ab hind an vñ
vornen auff die recht oder linck seitten iren leichnā bewegen.
on alle sein mü. Von dē spricht Ysayas. xl. Sie werdent lauff
en vñ arbeiten nit. sie werdent fliegen vñ nement nit ab. Aber
in dē gegenwertigē leben werden die k̄öpel nit bewegt on mü
vñ sind auch treg in ire bewegen von d̄ widerwertigē bemaig
ung wegē der ellement natur die do herrschet in dē k̄öpel wid
den willen die die natur der element bewegt an ein geente stat
vñ ist nun nit völiglich vnder tenig dē willen aber künfftig-
lich so werdent die k̄öpel ringfertig von d̄ volkomen vnder te
nigk̄eit wegē der natur vnder dem gebiet des willen. daruñ so
mag d̄ glorifizirtleichnā mit der krafft seiner glorifizirung we
gen aufsteigē in den himel. Auch ist das d̄ warheit gleich das
sich d̄ etwen in dē himel bewegt nach dē gefallen seins willen.
nit von keiner lei notturfft wegē zu erfüllen die bewegung sun
der zu ein aufzeigē seiner krafft also das d̄ sin volbracht werd
manigfaltiger schōne der creatur dar inn die weisheit gottes

hoch durchleuchtet. der sin mag nit gesein nun bei der gegenswertigkeit wie wol die glorifizierten leichnā mügen von ferre empfinden. als sanctus Thomas spricht. Wie wirt gefragt ob d' glorifiziert Körper sich müg schnell augenblicklich bewegen. so wiß nain. aber er mag sich wol bewegē in einer vn begriffenlichen zeit. aber doch fürwar nit als ein selige sel wirt haben ein Eerlichen Körper. also wirt sie auch haben ein ringfertigen leichnā. also doch das d' wille der heilige wirt gantz vn gar zugefügt d' vernunft. wañ ir will begert nimer nichts was er nit begern soll. aber d' will einer mer seligen sel die wolt pülicher bewegen iren Körper schneller wañ ein sel die minder selig ist. vn die sel so einer mindern glori ist. die weil nit iren leichnā als schnell bewegē als eine die mer er golzi ist. vn also ist das war von yn allen. als Augustinus spricht. wa hin d' geft will do ist auch als bald d' leichnā. ¶ Von d' dritten stück lin züschreiben die ersten auf teilung. so wiß das der zugehör ent lon oder der zufallent lon ist drifaltig von drifaltiger Kron wegen. die dreierlei menschen geben werdent. das ist den martren. den iungfrawen. vn den predigern. das güldin Kronlin wirt also aufgelegt. vn das ist d' zufallent lon der begabt ist mit d' vorteil des gelids der gegebē ist vber den vorteil des figs vn wirt gebē den volkomen wercken damit d' mensch cris o gleich wirt nach d' volkomen fig. vn des zü einer Klarliche verständigheit so wiß das der ein wesentlicher lon heist on den der mensch nit mag selig werden. als das Klar gesicht ist des göttliche wesen. recht als das ein wesen heist des mensche on welchs nit ein mensch gesein mag als die sel ist oder der leichnam aber der zufallent lon der ist d' zü dem lon des menschen gesetzt wirt. vn on den der mensch möcht wesentlich selig werden. als die zier d' iungfrawschafft ist. d' vil nit habent. Zü d' andern so merck das drei kempff sind. das ist wid die welt. wider das flasch. vn wider den teüfel. die einē yeglichen mensche zü komet in den dreien güldin Kron gebē wirt. wañ alle die den volkomen fig habent in d' kempff wider die welt vn der selb kempff ist der vorderst damit widerstanden wirt die durchhecht

ung vntz in den tod durch cristū willen. de selben wirt geben.
das erst güldin Krönlin. vñ wer in de Kampf wider das flaisch
den sig behelt gegen allen gelüsten der vnlautterkeit vnd ent-
helt sich vor allem wollust des flaisch durch vnfers herren wil-
len. de wirt geben mit den iungkfrawen die ander güldin Kron
aber die Kempffent wider den tüfel der selb Kampff ist begabt
mit ein vorteil do etwer den feind nit allein vō ym selbs auch
von den hertzen der andern aufteilt das mit der lere geschicht
vnd mit der predig. vnd dauon so wirt den letern vnd den pres-
digern die dritt güldin Kron. vnd also haben wir drei sig die
mit dem vorteil begabt sind. der martre. der iungkfrawen. vñ
der prediger. den dreien wirt gegeben die drei güldin Kron. das
sind die drei züstend lön die also mit vorteil begabt sind. Zu
de dritten so wif das bei dem gold züuersten ist der lon des we-
sens vñ der selben freüd. wañ gleich als aus der freüd des we-
senlichen lons hergat in den leichnam. ein besundere zier der ein-
lob ist des leichnams. also kumpt aus d freüd des güldin Krön-
lins ein besundere ziere in den leichnā. vnd also ist das güldin
Krönlin voraus ein besundere freüd die in das gemüt kumbt.
aus dem vorteil eins überhohen wercks vñ brehent auch vnd
scheinent in de flaisch mit ein sundern glast. vñ also vermerck
est du wie die güldin Kron ist ein lon der zü de gold gesatzt ist.
Zü dem fierden wirt gesprochen in der auflegung des güldin
Krönlins die den volkomē wercken gebē wirt damit d mensch
gröfllich cristo geleichet. wañ cristus ist gewesen ein martre
nach dem er die martre von der welt wegen geliten hat. er ist
gewesen ein iungkfraw nach de er die reinigkeit in ym selbs
ewigklich behalten hat. vnd ist auch gewesen ein lere. als er
die warheit so er von de vatter genommen d welt geoffnet hat
vñ daruñ wer die achtung leidet vntz in den tod durch cristū
oder wer die iungkfreulich reinigkeit durch gotzwillen behelt
oder der mit der lere nit von ym selbs sunder auch von anderen
auftreibt die bösen feind die werdent gröfllich cristo dem her-
ren geleichet. mit de volkomen sig. Züm fünfften so wif das
ein vndercheid ist zwischen de gold. güldin palmen. vñ frucht

Das gold das gesprochen ist das ist der lon für sich selb des we-
 sens vñ den selben lon dē hielt gleich die wurtzel d̄ lieb vñ mit
 dem wirt der mensch von ersten teilhafftig d̄ gotheit vñ auch
 dē küniglichen gewalt dē von küniglicher würdigkeit wege zū
 gepürt das gold das ist die güldin kron. Aber das krölin das
 klein genennt wirt vō gold das ist ein kleins krölin über die
 güldin kron vñ das ist der zufalent lon dē der wesenlich lon ist
 zū gefaszt. vñ der selb sagt gleich als vor gesprochen ist dem er-
 höchsten sig. das ist den martren. den iungē frauen. den pre-
 digern. aber d̄ palm ist ein zū komend lon der wider den wurtz-
 en der lieb nach dē werck nach dē sig nit gepürt. aber allein dē
 willen. vñ ein sollichen lon behü b sant Martin dauon das er
 der marter begert wie wol er die nit laid. als von ym gesungē
 wirt. o du aller seligste sel. vñ wie wol die ächtung des swerts
 die von ym nit genomen hat so hat sie doch die palm d̄ mart-
 rer nit verlor. vñ die selb palm heist nit güldin noch das gül-
 din. aber die frucht ist ein lon der dē menschen zū gepürt von
 des wegen das der gat aus dem leben des flaisch in das leben
 des geists mit d̄ kunst des gotz wort. vñ dauon so sagt voraus
 die selb tugent. gleich d̄ frucht die sunderlich dē mensche von
 den gelusten des flaisch er löst vñ das tüt die keüßheit damit
 sich der mensch hüt vor den wercken der vnkeüßheit. wann die
 sel oder der mensch mit den flaischliche gelusten gantz vñderte-
 nig wirt dē flaisch. vmb das als Jeronimus spricht über Ma-
 theū. wann weder d̄ geist der weissagung nit berürt das hertz
 der weissagung in sollichen gelusten vñ ist vnmüglich das dy-
 nichs verston mügen. Spricht Aristotiles. iij. Ethicorū. vñ
 darumb so sagt die selbig frucht mer gleich der tugent wenn
 sunst kein andere. vñ dauon so folgt daraus das es nit vnfüg-
 lich ist noch vnpillich das die frucht vñ das verdienen gleich
 sag der selben tugent d̄ keüßheit von mengerlei sach wege die
 die sel in ir hat. vñ dauō so sagt die güldin kron gleich d̄ iunck-
 frauschafft nach dē das vñ gotz willen behalten wirt das ge-
 bot d̄ lieb. aber das güldin nach dē das es ein volkomen werck
 ist das hat ein vsach eins höchsten sigs. aber die frucht nach

dem das 8 mensch mit der Keüſcheit gat in ein beſondere geiſt-
licheit. damit gat er von den flaiſchlichen gelüſten. vñ darvñ
recht als drei gründ 8 Keüſcheit. ſpricht ſant Auguſtin. das iſt
die enthaltnuß 8 eleüt. der witwen. 8 iungkſrawen. alſo auch
iſt dzifaltige frucht. das iſt 8 dreißiggiſt. der ſechtziggiſt. 8 hun-
dertfaltiggiſt. als in der glos Mathei an dē. xiiij. geſprochen iſt.
wan in der Kirche iſt etlicher geiſtlicheit notturfftig. vñ etliche
iſt überflüſſig. die geiſtlicheit 8 notturfft ſtat in dē das die ge-
rechtigkeiſt des geiſts mit den gelüſten des flaiſch mit getrun-
gen werde. vñ das geſchicht dan ſo eins die flaiſchlichen gelüſt
miſſet nach einer rechten ordnung 8 vernunfft vñ das iſt die
geiſtlicheit vñ die Keüſcheit 8 eleüt. vñ den ſagt gleich der drei-
ſiggiſt lon. Aber die überflüſſig geiſtlicheit iſt damit ſich 8 men-
ſch gantz vñ gar entzücht von ſollichen gelüſten des flaiſch
die den gelüſt erſtecken. vñ das geſchicht zwifaltiglich. eintz
weder von einer yeglichen zeit wegen 8 vergangen der gegen
wertigen der künfftigen. vñ die iſt die geiſtlicheit 8 iungkſrau-
en. vñ der ſagt gleich der hundertfaltiggiſt lon. oder nach einer et-
lichen zeit das iſt der gegenwertigen vñ der künfftigen. vñ die
iſt Keüſcheit 8 witwen. vñ ſagt gleich dē ſechtzigfaltiggiſt lon.
vñ dabei ſo wiß das die in 8 ee oder witwen die alſo vnkeü-
ſchlich lebent vntz an ir end vñ büſſent das den wirt nit gebē
der ſelb lon 8 die frucht heiſſet. ſunder nun der lon des weſens.
auch weder iungkſrawen noch witwen gehōt zū die frucht
oder das güldin Erōnlin wellich fürſatz 8 vnlauterkeit gehēbt
hond biß an ir end. alſo wirt nit gebē das güldin allein vmb
die lere nun ſie behēb dan entlich den ſig wider den teüfel. vñ
das ein criſtenliche lere geſāet werd on ein irfall durch vnſers
herren willen. aus dē wirt dan geben den lerern die zierheit vñ
den die durch yn bewert ſind. als den martren geben wirt ein
zierheit dē leichnam vñ ein freüß dē gemüt die alſo iren leich-
nam geben habent vmb gotzwillen in den tod. vñ den iungk-
ſrawen wirt auch geben ein zierheit irē leichnā wa ſie den rei-
nigklich vmb gotzwillen behalten hond. alle heiligen freüen
ſich 8 güldin Erōn vñ der zierheit. doch habē ſie mit all die Erōn

sund die martreer iungkfrawen vñ prediger. **V** Hie wirt von ersten gefragt ob d ein martreer sei d durch des glaubens willen leiden ist vñ mit dem nit pald stirbt sund ein kleine zeit darnach. so wif als vor gesprochen ist das der tod d fresenlich dē menschen kumpt vñ angetun wirt durch gotzwillen d selb mensch heist vñ wirt ein martreer ob ioch der tod dem mensche langsam oder pald angetun wirt. also das er nun allein durch got vñ von wegen des glaubens beschehe. vñ darumb sind etlich martreer mit langer quellung in gefengtnus oder mit grossem hunger durst oder Kelte oder von wunden wegē als pald nit gestorbe sunder hernach. darumb mit wellicherlei d mensch die martreer leidet durch vnser s herren willen vñ ym von des selben wegē der tod nach volgt der ist ye geheissen ein martreer. vnd verdient die güdin Kron. ist aber das von der Festigung wegen dē menschen der tod nit pald nach volgt so wirt er darumb nit ein martreer. als man list von sant Siluester dē babst. der vil leidens vor seinē tod geliden hat vñ starb darnach betrüblich. noch so wirt er nit für ein martreer geschetzet sunder für ein beichtiger. Nun merck das von mengerlei sach wegē etwer ein martreer gewesen mag. am ersten von der gerechtigkeit wegen. als der Abel. des andern von des gesatz wegen. als die Machabei. zum dritten von des hails wegē des volcks. als Cristus. des vierden von des glauben wegē. als sant Steffan. des fünfften vō vnser s herren wegē. als die vnschuldige kindlin. des sechsten von der freiheit wegen. als sant Thoman von Kandelberg. zum sibenden von betzeichnuf wegē der warheit. als Ysaias Jeremias Ezechias vñ die andern. zum achten vō der straffung wegē der sünd. als Johannes d tauffer. Nun zu dē andern so möchstu fragen ob die rein iungkfraw Maria sei ein martreerin gewesen. so wif. eigentlich zureden so ist sie nit ein martreerin gewesen. wañ sie den tod durch vnser s herren willen mit aufwendigē leiden nit geliden hat. vñ darumb so ist sie nit ein martreerin geheissen. aber doch so hat sie den inwendigen smertzen geliden die geher vñ iämerlicher gewesen sind an irem hertzen. wenn das aufwendig leiden das die andern

martreer gelide hond. vñ daruñ so heist sie ein martreerin. also
nach einer gleichnuß. also redet d selig Jeronimus in einer pre
dig von vnser frawen schidung wege vñ spricht. ich hab gar
recht gesprochen das die mütter gottes ist ein iungkfraw vñd
martreerin. Luce. vj. Dein sel wirt durch gon ein swert das ist
in dē tod cristi. Zu dem dritten so wirt also gefragt ob cristo
zü gepür das güldin Krönlin d martreer d iungkfrawen oder d
prediger. so wiß das ym das also nit zü gepürt. daruñ das das
Krönlin ein Klein ding genennt vñ daruñ so gehöret das allein
den zü die ein teilhafftigkeit habent mit dē volkomen sig nach
seiner nachfolgung daruñ die volkomē vsach völiglich stat
vñ daruñ das in cristo voraus erfunde wirt die völig vsach
des sigs. mit dem sig all sighafftig gestelt wer dent dar aus alle
Krönlin iren vsprung habent. als in dē büch der tagen am. iij.
geschribē stat. wellicher gesiget den mach ich sitzent in meinē
tron. als ich gesiget hab. vñ sitz in dē tron meins vatters. nach
dē als Johannes spricht an dē. xvj. hab hoffnüg in mich wan
ich die welt überwunden hon. vñ in dē büch der tag spricht er
am. v. der leo von dē stam iuda d hat gesiget. vñ daruñ so hat
xps nit vsach des güldin Krönlins fund etwas höher über all
güldin Kron dar aus das güldin Krönlin geheissen ist. vñ das
bedeut ein besondere volkomne teilhafftigkeit die von ein an
dern drinn völiglich erfunden wirt. vñ also gehöret das zü ei
ner besondern Kleinigkeit. vñ daruñ so wirt also in xpo erfun
den die vollaist aller volkomenheit. Zu dem vierden so möchst
du sprechē ob den engeln nit zü gebür das Krönlin. so wiß nain
wan das güldin Krönlin ist das werck das mit dē leb erworbe
wirt. auch wirt das nit gebe dem Kampff sunder dē sig des Kam
pffs. als sant Pauls spricht ad Theß. ij. Es wirt keiner ge
Krönet dan der ritterlich streit. aber die engel habē weder leib
noch Kampff darinn sie etwas hertigkeit entpfinden möchten
darumb habent sie nit das güldin Krönlin. Nun wiß von dem
güldin Krönlin d iungkfrawschafft das allein den iungkfraw
en zü gepürt die den ewigē fürsatz d iungkfrawschafft behal
tē hond. wiewol d fürsatz ist etwen zerrirt wordē. also dē ch

Das dennoch die gantzheit des fleisch belibē sei oder das mit dem willen & vnflut gemitten sei aber das heist mit ein genügsamer wil als vil & mag mit einē stetē hertzen & nit mit gantzer krafft meidet den vnflut des leichnams. wer aber & starcken gehenit widerstrebe mag der hat darū sein iungkfrauschaft nit verlor. aber ein solliche teilung des leichnams & iungkfrauwē oder weiber ist nun ein kummer des leidens vñ nit ein schuld der vnwürdigkeit. dauon sprach sant Lucia. Ist das du mich on meinen danck betzwingest so wirt mir zwifaltig die Keüschheit. zu der Erönung. vñ das ist nit also zuuerston das ein weib vñ iren gelaubē oder vmb ein andere tugent kummer vnd not leidet das sie darū hab ein zwifaltige Kron. aber wol wirt darū gebe der zwifaltig lon einē vmb die hüt & iungkfrauschaft. in sollicher beswerung den andern vñ das vnrecht das sie frefenlich geliden hat. Sprechst du dan vnd ob sie dan also ein kind enpfeng. so wär sie gleich & mütter gottes. wañ sie wär ein mütter vñ ein iungkfrauw daruō sie die iungkfrauschaft nit verlor hat. So wiß also das sie & mütter gottes ihesu etwas gleich wär aber nit gantz vnd gar. auch möcht sie ir nit gleich sein wie wol die ein mütter vñ ein iungkfrau wär. wañ in der aller seligistē iungkfrauen Maria ist belibē die Keüschheit des fleisch mit & Keüschheit des gemüts. vñ darzu hat sie nit enpfangē von einē mann sunder von dē heiligen geist. Sprichst du dann ob ein solliche die frefenlich bekümeret wurd iungkfrauw belei nach aller gelegenheit die ob begriffen ist. so möcht sie auch die heilig weil entpfahe. wider das Leo der babst spricht. Die mit frefel zerrüt sind die söllent sich nit eben gleichen den gebetten iungkfrauen. so wiß das sie möchten gewelt werden wa man wesse das sie mit nichten verhengt hetten. vñ werdent auch in dē himel das güldin Erölin haben der iungkfrauschaft. noch die frefenlich zerrütung ist nit zürichten für ein vntzireit & tugent ist das die Keüschheit des gemüts in einer solliche beliben ist. vñ das ist die sach. wañ die zierheit einer sollichen tugent die kumpt her von inwendigkeit der zier des güldin Erölin. vñ darū so ist sollich Erölin sunderbar

in dē gemüt. vñ prehet vñ scheint mit einer sun der überflüssig-
keit in dē flaisch. dauon spricht sant Augustin. in li. de virgi. et
ponitur in textu sen. li. iij. di. xxxiiij. Das flaisch mag nit gerüt
werden. es werden dan von erst das gemüt zerrüt. vñ da selbs
spricht er. die iungfrawschafft mag beraubt werden. aber sie
mag nit epzüchig werden noch das sündhauf vñ belümdt mit
die Keüschheit aber die Keüschheit des gemüts nimbt auch hin dē
vñleümdē der stat. vñ daruñ so ist d spruch Leonis des babsts
also zünerston das er spricht von des schaden wegen der dar-
aus möcht kōmen wan die leicht freesenlich zerrüt werden nit
gantz gehēbt haben in dē selben werck d beswerung ein misfal-
lung. oder sie habent das leicht nit mit gantz zē krafft gemiden
vñ daruñ so ist das sicher das sie sich den selbē mit eben gleichē
noch das sie sich mit den iungfrawen nit weilen lassen. wan
es geschicht gar hart das in einem solliche werck mit gantzem
flaisch gemiden werd das d gelust nit et wen vil ein verhengnuß
bring. vñ daruñ das man nit völliglich mag gewissen ein
misfallig in einē solliche werck daruñ so hat die kirch auffge-
satzt vñ gebotten das sich solliche zerrütte weiber vor der wei-
lung diemütiglich hütent. Et habet in Decreto. xxxij. q. j. ille
famule. et ar. xv. q. j. si quis non iratus. von den selben enthalt-
ung d weiber die sich hütē vor d weilung d iungfrawschafft
schreibt auch sanctus thomas super. iij. li. sen. di. xxxiiij. et. xlix.
et in. ij. q. clij. Hie wirt gefragt ob eine allein mit dē gemüt
müg verlieren ir inngfrawschafft. so wiß das die maister der
natur sprechent. das der leichnā geschickt ist den gedencen ge-
horsam zū sein damit er ym die gelüst zū zücht vñ dauon die
vnlautterkeit des gemüts die kumpt et wen zū ein vnflat des
flaisch. vñ das geschit mit zweierlei weis. eint wed allein aus
d versüchung des gemütz mit dē meiden d tugent. so ist dan vñ
müglig das die selb versüchung geent werd zū dem volbrin-
gen des gelustes. wann ein über gender gelust mag nit gesein
wa das gemüt gantz ist meiden die versüchung. aber soll das
geschehen so müß ye das gemüt dar zū eben gleich genaiget
sein vñ williglich. Zū dē andern so geschicht d gelust mit dem

fürsatz. vñ mit dem wolbedachtē gelust nit in dē leib allein mit der schickung des gemüts das nach dē gebiet des gemüts dan die begier bewegt wirt vñ die fantassei. vñ also raichen dan die geist zu den gelidern d̄ gebürt vñ zu den wercken des gelustes. vnd mit dem hebt an der mensch gantz durch lust werden das ym mit dē bedencken d̄ vnflat kumpt. als d̄ mit dem werck volbracht wurd. vnd also sprechen die heiligen vätter das dan mit solliche vnflat die iungē frauschaft verlorz werd. vñ nit allein des gemüts sunder auch des leibs. vñ das durch die vsach. wan die zerrüttung d̄ iungē frauschaft ist allein ein vsach des willen die do den gelust macht des leibs erfüllt mit dē werck des vnflats. wan die teilung des leichnams die ist mer ein zerrüttung an den gelidern d̄ gebürt dann an einer hand oder an einē fuß. nun mit der zugehörung als vil das mit dē berühren der geäder geeüget wirt zu solliche vnflat aus dē der gelust komen ist vñ die begerung des yetzigen. also wan der selben der ein vsach ist d̄ iungē frauschaft in dē verdienen vñ in dem lon der ist auch ein maß der zerrüttung. aber ein vsach d̄ iungē frauschaft ist d̄ Enab vñ das medlin in dem verdienen vñ in dem lon. vñ darumb ist ein zerrüttung der selben. vñ davon das kein vsach do bedeüt mag werden mit was teilung d̄ leichnā des Enaben zerrütt werde so ist auch versehenlich das die teilung des leichnams eins medlins nach der warheit sei ein zerrüttung d̄ iungē frauschaft. vñ vmb das spricht sanctus Thomas das die zerrüttung d̄ iungē freülichen gelidnuß sich zu der iungē frauschaft helt mit der zugehörung. aber die erlöfung des somens die ein entpfindlichen lust bringt die helt sich zu der iungē frauschaft nach der materi. aber der fürsatz des willens ewigklich zūbehüten vor solliche gelust das ist ein geschickte erfüllung in d̄ iungē frauschaft. Zu dem andern mal so wirt also gefragt ob die iungen töchterlin die in iren iungen iaren solliche vnsaubere werck d̄ vnkeüsch pflegē damit ire iungē frauschaft verlieren. so wiß nain. wan solichs alter mag nit leiden den feüchten vnflat des vngestümen gelusts mit d̄ d̄istellung des gelids d̄ gebürt gereizet wirt. Zu dem dritten.

ob in dem kützeln in dem flag die iungēfrauschaft nit verlor
werd. so wiß nain. als sanctus thomas spricht. noch die trunk
nen weiber die in dē flaff von den mannen bekant werden ver
lieren nit ir iungēfrauschaft sie weren dan truncken worden
oder flaffen gangen in sollichen sinn das sie von den mannen
bekant wurden vñ das yn ein sollich ding geschach. Zu dem
fierden. ob ein weib die von den tūfelischen alpen wider iren ge
danc bekant wurd verlor ir iuncēfrauschaft. so wiß gleich
als die fresenlich zerrütt werden nit verlieren ir iungēfrau
schaft noch das güldin krönlin. also geschicht auch den die
von dem tūfel bekant werden die doch souil ir vermügen ist
mit dē gemüt meiden die bekantnuß. Zum fünfften möchstu
fragen ob die verlorne iungēfrauschaft müg wider geprecht
werden. so wiß das in der iungēfrawschaft sind zwai ding.
das ein das der materi ist. das ist die zerrüttung des flaisch. vñ
wer die verleürt die mag nit wider pracht werden. das ander
ist die schickung. vnd das ist die reinigkeit des gemüts vnd die
stat in dem sūrsatz d ewigē enthalmuß. vñ die wirt allein ver
lorne mit d verhengnuß zu dē werck des flaisch. vñ mit dē wirt
zerrütt die iungēfrauschaft. aber die mag mit der büß wider
pracht werden. als kund ist an sant Johannis ewangelist. da
uō Jeronimus spricht vber Johannē. das d von d hochzeit ge
rufft ward. Aus dē magstu hrufen das die iungēfraw des fla
isch vñ des gemüts ist sie sūrsetzent zu beraiten oder das sie an
ders wöllen innen werden den vnflatigen gelust vñ ob sie den
nit innen werden nun sie büßent das anderst sie wurden nit
haben das güldin krönlin. ist aber das sie das büßent so bring
gent sie wid die verlorne iungēfrauschaft. des gleichen auch
das krönlin. wie wol sie das nit widerbringent in sollicher zir
heit der glori. als wa die reinigkeit von dem vnflat nit zerrütt
were worden. wellicher mensch sich aber willig geschick et in
was weise das ist der verlüst vnwiderbringlich die iuncēfrau
schaft. wenn der selbig mag nit haben ein ewige betrachtung
d vntzerrüttung d iuncēfrawschat. als d prophet Amos spricht
an dem. v. Es kumpt nit darzu das die iungēfraw aufstand in

Iſrahel. wie gott alle ding vermag ſo mag er doch aus einem
 zerrüttem weib nit ein iungkfrau machen. vn̄ das daruñ das
 er nit gemachen mag ein zergangen ding nit gewesen ſei. Zū
 dem ſechſten. ob ein man oder weib die do leident den fluß ired
 ſomens damit die iungfrauſchaft verlieren. ſo wiſ nain. wañ
 ein ſollicher vnſlat aus d̄ krankheit d̄ natur kumpt on fürſatz
 des gemüts vn̄ verhengnuß. Zūm ſibenden. ob denen die von
 natur Kalt ſind vnd die kaſtrirt ſind zū der gebürt beleibe das
 güldin Erönl̄in vmb die behaltung d̄ iungkfrauſchaft. ſo wiſ
 iſt das ſie gehebt hond den willen der vntzerrüttung mit einer
 ewigen behaltung d̄ reinigk̄eit des flaiſch vn̄ des gemüts. vnd
 ob auch das vermüggē do wär ſo ſind ſie iungkſrawen geheil-
 ſen. vn̄ verdienen das Erönl̄in. wañ ſie thünd die tugent aus
 notturfft. wer aber den willen zū heiraten gehebt het vnd wa
 ſie die macht hetten d̄ nach komen weren ſo verdienen ſie nit
 das güldin Erönl̄in. Zūm. viij. ob die kindlin die zūhant nach
 d̄ tauff verſcheiden zū gepür das güldin Erönl̄in. ſo wiſ nain
 alſo eigentlich zūnemē das güldin Erönl̄in als vil das ein lon
 iſt der d̄ verdienten geben wirt. iſt aber das d̄ militigklich ge-
 nomen wirt ūber die weſenlich freude ſo wirt alſo alle welt
 gegebenē das güldin Erönl̄in welliche die vntzerrüttung des fla-
 iſch behalten hond mit d̄ fürſatz das ewigklich zūbehalten.
 vnd alſo iſt daran kein Zweifel nit ſich ſeuen die getaufften
 kind der vntzerrüttung ired leibs. als ſie auch die vnſchuldiggē
 kind freuent in d̄ vaterland das ſie frei ſind geweſen vor den
 ſünden wiewol ſie die macht zūſünden nit gehebt hond. aber
 das enpfahen des güldin Erönl̄ins iſt nit eigentlich ſunder gar
 gemain. Zū dem. viij. ob der aller ſeligſten iungkſrawen Ma-
 rie zū gepüre das Erönl̄in der iungkfrauſchaft. weil ſie doch
 kein Kampff mit d̄ flaiſch gehebt hat von des volkomen ban-
 des wegē als ſie in mütter leib geheiligt ward. ſo wiſ wiewol
 ſie von d̄ flaiſch nit Kampff gehebt hat. ſo iſt ſie doch von d̄
 feind angefochten worden. wañ der ſelb auch criſtū nit ange-
 fochten gelaffen hat. aber in d̄ verſūchung hat ſie kein hertig-
 keit des widerſtrebē gehebt. etlich ſpreche das ſie das Eröli nit

hab wann das eigentlich genommen wirt von des Kampffs wegen. aber sie hat wol ein besser lon wenn das Erönlin von irs vollkommen fürsatz wegen zu behalten die iungkfrawschafft. aber das erst das gefellt bas sancto thoma. davon das sie die erst ist aller iungkfrawen. Zum. x. ob das Erönlin 8 martree vnder den Erönlin die vor genant sind sei das aller best. so wif ia. wann der Kampff der martree die festiget stercker vnd geher wenn der streit 8 iungkfrawen oder 8 leter. darumb ist ir sig loblicher vñ besser. dasselb ertzeigt auch die kirch in der gedechtnus der martree die sie ordenlich gesetzet hat für die leter vnd iungkfrawe. Zum. xi. ob ein martree hab ein höchers Erönlin dan der ander. vñ also mag auch von den iungkfrawen vñ letern gefragt werden. so wif ia. wenn ein martree leidet mer vñ grössern smertzen wenn der ander. vñ darumb ist sein lon auch grösser. wann ein grössern verdienen zimpt ein höher lon in 8 art des martelichen wercks. also wirt das güldin Erönlin ein er iungkfrawen höchlicher geben den der andern. darnach sich eine mer vñ fleissiglicher gewert vñ die vrsach der zerrütung gemiten hat. vñ des gleiche ist es auch mit den letern die grössern fleiß vñ hertiglicher gestudiret haben wann die anderen. vñ do ist nit on ob einer etwen grössere lieb gehebt hab. dann bei der wurtzel der liebe wirt die grösse des güldin Erönlin mit geschetzt. aber wol des golds. darumb so mag etwer in der martee minder verdienen des wesentlichen lones der doch vmb die martee ein höhern lon 8 güldin Erön wirt habē wenn ein anderer martree der grössern lieb in de leiden gehebt hat. wiewol der selb ein grössern lon des wesen nimbt wenn der ander 8 minder lieb hat. wann der wesentlich lon sagt gleich 8 behalten liebe vñ irer größ. vñ des gleiche geschicht ein ordnung in de lon des wesens vñ der güldin Erön der iungkfrawen vñ der prediger. nach dem vnderscheid der lieb vñ dem werck der von art wegē gleich sagt de gold des zu Komenden lon wa zwi iungkfrawen eben gleich weren in 8 liebe in 8 hüt der iungkfrawschafft vnd sich in allen dingen gleich liebten die selben hetten eben gleich das gold vnd das güldin. Zu dem. xij. ob der predi-

ger der getrülich prediget vñ doch keinen bekört. vñ also von
 keinem menschen dan allein von ym selbs den tüfel vertreibt.
 auch haben werde die kron d̄ prediger in der heiligen geschr-
 ifft oder den prelaten den es von ampts wegen zū gehört das
 sie leren vñ predigen. so wiß das yn die güldin kron nit zū ge-
 hört nach d̄ gewonlicheit aber d̄ werck̄ perlichē Streit. daruñ
 wellicher das werck̄ d̄ predig mit der liebe willig vñ getrülich
 v̄bet vñ mit d̄ waffen kristenlich lere sich fleißt aus zūtreiben
 die teüfel v̄ den hertzen d̄ zühörenden er sei ein prelat oder ein
 schlechter priester nun das er gesant sei vñ zimlich lere vñ darzū
 gegē ym selbs vñ den andern rechtlich lebe d̄ verdienet ym den
 lon vñ das güldin krönlin. Zum .xiiij. ob die selikeit der heilige
 grösser werd nach d̄ gericht wen̄ vor der widernennung d̄ k̄z-
 pel. so wiß ia. inwēdig vñ eüsserlich. eüsserlich so ist schlecht das
 der sel dan̄ grössere subtilikeit geschicht wañ sie sich nit allei
 freuet sunder der güt irs leichnams d̄ dan̄ glorifizirt ist vñ des
 gleichē freuet sie sich d̄ andern güt. aber v̄ innen wird die seli-
 keit der sel mer sein wañ die sel wirt dan̄ volkomenlich in irer
 würckung wañ sie sein wirt in irē k̄zpel der ir gantz gehorsā
 ist vñ nit widerstrebt irē werck̄. vñ daruñ das die selikeit stat
 in der würckung so wirt auch volkomenlich die selikeit der sel
 nach der v̄stend des leichnams wen̄ vor. gleich nun die sel die
 abgescheiden ist von d̄ vergenglichē k̄zpel bas vñ volkom-
 enlich mag würckē wañ so sie ym zūgefügt ist. also wideruñ
 wen̄ er glorifizirt ist vñ ir wid̄ zūgefügt wirt so wirt er wür-
 ken volkomenlicher wen̄ so sie von d̄ gescheiden ist. Ein yeg-
 lichē vnuolkomenheit begert ir volkomenheit. daruñ so begert
 die hingescheiden sel yetzund in d̄ himel natürlich die zamen-
 fügung irs leichnams. vñ von des begern wegen der aus der
 vnuolkomenheit herkumt ist ir würckung die von ir in got ge-
 würck̄ wirt minder vñ klein. als sant Augustin spricht in li. su-
 per Genesim ad litterā. das denen von ir begird wegen von
 dem leichnam gehinderet wirt das nit ir gantze achtung ge-
 füret wirt in die aller höchsten güt. Zu dem .xiiij. möchst du
 sprechen. ob die lieben heiligen die ein v̄derscheid in dem v̄er

Diene n vñ im lon habē auch ein leipliche vndercheid werden
hon in der himelischen wonung. da von spricht Johannes an
de. xiiij. In de hauf meins vaters sind vil wonung. so wiß nain
wann all engel all heilig vñ alle mensche werden ein leipliche
wonung habē das ist d̄ für in himel dar inn kein vndercheid
nit ist d̄ leiplichen wonung. aber da selb sind die grad d̄ lon vñ
die selbē grad habent mengerlei vndercheid in de hauf gotes
mengerlei wonung werden hie in diser zeit berait mit d̄ vnder
scheid des verdienen in allen tugent aus der lieb. vñ daruñ so
ist die maniafaltigkeit d̄ lieb nit in der substantz aber in d̄ wies
tenigkeit. also scheidet die gegenwertig liebe die himelischen
wonung nach d̄ aufteilung des verdienen sagt gleich die auf
teilung d̄ lon in de vater land. doch soltu nit wenen das ein hei
lig in de himel den andern vñ den fuffen hab wiewol die selb
himelisch stat leiplich ist. als in de buch der tag stat am. xxj. vñ
xxij. vñ doch bei den selben leiplichen dingē sind zūuerston die
geistlichen vñ nit die leiplichen. als daselbst die aufleger spre
chent. wañ zū ein yegliche end der welt werden sunderbar ge
sprochen das die himelisch stat hab drü toz. wañ wir all in de
glaubē der heilig drifaltigkeit werde genomen in die himelisch
glori. vñ die maur der selbē stat hat. xij. gruntfest. das sind die
xij. artickel des glaubens. wañ nach de als sant Pauls spricht
ad Heb. xj. Der glaub ist ein substantz d̄ hoffenden ding. das
ist d̄ himelische güter. vñ in der auflegung des glaubens wirt
die substantz genomen für ein anfang oder für ein gruntfest.
vñ das ein gruntfest ist ein anfang des hauf. wañ durch den
geformirten glauben in d̄ liebe wirt an gefangē die himelisch
seligkeit. als auch in de buch der tagē stat an de. xxj. vñ darinn
waren die. xij. namen d̄ zwelffbotten vñ das lemlin vnser herr
iesu crist. die selbē. xij. artickel. die ein gruntfest ist des glaubens
gesamelt vñ den zwelffboten vñ vns bedeüten das lemlin das
ist cristū. die. vj. von seiner menscheit. die andern. vj. von seiner
gotheit. wie vor stat. Auch wirt gesproche das die namen der
zwelffboten sind verschribē in die gruntfest. wañ sie habē von
ersten geoffenbart was in den. xij. artickeln zū predigē ist. vñ

Das man soll sterbe vmb den glauben xpi . wann aber komen
wirt das do vollkommen ist so wirt aus gelegt was ein teil ist
spricht sant Pauls ad Corinth . xiiij . so wirt dan dem glauben
nach komen das klar gesicht . vn̄ dauō spricht Bonauen . super
lij . sen . di . xxj . die gewonlicheit des glaubens wirt hingenomē
mit der gesicht d̄ glori von der vollkommenheit wege des liechts .
wan̄ der glaub ist von dē das nit gesehen wirt . auch wirt des
gleichē dort in dē vatterland aus gelegt . die wat d̄ hoffnung d̄
selbē folgt nach ein neūwe wat die auch sicherlich in d̄ gegen
wertigkeit gehabt vn̄ besessen wirt das do gebait ward . wan̄
die hoffnung ist von künfftigē dingē vnd von dē das man nit
hat . aber die lieb wirt nit aus gelegt dort in dē vatterland . sie
wirt auch nit hindan gesetzt sund̄ gantz volbracht . als sant
Pauls spricht . j . Corinth . xiiij . die lieb wirt nimer aus geschni
ten . spricht die glos . weder hie noch dort sellt nichts daruon .
aber etwē vil wirt gesprochen das die kunst dort im vaterland
beleibe vn̄ in etlicher weis nit . daruon wer dent dreu ding ver
merck̄t in der kunst . das ist die gewonlich wat . die niessung . vn̄
die maß . die kunst nach iz gewonlichē wat bleibt dort vn̄ wirt
auch erfüllt . aber nach der niessung wirt sie verwandelt vnd
doch nit hindan gesetzt . aber von der maß wegen so wirt die
kunst schlechtlich aus gelect vn̄ hindan genomen wann ir maß
die ist in der gegenwertigkeit in einē besundern überlauff vnd
nachforschen vn̄ in einer langsamen schlechten begreiffung der
vernunft . vn̄ die wer dent schlechtlich zerūt vn̄ hin dan gesetzt
wan̄ in dē vatterland ist die maß d̄ erkantnuß mit ein schlechē
angesicht von erfüllung wege der ewigē glori . Auch wirt ob
gesprochen das die stat auff fier egē gesetzt ist das ist in eben
gleich seitten . dabei zūerstōn ist die fier angel tugent die sind
ebē gleich . dan̄ als vil etwer starck̄ ist als vil ist er grecht weis
vn̄ messig . vn̄ also herwider . vn̄ die selbē tugent bleiben dort
in dē vatterland . aber doch mit andern wercken wen̄ hie in d̄
welt . wan̄ die gerechtick̄eit nach dē sie ein geangelte tugent ist
dye ist hie ein besunderere gerechtigkeit die den mensche ordnet
zūgeben dē andern was sein ist . vn̄ sunderbar . so ist das werck̄

mit d' hilff den lämer'gē. wann die barmhertzigkeit ist ein teil d'
gerechtigkeit nach dē sie ein angeltugent ist d' klügheit od' weis
heit die ist ei' abflucht von dē verderbē wann sie ordnet das ver
gangē vnd das gegenwertig zu d' fürsichtigkeit des künfftigē
Die sterck ist ein vertragē der laidigung. das ist d' ist sterck ge
heissen d' die laidigung recht vñ volkomen vertregt vñ mit dē
nit vnderleit. die messigkeit ist ein betzwingung d' bösen gelüft
aber die werck d' ietzigē tugent die werdent anders sein in dem
himelischen vatterland wann die rechtigkeit setzt dort hin alle
boßhafftigkeit. die klügheit setzt hin dan all irrsal. die sterck al
le laidigung. vñ die messigkeit alle anfechtung d' gelust. od' an
ders also spricht Nicolaus de lira. das werck d' klügheit ist das
das do selbs kein gut für got gesetzt werd noch das ym nichts
eben gleich. das werck d' sterck ist das etwer got krefftiglich
anhengig sei. das werck d' messigkeit ist das yemant mit sched
liche begern durchlust werde. das werck d' gerechtigkeit ist das
man got vnderthenig vñ gehorsam ist. **Z** Nach dē allen so
merck den spruch Ambrosij den der maister in. iij. sen. meldet. di.
xxxiiij. das alle gab des heiligen geists auch dort beleibent in dē
himelische vaterland. alle gewonliche wat die in dē stand des
hieigen lebens sind die hond nit ein widerspenige wesenlichkeit
die wid' die volkomēheit d' glori ist. vñ darum das die gab des
heilige geists also sind. wann sie all sind in xpo gewesen in dē
die gantz vollait ist d' volkomen seligkeit vñ das gemainlich
von aller menig gehalten wirt das die gab des heilige geists
dort in dē vatterland nit aus geleet werden sund so werdent sie
gantz erfullt. wann die gab d' weisheit wirt dort sein. wie wol
re werck sind bei d' waren erkantnuß. so ist doch sunderbar ir
werck bei dē begern des güten. darum stat ir werck in d' erkant
nuß d' gödliche süßigkeit. wann die selb hebt sich an in d' erkant
nuß vñ wirt volbracht in dē begern. vñ darum heist die weis
heit recht als ein wolsmeckende kunst wann das kosten ein für
nemlich gut ist gar wolsmeckend vñ süß. mit d' gab der versten
digkeit wirt got erkant hie in dē leben mit durch so schē seiner
creatur. aber dort in dē vaterland mit einē schlechten an gesicht

vmb das er dort wirt ploß vñ schlechtlich angesehen. in der gab
 des rats sind zwei ding. das erst das wol er wegen vñ durch-
 forcht werde was des zweifels ist. das and was nach der er-
 forschung das würdiger vñ höher ist. dasselbig ist zuerwellen
 das erst ist nit von de wesen des rats aber wol das ander vnd
 dasselb belebt in de vatterland. als sanctus Thomas spricht.
 die gab des rats ist in den selligē als vil sich die in den heiligen
 teglich lengt d selben erkantnuß die wirt von got erleucht in
 de was sie künden vñ wissen vñ was sie nit wissent das wirt
 auch durchleucht. die gab d sterck die schickt vns von ersten
 wie sich d mensch in de verderbē soll auffrichten. aber zu dem
 andern sunderlich das d mēsch vnuerscheidenlich got anheng
 ig sei. vñ nit allein thū nach d gnügbarkeit vñ vmb das ist sie
 ein geangelte tugent. sund auch nach d vbertreffenlichkeit vñ
 nach de selben werck ist sie nit ein vberige tugent in de vatter-
 land. die gab d kunst leret vns wie wir handlung sollen habē
 vnder den vngelaubigē bösen mensche vnd das geschicht hie
 in de stand. aber dort in de vatterland ist ir niessung zu wissen
 vñ zūbesehen wie sich ein yeglicher zu de andern halt vñ nit zu
 de bösen die nit werdent sein in d himelische stat. sunder zu den
 güte die an de ort in allen dingē eintrechtig sind. aber die gab
 d gütigkeit ist nit allein in de das mā mitleiden hab mit den be-
 trübten. das wirt dort nit sein. aber die gab hat in de himel ein
 besundere begir d gütigkeit vñ der süffigkeit zu allen menschen
 darinn sie beschawet die pildung gottes. vñ nach dem werck
 belebt die gab d gütigkeit dort in ewigē leben vñ in der ersten
 weise nit. die gab d forcht wirt dort nit sein nach d fürsichtig-
 keit des vblen. aber wol von der höchsten erwirdigkeit gottes
 vñ also das d mensch bedenk sein aigne Kleinigkeit. bei d höch-
 sten mayestat. Nun wif das die gab d forcht sind dreü ding
 zūföchtē. eins die pen das sie die fliech. die laidigüg sich dar-
 vor zu hüeten. vñ der höchsten mayestat gantz vnderthenig sei
 ir zūgeben er vñ würdigkeit von des wege ist drifaltige forcht
 die ein forcht ist das sie sunderber anseh die pen vnd die selb
 forcht ist dienstlich oder knechtlich. die ander forcht ist des der
 v ij

ein aug halt zu der pen . aber das ander sunderber helt zu dem vermeiden der laidigung . vnd das ander zu der ere erbieten . vnd die selb forcht heist kuntlich . allso das das ein aug stande zu der flucht das ein mensch von got nit gescheiden werd . aber noch vil höher ist das ander in dem das gott dem herren die ere erbotten werd vor allen dingē . vnd das der mensch nit ab reise von der höchsten mayestat in das bedencken in seiner aigen Kleinheit . vnd die selb niessung die ist gewesen in Cristo . vnd in den heiligen engeln . vnd wirt auch sein in allen heilige vnd nach der selben niessung so beleibt die forcht dort im vatterland vnd nit von der vnderwegen . Zu den yetzigen siben gaben des heiligen geists werdent gesetzt die siben stück der seligkeit . die do gleich hellend den vor geschriben stücken vnd gaben des heiligen geists . als sant Augustin spricht . in sermone domini in monte . also das der ersten gab das ist der gab der forcht sagt gleich die erst seligkeit . das ist die armüt des geists vnd der andern gab der gütigkeit sagt gleich die ander seligkeit das ist mitsamigkeit . vnd allso ist zureden von den andern stücklin der seligkeit . vnd darumb gleich als gesprochen wirt . das die gab des heiligen geistes dort beleibt in dem vatterland nach etlichen wercken allso beleibent auch die seligkeit . wann die armüt des geists ist von der keüschē forcht wegen gottes vnd sücht nit in ir grössere ding mit der hoffart . noch die selb will nit in aufwendigen eren noch reichumb grösser ersehen werden oder mechtig sein mit ergirigkeit oder gütigkeit sunder willigklich vnd gern von ym wirfft das zeitlich vnd schetzet sich vnwürdig das er mit sollichen sachen gemiet wär . vnd nach dem letzten ding ist das gegewürtig stück in dem vatterland . die selb seligkeit die raithet ab mit der forcht von der höchsten mayestat in die erkantnuß seiner aigen Kleinigkeit . die ander seligkeit ist die mitsamkeit die stillt das gemüt das got der herr darinn hersche . die drit ist die klag die do bewainet ir aigen vnd der andern schuld die seufftzet vnd bewainet auch das sie hie von got gescheiden sind . vnd darumb so müß die seligkeit hie beleiben . wann in der seligkeit wirt das wainen ges

vmb das er dort wirt ploß vñ flechtlich angesehen. in der gab
 des rats sind zwei ding. das erst das wol er wegen vñ durch-
 forcht werde was des zweifels ist. das and was nach der er-
 forschung das wideriger vñ höher ist. dasselbig ist zuerwellen
 das erst ist nit von de wesen des rats aber wol das ander vnd
 dasselb beleibt in de vatterland. als sanctus Thomas spricht.
 die gab des rats ist in den selligē als vil sich die in den heiligen
 teglich lengt d selben erkantnuß die wirt von got erleucht in
 de was sie künden vñ wissen vñ was sie nit wissent das wirt
 auch durchleucht. die gab d sterck die schickt vns von ersten
 wie sich d mensch in de ver derbe soll auffrichten. aber zu dem
 andern sunderlich das d mēsch vnuerscheidenlich got anheng
 ig sei. vñ nit allein thu nach d grügsamkeit vñ vmb das ist sie
 ein geangelte tugent. sund auch nach d vbertreffenlicheit vñ
 nach de selben werck ist sie nit ein vberige tugent in de vatter-
 land. die gab d kunst leret vns wie wir handlung sollen habē
 vnder den vngelaubigē bösen mensche vnd das geschicht hie
 in de stand. aber dort in de vatterland ist ir niessung zu wissen
 vñ zubesehen wie sich ein yeglicher zu de andern halt vñ nit zu
 de bösen die nit werdent sein in d himelische stat. sunder zu den
 güte die an de ort in allen dingē eintrechtig sind. aber die gab
 d gütigkeit ist nit allein in de das mā mitleiden hab mit den bez-
 trübten. das wirt dort nit sein. aber die gab hat in de himel ein
 besunderer begir d gütigkeit vñ der süffigkeit zu allen menschen
 darinn sie beschawet die bildung gottes. vñ nach dem werck
 beleibt die gab d gütigkeit dort in ewigē leben vñ in der ersten
 weise nit. die gab d forcht wirt dort nit sein nach d fürsichtig-
 keit des vblen. aber wol von der höchsten erwirdigkeit gottes
 vñ also das d mensch bedencē sein aigne kleinigkeit. bei d höch-
 sten mayestat. Nun wiß das die gab d forcht sind drei ding
 züfdrchtē. eins die pen das sie die fliech. die laidigūg sich dar-
 vor zu hüeten. vñ der höchsten mayestat gantz vnderthenig sei
 ir zugeben er vñ wirdigkeit von des wegē ist drifaltige forcht
 die ein forcht ist das sie sunderber ansech die pen vnd die selb
 forcht ist dienstlich oder knechtlich. die ander forcht ist des der

ein aug halt zu der pen . aber das ander sunderber helt zu dem vermeiden der laidigung . vnd das ander zu der ere erbieten . vnd die selb forcht heist kuntlich . also das das ein aug stande zu der flucht das ein mensch von got nit gescheiden werd . aber noch vil höher ist das ander in dem das gott dem herren die ere erbotten werd vor allen dinge . vnd das der mensch nit ab reise von der höchsten mayestat in das bedencken in seiner aigen Kleinheit . vnd die selb niessung die ist gewesen in Cristo . vnd in den heiligen engeln . vnd wirt auch sein in allen heilige vnd nach der selben niessung so beleibt die forcht dort im vatterland vnd nit von der vnderwegen . Zu den yetzigen sibent gaben des heiligen geists werdent gesetzt die sibent stück der seligkeit . die do gleich hellend den vor geschriben stücken vnd gaben des heiligen geists . als sant Augustin spricht . in sermone domini in monte . also das der ersten gab das ist der gab der forcht sagt gleich die erst seligkeit . das ist die armüt des geists vnd der andern gab der gütigkeit sagt gleich die ander seligkeit das ist mitsamigkeit . vnd also ist zureden von den andern stücklin der seligkeit . vnd darumb gleich als gesprochen wirt . das die gab des heiligen geistes dort beleibt in dem vatterland nach etlichen wercken also beleibent auch die seligkeit . wann die armüt des geists ist von der keüschen forcht wegen gottes vnd sücht nit in ir grössere ding mit der hoffart . noch die selb will nit in aufwendigen eren noch reichumb grösser ersehen werden oder mechtig sein mit ergirigkeit oder gütigkeit sunder willigklich vnd gern von ym wirfft das zeitlich vnd schetzet sich vnwürdig das er mit sollichen sachen gemiet wär . vnd nach dem letzten ding ist das gegewürtig stück in dem vatterland . die selb seligkeit die raithet ab mit der forcht von der höchsten mayestat in die erkantnuß seiner aigen Kleinigkeit . die ander seligkeit ist die mitsamkeit die stilltet das gemüt das got der herr darinn hersche . die drit ist die klage die do bewainet ir aigen vnd der andern schuld die scüfftzet vnd bewainet auch das sie hie von got gescheiden sind . vnd darumb so muß die seligkeit hie beleiben . wann in der seligkeit wirt das wainen ges

mer vnd minder lieb gehebt hond. vnd darinn getreulich vnd
 fleißig gethün habent vnd mannlicher gestritten. Der vierd
 irrsal der ist der die do sprechen das kein mensch das ewig le-
 ben noch das gold noch auch das güldin nit verdiente. sunder
 auch das aus notturfft gegeben wurd das falsch ist. als herr
 Dauid spricht. Einem yeglichen wirt der lon als er verdienet
 hat. Auch stat geschriben in dem büch der tagen an dem .xviij.
 Als vil sich der getziert vnd gefreüt hat in dem gelust. als vil
 gebent dem kumer vnd schmerzen. vnd Deutronomij an dem
 xviii. stat also geschriben. Nach der maß der schuld sol sein die
 maß der schleg. vnd Johannis an dem .xiiij. stat also. In dem
 hauf meins vatters sind vil wonung. Der fünfft irrsal ist der.
 die do satzten das die sel nach der schidung von irem leich-
 nam. müg iren willen ver wandelen vnd ver kōren von einem
 gūten zū einem bösen. vnd also herwiderumb. das gelogen ist
 vnd das brüff bey dem als lang die sel in irem willen mag ver
 wandeln vnd ver kōrn vō einem gūten zū dem bösen oder von
 dem bösen zū dem gūten als lang ist sie in dem stand des streits
 vnd der ritterschafft die hie auff erden gepflegen wirt. aber
 nach dem leben ist die sel an dem end vnd bey dem zil do sie den
 lon oder die pen nimpt darumb sie rechtlich oder vnrechtlich
 gestritten hat. vnd wirt dann sein ausserthalb des stands des
 streits vnd der ritterschafft. vnd darumb so ist der gūt will in
 den gūten bestetiget. vnd der böß in den bösen er stoßt. Vor
 dem selben vbel vns got der herr gerüch vnd behüet. vnd geb
 vns einen gūten willen der ym wol gefellig vnd genām seie.
 vnd bestetige vns dar inne. also das wir mit dem selben aller
 würdigsten herren dem allmechtigen gott vnd mit allen heili-
 gen mügen ewiglichen loben Amen. Amen das ist ein hebra-
 ysch wort. vnd bedeutet dreü ding. Zū dem ersten so wirt das
 wort Amen nämlich genommen. vnd ist ein vngebieglcher
 nam. vnd bedeüt als vil. gott herre dein heiliger nam der wun-
 derlich vnd vnuer kōrt ist. dauon gelesen wirt in dem büch der
 tagen am .iiij. stat also geschriben. Amen der war vnd getreü
 zeüg der ein beginnen ist der creaturen gottes. Vnd darumb

so bit ich vor dir gott meinem herren den allein der nam Amen
bedeutet vnd vorder mit begier vnd gantzem hertzen das du
durch erwidrigkeit des aller heiligsten namens schaffest zu
schreiben meinen namen in das buch der lebendigen mit den
die in dir den heiligen cristenlichen glauben nit verkeret haben
noch yn mit keinerlei irrsal oder sünden nit gemalget noch ver
giffet haben sunder lautter vnd vnuermalget behalten. Herre
den gib waren glauben on irrsal den weg mit den verdienenz
den wercken die stark wol geformiert liebe die nit müg über
wunden werden mit keinerlei widerwertigkeit sunder wol ge
grunt auff diemütigkeit das ich hab ein namen vnder deinen
sünen vnd töchtern der dir kunt sei vnd mit keinem vergessen
ab getilget werde. das bitt ich dich durch deinen heiligen na
men Amen. Zu dem andern so wirt das wort Amen zu wört
lich genomen für war warhafftiglich getreulich vnd vnbe
trieglich als du herre Ihesu Criste den namen in den heiligen
ewangelien oft vñ dich genützet hast als du sprachest wars
lich ich sag euch das von der grössse bestetigung wegen der
warheit das ist dauon das du die war liebe bist vmb lieb vñ
warheit die nimmer betrügt. erman ich dich das sie allweg er
schein in meinem hertzen. Zu de dritten so wirt der nam Amen
für ein wort genomen das als vil gesprochen ist als das ge
geschech oder werd war vnd das gebraucht man am end in
dem gepet. wann die do sprechent Amen das ist geschech das
also in der fürlegung herr got Amen du getreuer zeug der du
bist der anfang vnd das end wan ich mit deiner hilff vnd für
kunfft der gnaden der artickel des glauben die durch dein aller
glaubigisten zwelff botten zu einander in einem simbolum ge
samelt sind bin komen zu der auflegung des zwölfften vnd let
sten artickels. der do ist von der glori der seligen die du deinen
glaubigen on zweifel in dem glauben gebunden bist vnd dar
inn beleibent bis an das end. Das wünsch ich vnd sprich be
gierlich Amen. Noch nit allein Amen zu dem letzten artickel
sunder auch zu ir yeglichem vnd das zu einer bedeutung in
mit gantz für war zu glauben das in yn gemeldet worden ist.

mer vnd minder lieb gehebt hond. vnd darinn getreulich vnd
 fleißig gethün habent vnd mannlicher gestritten. Der fierd
 irrsal der ist der die do sprechen das kein mensch das ewig le-
 ben noch das gold noch auch das güldin nit verdiente. sunder
 auch das aus notturfft gegeben wurd das falsch ist. als herr
 Dauid spricht. Einem yeglichen wirt der lon als er verdienet
 hat. Auch stat geschriben in dem büch der tagen an dem. xviii.
 Als vil sich der getziert vnd gefreüt hat in dem gelust. als vil
 gebent dem kumer vnd schmerzen. vnd Deutronomij an dem
 xviii. stat also geschriben. Nach der maß der schuld sol sein die
 maß der schleg. vnd Johannis an dem. xiiii. stat also. In dem
 hauf meins vatters sind vil wonung. Der fünfft irrsal ist der.
 die do satzten das die sel nach der schidung von irem leich-
 nam. müg iren willen ver wandelen vnd verkören von einem
 güten zü einem bösen. vnd also herwiderumb. das gelogen ist
 vnd das brüff bey dem als lang die sel in irem willen mag ver
 wandeln vnd verkörn vō einem güten zü dem bösen oder von
 dem bösen zü dem güten als lang ist sie in dem stand des streits
 vnd der ritterschafft die hie auff erden gepflegen wirt. aber
 nach dem leben ist die sel an dem end vnd bey dem zil do sie den
 lon oder die pen nimpt darumb sie rechtlich oder vnrechtlich
 gestritten hat. vnd wirt dann sein auffserhalb des stands des
 streits vnd der ritterschafft. vnd darumb so ist der güet will in
 den güten bestetiget. vnd der böß in den bösen er stockt. Vor
 dem selben vbel vns got der herr gerüch vnd behüet. vnd geb
 vns einen güten willen der ym wol gefellig vnd genäm sei.
 vnd bestetige vns dar inne. also das wir mit dem selben aller
 würdigsten herren dem allmechtigen gott vnd mit allen heiliz
 gen mügen ewiglichen loben Amen. Amen das ist ein hebra-
 ysch wort. vnd bedüet drey ding. Zü dem ersten so wirt das
 wort Amen nämlich genommen. vnd ist ein vngebiegliger
 nam. vnd bedüet als vil. gott herre dein heiliger nam der wun-
 derlich vnd vnuerkört ist. dauon gelesen wirt in dem büch der
 tagen am. iij. stat also geschriben. Amen der war vnd getreü
 zeüg der ein beginnen ist der creaturen gottes. Vnd darumb

so bit ich vor dir gott meinem herren den allein der nam Amen
bedeutet vnd vorder mit begier vnd gantzem hertzen das du
durch erwidrigkeit des aller heiligisten namens schaffest zu
schreiben meinen namen in das buch der lebendigen mit den
die in dir den heiligen cristenlichen glauben mit verkeit haben
noch yn mit keinerlei irrsal oder sünden mit gemalget noch ver
giffet haben sunder lautter vnd vnuermalget behalten. Herre
den gib waren glauben on irrsal den weg mit den verdienent
den wercken die starck wol geformiert liebe die nit müg über
wunden werden mit keinerlei widerwertigkeit sunder wol ges
grunt auff diemütigkeit das ich hab ein namen vnder deinem
sünen vnd töchtern der dir kunt sei vnd mit keinem vergessen
ab getilget werde das bitt ich dich durch deinen heiligen na
men Amen. Zu dem andern so wirt das wort Amen zuwört
lich genomen fürwar warhafftiglich getreulich vnd vnbe
triegliche als du herre Ihesu Criste den namen in den heiligen
ewangelien oft vn dick genütze hast als du sprache war
lich ich sag euch das von der grösser bestetigung wegen der
warheit das ist dauon das du die war liebe bist vmb lieb vn
warheit die nimer betrügt. erman ich dich das sie allweg er
schein in meinem hertzen. Zu de dritten so wirt der nam Amen
für ein wort genomen das als vil gesprochen ist als das ge
geschch oder werd war vnd das gebraucht man am end in
dem gepet wann die do sprechent Amen das ist geschch das
also in der fürlegung herr got Amen du getreuer zeug der du
bist der anfang vnd das end wan ich mit deiner hilff vnd für
kunfft der gnaden der artickel des glauben die durch dein aller
glaubigsten zwelffbotten zu einander in einem symbolum ge
sammelt sind bin komen zu der auflegung des zwölfften vnd let
sten artickels der do ist von der glori der seligen die du deinen
gelaubigen on zweifel in dem glauben gebunden bist vnd dar
inn beleibent bis an das end. Das wünsch ich vnd sprich be
gierlich Amen. Noch nit allein Amen zu dem letzten artickel
sunder auch zu ir yeglichem vnd das zu einer bedeutung in
mir gantz fürwar zuglauben das in yn gemeldet worden ist.

Darumb herre Ihesu Criste ich bitt dich gar fleißigklich das du mich fürest in deinen heiligen glauben vnd darinn behüet werde züerwerbung vergebung aller meiner sünd. Vnd in der vstend den teil der selligē vñ das ewig leben. das ich von fer in dem vngewitter des möres halten hab vñ mit dem glauben grüß vnd beschaw vnd dar zü seüfftze von dem tal der armüt darumb ich gearbeitet hab das wir etwen durch dein barmhertzigkeit dar zü getzimb zekomen. O herre gott mein aigne züflucht du hast mein von iugent auff gehüet vnd den heiligē glauben geben. bring mich zü dir vñ behüet mich vor dem vnweg des irrsals das ich nit fall in die tropffen der togenlichen dunnen. Regie vnd lör mein schiff mit deiner rechten hand. das ich nit verderb in den flütten des grimigen möres. sunder alle schedliche verderblichkeit meiden vnd entpfliehen sei. Vnd nach disem armen leben gelait werde zü der porten vnd gestat des himelischen vatterlands. Amen.

Erklärung der zwölff Artikel des Cristenlichen gelaubens. mit nutzperlichen fragen. wol dienend einem yeglichen menschen zü seinem selligen heile. Selliglichen vollendet zü Vlm. durch Cünraden Dinckmüt. In dem iare als man zalt von der gebürt vnser herren Ihesu Cristi. Tausent siechundert vnd im fünffundachtzigisten. An dem ainundtzwaintzigisten tage des Augsten.

Deo Gratias.



Faint, illegible text, possibly bleed-through from the reverse side of the page.

Handwritten signature or name

Faint, illegible text, possibly bleed-through from the reverse side of the page.

Handwritten signature or name

Handwritten signature or name

Handwritten signature or name

Vind des fovez

